

ଲୁକ୍ ଲିଖିତ ସୁସମାଚାର ଲୁକ୍ ଗୁଆରକ୍ଲେ ନିମାଣ୍ଡା ସାମୁଆଁ ଲୁକ୍ ବଇ ବିସୟରେ ଉଠିକ୍ଲିଗ୍ ସାମୁଆଁ

ଲୁକ୍ ଗୁଆର ବକ୍ଲେ ବ୍ଲାଲିର୍ ତିଙ୍ଗକେ ଜିସୁ କ୍ରିଷ୍ଟନେ ଜିବନ୍‌କେ ବର୍ଣ୍ଣନା ତିଙ୍ଗକ୍ଲେ ମିନେ ନିଅମ୍ ଅକ୍ଲିଗ୍ ବଇଇଂବାନ୍ ମୁଇଙ୍ଗ୍ । ଆତେନ୍‌ଇଂ ବାନ୍ ସାପାକେ “ବ୍ଲାଲିର୍” ବାସଙ୍ଗ୍ ମ୍ୟାକେ ଜାନେ ଅରତ “ନିମାଣ୍ଡା ବ୍ଲାଲିର୍ ।” ଆତେନ୍‌ଇଂ ଜିସୁନେ ଗୁଏକ୍ଲେ ଇଡିଙ୍ଗ୍ ମାଡିଡି ମାରକ୍ ଲୁକ୍ ଆରି ଜହନ୍‌ବାନ୍ ଗୁଆର ବକେ । ଲୁକ୍ ଜିସୁନେ ଜିବନ୍ ଗଟ୍‌ନା ଗୁଆରକ୍ଲେ ଏଡେ ଜିସୁନେ ଗୁଏକ୍ଲେ ଆରି ମ୍ପୁକ୍ଲେ ଇଡିଂ ମେଈଙ୍ଗ୍‌ନେ ସିସ୍‌ଇଂ ଆଣ୍ଡିନେ ବିସୟ ସାପା ତିଙ୍ଗ୍‌ଆରକେ ଆତେନ୍ ଡିଗ୍ ଗୁଆର ବକେ ଆତେନ୍ ବଇକେ ଜିସୁ ବେବକ୍ଲେ ସିସ୍‌ଇଂ‌ନେ ସ୍ଲେନେ ବର୍ଣ୍ଣନା ତାର୍‌ତେ ବାସଙ୍ଗ୍ ମ୍ୟାକେ । ଲୁକ୍ ବଇ ଉଡିବେଲା ଆରି ଆଣ୍ଡିଅରିଆ ଗୁଆର ବକେ ଆତେନ୍ ବିସୟରେ ଟିକ୍‌ନା ଜାଣ୍ଡେ ଡିଗ୍ ଆମ୍ୟା ଶ୍ଟ୍ରୁମାତର୍ ଉଡିରୁଆ ପଣ୍ଡିଡିଇଂ ରାଜି ତିଙ୍ଗ୍‌ମ୍ୟାକେ ଜେ ଆକେନ୍ ତିଂଲେଃଏ ଜିସୁ କିସ୍‌ଟନେ ଜନମ୍‌ନେ ଞ୍ଜିକ୍‌ଡି ଗୁଆ ମୁଆଁ ଇଡିଙ୍ଗ୍ ଗୁଆର ବକେ ।

ଗୁଆରଣ୍ଡେ ତିଙ୍ଗ୍‌ଡିଙ୍ଗ୍‌କେ ଲୁକ୍ ଜାଣ୍ଡେ କି ମେଁ ଗଦାର୍ ଲେଃଗେ । ମେଁନେ ଗୁଆରକ୍ଲେ ସେଲି ଆରି ବାସା ବେବଆର୍ ଦର୍‌ସେ ଜେ ମେଁ ମୁଇଙ୍ଗ୍ ଞ୍ଜାନ୍ ରେମୁଆଁ ଲେଃଗେ । ଜିସୁନେ ଜିବନ୍‌ନେ ଗଟ୍‌ନାଇଂ ଗଟେଃଝେକ୍ଲେ ସଜେତେ ଆଃଜାର୍‌ତେ ଟିକ୍ ବର୍ଣ୍ଣନା ତିଙ୍ଗ୍‌ନେ ଚାଏଁମ୍ୟାକେ ଜେଡିକି ବିନ୍‌ରେଇଂ ଆତେନ୍ ପଡେତେ ବୁଦି ବଆରଏ ୧:୧-୩ । ମେଁ ମୁଇଙ୍ଗ୍ ଜିହୁଦି ଜାତି ଆଲେଃଗେ ଶ୍ଟ୍ରୁକୁଲସିୟ ୪:୧୦-୧୪ ଆରି ମେଁ ଦେକ୍‌ରକମ୍ ସୁଗୁଆ ଗୁଆର ବଗେ ।

ଯିଉଦି ଶ୍ଟ୍ରୁଣ୍ଡେ ବୁଜେ ଯାଆରକେ । ଆତେନ୍ ଯିଉଦି ନିୟମ୍‌ଇଂ ବର୍ଣ୍ଣନା ତିଙ୍ଗ୍‌ନେବାନ୍ ଆକେନ୍ ନେନେ ନିମାଣ୍ଡା କିକେ ନେଡିଙ୍ଗ୍‌କେ ୧:୮ ।

ଲୁକ୍ ଗୁଆରକ୍ଲେ ବ୍ଲାଲିର୍ ମାଡିଉ ଆରି ମାରକ ବଇ ଏଡେ ପାକା ପାକି ସମାନ୍ ଲେଖକେ ଡାଗ୍ଲା ମେଇଂ ସମାନ୍ ବିସୟ ବାବ୍ରେ ବର୍ଣ୍ଣନା ଡିଙ୍ଗମ୍ୟାକେ । ଙ୍କିଲିଗ୍ ବଇବାନ୍ ଲୁକ୍ ଦୁବନ୍‌ଶ୍ଟ୍ରେ ଜହନ୍‌ନେ ଜନମ୍ ବିସୟରେ ନିମାଣ୍ଡା ବାବେ ଆଃସୁଏ ଡିଙ୍ଗକେ । ଆରି ଲୁକ୍ ପାରତନା ଆଡାଡ୍ରା ଜାବର୍ ଦିଆନ୍ ବିମ୍ୟାକେ ୩:୨୧; ୫:୧୭; ୬:୧୨; ୧୧:୧-୧୨; ୨୨:୩୨ ଆରି ମେଁ ଦୟା ଆଡାଡ୍ରା ଡିଗ୍ ଦିଆନ୍ ବିମ୍ୟାକେ ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

ସାସ୍ତ୍ର ବିତ୍ରେ ଲେଖକେ ସାମୁଆଁଇଂ

- ୧. ଲୁକ୍ ବ୍ଲାଲିର୍‌ନେ ମୁଲ୍ ଆରି ଗୁଆରକ୍ଲେ ଇକଟା ବର୍ଣ୍ଣନା ଡିଙ୍ଗମ୍ୟାକେ । ୧:୧-୪
- ୨. ଜିସୁନେ ଜନମ୍ ଆରି ମେଁ ଡିରକମ୍ ସେବାକାମ୍ ଡିଙ୍ଗନ୍‌ସା ଡିଆର୍ ଡିଙ୍ଗକେ । ୧:୫; ୨:୧୩
- ୩. ଜିସୁ ସ୍ନେକ୍ଲେ ସାପା ସଡ୍ ବାବ୍ରେ ମେଁ ଡିଙ୍ଗବକ୍ଲେ ଇରିଆଡୁଗ୍ କାମ୍ ଆରି ମେଁନେ ଜ୍ଞାନ୍ ବିସୟରେ ବାସଙ୍ଗ୍ ମ୍ୟାକେ ଏନ୍ ଡିଙ୍ଗଡିଙ୍ଗକେ ବ୍ଲାଲିର୍‌ନେ ମ୍ଲା ବଇ । ୪:୧୪; ୨୧:୩୮
- ୪. ସାରାସାରି ଇଡିଙ୍ଗ୍ ମ୍ଲାକ୍ଲିଗ୍ ଅଦ୍ୟାୟନ୍ନିଆ ଜିସୁ ଡିରକମ୍ ଗୁଏକେ ଆମେକେ ଡିରକମ୍ ଆଡି ଆରକେ ଆରି ଗୁଏକ୍ଲେ ବାନ୍ ଡଡିଆକେ ଅଦ୍ୟାୟ । ୨୨:୨୩-୨୪

ଜିସୁନେ ଜିବନ୍ ବିସୟରେ ଲୁକ୍ ଗୁଆରବକେ

^୧ ମ୍ଲାରେ ଥୁୟୋଫିଲସ୍ ।

ନେନେ ବାନ୍ ମେଃନେ ମେଃନେ ଗଟେ ଲେଖକେ ମେଁନେ ଗଟ୍‌ନାଇଂ ଗୁଆରନ୍‌ସା ବ୍ଲୁଏ ଜିଆ ଜିଆ ଚେସ୍‌ଟା ଡିଙ୍ଗ୍ ଡିଙ୍ଗକେ । ^୨ ଆରାମ୍ ବାନ୍ ଆକେନ୍ ସାପା ଗଟ୍‌ନା କେଲେଖକ୍ଲେ ରେମୁଆଁଇଂ ଡିରକମ୍ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍ ଆରଗେ ଆଡେନ୍ ଇସାବ୍ରେ ଗୁଆର୍ ବଆରକେ । ^୩ ତେସା ଅ ମାପୁ ଥୁୟୋଫିଲସ୍, ନେଙ୍ଗ୍ ଜତନ୍ ବାବ୍ରେ ପର୍‌ଡୁମ୍ ବାନ୍ ଏନ୍ ସାପା ବିସୟ ଦ୍ୟାନ୍ ଡିଂମ୍‌ଲା ପେନେ ଡାଗ୍ରା ଏନ୍ ମୁଇଂ ନିୟମ୍ ବାବ୍ରେ ଗୁଆର୍ ନସା ଟିକ୍ ମନେ ଶ୍ରିଙ୍ଗକେ । ^୪ ଆକେନ୍ ସମ୍‌କରେ ନାନେ ଆଣ୍ଡିନେ ସାପା ସାମୁଆଁ

ଗିଆନ୍ ବାଚେ । ମୈନେ ସରତେ ସତ୍ ତିରକମ୍ ବାୟାଏ ଆତେନ୍‌ସା ନେଙ୍ଗ୍ ଆକେନ୍ ଗୁଆର୍ ଶ୍ରୁଙ୍ଗକେ ।

ଜିଖରିୟ ଆରି ଏଲିଶାବେଥ୍

* ଜିଉଦା ଦେସନେ ଇଃସାଙ୍ଗ୍ ହେରୋଦ୍ ଲେଃକ୍ଲେ ବେଲା ଅବିୟ ଦଲ୍‌ନେ ଜିଖରୀୟ ମିକ୍ଲେ ମୁଇଁ ପୁଜାରି ଲେଃକ୍ଲେ ମୈନେ କୁନେଣ୍ଡେ ହାରୋଣ କୁଲ୍‌ନେ ସେଲାମୁଏ ମୈନେ ମି ଏଲିଶାବେଥ୍ ।^୨ ମେଇଁ ମ୍ବାୟା ପର୍‌ମେସର୍ ତାଗ୍ରା ନିମାଣ୍ଡା ରେମୁଆଁ ଲେଃକ୍ଲେ ମେଇଁ ମ୍ବାୟା ମାପୁନେ ସାପା ଆଦେସ୍ ପାଲନ୍ ଡିଙ୍ଗ୍‌ଆର୍ଡିଂରେ । ମାପୁ ରେମୁଆଁଇଁକେ ପାଲେନ୍‌ସା ବାସଙ୍ଗ୍‌ବକ୍ଲେ ସାପା ସାମୁଆଁ ମେଇଁ ମ୍ବାୟା ପାଲେଡିଙ୍ଗ୍‌ରେ ।^୩ ମାତର୍ ମୈଇଙ୍ଗ୍‌ନେ ମେଃଡିଗ୍ ଗୋ ଗିସିଆ ଆଲେଃକ୍ଲେ ଶ୍ରୁ ଏଲିଶାବେଥ୍ ବାଞ୍ଜିବଏଃ ଲେଃକ୍ଲେ ମ୍ବାୟାନେ ବୟସ୍ ଜବର୍ ଡିଙ୍ଗ୍‌ଝେଲେଃକ୍ଲେ ।

୮ ମେସୁଆ ଜିଖରିୟ ମନ୍ଦିର୍‌ନ୍ନିଆ ଇସପର୍‌ନେ ତାଗ୍ରା ପାରତନା କାମ୍ ତିଂତିଂରେ, ତାଗ୍ରା ଆତାନ୍ ଦିନା ପୁଜାରି କାମ୍ ନ୍‌ସା ମୈନେ ପାଲି ଲେଃକ୍ଲେ ।^୯ ଦୁପ୍ ଆଃମଃ ନ୍‌ସା ପୁଜାରିଇଁ ସାପାବେଲା ମୁଇଙ୍ଗ୍ ପୁଜାରିକେ ବାଚେ ଡିଙ୍ଗ୍‌ରେ । ଆତେନ୍‌ସା ଜିଖରୀୟକେ ବାଚେ ଆର୍‌କେ । ତେଲା ଜିଖରିୟ ମାପୁନେ ମନ୍ଦିର୍ ବିତ୍ରେ ଦୁପ୍ ଆଃମଃ ନ୍‌ସା ଝେକେ ।^{୧୦} ଆତେନ୍ ଦିନା ମୈ ମନ୍ଦିର୍ ବିତ୍ରେ ଗାଚେ ଦୁପ୍ ବିନେ ବେଲା ବାଏରେ ମୁଇଁ ମାଲେ ରେମୁଆଁ ରିସିଂଚେ ମେଇଁ ପାରତନା ଡିଙ୍ଗ୍‌ଆର୍ଡିଙ୍ଗ୍‌ରେ ।

^{୧୧} ଆତେନ୍ ବେଲା ଜିଖରିୟନେ ସେନୁଗ୍ ମାପୁନେ ମୁଇଙ୍ଗ୍ କିତଂ ଦୁଡ୍ ଦର୍ସନ୍ ବିକେ । ମୈ ଦୁପ୍ ବେଦିନେ ଞ୍ଜଙ୍ଗ୍‌ତି ପାକା ତୁଆଁ ଲେଃକ୍ଲେ ।^{୧୨} ଜିଖରୀୟ କିତଙ୍ଗ୍ ଇନି ଦୁଡ୍‌କେ କେକ୍ଲେ ଦାପ୍ରେ ତେରେପେତେ ଆରି ଜବର୍ ବୁଟକେ ।^{୧୩} ମାତର୍ କିତଂ ଦୁଡ୍ ଆମେକେ ବାସଙ୍ଗ୍‌କେ “ଜିଖରୀୟ ! ଆବ୍‌ଟଗେ ନାମଃ ନାନେ ପାରତନା ପର୍‌ମେସର୍ ଅଁ ଲେଃକ୍ଲେ । ନାନେ ନାକୁନେ ଏଲିଶାବେଥ୍ ମୁଇଙ୍ଗ୍ ଜିରବଏଥ୍ ଶ୍ରୁଆ କୁମାଏ । ପେଇଁ ମୈନେ ମି ଜହନ୍ ପେବଏ ।^{୧୪} ନାନେ ଜାବର୍ ସାର୍ଦା ନାଡିଙ୍ଗ୍‌ଏ । ମୈନେ ଜନମ୍ ନ୍‌ସା ଗୁଲେ ରେମୁଆଁ ସାର୍ଦା ଡିଙ୍ଗ୍‌ଏ ।^{୧୫} ମାପୁନ୍‌ସା ଜହନ୍ ମ୍ବା ଡିଗ୍ ଏ । ମୈ ଅଃନା ଡିଙ୍ଗ୍ ଅଙ୍ଗ୍‌ର୍

ରସ୍ ଆରି ସାଗ୍ରା ଆଉଗ୍ ଶୁଦେକ୍‌ରକମ୍ କି ଜନମ୍ ବେଲା ମେଁ ପବିତ୍ର ଆମ୍‌ରେ ବରତି ତିଙ୍‌ଏ । ୧୭ ଜହନ୍ ଗୁଲେ ଇଶ୍ରାୟେଲ ରେମୁଆଁଙ୍କେ ମାପୁନେ ତାଗ୍ରା ଆଣ୍ଠେ ପାଙ୍‌ନ୍‌ସା ସାଇଜ ତିଙ୍‌ଏ । ମାପୁ ମେଁଇଙ୍‌ନେ ପର୍‌ମେସର୍ । ୧୭ ଜହନ୍ ନିଜେ ମାପୁନେ ସେନ୍‌ଗ୍ ଝେଏ । ମେଁ ଏଲୀୟ ରକମ୍ ବପୁ ତିଙ୍‌ଏ । ମେଁ ଏଲୀୟନେ ଆମ୍‌ ବାଏ । ମେଁ ଆବାଡେଇଁ ଆରି ଗଡେଇଁନ୍‌ନିଆବାନ୍ ସାନ୍ତି ଆଃତିଙ୍ । ପର୍‌ମେସର୍‌କେ ଆମାନେ ମ୍ୟାକ୍‌ ଗୁଲେ ରେମୁଆଁଙ୍କେ ଦର୍ମ ରେମୁଆଁଙ୍କେ ମୁଆଃ ଟିକ୍ ଗାଲିପାକା ମେଁ ତୁଙ୍‌ପାଙ୍‌ଏ । ଆରି ମାପୁନେ ପାଙ୍‌ନ୍‌ସା ମେଁ ରେମୁଆଁଙ୍କେ ତିଆର୍ ଆଡିଙ୍‌ଏ ।”

୧୮ ଜିଖରୀୟ କିତଙ୍‌ଇନିନେ ଦୁଡ୍‌କେ ବାଲିରକେ “ନାନେ ମେଃମେଃ ବାସଙ୍‌ନାତିଂକେ, ଆଡେନ୍ ସଡ୍ ତାଗ୍‌ରେ ନେଙ୍‌ ଡିରକମ୍ ମ୍ୟାଏ ? ନେଙ୍‌ ମୁଇଙ୍‌ ତକ୍ରା ରେମୁଆଁ ଆରି ନେଙ୍‌ନେ ନେକ୍‌ନେଃ ଡିଗ୍ ତକ୍‌ ତିଙ୍‌ ଝେଗେ ।”

୧୯ କିତଙ୍‌ଇନିନେ ଦୁଡ୍ ଉତର୍ ବିକେ “ନେଙ୍‌ ଗାବ୍‌ିଏଲ୍ । ନେଙ୍‌ ପର୍‌ମେସର୍‌ନେ ସାମ୍‌ନେ ତୁଆଁ ଲେଃମ୍ୟାକେ । ନାନେ ଏଡେ ବାଲିରବାତା ତିଙ୍‌ସା ଆରି ଏନ୍ ନିମାଣ୍ଡା ସାମୁଆଁ ବିଃନ୍‌ସା ପର୍‌ମେସର୍ ଆନେଙ୍‌କେ ବେବକେ । ୨୦ ଏବେ ଅଁପା ! ନାନେ ନେଙ୍‌ ସାମୁଆଁରେ ବିସ୍‌ବାସ୍ ପେଡିଙ୍‌କେ ଶୁ । ମାତର୍ ତିଲାଡିଗ୍ ବେଲା ପାଙ୍‌ଲା ଏନ୍ ସଡ୍ ତାଗ୍‌ରେ ପାର୍‌ମାନ୍ ତିଙ୍‌ଏ । ଏବେ ପେଇଁ କନ୍‌ ତିଙ୍‌ପେଝେଏ । ଉଡି ଜାକ ଏନ୍ ନ୍‌ସା ଆଗଟେକେ ଆଡେନ୍ ଜାକ ପେଇଁ ବାସଙ୍‌ନେ ବପୁ ଆଃରେଡେ ପେକେ ।”

୨୧ ଆଡେନ୍ ବେଲା ରେମୁଆଁଙ୍କଙ୍ ଜିଖରୀୟକେ ବାଏରେ ଉର୍‌ଲେ ଆର୍‌ଗେ । ମେଇଁ ଇରିଆଡୁଗ୍ ଆର୍‌ଗେ ଜେ ଅଃକେନ୍ ବେଲା ଜାକ ଜିଖରିୟ ମନ୍‌ର ବିତ୍ରେ ମେଁନ୍‌ସା ଅଟ୍‌କେ ଝେଲେଗେ ! ୨୨ ଉଡିବେଲା ଜିଖରିୟ ବାଏରେ ପାଙ୍‌କେ ଆଡେନ୍ ବେଲା ମେଁ ମେଃଡିଗ୍ ସାମୁଆଁ ବାସଙ୍‌ ଯାଆତିଂଗେ ଶୁ । ଆଡେନ୍‌ସା ମେଇଁ ବୁଜେ ଯାଆରକେ ଜେ ମେଁ ମନ୍‌ର ବିତ୍ରେ ମେଃଡିଗ୍ ଦର୍‌ସନ୍ ବାଲେକେ । ମେଁ କନ୍‌ଗୁଲା ଡିଗ୍ ଝେଲେଃଗେ ଆରି ମେଁ ବାଆଃ ମାଝେଡେ ବାସଙ୍‌ ତିଙ୍‌ଗେ ।

୨୩ ଜିଖରୀୟନେ ଜଡନ୍ ସ୍‌ନେ ବେଲା ତାକ୍‌ ଇଡିଙ୍‌ ମେଁ ତୁଆ ଆଣ୍ଠେ ଝେଗେ । ୨୪ ତେନ୍ ଇଡିଂ ଜିଖରୀୟନେ କୁନେଡେ

ଏଲିଶାବେଥ୍ ସର୍ବତେ ଉଠକେ ତେସା ଏଲିଶାବେଥ୍ ତୁଆ ବାଏରେ ମାଲ୍ ଆକେଁ ଜାକ ଆଡାରକେ ଶୁ । ୨୫ ଏଲିଶାବେଥ୍ ବାସଙ୍ଗକେ “କେଲା ସାରାସାରିବେଲା ପର୍ମେସର୍ ଆନେଙ୍ଗକେ ସାଇଜ ଡିଙ୍ଗବକେ । ରେମୁଆଁଇଂନେ ବାନ୍ ନେଙ୍ଗନେ ଗିଆସ ଆଃଡିଙ୍ଗ ନ୍‌ସା ମାପୁ ନେଙ୍ଗ ଆଡାତ୍ରା ସାଃଡିଙ୍ଗକେ ।”

ସେଲା ମରିୟମ୍

୨୬ ଏଲିଶାବେଥ୍‌କେ ଗାଗଡେନେ ଦୁର୍ ଆରକେ କେଲା ଗାଦ୍ରିଏଲ୍ ଦୁଡ୍ ଇସପରନେ ବାନ୍ ଗାଲିଲୀନେ ନାଜରିତ ମ୍ରିକ୍ନେ ଇନିନ୍ନିଆ ମୁଇଙ୍ଗ୍ ସେଲା ଡାଗ୍ରା ବେକେ; ୨୭ ଦାଉଦ୍ ବଂସନେ ଯୋସେଫ୍ ମ୍ରିକ୍ନେ ମୁଇଁ ଛିରେ ଏତେ ମେଁନେ ବିଏ ଡିଙ୍ଗନେ ସାଲିଆ ବଗେ ! ଆତେନ୍ ସେଲାନେ ମ୍ରି ମରିୟମ୍ । ୨୮ କିତଂ ଦୁଡ୍ ଆତେନ୍ ସେଲା ଡାଗ୍ରା ପାଙ୍ଗରେ ବାସଙ୍ଗକେ, “ନାନେ ସାନ୍ତି ଡିଂଲେଃ । ମାପୁ ଆନାକେ ଲିବିସଃ ଡିଂବକେ । ମେଁ ନାଁ ଏତେ ଲେଃକେ ।”

୨୯ ମରିୟମ୍ କିତଂ ଦୁଡ୍‌ନେ ସାମୁଆଁ ଅଁରେ ଚମ୍‌କେ ୱେକେ । ମେଁନେ ଅର୍ତ୍ତ ମେଁନେ ଡିଙ୍ଗୟାଏ ଆତେନ୍ ସାମୁଆଁ ବାବେରେ ମେଁ ଚିନ୍ତାଡିଙ୍ଗକେ । ୩୦ କିତଂ ଦୁଡ୍ ଆମେକେ ବାସଙ୍ଗକେ “ମରିୟମ୍ ! ଆବ୍‌ଗଗେ ନାମଃ । ଡାଗ୍ରା ପର୍ମେସର୍ ନାନେ ଆଡାତ୍ରା ଲିବିସ ଡିଙ୍ଗବକେ । ୩୧ ☆ଆରି କେଲା ନା ଗାଗଡେ ସାରେ ମୁଇଙ୍ଗ୍ ଗଡେଅ ଜନମ୍ ନାଡିଙ୍ଗ୍ ଆରି ମେଁନେ ମ୍ରି ଜିସୁ ନାବିଏ । ୩୨ ମେଁ ମ୍ନାରେ ଡିଙ୍ଗ୍ ଆରି ପର୍ମେସର୍‌ନେ ଉଙ୍ଗଡେ ଡାଗରେ ଉଡ୍ରା ଡିଙ୍ଗ୍; ମାପୁ ଇସପର୍ ଆମେକେ ମେଁଇଙ୍ଗନେ ନ୍ନା ୱାନେ ଦାଉଦ୍‌ନେ ସିଂଆସନ ବିଏ ୩୩ ମେଁ ଜାକୁବନେ କୁଲ୍ ଆଡାତ୍ରା ମାଡାନେ କୁର୍ ଜାକ ସାସନ୍ ଡିଙ୍ଗ୍ ଆରି ମେଁନେ ରାଇଜ୍ ଆଃଡା ଶୁ ।

୩୪ ତେଲା ମରିୟମ୍ ଦୁଡ୍‌କେ ବାସଙ୍ଗକେ ଏନ୍ ଡିରକମ୍ ଡିଙ୍ଗ୍ ? ନେଙ୍ଗ୍ ତ ଛିର୍ବଏ ଏତେ ନ୍ନାମିସୁକେ ଶୁ ।

୩୫ ଦୁଡ୍ ଆମେକେ ଉତର୍ ବିକେ ପବିତ୍ର ଆମ୍ନା ନାଁ ଆଡାତ୍ରା ପାଙ୍ଗ୍ ଆରି ପର୍ମେସର୍‌ନେ ବପୁ ଆନାକେ ଡାଡୁଂପାଙ୍ଗ୍ ଆତେନ୍‌ସା ଜାଣ୍ଟେ ଜନମ୍ ଡିଙ୍ଗ୍ ମେଁ ପବିତ୍ର ଆରି ଇସପରନେ ଉଙ୍ଗଡେ ଡାଗରେ

☆ ୧:୩୧ ୧:୩୧ ମାଡିଉ ୧:୨୧.

ଉତ୍ତା ଡିଙ୍ଗିଏ । ୩୬ ଆରି କେଲା ନାନେ ନିଜର ରେମୁଆଁ ଏଲିଶାବେଥ୍ ଡିଗ୍ ଡକ୍ରିବେଲା ମୁଇଙ୍ଗ୍ ଗଡ଼େଅ ସୁଲୁଏ ବିତ୍ରେ ସାଃଲେଃକେ । ଜେ ବାଞ୍ଜିବଏଃ ତାଗରେ ବାସଙ୍ଗ୍ ମ୍ୟାଃଆରକେ ମେଁନେ ଏକ୍ରେ ତୁର ଆରକେ ଡିଙ୍ଗ୍ଡିଙ୍ଗ୍କେ; ୩୭ ତାଗ୍ଲା ଇସ୍ପରନେ ବାନ୍ ତାରକ୍ରେ ମେଃଡିଗ୍ ସାମୁଆଁ ବପୁଇନ୍ ଆଡିଙ୍ଗ୍ ଶୁ”

୩୮ ମରିୟମ୍ ବାସଙ୍ଗ୍କେ “କେଲାପା ନେଙ୍ଗ୍ ମାପୁନେ ଦାସୀ ନାନେ ଆନେଙ୍ଗ୍କେ ମେଁନେ ନାବାସଙ୍ଗ୍କେ ନେଙ୍ଗ୍ସା ଆଡେନ୍ ଅଁ ଡିଙ୍ଗ୍ଲେ ।” ତେନ୍ ଇଡିଂ କିତଂ ଦୁଡ଼ ମେବାନ୍ ତାରକ୍ରେ ।

ମରିୟମ୍ ଆରି ଜିଖରିୟ୍ ଏଲିଶାବେଥନିଆ ଖେ ଆରକେ

୩୯ ଏନ୍ ବେଲା ମରିୟମ୍ ତଡ଼ିଆରେ କଣ୍ଟା ରାଜିନେ ଏରିଆ ଜିଉଦା ଦେସ୍ନେ ମୁଇଙ୍ଗ୍ ଇନିନ୍ନିଆ ଟାପ୍ନା ଖେକେ । ୪୦ ଆରି ଜିଖରୀୟନେ ତୁଆ ଗାରେ ଏଲିଶାବେଥକେ ସାର୍ଲ ଆରକେ । ୪୧ ଆରି ଏଲିଶାବେଥ୍ ନମସ୍ତାର୍ ଅଁ ନେନେ ଦାପ୍ରେ ଆଡେନ୍ ତାଆଁ ଗଡ଼େଅ ମରିୟମ୍ନେ ସୁଲୁଏ ବିତ୍ରେ ଖାଡ଼େଙ୍ଗ୍ ଖାରେ ତଡ଼ିଆକେ ଆରି ଏଲିଶାବେଥ୍ ପବିତ୍ର ଆମ୍ବା ବାରେ ତଡ଼ିଆକେ ୪୨ ଆରି ଏଲିଶାବେଥ୍ କିରରେ ବାସଙ୍ଗ୍କେ “ନାନେ ସାପା ସେଲାମ୍ସୁବାନ୍ ଜବର୍ ଦନ୍ୟ । ଦନ୍ୟ ନାନେ ଗର୍ବେନେ ଗଡ଼େଅ । ୪୩ ଆରି ନେଙ୍ଗ୍ ମାପୁନେ ଇୟଙ୍ଗ୍ ଜେ ନେଙ୍ଗ୍ ତାଗ୍ଲା ପାଙ୍ଗ୍ ଏ ନେଙ୍ଗ୍ନେ ଏନ୍ ନିମାଣ୍ଟା ବେଲା ଆଣ୍ଟିବାନ୍ ପାଙ୍ଗ୍କେ ? ୪୪ ନେଙ୍ଗ୍ ନାନେ ବାଲିରବାତାନେ ସାମୁଆଁ ଅଁନେ ଦାପ୍ରେ ନେଙ୍ଗ୍ନେ ଗର୍ବେନେ ଗଡ଼େଅ ସାର୍ଦାରେ ଖାଡ଼େଙ୍ଗ୍ ଖାରେ ତଡ଼ିଆକେ । ୪୫ ନାନେ ଦନ୍ୟ । ତାଗ୍ଲା ମାପୁ ଆନାକେ ମେଁନେ ବାସଙ୍ଗ୍ବଗେ ନାନେ ଆଡେନ୍ ବିସ୍ବାସ୍ ଡିଙ୍ଗ୍ନାବ । ଏନ୍ ସାମୁଆଁ ସତେଆ ଗଟେଏ ତାଗ୍ରେ ନାନେ ବିସ୍ବାସ୍ ନାଡିଙ୍ଗ୍କେ ।

ମରିୟମ୍ନେ ଦନ୍ୟବାଦ୍ ଅସ୍ମାର୍

୪୬ ଆଡ଼ବା ମରିୟମ୍ ବାସଙ୍ଗ୍କେ ନେଙ୍ଗ୍ନେ ପାରାନ୍ ମାପୁକେ ପ୍ରସଂସା ଡିଙ୍ଗ୍ ଡିଙ୍ଗ୍କେ । ୪୭ ଆରି ନେଙ୍ଗ୍ନେ ଆମ୍ବା ନେଙ୍ଗ୍ନେ ଉଦାର୍ ଡିଙ୍ଗ୍ଣେ ଇସ୍ପରନ୍ନିଆ ସାର୍ଦା ଆଡିଙ୍ଗ୍ଡିଙ୍ଗ୍କେ ।

- ୪୮ ନେଇଁନେ ମେଁନେ ଜଗ୍ୟ ଶୁମାତର ପରମେସର ନେଇଁ
ସୁଗୁଆ ଅରକିଡ଼ ରେମୁଆଁ ଆଡ଼ାଡ଼ା ଦୟା ଆସୁଏକେ ।
ଏକେବାନ୍ ସାପାରେ ଆନେଇଁକେ ସୁକ୍ ରେମୁଆଁ ଡାଗ୍‌ତେ
ବାସଇଁଆରଏ ।
- ୪୯ ଡାଗ୍ଲା ସାପାଟୁ ବପୁରେ ପରମେସର ନେଇଁସା ମ୍ଲା କାମ୍ ସାପା
ଡିଇଁ ବକେ ।
ମେଁଇଁକେନେ ମ୍ଲି ପବିତ୍ର ।
୫୦ ଜାଣ୍ଡେଇଁ ଆମେକେ ବୁଟ ଆରଏ ।
ମେଁ ଆମେଇଁକେ କାଲାଆଃ ଲିବିସ ଏ ।
- ୫୧ ମେଁ ମେଁନେ ତ୍ରିନେ ବପୁ ଆଃସୁଏ ବକେ ।
ମେଁ ଆକାର୍ ରେମୁଆଁଇଁକେ ଚିନ୍‌ଚଡ଼ର୍ ଆଡିଇଁତେ
ମେଁଇଁକେନେ ସାପା ଉପାୟ ଦଂସ ଆଡିଇଁକେ ।
- ୫୨ ପରମେସର ଇଃସାଈଁକେ ସିଂଆସନ ବୁନ୍ଦେ ଆଜରକେ ।
ଆରି ଗରିବ୍ ରେମୁଆଁଇଁକେ ଆମ୍ଲାଏ ବକେ ।
- ୫୩ ମେଁ କେଡେସ ଲେଃଃକେ ରେମୁଆଁଇଁକେ ଚଇଁନେ ବିବକେ ।
ବାରି ସାଡକାର୍ ରେମୁଆଁଇଁକେ ସରା ତ୍ରିନିଆ ଆଣ୍ଡେ ବିବକେ ।
- ୫୪ ନେନେ ଅଃସେଣ୍ଡେଇଁ ଆଡ଼ାଡ଼ା ମେଁନେ ପାର୍‌ମାନ୍ ମେଁ ରକ୍ୟା
ଡିଂବକେ ବାରି ମେଁନେ ଚାକର୍ ଇଶ୍ରାୟେଲକେ ସାଇଜ
ଡିଂବକେ ।
ମେଁ ଆନେକେ ମେଁନେ ଦୟା ବିବକେ
- ୫୫ ମେଁ ଆନେକେ ତ୍ରା ଜ୍ଞାଇଁକେ ଅରାହାମ୍ ଆରି ମେଁନେ ଗୋ
ଗିସିଆକେ ଜୁଗ୍ ଜୁଗ୍ ଦୟା ଆଃସୁଏନ୍‌ସା ବିବକେ ଅସେନେ
ସାମୁଆଁ ପାଲେ ବଆରକେ ।”
- ୫୬ ଆରି ମରିୟମ୍ ଜି ଆରକେ ଜାକ ଏଲିଶାବେଥ୍ ଡାଗ୍ରା ଲେଃତେ
ଇଡିଇଁ ନିଜେନେ ତୁଆ ଆଣ୍ଡେ ଝିଗ୍‌କେ ।

ଦିକ୍ୟାଣ୍ଡେ ଜହନ୍‌ନେ ଜନମ୍ /

୫୭ ଇଡିଇଁ ଏଲିଶାବେଥ୍‌ନେ ଶୁଆ କୁମାନେ ଦିନା ଡିଇଁ ଝେଗେ ମେଁ
ମୁଇଇଁ ଗଡେଥ୍ ଶୁଆ କୁମାକେ । ୫୮ ଆରି ମେଁନେ ତୁଆ ଡାଗ୍ରାଣ୍ଡେଇଁ
ଆରି ତୁଆଣ୍ଡେଇଁ ଅଁକେ ଜେ ମାପୁ ମେଁ ଆଡ଼ାଡ଼ା ଜବର୍ ଦୟା
ଆସୁଏବକେ । ମେଇଁ ଏଲିଶାବେଥ୍ ସାର୍ଦା ଡିଇଁକେ ।

୫୯ ଗଡ଼େଅନେ ଜନମ୍ ତିଙ୍ଗନେ ମ୍ବା ଦିନା ମେଇଙ୍ଗ୍ ଗଡ଼େଅକେ ପବିତ୍ର ଆଃତିନେ* ପାଙ୍ଗ୍ଆରକେ ଆରି ମେଇଂ ଗଡ଼େଅନେ ମ୍ବି ମେଁନେ ଆବାଡ଼େନେ ମ୍ବି ଇସାବରେ ଜିଖରୀୟ ବିଃନେ ଚାଏଁଆରଡ଼ିଙ୍ଗ୍ଗେ । ୬୦ ମାତର୍ ମେଁ ଇୟାଙ୍ଗ୍ଡେ ବାସଙ୍ଗ୍କେ “ଶୁ ଚୁମ୍ବି ଜହନ୍ ବିଃପା ।”

୬୧ ରେମୁଆଁଇଂ ଏଲିଶାବେଥକେ ବାସଙ୍ଗ୍କେ, “ପେନେ ନିଜରନେ ରେମୁଆଁଇଂନିଆ ଦେକ୍ ସୁଗୁଆ ମ୍ବି ଶୁ ।” ୬୨ ତେନ୍ ଇଡ଼ିଂ ମେଇଂ ମେଁନେ ବାଡ଼େକେ ସାଲିଆକୁକେ “ନାନେ ଏନ୍ ଗଡ଼େଅନେ ମ୍ବି ମେଁନେ ବିଃନେ ଚାଏଁ ନାଡ଼ିଙ୍ଗ୍କେ ?”

୬୩ ଆକେନ୍ ଅଁଚେ ଜିଖରିୟ ଗୁଆରନ୍ସା ଆମେଇଂକେ ମୁଇଙ୍ଗ୍ ଗୁଆରନେ ବାଲା ସାଲିଆଚେ ଆଡ଼ଅରିଆ ଗୁଆର ଆରକେ ମେଁନେ “ମ୍ବି ଯହନ୍ ।” ୬୪ ସାପା ରେମୁଆଁ ଇରିଆତୁଗ୍ ଝେ ଆରଗେ । ତେନ୍ ଇଡ଼ିଂ ଜିଆଃଜିଆଃ ଜିଖରୀୟନେ ତୁମୁଆଃ ରଃଝେଗେ । ମେଁ ବାଲିର୍ ଯାକେ । ମେଁ ପର୍ମେସର୍ନେ ପୁଜା ତିଙ୍ଗନେ ମୁଲେକେ । ୬୫ ମେଁଇଙ୍ଗ୍ନେ ତୁଆ ଡାଗ୍ରାନେ ସାପା ରେମୁଆଁ ବୁଟ୍ ଆରକେ । ଜିଉଦାନେ ସାପା କଣ୍ଡାରାଜିନେ ରେମୁଆଁ ଏନ୍ ସାପା ଗର୍ନା ବିସୟରେ ବାଲିର୍ବାତା ତିଙ୍ଗନେ ମୁଲେକେ । ୬୬ ଏନ୍ ସାମୁଆଁ ଜାଣ୍ଡେଇ ଅଁଆକେ ମେଇଂ ଇରିଆତୁଗ୍ ଝେଆରକେ । ରେମୁଆଁଇଂ ବାବେ ଆରକେ ଜେ “ଏନ୍ ଗଡ଼େଅ ମେଁନେ ତିଙ୍ଗଏ ?” ମାପୁନେ ତ୍ତି ଏନ୍ ଗଡ଼େଅ ଏଡେ ଲେଃକେ ମେଇଂ ଦେକ୍ସୁଗୁଆ ବାବେ ଆରକେ ।

ଜିଖରିୟ ପର୍ମେସର୍ନେ ପୁଜା ତିଂକେ

୬୭ ଆରି ମେଁନେ ଆବାଡ଼େ ଜିଖରୀୟ ପବିତ୍ର ଆମ୍ବାରେ ପୁତ୍ ତିଙ୍ଗ୍ଚେ ତଡ଼ିଆକେ । ଆରି ମେଁ ବବିସଡ଼ ସାମୁଆଁ ବାସଙ୍ଗ୍କେ;

୬୮ “ଇଶ୍ରାୟେଲନେ ମାପୁ ପର୍ମେସର୍ନେ ପ୍ରସଂସା ଅସମାର୍ ସାରପା

ମେଁ ନିଜେନେ ରେମୁଆଁଇଂକେ ସାଇଜ୍ୟ ତିଙ୍ଗ୍ସା ପାଙ୍ଗ୍ଲେକେ ଆରି ଆମେଇଂକେ ମୁକ୍ତି ବିଃନ୍ସା ପାଙ୍ଗ୍ଲେକେ ।

* ୧:୫୯ ୧:୫୯ ପବିତ୍ର ଜିଉଦିଇଂନିଆ ଗଡ଼େଇଂ ଜନମ୍ ତିଙ୍ଗ୍ଲା ମୁଇଂସାନ୍ତା ବିତ୍ତେ ଗଡ଼େଅ ପବିତ୍ର ତିଙ୍ଗନେ ନିଅମ୍ ଲେଃଗେ ।

- ୨୯ ମେଁ ନେନ୍‌ସା ମେଁଇଙ୍ଗ୍‌ନେ ଚାକର୍ ଦାଉଦ୍‌ନେ ବଂସବାନ୍ ମୁଇଙ୍ଗ୍
 ବପୁ ଲେଃକ୍‌କେ ଉଦାର କର୍ତ୍ତାକେ ବିବକେ ।
- ୩୦ ଅସେବାନ୍ ବାସାଚେ ଲେଃମ୍ୟାକ୍‌କେ ନିଜେ ପବିତ୍ର ବାବବାଦିଇଂବାନ୍
 ପରମେସର୍ ଏନ୍ ଡିଙ୍ଗ୍ ତାଗ୍‌ଚେ ବାସଙ୍ଗ୍ ବଗେ ।
- ୩୧ ମେଁ ଆନେକେ ନେନେ ସତୁଇଂନେବାନ୍ ବା ଆନେକେ
 ଇଙ୍ଗ୍‌ଚେ ଡିଙ୍ଗ୍‌ମ୍ୟାଣ୍ଟେକେ ସାପାନେ ତ୍ରିବାନ୍ ଉଦାର ଡିଙ୍ଗ୍
 ବକେ ।
- ୩୨ ମେଁ ନେନେ ଛା ଞ୍ଜାଇଂକେ ଦୟା ଆଃସୁଏଃଏ ତାଗ୍‌ଚେ
 ବାସଙ୍ଗ୍‌ବଗେ ଆରି ମେଁ ମେଁନେ ପବିତ୍ର ନିୟମ୍ ମନେ
 ଡିଙ୍ଗ୍‌ବକେ ।
- ୩୩ ନେଇଂନେ ଆବା ଅବ୍ରାହାମ୍‌ନେ ତାଗ୍ରା ମେଃନେ ପାର୍‌ମାନ୍ ଡିଂବଗେ
 ନିଜର୍ ଆଡେନ୍ ପବିତ୍ର ନିୟମ୍ ମନେ ଛାଗ୍‌ଡିଂକେ ।
- ୩୪ ଜେ ମେଁ ଆନେକେ ନେନେ ସତୁନେ ବପୁବାନ୍ ଆନ୍ତାର୍‌ଏ ।
 ତେଲା ନେ ମାବ୍‌ଚେ ପରମେସର୍‌ନେ ସେବା ଡିଙ୍ଗ୍‌ନେୟାଏ
 ।
- ୩୫ ନେ ଡିରକମ୍ ନିମାଣ୍ଡା ଜିବନ୍ ମେଁନେ ସାମ୍‌ନାନ୍‌ଆ ପବିତ୍ର ବାରି ଦରମ୍
 ଡିଙ୍ଗ୍‌ନେୟାଏ ।
- ୩୬ ଏ ନେଇଂନେ ଗଡେଅ ନାନେ ସାପାବାନ୍ ମ୍ଲା ଇସ୍‌ପର୍‌ନେ
 ମୁଇଙ୍ଗ୍ ବାବବାଦି ରକମ୍ ମ୍ଲ ନାରାକଏ ମାପୁନେ ପାଙ୍ଗ୍‌ନ୍‌ସା
 ରେମୁଆଁଇଂକେ ଆର୍ମେ ଆଡିଙ୍ଗ୍‌ସା ମାପୁନେ ସେନ୍‌ଗ୍ ନା
 ପର୍‌ତୁମ୍ ନାଖେଏ ।
- ୩୭ ପରମେସର୍‌ନେ ରେମୁଆଁଇଂକେ ନାନେ ଆଃମ୍ୟାଃନାବିଏ ଜେ
 ମେଁଇଙ୍ଗ୍‌ନେ ପାପକେ କେମା ଡିଙ୍ଗ୍‌ନାବିଏ ।
 ଆମେଇଂକେ ଉଦାର ନେଡିଙ୍ଗ୍‌ଏ ।
- ୩୮ ଆରି ନେନେ ପଦ୍ ସାନ୍ତି ଗାଲିପାକା ତୁଂପାଙ୍ଗ୍ ନ୍‌ସା ।
 ନେନେ ଇସ୍‌ପର୍‌ନେ ଆଣ୍ଡିନେ ଆଲାଦ୍ ଲିବିସଃ ନ୍‌ସା ପରିତ୍ରାନ୍‌ନେ ସ୍ତ୍ରି
 ନେନେ ଆଡାତ୍ରା ଆଡାର୍ କିଗ୍‌ଏ ।
- ୩୯ ଗୁଏଚେ ବୁଟଚେ ତାଙ୍ଗ୍‌କିକ୍ ବିତ୍ରେ ବାସା ଲେଃକ୍‌କେ ରେମୁଆଁ
 ପରମେସର୍ କିତଂନେ ତାରକିଗ୍ ଏଡେ ସାଇଜ୍ୟ ଡିଙ୍ଗ୍‌ଏ ।
 ମେଁ ଆନେକେ ସାନ୍ତି ଗାଲିପାକା ଖାତୁଂଖେଏ ।”

୮୦ ଆରି ଗଡ଼େଅ ମ୍ନାରେ ଆମ୍ଭାରେ ବପୁ ଡିଙ୍ଗ୍‌ନେ ଲାଗେକେ ଆରି ଇସ୍ରାଏଲ୍ ତାଗ୍ରା ଉତ୍ରା ଆଡିଙ୍ଗ୍ ଜାକ ରେମୁଆଁ ଶୁନେ ଜାଗାନ୍ନିଆ ଲେଖଗେ ।

୨

ଜିସୁନେ ଜନମ୍

(ମାତିଉ ୧:୧୮-୨୫)

୧ ଆଡେନ୍ ବେଲା ରୋମ୍ ରାଜ୍ୟନେ ମ୍ନାଈଃସାଙ୍ଗ୍ ଅଗଣ୍ଟସ୍ କାଇସର ବାନ୍ ଦେସ୍‌ନେ ସାପା ରେମୁଆଁଈନେ ମ୍ନି ଆଗୁଆର୍ ନ୍‌ସା ବାସଙ୍ଗ୍ ଅଲେଙ୍ଗ୍ ଆର୍‌କେ । ୨ ସିରିଆନେ ସାସନ୍ ଡିଙ୍ଗ୍‌ଶ୍ଟେ କ୍ରିରୀଣୀୟନେ ବେଲା ସେନ୍‌ଗ୍ ଏନ୍ ମ୍ନି ଆଗୁଆର୍ ବଗେ । ୩ ଆଡେନ୍‌ସା ସାପାରେ ମ୍ନି ଆଗୁଆର୍ ନ୍‌ସା ନିଜର୍ ନିଜର୍ ସହର ନ୍ନିଆ ଝେଆର୍‌କେ ।

୪ ଆରି ଯୋସେଫ୍ ଡିଗ୍ ମ୍ନି ଆଗୁଆର୍ ନ୍‌ସା ମରିୟମ୍ ଏଡେ ଗାଲିଲୀନେ ନାଜରିତ ସହର୍‌ବାନ୍ ଜିଉଦା ପ୍ରଦେସ୍‌ନେ ବେଥ୍‌ଲେହିମ୍ ମ୍ନିକ୍ଲେ ଦାଉଦନେ ସହର୍‌ନ୍ନିଆ ଝେକେ ତାଗ୍ଲା ମେଁ ଦାଉଦନେ କୁଲ୍ ଆରି କୁଲ୍‌ନେ ରେମୁଆଁ ଲେଖକେ । ୫ ଯସେପ୍ ଏଡେ ମରିୟମ୍‌ନେ ବିଏନେ ସାଲିଆ ବଗେ ଆରି ମେଁ ସର୍‌ଡେ ଉଠ ଲେଖଗେ । ୬ ମେଇଙ୍ଗ୍ ଆଡେନ୍ ଜାଗାନ୍ନିଆ ଲେଖକ୍ଲେ ବେଲା ମେଁନେ ଶ୍ରିଆକୁମାନେ ବେଲା ଡିଙ୍ଗ୍ ଝେଗେ । ୭ ଆରି ମେଁ ଜିର୍‌ବଃଅ ଜନମ୍ ବିଃକେ ଆରି ଆମେକେ ପାଟାଏ ଏଃଡେ ଆଃକୁଇଡେ ସାଲାତ୍ୟା କୁଣ୍ଡୁଅରିଆ ଆଃଡୁଲେଗ୍ ଆର୍‌କେ ତାଗ୍ଲା ବାସା ନ୍‌ସା ମେଇଠ ନ୍‌ସା ଜାଗା ଆଲେଖଗେ ଶ୍ରି ।

ମେଣ୍ଡାତୁର୍ତ୍ତ୍ୟାରେ ଜିସୁନେ ଜନମ୍ କବର୍ ବାକେ

୮ ଆଡେନ୍ ଟାନ୍‌ନିଆ ଉଡିରୁଆ ମେଣ୍ଡା ତୁର୍ତ୍ତ୍ୟାରେ ପାଦା ଲେଖଡେ ମିଡିଗ୍‌ବଃ ମେଇଠନେ ରାସି ଗିମିମେଣ୍ଡା ଉର୍ ଡିଙ୍ଗ୍‌ଆକେ । ୯ ମାପୁନେ ମୁଇଠ ଦୁଡ୍ ମେଇଠ ତାଗ୍ରା ପାକେ ଆରି ମାପୁନେ ଗୌରବ୍‌ନେ ତାରାସ୍ ମେଇଠ ପିଡୁର୍‌ପାକା ଜାକ ତାର୍‌କିଗ୍ ଝେଗେ ଆରି ମେଇଠ ତାରାସ୍ କେଡେ ବୁଟ୍ ଝେଏ ଆର୍‌ଗେ । ୧୦ ଆଡେନ୍ ଦୁଡ୍ ଆମେଇଠକେ ବାସଙ୍ଗ୍‌କେ “ଆବ୍‌ଟଗେ ନାମଃ; କେଲା ନେଙ୍ଗ୍ ସାପା ରେମୁଆଁକେ ମାଲେ ସାଦା ଡିଙ୍ଗ୍‌ନ୍‌ସା ନିମାଣ୍ଡୁନେ କବର୍ ଆଃଅଁ ଶ୍ରିଙ୍ଗ୍‌କେ । ୧୧ ତାଗ୍ଲା

ଏକେ ଦାଉଦନେ ସହର୍ନିଆ ପେନ୍‌ସା ପାରାନ୍ ଆମ୍ବୁଣ୍ଡେ ଜନମ୍ ଡିଙ୍ଗ୍ ଲେଃ ମେଁ କିସ୍ତ ମାପୁ । ୧୨ ଆରି ପେନ୍‌ସା ଆକେନ୍ ଚିନା ରକମ୍ ଡିଙ୍ଗ୍‌ଏ ପେ ସାପାରେ ମୁଇଁ ଗଡ଼େଅକେ ପାଟାଲନ୍ନିଆ କୁଇଚେ ସାଲାତ୍ୟା କୁଣ୍ଡୁଅରିଆ ତୁଲେଗ୍ ଲେକ୍ସେ ପେକେଏ ।”

୧୩ ଆରି ଉଲୁସ୍ତେ ଦୁଡ଼ଇଁ ଏତେ କିତଂନେ ଗୁଲେ ଦୁଡ଼ ମାନ୍ଦାଇଁ ବୁନ୍ଦେ ଜାରଚେ ଇସ୍‌ପର୍‌ନେ ଅସ୍‌ମାର୍ ସାର୍‌ଚେ ବାସଙ୍ଗକେ

୧୪ ସାପାରୁ କିତଂନିଆ ଇସ୍‌ପର୍‌ନେ ମଇମା,

ଆରି ମସ୍ତପୁର ମେଁନେ ସାର୍ଦା ଆରି ରେମୁଆଁଇଁ ଡାଗ୍ରା ସାନ୍ତି ଡିଂଲେଃ ।

୧୫ ଦୁଡ଼ଇଁ ମେଇଙ୍ଗନେ ବାନ୍ କିତଙ୍ଗଇନି ନିଆ ଝେକ୍ସେ ଇଡ଼ିଙ୍ଗ୍ ମେଣ୍ଡା ତୁରତ୍ୟାରେଇଁ ମେଇଂମେଇଁ ବିଡ୍ରେ ଅବାଲିର୍‌ଅବାତା ଡିଙ୍ଗ୍‌ଆର୍‌କେ ଏଃଲ୍ୟା ନେ ବେଥ୍‌ଲେହିମ ଜାକ ଝେଚେ ମାପୁ ଆନେକେ ଆଣ୍ଡିନେ ଗଟେକ୍ସେ ଆଃଅଁକେ ଆତେନ୍ ନେକେ ।

୧୬ ଆଡ଼ଅରିଆ ମେଇଁ ଟାପନା ଝେଚେ ତୁରଚେ ମରିୟମ୍ ଆରି ଯୋସେଫ୍ କିକେ ଅବାଆର୍‌କେ ଆରି ସାଲାତ୍ୟା କୁଣ୍ଡୁଅରିଆ ଗଡ଼େଅକେ ଆଃତୁଲେଗ୍ ବକ୍ସେ କେଆର୍‌କେ । ୧୭ ମେଇଁ ଆକେନ୍ କେଚେ ଆତେନ୍ ଗଡ଼େଅକେ ବିସୟରେ ଆମେଇଁକେ ଦୁଡ଼ ମେଁନେ ସାମୁଆଁ ବାଲିର୍ ବଗେ ଆତେନ୍ ମେଁ ବିନ୍ ରେମୁଆଁ ଆମ୍ୟାକେ ।

୧୮ ଆରି ଉଡ଼ି ରେମୁଆଁ ମେଣ୍ଡାତୁର୍ତ୍ୟାରେ ବାନ୍ ଆତେନ୍ ସାପା ସାମୁଆଁ ଅଁ ଆର୍‌ଏ କିକେ ମେଇଁ ସାପାମାନ୍ଦା ଆଡ଼ଅରିଆ କାବା ଡିଙ୍ଗ୍‌ଆର୍‌କେ । ୧୯ ଏନ୍ ସାପା ଗଟନା ମରିୟମ୍‌ନେ ମନ୍‌ନିଆ କାଲାଆଃ ନସା ଲେଃଝେଗେ ବାରି ଏନ୍ ସମ୍‌କର୍‌ନିଆ ମେଁ ମାଲେ ଚିନ୍ତା ଡିଙ୍ଗ୍‌ଚେ ଲେଃଗେ । ୨୦ ମେଣ୍ଡା ବିଃଚଙ୍ଗରେଇଁ ମେଃନେ ସାପା ଅଁଲେଃଆର୍‌କେ ବାରି କେ ଲେଃଆର୍‌କେ, ଆତେନ୍ ସାପା ବିସୟ ନସା ଇସ୍‌ପର୍‌କେ ଦନ୍‌ସାଦ୍ ଡିଙ୍ଗ୍ ଡିଙ୍ଗ୍ ଆଣ୍ଡେ ଆର୍‌କେ । ଦୁଡ଼ଇଁ ବାସଙ୍ଗନେ ଅନୁସାରେ ଚିକ୍ ସାପା ଗଟେ ଲେଃକେ ଡାଗ୍‌ଚେ ମେଇଁ ମ୍ୟା ଆର୍‌କେ ।

ଜିସୁକେ ମ୍ରି ବିନେ

୨୧ ☆ମୁଇଁ ସାନ୍ତା ଇଡ଼ିଙ୍ଗ ଗଡ଼େଅନେ ପବିତ୍ର ଡିଙ୍ଗନେ ବେଲା ମେଁନେ ମ୍ରି ଜିସୁ ବିଃଆରକେ । ମେଁ ଗାଗଡ଼େ ଡିଙ୍ଗକ୍ଲେ ସେନୁଗ୍ କିତଂ ଦୁଡ଼ନେବାନ୍ ମେଁନେ ଏନ୍ ମ୍ରି ବିବ ଆରଗେ ।

ମନ୍ଦିରନ୍ନିଆ ଜିସୁକେ ସରପେ ବିଆରକେ

୨୨ ଇଡ଼ିଙ୍ଗ ଉଡ଼ିବେଲା ମୋଶାନେ ସାମୁଆଁ ସୁଗୁଆ ମେଇଁ ପରଚଲ୍ ମାଡ଼ିଙ୍ଗନେ ବେଲା ସମାନ୍ । ମେଇଁ ମାପୁରୁନେ ଉଦେସରେ ଗଡ଼େଅକେ ଅପେଝନ୍‌ସା ଜିରୁସାଲାମ୍ ପାକା ହୁଁଝେଆରକେ । ୨୩ ଆରି ତିଗ୍ ମାପୁନେ ସାସୁରନ୍ନିଆ ଗୁଆରବକେ, ହୁଆ ବିତ୍ରେନେ ପରହୁମ୍ ଗଡ଼େଅ ଜନମ୍ ଡିଙ୍ଗଲା ମେଁ ମାପୁନ୍ନିଆ ପବିତ୍ର ବଲି ବିଃ ପଡ଼େଏ ୨୪ ମାପୁନେ ନିୟମ୍‌ରେ ଆରି ଗୁଆର ବକେ; “ଆନାକେ ମ୍ବାକ୍ଲିଗ୍ କୁକୁରପିଗ୍ ଆରି ମ୍ବାକ୍ଲିଗ୍ ପରୁଆ ବଲି ବିଃନେ ପଡ଼େଏ ।” ଆଡେନ୍‌ସା ଆକେନ୍ ନିଅମ୍ ଇସାବରେ ବଲିପୁଜା ବିଃନ୍‌ସା ଯୋସେଫ୍ ଆରି ମରିୟମ୍ ଯିରୁଶାଲାମ୍ ଝେ ଆରକେ ।

୨୫ ଆରି କେଲା ଯିରୁଶାଲାମ୍‌ନ୍ନିଆ ଶିମିୟୋନ୍ ମ୍ରିକ୍ଲେ ମୁଇଁଜା ଦର୍ମ ଡିଙ୍ଗ୍‌ଣ୍ଡେ ଆରି ବକ୍ତ ରେମୁଆଁ ଲେଃକେ ମେଁ ଇଶ୍ରାୟେଲ ଉଦାର ଡିଙ୍ଗ୍‌ଣ୍ଡେକେ ଉର୍ ଲେଃଆରଗେ ବାରି ପବିତ୍ର ଆମ୍ବା ମେଁ ତାଗ୍ଲା ଲେଃଗେ । ୨୬ ମାପୁନେ ଆଦେସ୍ ଅନୁସାରେ ମସାହାନେ ନ୍ତାନେ ଜାକ ମେଁ ଆଗୁଏଃ ଶୁ ହୁଡାଗ୍‌ଚେ ପବିତ୍ର ଆମ୍ବାନେବାନ୍ ଡିଲାଡିଗ୍ ବିସବାସ୍ ବାଲେଃଆରଗେ । ୨୭ ଆରି ମେଁ ପବିତ୍ର ଆମ୍ବାରେ ପୁତ ଡିଙ୍ଗ୍‌ଚେ ମନ୍ଦିରନ୍ନିଆ ପାଙ୍ଗକେ ଆରି ଗଡ଼େଅ ଜିସୁନେ ବା ଡିୟାଇଁ ଉଡ଼ିବେଲା ମେଁନେ ବିସୟରେ ନିୟମ୍ ଇସାବରେ ସ୍ଲେନ୍‌ସା ଆମେକେ ବିତ୍ରେ ହୁଁପାଙ୍ଗ୍‌ଆକେ । ୨୮ ଉଡ଼ିବେଲା ଶିମିୟୋନ୍ ଆମେକେ ବୁଲୁନ୍ନିଆ ଝାଚେ ଇସ୍‌ପରନେ ଦନ୍‌ଏବାଦ୍ ବିଚେ ବାସଙ୍ଗକେ

୨୯ “ଏ ମାପୁ ନାନେ ବ୍ଲାଲିର୍ ନିୟମ୍‌ରେ

ନିଜେନେ ଚାକରକେ ସାନ୍ତିରେ ଗୁଏନ୍‌ସା ବେନାଡିଙ୍ଗକେ ।

୩୦ ତାଗ୍ଲା ନେଙ୍ଗନେ ମୁଆଃ ନା ଉଦାର୍ ବାନେ କିକେ ଲେଃକେ ।

୩୧ ନାନେ ଜା ସାପା ରେମୁଆଁଇଁନେ ସାମୁଆଁନ୍ନିଆ ଆରେ ନାବକେ

☆ ୨:୨୧ ୨:୨୧ ଲୁକ୍ ୧:୩୧.

୩୨ ବିନ୍ ଜାତି ରେମୁଆଁଙ୍କଠାରେ ଆଡ଼ାଡ଼ା ସତ୍ତ୍ୱେ ସାମୁଆଁ ଆସୁଥିବେ ତାରକିନ୍
ଆରି ପେ ରେମୁଆଁ

ଇଶ୍ରାୟେଲନେ ଗୌରବ ସୁଗୁଆ ଆଡ଼ିଙ୍ଗନାବକେ ।”

୩୩ ତାଆଁ ଗଡ଼େଅ ଜିସୁନେ ସାମୁଆଁରେ ଶିମୋନ୍ ମେଃନେ
ବାସଙ୍ଗକେ ଆଡେନ୍ ଅଁରେ ଗଡ଼େଅନେ ଇୟାଙ୍ଗ ଆବା ବକୁଆ
ଡିଙ୍ଗ ଝେଗେ । ୩୪ ଆରି ଶିମିୟୋନ୍ ଆମେଇଁକେ ଆସିର୍ବାଦ୍ ବିଚେ
ମେନେ ଇୟାଙ୍ଗଡେ ମରିୟମକେ ବାସଙ୍ଗକେ କେଲା ଇଶ୍ରାୟେଲନେ
ରେମୁଆଁଙ୍କଠାରେ ବାନ୍ ଏନ୍ ଗଡ଼େଅ ନସା ଗୁଲେ ରେମୁଆଁ ଦସି ଡିଙ୍ଗ
ଆର୍ଏ ଆରି ଗୁଲେ ରେମୁଆଁ ରକ୍ୟା ବା ଆର୍ଏ ଆଡେନ୍ସା ଏନ୍
ଗଡ଼େଅକେ ଇସପର୍ ଆମେକେ ବାଚେ ବକେ । ଆରି ଜାନେ
ବିରଦ୍ରେ ଗୁଲେ ରେମୁଆଁ ବ୍ଲାଲିର୍ ବାସଙ୍ଗ ଆର୍ଏ ଆଡ଼ନେ ମେଁ
ଚିନ୍ ସୁଗୁଆ ଡିଙ୍ଗଏ । ୩୫ ଆରି ମେଁ ମେଁଇଙ୍ଗନେ ବୁଡ଼ିଲେକ୍ଲେ ଚିନ୍ତା
ବାସଙ୍ଗଏ । ଆରି ଆକମେନ୍ସା ମୁଇଙ୍ଗ ଡିଗ୍ ଲେଃକ୍ଲେ କାଣ୍ଡା ସୁଗୁଆ
ଦୁକ୍ ଆନାକେ ପଃଏ । ଆରି ନାନେ ଜିବନ୍ ଉନା ଡିଙ୍ଗଝେଏ ।

୩୬ ଆଗେର୍ ବଂସନ୍ନିଆ ଜନମ୍ ଫିନୁଏଲନେ ସେଲାମ୍ସୁ ହାନ୍ନା ମିକ୍ଲେ
ଅଁକୁଡ଼ି ଅଁମୁଆଁ ବୟସ୍ ତୁକ୍ଲି ଲେଃଗେ । ମେଁ ମୁଇଁ ବାବବାଦିନୀ
ଲେଃକେ । ବିଏଚେ ମାତର୍ ମାମୁଆଁ ଇଡ଼ିଙ୍ଗ ମେଁ ଗୁଏସାଙ୍ଗକ୍ଲୁଏ
ଡିଙ୍ଗଝେଗେ ।

୩୭ ମେଁ ମନ୍ଦିର୍ ଆନ୍ତାଚେ ପାଦା ଆଝେକେ ଶୁମେଁ କେଡ଼େସ
ଆରି ଉପାସ୍ ଲେଃଚେ ମାପୁକେ ସ୍ଥି ମିଡିଗ୍ ପାର୍ତନା ଡିଙ୍ଗ ଡିଙ୍ଗେ
। ୩୮ ଆଡେନ୍ ବେଲା ମେଁ ଗଡ଼େଅ ଆରି ମେନେ ବା ଡିଆ ବଲି
ବିଃନ୍ସା ଡାଗ୍ରା ଝେକେ ଆନା ଆଡ଼ଅରିଆ ପାଙ୍ଗଚେ ଇସପର୍କେ
ଦନ୍ୟବାଦ୍ ବକେ । ଜାଣେଇଁ ବିସବାସ୍ ଡିଙ୍ଗଚେ ଯିରୁଶାଲମନେ
ମୁକ୍ତି ବାନେ ନସା ଉର୍ଲେ ଆର୍ଗେ ଆଡେନ୍ ସାପା ରେମୁଆଁକେ ମେଁ
ଜିସୁ ବିସୟରେ ବାସଙ୍ଗକେ ।

ଯୋସେପ୍ ଆରି ମରିୟମ୍ ନାଜରୀତ୍ ଆଣ୍ଡେ ଝେ ଆର୍ଗେ

୩୯ ଯୋସେପ୍ ଆରି ମରିୟମ୍ ମାପୁନେ ନିୟମ୍ରେ ସାପା କାମ୍
ଆଡାଚେ ମେଇଁ ଗାଲିଲୀନେ ନିଜେନେ ଇନି ନାଜରିତ୍ନିଆ ଆଣ୍ଡେ

☆ ୨:୩୯ ୨:୩୯ ମାଡିଉ ୨:୨୩.

ଝିଗ୍‌କେ । ୪୦ ଆରି ଗଡ଼େଅ ମ୍ଲାନେ ଲାଗେକେ ଆରି ବୁଦିରେ ବରଡ଼ି ତିଙ୍ଗ୍‌ଚେ ବପୁ ତିଙ୍ଗ୍‌କେ ଆରି ଇସପରନେ ଦୟା ମେଇଁ ଆଡ଼ାଡ଼ା ଲେଖକେ ।

ଡାଆଁ ଜିସୁ ମନ୍ଦିରନ୍ନିଆ

୪୧ ଜିସୁନେ ବା ତିଆ ଉଦାର୍ ପାଣ୍ଡୁ ମାନେଃ ନ୍‌ସା କାଲା ମୁଆଁ ଯିରୁଶାଲମନ୍ନିଆ ଝେଡ଼ିଙ୍ଗ୍‌ଗେ । ୪୨ ଜିସୁନେ ଗମ୍ବାର ମୁଆଁ ତିଙ୍ଗ୍‌ଲେଖକେ ବେଲା ମେଁଇଙ୍ଗ୍‌ନେ ନିୟମରେ ପାଲେନ୍‌ସା ଯିରୁସାଲମ୍ ଝେ ଆରକେ । ୪୩ ମେଁଇଙ୍ଗ୍‌ନେ ପାଣ୍ଡୁ ଆଡାଚେ ଉଡ଼ିବେଲା ମେଇଁ ଆଣ୍ଡେ ଝିଗ୍‌ଡିଙ୍ଗେ ଆଡେନ୍ ବେଲା ଗଡ଼େଅ ଜିସୁ ଯିରୁସାଲମନ୍ନିଆ ଲେଖଝେଗେ ଆରି ମେଁନେ ବା ତିଆ ମ୍ୟା ଆୟା ଆରକେ ଶୁ । ୪୪ ମାଡରମ୍ ମେଁ ସାଙ୍ଗ୍‌ସାତିଇଁ ତ୍ରୁଙ୍ଗ୍ ଲେଖକେ ଡାଗ୍‌ଚେ ଏଡେଚେ ମେଇଁ ମସିଆନେ ଗାଲି ଅଲେଙ୍ଗ୍ ଝେଆଗେଁ ଆରି ନିଜରନେ ଆରି ସ୍ଲାନୁଆଁ ରେମୁଆଁଇଁ ବାନ୍ ମେଁ ଏଡେ ତୁରନେ ମୁଲେକେ । ୪୫ ଆରି ମେଇଁ ଆମେକେ ମାଅବାଚେ ତୁର ତୁରଚେ ଯିରୁଶାଲମନ୍ନିଆ ଝେଏ ଆରକେ । ୪୬ ଜିରସି ଦିନା ଇଡ଼ିଙ୍ଗ୍ ଆମେକେ ମନ୍ଦିରନ୍ନିଆ ଅବାକେ; ମେଁ ପଣ୍ଡିଡ଼ଇଁନେ ମଜେ କଚେ ମେଁଇଙ୍ଗ୍‌ନେ ସାମୁଆଁ ଅଁ ତିଙ୍ଗ୍‌ଗେ ଆରି ଆମେଇଁକେ ପ୍ରସ୍‌ନ ସାଲିଆକୁ ତିଙ୍ଗ୍‌ଗେ । ୪୭ ଆରି ଉଡ଼ି ରେମୁଆଁ ମେଁନେ ସାମୁଆଁ ଅଁ ତିଙ୍ଗ୍‌ଗେ ସାପାରେ ମେଁନେ ଜାନ୍ ଆରି ଉଡର ଅଁଚେ ବକୁଆ ତିଙ୍ଗ୍ ଝେ ଆରଗେ । ୪୮ ମେଇଙ୍ଗ୍ ଆମେକେ କେଚେ କାବା ତିଙ୍ଗ୍ ଝେଗେ ଆରି ମେଁନେ ଇୟାଙ୍ଗ୍‌ଡେ ଆମେକେ ବାସଙ୍ଗ୍‌କେ, “ବାବୁରେ ନେନେ ଆଡ଼ାଡ଼ା ମେଃନ୍‌ସା ଦେକ୍ ରକମ୍ ନାଡ଼ିକେ ? କେଲା ନାନେ ପେମ୍ବା ଆରି ନେଙ୍ଗ୍ ଡେରେପେଡେ ତିଙ୍ଗ୍‌ଚେ ଆନାକେ ତୁରନେଡିଙ୍ଗ୍ ।”

୪୯ ଆଡବା ଜିସୁ ଆମେକେ ବାସଙ୍ଗ୍‌କେ “ମେଃନ୍‌ସା ପେ ଆନେଙ୍ଗ୍‌କେ ତୁର ପେଡିଙ୍ଗ୍ ? ନେଙ୍ଗ୍‌ନେ ଆବାନେ ତୁଆନିଆ ଲେଖନେ ଜେ ନେଙ୍ଗ୍‌ନେ ଅଦିକାର୍ ଲେଖକେ ଏନ୍ ମେଁନେ ପେ ପେମ୍ୟାକେ ?” ୫୦ ମାଡର ମେଁ ଆମେଇଁକେ ଆଣ୍ଡିନେ ସାମୁଆଁ ବାସଙ୍ଗ୍‌କେ, “ଆଡେନ୍ ମେଇଁ ଆବୁଜେକେ ଶୁ ।”

୫୧ ଇଡ଼ିଙ୍ଗ୍ ମେଁ ମେଇଙ୍ଗ୍ ଏଡେ ଆଣ୍ଡେଚେ ନାଜରିତନ୍ନିଆ ପାଙ୍ଗ୍‌କେ ଆରି ମେଁ ଏଡେ ସାମୁଆଁ ସାଚେ ଲେଖଆରକେ; ଆରି

ମେଁନେ ଇୟାଙ୍ଗ୍‌ଡେ ମେଁନେ ସାପା ସାମୁଆଁ ରାଝସିଙ୍ଗ୍‌ରେ ନିଜେନେ ଜିବନ୍‌ନିଆ ବକେ । ୫୨ ଆରି ଜିସୁ ଗିଆନ୍‌ରେ ଆରି ଗାଗ୍‌ଡେନ୍ନିଆ ବୁଦି ବାନେ ଲାଗେକେ । ଆରି ଇସ୍‌ପର୍‌ନେ ଆରି ରେମୁଆଁଙ୍‌ନେ ଦୟା ମେଁ ଆଡ଼ାଡ଼ା ସାଝତିଆରକେ ।

୩

ବାପ୍ତିଜକ ଜହନ୍‌ନେ ବାସଙ୍ଗ୍
(ମାତିଉ ୩:୧-୧୨; ମାରକ ୧:୧-୮; ଜହନ୍ ୧:୧୯-୨୮)

୧ ମ୍ଲାଇଝସାଙ୍ଗ୍ ତିବିରିଆ କାଇସରନେ ସାସନ୍ ବେଲା ୧୫ ମୁଆଁରେ ଉଡିବେଲା ପନ୍ତ୍ରୟ ପିଲାତ ଜିଉଦା ଦେସ୍‌ନେ ସାସନ୍ ତିଙ୍ଗ୍‌ଣ୍ଟେ ଲେଝଗେ ଆରି ହେରୋଦ ଗାଲିଲୀନେ ସାମନ୍ତ ଇଝସାଙ୍ଗ୍ ଆରି ମେଁନେ ବୟାଣ୍ଟେ ପିଲିପ୍‌ପ ଇଚୁରିଆ ଆରି ଟ୍ରାକୋନିଟିସ୍‌ନେ ବାରି ଲିସାନିଆସ୍ ଆବିଲିନ୍‌ନେ ସାମନ୍ତ ଇଝସାଙ୍ଗ୍ ଲେଝଗେ । ୨ ଆରି ହାନାନ୍ ଆରି କୟାଫା ମ୍ଲ ପୁଜାରି ଲେଝଗେ ଆଡେନ୍ ବେଲା ଇସ୍‌ପର୍‌ନେ ସାମୁଆଁ ବାଲିଲଝଅରିଆ ଲେଝକ୍ଲେ ଜିଖରୀୟନେ ଉଙ୍ଗ୍‌ଡେ ଜହନ୍ ଡାଗ୍ରା ପାଙ୍ଗ୍ ଆରକେ । ୩ ଆଡ଼ବା ଯୋହନ୍ ଯର୍ଦ୍ଦନ୍ ଲଣ୍ଡିଆଝନେ ତୁବନ୍ ବିଝଣ୍ଟେ ଜହନ୍ ସାପା ଇନି ଖେଚେ ପାପ୍ ବାନ୍ କେମା ବାନ୍‌ସା ମନ୍‌କେ ଆଝବଲ୍ଲେନେ ତୁବନ୍ ତୁଂଡନ୍‌ସା ବାସଙ୍ଗ୍ ଅଲେଙ୍ଗ୍‌କେ ।

୪ ତିରକମ୍ ଯିଶାଇୟ ବାବବାଦିନେ ସାସ୍‌ପର୍‌ନ୍ନିଆ ଗୁଆର୍ ବକେ,
“ବାଲିଲନ୍ନିଆ କିରଚେ ବାସଙ୍ଗ୍‌ତିଂକ୍ଲେ ମୁଇଂଜାନେ ସାମୁଆଁ;
ମାପୁନ୍‌ସା ଗାଲି ତିଆର୍ ତିଙ୍ଗ୍‌ପା
ମେଁ ପାଙ୍ଗ୍‌ନେ ଗାଲି ସିଦା ଆଡିଙ୍ଗ୍‌ପା ।

୫ ସାପା କୁରୁଟାନ୍ ତୁବଝ ବର୍‌ତି ଆଡିଙ୍ଗ୍‌ଏ
ଆରି ସାପା କଣ୍ଡା ଆରି ମ୍ଲକଣ୍ଡାକେ ବୁନ୍ଦେ ଆଡିଙ୍ଗ୍ ବିଏ ।
ବାଙ୍ଗ୍‌ଟି ଗାଲି ସ୍ଵେଡ଼ାଝ ତିଙ୍ଗ୍‌ଏ
ଆରି ତିଆର୍ କୁରୁ ତୁବଝ ସିଦା ଗାଲିରେ ତିଆର୍ ତିଙ୍ଗ୍‌ଏ ।

୬ ଆରି ସାପା ଜାତି ରେମୁଆଁ ଇସ୍‌ପର୍‌ନେ ଉଦାର୍ କେଚେ ସାମୁଆଁ
ଆରଏ ।”

୭ ✧ ଆଡେନ୍‌ସା ମେଁ ଯହନ୍ ବାନ୍ ତୁବନ୍ ତୁଂଡନ୍‌ସା ତାର୍‌ରେ ପାଙ୍ଗ୍‌ଡିଙ୍ଗ୍‌କ୍ଲେ ରେମୁଆଁଇଂକେ ବାସଙ୍ଗ୍‌କେ “ଏ ବୁବଃନେ କୁଲ୍‌ବଂସ ! କାଲାଆଃ ରିସା ଡିଙ୍ଗ୍‌ରେ ଲାଗ୍‌ଡନ୍‌ସା ଆପେକେ ଜାଣ୍ଡେ ରେଡ୍‌ନା ବିକେ ? । ✧ ତେସା ମନ୍ ଆବଦ୍‌ଲେକ୍ଲେ ସମାନ୍ ପଲ୍ ଡିଆର୍ ଡିଙ୍ଗ୍‌ପା ଆରି ଅବ୍ରାହାମ୍ ପେନେ ଛା ଞ୍ଜା ତାଗ୍‌ରେ ମନେ ମନେ ଡିଗ୍ ଦେକ୍‌ସୁଗୁଆ ଆବାସଙ୍ଗ୍‌ପା; ଡାଗ୍ଲା ନେଙ୍ଗ୍ ଆପେକେ ବାସଙ୍ଗ୍ ଶ୍ରିଙ୍ଗ୍ ଇସ୍‌ପର୍ ଆକେନ୍ ବିଇଂବାନ୍ ଅବ୍ରାହାମ୍ ନ୍‌ସା ଗଡେଅ ଜନମ୍ ଆଃଡିଙ୍ଗ୍ ଯାଏ । ୯ ସ୍ଲା ସାପା ବୁନ୍ଦେ ସିତଗ୍ ବିନ୍‌ସା ମାଲୁଏଃ ବଆରକେ । ଆଣ୍ଡିନେ ସ୍ଲାଃନିଆ ନିମାଣ୍ଡା ରୁରୁ ଆରୁ ଶୁ ଆଡେନ୍ ସିତଗ୍‌ରେ ସୁଆନ୍ନିଆ କ୍ଲାଗ୍ ଆରଏ ।”

୧୦ ଆଡବା ରେମୁଆଁଇଙ୍ଗ୍ ଆମେକେ ସାଲିଆକୁକେ ତେଲା ନେନେ ମେଁ ନେଣ୍ଡିଙ୍ଗ୍‌ପା ?

୧୧ ମେଁ ଉଡର୍ ବିକେ ଜାଣ୍ଡେନେ ମ୍ବାକ୍ଲିଗ୍ ସକା ଲେଃକେ ମେଁ ଜାଣ୍ଡେନେ ମେଃଡିଗ୍ ଶୁ ଆମେକେ ମୁଇଙ୍ଗ୍ ବିଃଲେ ବାରି ଜାଣ୍ଡେନେ ଚଙ୍ଗ୍‌ନେ ଶୁ ମେଁ ବିନ୍‌ରେକେ ଆଡ୍ ବାନ୍ ବାଟା ବିଲେ ।

୧୨ ✧ ସିସ୍ତ୍ର ସାଲ୍ୟାଣ୍ଡେ ଡିଗ୍ ତୁବନ୍ ବାନ୍‌ସା ପାଙ୍ଗ୍‌ରେ ଆମେକେ ସାଲ୍ୟାକୁକେ ଏ ଗୁରୁ ନେଇଙ୍ଗ୍ ମେଁ ନେଡିଙ୍ଗ୍‌ଏ ?

୧୩ ମେଁ ଆମେଇଂକେ ବାସଙ୍ଗ୍‌କେ “ଆପେକେ ଉଡ୍ଡି ତୁଂଡ ନ୍‌ସା ଆଦେସ୍ ବିଃମ୍ୟାକେ ମେଁ ବାନ୍ ଜବର୍ ଆବ୍ରାଗେପା ।”

୧୪ ଉଡ୍ଡି ସନ୍‌ୟଇଂ ଡିଗ୍ ଆମେକେ ସାଲିଆକୁ ଆରକେ “ନେନେ ମେଃନେ ଡିଙ୍ଗ୍‌ଏ ? ନେ ମେଃନେ ନେଡିଙ୍ଗ୍‌ପା ?”

ମେଁ ଆମେଇଂକେ ବାସଙ୍ଗ୍‌କେ “ଜବର୍‌ଜସ୍ତି ଜାଣ୍ଡେବାନ୍ ତାବୁ ତୁଙ୍ଗ୍‌ଆଡଗ୍‌ପା ଶୁଲା ଜାଣ୍ଡେ ଆଡାଡା ମିର୍‌ରେ ଦସ୍ ତାଗ୍‌ରେ ଆବାଲିରଗେପା । ନିଜର୍ ନିଜର୍ ଦର୍‌ମାରେ ସାଦା ଡିଙ୍ଗ୍‌ପା ।”

୧୫ ରେମୁଆଁଇଂ ଉର୍ ଲେଃଗେସା ଆରି ଜହନ୍ ଇଙ୍ଗ୍‌ଟା କିସ୍‌ଟ ଡିଙ୍ଗ୍‌ଏ ତାଗ୍‌ରେ ଆକେନ୍ ମେଁଇଙ୍ଗ୍‌ନେ ବିସ୍‌ୟରେ ସାପାରେ ନିଜେ ନିଜେ ମନ୍‌ନିଆ ବାବେଡିଙ୍ଗ୍ ଆରଗେ । ୧୬ ଜହନ୍ ସାପାରେକେ ଉଡର୍ ବିକେ, “ନେଙ୍ଗ୍ ସିନା ଆପେକେ ଶ୍ରିଆନ୍ନିଆ ତୁବନ୍ ବିଶ୍ରିଂକେ । ମାଡର୍

✧ ୩:୭ ୩:୭ ମାଡିଉ ୧୨:୩୪; ୨୩:୩୩. ✧ ୩:୮ ୩:୮ ଜହନ୍ ୮:୩୩. ✧ ୩:୧୭ ୩:୧୭
ଲୁକ୍ ୭:୨୯.

ନେଇଁବାନ୍ ଜାଣେ ମାଲେ ବପୁଣ୍ଡେ ମେଁ ପାଇଁଡ଼ିଙ୍ଗକେ । ମେଁନେ
 ଅନେ କୁଡା ତୁତଃ ନସା ସକଡ଼ ଶୁଃ ମେଁ ଆପେକେ ପବିତ୍ର ଆମ୍ବା
 ଆରି ସୁଆନ୍ନିଆ ତୁବନ୍ ବିଏ । ୧୭ ମେଁନେ ତ୍ରିନିଆ କିସଃ ଲେଃକେ,
 ପରଚଲ୍ ଆଃଡ଼ିନ୍ସା ମେଁନିଆ ବପୁ ଲେଃକେ । ଆଡ଼ ଅରିଆ ମେଁ
 କିଆକେ ଚପାବାନ୍ ବିନେ ଆଃଡ଼ିଏ । ମେଁ ନିମାଣ୍ଡା କିଆ ସାପାକେ
 ମୁଇଁନୁଗ୍ ରାଃସିଙ୍ଗଟେ ଆଣ୍ଡାଃନିଆ ତୁଂଝେଟେ ବଏ । ଇଡ଼ିଙ୍ଗ ଚପା
 ଆରି ଦରକାର୍ ଶୁଭୁନେ ଗାରୁଜା ମାଲିଗ୍ନେ ସୁଆ ଡାଗ୍ରା ଜଗ୍ଲାର୍ ବିଏ
 ।”

୧୮ ମେଁ ଦେକରକମ୍ ଗୁଲେ ଉସା ବାସଙ୍ଗଟେ ଆରି ବିନ୍‌ବିନ୍ ରକମ୍
 ସାର୍ଦା ଆଡ଼ିଙ୍ଗ୍ ସୁଗୁଆ ବ୍ଲାଲିର୍ ବାସଙ୍ଗଟେ ରେମୁଆଁଇଁନେ ବେବଆର୍
 ଆଃବଲ୍ଲେ ନସା ବାଲିର୍ ଅଲେଙ୍ଗକେ ।

୧୯ ✨ମାତର୍ ସାମନ୍ତ ଇଃସାଙ୍ଗ୍ ହେରୋଦ ନିଜେ ବୟାଣ୍ଡେନେ
 କୁନେଣ୍ଡେକେ ହେରୋଦିଆ ଏଡେ ବିହେ ଡିଙ୍ଗ୍ ବଗେ ବାରି
 ଜବର୍ ଦଦ୍ୟା ଡିଙ୍ଗ୍‌ବଗେସା ଜହନ୍ ଆମେକେ ଆଃକପାକେ ।
 ୨୦ ଦେଡ଼ସୁଗୁଆ ହେରୋଦ ଆରି ମୁଇଙ୍ଗ୍ ଦଦିଆ କାମ୍ ଡିଙ୍ଗକେ
 ମେଁ ଯହନ୍‌କେ କଏଦ୍ ତୁଆନିଆ ବଗେ । ମେଁ ଉଡ଼ି ଦଦିଆ କାମ୍
 ଡିଙ୍ଗ୍‌ବଗେ ଆଡ଼ ଅରିଆ ଏନ୍ ଦଦିଆ କାମ୍ ଡିଗ୍ ଆମିସୁକେ ।

ଜିସୁନେ ତୁବନ୍
 (ମାତିଉ ୩:୧୩-୧୭; ମାର୍କ ୧:୯-୧୧)

୨୧ ସାପା ରେମୁଆଁ ତୁବନ୍ ତୁଂଡକ୍ ଇଡ଼ିଙ୍ଗ୍ ଜିସୁ ଡିଗ୍ ତୁବନ୍
 ଡିଙ୍ଗକେ । ଆରି ପାରତନା ଡିଙ୍ଗ୍‌ନେ ବେଲା କିଡଙ୍ଗ୍‌ଇନି ମେଲା
 ଡିଂକେ । ୨୨ ଆରି ପବିତ୍ର ଆମ୍ବା ମେଁ ଆଡାଡ୍ରା ଜାରଟେ କୁକୁର୍ଯାଃ ରକମ୍
 ଜିସୁ ଆଡାଡ୍ରା କକେ ଆରି କିଡଙ୍ଗ୍‌ନିବାନ୍ ଏନ୍ ସାମୁଆଁ ନ୍ନାକେ; “ନା
 ନେଙ୍ଗ୍‌ନେ ନିଜର୍ ଗଡେଅ । ନା ଆଡାଡ୍ରା ନେଂ ଜାବର୍ ସାର୍ଦା ।”

ଜିସୁନେ କୁଲ୍‌ଇଁ
 (ମାତିଉ ୧:୧-୧୭)

୨୩ ଜିସୁ ସ୍ଲେ ମୁଲେକ୍ ବେଲା ଆମେକେ ପାକା ପାକି ତିରିସ୍
 ମେମୁଆଁ ଡିଙ୍ଗଲେଗେ; ରେମୁଆଁଇଁ ମ୍ୟାନେ ଇସାବ୍‌ରେ ମେଁ

✨ ୩:୧୯ ୩:୧୯ ମାତିଉ ୧୪:୩,୪; ମାର୍କ ୭:୧୭,୧୮.

ଯୋଷେଫ୍ ନେ ଉଚ୍ଚତେ; ଯସେଫ୍ ଏଲିନେ ଉଚ୍ଚତେ; ୨୪ ଏଲି
 ମାଥାଥନେ ଉଚ୍ଚତେ, ମାଥାଥ ଲେବୀନେ ଉଚ୍ଚତେ, ଲେବୀ
 ମଲ୍ଖୀନେ ଉଚ୍ଚତେ, ମଲ୍ଖୀ ଯନ୍ନୟନେ ଉଚ୍ଚତେ, ଯନ୍ନୟ
 ଯୋଷେଫ୍ ନେ ଉଚ୍ଚତେ, ୨୫ ଯୋଷେଫ୍ ମତ୍ଥୟସ୍‌ସନେ ଉଚ୍ଚତେ,
 ମତ୍ଥୟସ୍ ଆମୋସ୍‌ସନେ ଉଚ୍ଚତେ, ଆମୋସ୍ ନାହୁମନେ ଉଚ୍ଚତେ,
 ନାହୁମ ଏସ୍‌ଲିନେ ଉଚ୍ଚତେ, ଏସ୍‌ଲି ନାଗାୟନେ ଉଚ୍ଚତେ, ୨୬ ନଗୟ
 ମାଥୀନେ ଉଚ୍ଚତେ, ମାଥ୍ ମତ୍ଥୟସ୍‌ସନେ ଉଚ୍ଚତେ, ମତ୍ଥୟସ୍
 ଶିମୟୀନେ ଉଚ୍ଚତେ, ଶିମୟୀ ଯୋଷେଫ୍‌ନେ ଉଚ୍ଚତେ, ଯୋଷେଫ୍
 ଯୋଦାନେ ଉଚ୍ଚତେ, ୨୭ ଯୋଦା ଯୋଆନାନ୍‌ନେ ଉଚ୍ଚତେ,
 ଜହନ୍ ରେଷାନେ ଉଚ୍ଚତେ, ରେଷା ଜିରୁବାବେଲ୍‌ନେ ଉଚ୍ଚତେ,
 ଜିରୁବାବେଲ୍ ଶଅଲ୍‌ଥୀୟେଲ୍‌ନେ ଉଚ୍ଚତେ, ଶଅଲ୍‌ଥୀୟେଲ୍
 ନେରିନେ ଉଚ୍ଚତେ, ୨୮ ନେରି ମଲ୍ଖୀନେ ଉଚ୍ଚତେ, ମଲ୍ଖୀ
 ଆଡ୍‌ଡିନେ ଉଚ୍ଚତେ, ଆଡ୍‌ଡି କୋସାମ୍‌ନେ ଉଚ୍ଚତେ, କୋସାମ୍
 ଏଲ୍‌ମାଦାମ୍‌ନେ ଉଚ୍ଚତେ, ଏଲ୍‌ଦାନ୍ ଏର ଉଚ୍ଚତେ, ୨୯ ଏର
 ଯିହୋଶୁୟନେ ଉଚ୍ଚତେ, ଯିହୋଶୁୟ ଏଲିୟେଜରନେ ଉଚ୍ଚତେ,
 ଏଲିୟେଜର୍ ଯୋରିମନେ ଉଚ୍ଚତେ, ଯୋରିମ ମାଥାଥନେ ଉଚ୍ଚତେ,
 ମାଥାଥ ଲେବୀନେ ଉଚ୍ଚତେ, ୩୦ ଲେବୀ ଶିମିୟୋନ୍‌ନେ ଉଚ୍ଚତେ,
 ଶିମିୟୋନ୍ ଜିଉଦାନେ ଉଚ୍ଚତେ, ଜିଉଦା ଯୋଷେଫ୍‌ନେ ଉଚ୍ଚତେ,
 ଯୋଷେଫ୍ ଯୋନାମ୍‌ନେ ଉଚ୍ଚତେ, ଯୋନାମ୍ ଏଲିୟାକିମ୍‌ନେ
 ଉଚ୍ଚତେ, ୩୧ ଏଲିୟାକିମ୍ ମଲ୍ଲାହନେ ଉଚ୍ଚତେ, ମଲ୍ଲାହ ମେନ୍ନାନେ
 ଉଚ୍ଚତେ, ମେନ୍ନା ମତ୍ଥଥୀନେ ଉଚ୍ଚତେ, ମତ୍ଥଥୀ ନାଥନ୍‌ନେ ଉଚ୍ଚତେ,
 ନାଥନ୍ ଦାଉଦ୍‌ନେ ଉଚ୍ଚତେ, ୩୨ ଦାଉଦ୍ ଯିଶୀନେ ଉଚ୍ଚତେ, ଯିଶୟ
 ଓବେଦ୍‌ନେ ଉଚ୍ଚତେ, ଓବେଦ୍ ବୋୟଜନେ ଉଚ୍ଚତେ, ବୋୟଜ୍
 ସାଲ୍‌ମୋନ୍‌ନେ ଉଚ୍ଚତେ, ସାଲ୍‌ମୋନ୍ ନହଶୋନ୍‌ନେ ଉଚ୍ଚତେ,
 ୩୩ ନହଶୋନ୍ ଅମିନାଦାବନେ ଉଚ୍ଚତେ, ଅମିନାଦାବ ଆଦମିନ୍‌ନେ
 ଉଚ୍ଚତେ, ଆଦମିନ୍ ଆରନିନେ ଉଚ୍ଚତେ, ଆରନି ହେସ୍ରୋଶନେ ଉଚ୍ଚତେ,
 ହେସ୍ରୋଶ ପେରେଜନେ ଉଚ୍ଚତେ, ଫେରସ୍ ଜିଉଦାନେ ଉଚ୍ଚତେ,
 ୩୪ ଜିଉଦା ଜାକୁବ୍‌ନେ ଉଚ୍ଚତେ, ଜାକୁବ୍ ଇସାକନେ ଉଚ୍ଚତେ, ଇସାକ
 ଅବ୍ରାହାମ୍‌ନେ ଉଚ୍ଚତେ, ଅବ୍ରାହାମ୍ ଥେରହନେ ଉଚ୍ଚତେ, ଥେରହ
 ନାହୋରନେ ଉଚ୍ଚତେ, ୩୫ ନାହୋର ସେରଗ୍‌ନେ ଉଚ୍ଚତେ, ସେରଗ୍
 ରେଉନେ ଉଚ୍ଚତେ, ରେଉ ପେଲଗ୍‌ନେ ଉଚ୍ଚତେ, ପେଲେଗ୍
 ଏବରନେ ଉଚ୍ଚତେ, ଏବର ଶେଲୀନେ ଉଚ୍ଚତେ, ୩୬ ଶେଲୀ
 କଇନାନ୍‌ନେ ଉଚ୍ଚତେ, କଇନାନ୍ ଆର୍‌ଫାକ୍‌ସଡ୍‌ନେ ଉଚ୍ଚତେ,

ଆରଫାକସତ୍ତ ଶେମ୍ବେ ଉଙ୍ଗଡେ, ଶେମ୍ବେ ନୋହନେ ଉଙ୍ଗଡେ, ନୋହ ଲାମେକ୍‌ନେ ଉଙ୍ଗଡେ, ^{୩୭} ଲାମେକ୍ ମେଥୁଶେଲାନେ ଉଙ୍ଗଡେ, ମେଥୁଶେଲା ହନୋକନେ ଉଙ୍ଗଡେ, ହନୋକ ଯାରେଦନେ ଉଙ୍ଗଡେ, ଯାରେଦ ମହାଲାଲାଲ୍‌ନେ ଉଙ୍ଗଡେ, ମହାଲାଲାଲ୍ କେନାନନେ ଉଙ୍ଗଡେ, ^{୩୮} କେନାନ ଏନୋଗନେ ଉଙ୍ଗଡେ, ଏନୋଗ ଶେଥନେ ଉଙ୍ଗଡେ, ଶେଥ ଆଦମନେ ଉଙ୍ଗଡେ, ଆଦମ ଇସ୍‌ପରନେ ଉଙ୍ଗଡେ ।

୪

ସଏତାନ ଜିସୁକେ ପରିକ୍ୟା ଡିଙ୍ଗକେ
(ମାତିଉ ୪:୧-୧୧; ମାର୍କ ୧:୧୨-୧୩)

^୧ ଜିସୁ ପବିତ୍ର ଆମ୍ବା ବାଚେ ଜର୍ଜନ୍‌ବାନ୍ ଆଣ୍ଡେ ଓଗ୍‌କେ । ଆରି ପବିତ୍ର ଆମ୍ବା ଆମେକେ ଚାଲେନ୍‌ସା କଣ୍ଡା ଅରିଆ ତୁଙ୍ଗ୍‌ଝେଗେ । ଆଡ଼ଅରିଆ ମେଁ ମ୍ବାରୁକୁଡ଼ି ସ୍ତ୍ରୀ ଜାକ ସଏତାନବାନ୍ ପରିକିତ ଡିଙ୍ଗକେ । ^୨ ଆଡ଼ଅରିଆ ମେଁ ସଏତାନବାନ୍ ଚାଲିସ୍ ଦିନ୍ ଜାକ କସ୍‌ଟ ବାକେ । ଆତେନ୍ ସାପାଦିନ୍ ଜାକ ମେଁ ମେଃଡିଗ୍ ଆତଙ୍ଗ୍ ଆଉଗ୍‌କେ ଶ୍ଟୁ ପରିକ୍ୟା ଡିଙ୍ଗ୍ ଆଃଡାକ୍ଲେ ଇଡ଼ିଙ୍ଗ୍ ଆମେକେ ଜାବର୍ କେଡେସକେ ।

^୩ ଆଡ଼ବାନ୍ ସଏତାନ ଆମେକେ ବାସଙ୍ଗକେ “ନା ଜଦି ଇସ୍‌ପରନେ ଉଙ୍ଗଡେ, ତେଲା ଆକେନ୍ ରୁକେ ରୁଚି ଡିଙ୍ଗ୍ ନସା ଆଦେସ୍ ବିଃ ।”

^୪ ଜିସୁ ଆମେକେ ଉତର୍ ବିକେ “ସାସ୍‌ରନ୍ନିଆ ଗୁଆର୍ ଲେଃକେ; ରେମୁଆଁ ମାତର୍ ରୁଚି ଏତେ ଆମ୍ବୁ ଶ୍ଟୁ”

^୫ ଆରି ସଏତାନ ଆମେକେ ଡିଆର୍ ଚାନ୍‌ନିଆ ଝା ତୁଂଝେତେ ଇଡୁଡା ବେଲା ନସା ମଞ୍ଚପୁରନେ ସାପା ରାଇଜ୍ ଆମେକେ ଆକେକେ । ^୬ ଆରି ସଏତାନ ଆମେକେ ବାସଙ୍ଗକେ, “ନେଂ ଆନାକେ ଏନ୍ ସାପା ଅଦିକାର୍ ଆରି ଏନ୍ ସାପା ସମ୍ପତି ମ୍ବିଏ, ଡାଗ୍ଲା ଆତେନ୍ ସାପା ଆନେଙ୍ଗକେ ବିବକେ ଆରି ନେଂ ଆଜାକେ ଇକ୍‌ଚା ଆମେକେ ଆତେନ୍ ମ୍ବିଏ । ^୭ ଆରି ନା ଜଦି ଆନେଙ୍ଗକେ ମୁଣ୍ଡିଆ ନାବଗ୍‌ଏ ତେଲା ନେଙ୍ଗ୍ ଏନ୍ ସାପା ଆନାକେ ବିଃ ଞ୍ଜଗ୍‌ଲିଗ୍‌ଏ ।”

^୮ ଜିସୁ ଆମେକେ ଉତର୍ ବିକେ, “ସାସ୍‌ରନ୍ନିଆ ଗୁଆର୍ ବକେ; ନା ମାତର୍ ମାପୁ ନିଜେ ଇସ୍‌ପରକେ ମୁଣ୍ଡିଆ ନାବଗ୍‌ଏ, ଆରି ମେଁନେ ପାରତନା ନାଡିଙ୍ଗ୍‌ଏ ।”

୯ ଇଡ଼ିଙ୍ଗ୍ ସସତାନ୍ ଜିସୁକେ ଯିରୁଶାଲାମନ୍ନିଆ ଖା ତୁଂଝେରେ ମନ୍ଦିରନେ ଚ୍ଲେସାଙ୍ଗ ଆଡ଼ାତ୍ରା ଆଃତୁଆଁରେ ଆମେକେ ବାସଙ୍ଗକେ, ନା ଜଦି ଇସ୍ପରନେ ଉଙ୍ଗଡେ, ତେଲା ଆକେନ୍ ଚ୍ଲେସାଙ୍ଗ୍ବାନ୍ ବୁନ୍ଦେ ପୁଏଃ ଲଃଲା; ୧୦ ତାଗ୍ଲା ଦର୍ମସାସ୍ତ୍ରନ୍ନିଆ ଗ୍ନଥ୍ଆର୍ ଲେଃକେ, ମେଁ ନିଜର୍ ଦୁଡ଼ଇଂକେ ନାନେ ବିସୟରେ ଆଦେସ୍ ବିଃଏ । ୧୧ ଆରି ମାରିଆଃ ନାନେ ଖ୍ମ ବିନ୍ନିଆ ବାଏ, ଆକେନ୍ ନ୍ସା ମେଇଂ ଆନାକେ ତ୍ରିନ୍ନିଆ ଲିଙ୍ଗରେ ସାଃଆର୍ଏ ।

୧୨ ଆରି ଜିସୁ ଆମେକେ ଉତର୍ ବିକେ, “ସାସ୍ତ୍ରନ୍ନିଆ ଡିଗ୍ ଏନ୍ ଗ୍ନଥ୍ଆର୍ ଲେଃକେ; ନା ମାପୁ ନିଜର୍ ଇସ୍ପରକେ ପରିକ୍ୟା ଆଡ଼ିଂଗେ ନାମାଃ ।”

୧୩ ସସତାନ୍ ଜିସୁନେ ସାପା ରକମ୍ ପରିକ୍ୟା ଆଡ଼ାରେ ଆରି ନିମାଣ୍ଡା ବେଲା ପାଙ୍ଗ୍ ଜାକ ଆମେକେ ଆନ୍ତାର୍ତେ ଲାଗ୍ତକେ ।

**ଜିସୁନେ ସେବା କାମ୍ ଆରାମ୍
(ମାତିଉ ୪:୧୨-୧୭; ମାର୍କ ୧:୧୪-୧୫)**

୧୪ ଆତେନ୍ ବାନ୍ ଜିସୁ ଆମ୍ନାନେ ବପୁରେ ଗାଲିଲାନ୍ନିଆ ଆଣ୍ଡେକେ ଆରି ପିଡୁରପାକା ଜାକ ସାପା ଏରିୟା ମେଁନେ ସାମୁଆଁ ଉଡ୍ରା ଡିଙ୍ଗ୍ଝେଗେ । ୧୫ ଆରି ଜିସୁ ଜିଉଦିଇଂନେ ପାର୍ତନା ତୁଆଇଂନିଆ ସିକ୍ୟା ବିନେ ମୁଲେକେ, ଆରି ସାପା ରେମୁଆଁବାନ୍ ମେଁ ଆଲାଦ୍ ବାକେ ।

**ଜିସୁକେ ନାଜରାତ୍ନେ ରେମୁଆଁଇଂ ଆମାନେ ଆରକେ ଶୁ
(ମାତିଉ ୧୩:୫୩-୫୮; ମାର୍କ ୬:୧-୬)**

୧୬ ଇଡ଼ିଙ୍ଗ୍ ମେଁ ନାଜରିତ ନ୍ନିଆ ପାଙ୍ଗକେ ନାଜରାତ୍ ନ୍ନିଆ ମେଁ ସାପାଦିନ୍ ପାଲେନେ ନିଅମ୍ ସୁଗୁଆ ମେଁ ପୁଣ୍ଡେନେ ଦିନା ଯିଉଦି ପାର୍ତନା ତୁଆନ୍ନିଆ ଝେକେ ଆରି ମେଁ ତଡ଼ିଆରେ ସାସ୍ତ୍ର ପଡ଼େକେ । ୧୭ ଆତେନ୍ ବେଲା ଆମେକେ ଯିଶାଇୟ ବାବବାଦିନେ ବଇ ଆମେକେ ବିବଗେ । ଜିସୁ ଆତେନ୍ ବଇ ତରେ ଆଣ୍ଡିନେ ଜାଗାନ୍ନିଆ ଏନ୍ ସାମୁଆଁ ଗୁଆର୍ ବଗେ ଆତେନ୍ ବାକେ;

୧୮ “ମାପୁନେ ଆମ୍ ନେଙ୍ଗ୍ନିଆ ଲେଃକେ
ଅରକ୍ତ୍ ରେମୁଆଁଇଂନିଆ ନିମାଣ୍ଡା ସାମୁଆଁ ବାଲିର୍ ନ୍ସା
ପରମେସର୍ ଆନେଙ୍ଗ୍ ସିବକେ

ବନ୍ଧିଲିଂ ମୁକ୍ତଲେନ୍‌ସା ଆକେନ୍ ଆପେକେ ଆଃଅଁନ୍‌ସା
 ଆରି କାନାଲିଂକେ ଆରି ମୁକ୍ତଲେନ୍‌ସା କେୟା ଆର୍‌ଏ ଡାଗ୍‌ରେ
 ଆମେଲିଂକେ ବାସଙ୍ଗ୍ ନିସା
 ଦୁକ୍‌ରେ ଲେଃକ୍‌ରେ ରେମୁଆଁ ଆରି ରଗ୍‌ରେ ଲେଃକ୍‌ରେ ରେମୁଆଁଲିଂକେ
 ଦୁକ୍ ବାନ୍ ଆଃଡାଗ୍ ନିସା,
 ୧୯ ଆରି ମାପୁନେ ଦୟାନେ ବେଲା ବାଲିର୍ ଅଲେଙ୍ଗ୍‌ନିସା ମାପୁ
 ଆନେଙ୍ଗ୍ ବେବକେ ।”

୨୦ ଜିସୁ ଉଲିଆଃ ବନ୍ଧୁ ଆଡିଙ୍ଗ୍‌ରେ ଗତିରେକେ ବେ ବିକେ ।
 ତେନ୍ ଇଡିଂ ମେଁ କକେ । ଆରି ଜିଉଦି ପାର୍‌ତନା ତୁଆନିଆ ଲେଃକ୍‌ରେ
 ସାପା ରେମୁଆଁନେ ମନ୍ ଦିଆନ୍ ମେଁ ଆଡାଡା ଲେଃକ୍‌ରେ । ୨୧ ଜିସୁ
 ଆମେଲିଂକେ ବାସଙ୍ଗ୍‌କେ, “ନେଙ୍ଗ୍ ବଇବାନ୍ ଆଣ୍ଟିନେ ସାମୁଆଁ ଏକ୍‌କେ
 ଫିଡେକେ ଆତେନ୍ ପେଇଂ ଅଁନେ ବେଲା ସାସ୍‌ରେ ଏନ୍ ସାମୁଆଁ
 ଏବେ ପୁରନ୍ ତିଙ୍ଗ୍‌କେ ।”

୨୨ ଆରି ସାପାରେ ମେଁନେ ବିସଏରେ ସାକି ବିଃନେ ମୁଲେଆକେ
 ଆରି ମେଁନେ ସାମୁଆଁବାନ୍ ତାର୍‌ଡିଂକ୍‌ ଅନୁଗ୍ରାଧନେ ସାମୁଆଁରେ
 ଇରିଆଃଡୁଗ୍ ଆରକେ; ବାରି ମେଲିଂ ବାଲିର୍‌ରେ ମୁଲେଆକେ,
 “ଆକ୍‌ମେ ମେଃନେ ଯୋସେଫ୍‌ନେ ଉଂଡେ ଶୁ?”

୨୩ ଜିସୁ ଆମେଲିଂକେ ବାସଙ୍ଗ୍‌କେ, “ନେଙ୍ଗ୍ ମ୍ୟାଲେକେ ଜେ ପେଇଂ
 ଆନେଙ୍ଗ୍‌କେ ଆତେନ୍ ବାଞ୍ଚିର୍‌କ୍‌ ସାମୁଆଁ ପେବାସଙ୍ଗ୍‌ଏ, ଏ ଗଦାର୍
 ନାନେ ନିଜେକେ ସେନ୍‌ଗ୍ ନିମାଣ୍ଡା ଆଡିଙ୍ଗ୍ । ପେ ବାସଙ୍ଗ୍‌ନେ ଚାଏଁ
 ପେଡିଙ୍ଗ୍‌କେ ଜେ କପର୍‌ନାହୁମନ୍‌ନିଆ ପେ ଜା ସାପା ତିଙ୍ଗ୍ ପେବକେ
 ଡାଗ୍‌ରେ ନେ ଅଁ ନେଲେକେ ଆତେନ୍ ସାପା ଏବେ ନା ନିଜେ ଜନମ୍
 ଇନିଡିଗ୍ ଆତେନ୍ ତିଙ୍ଗ୍ ।” ୨୪ *ତେନ୍ ଇଡିଂ ଜିସୁ ଆମେଲିଂକେ
 ବାସଙ୍ଗ୍‌କେ, “ନିଂ ଆପେକେ ସଡ୍ ବାସଙ୍ଗ୍‌ଣ୍ଟିକେ, ମେଃଡିଗ୍ ବାବବାଦି
 ନିଜେନେ ଇନିନିଆ ତିଗ୍ ଗ୍ରାଧନ୍ ଆଡିଙ୍ଗ୍ ଆର୍‌ଏ ଶୁ”

୨୫ ନେଙ୍ଗ୍ ଆପେକେ ସଡ୍ ବାସଙ୍ଗ୍‌ ଶୁଙ୍ଗ୍ ଏଲୀୟନେ ବେଲା
 ଇଣ୍ଡାୟେଲନ୍‌ନିଆ ଉଡିବେଲା ଜିରସି ମେମୁଆଁ ତୁର୍ ଆକେ ଜାକ
 କିତଂଇନି ବନ୍ଧୁ ତିଂକେସାଃ ଶୁଆଃ ଆଗୁର୍‌କେ ଶୁଆରି ସାପା
 ଦେସ୍‌ନିଆ ମ୍‌ୱା ମୁର୍‌ଡି ତିଂକେ, ଆତେନ୍ ବେଲା ଇଣ୍ଡାୟେଲନେ

☆ ୪:୨୪ ୪:୨୪ ଜହନ୍ ୪:୪୪.

ଗୁଣ ଗୁଣସାଙ୍ଗକୁ ଏ ରେମୁଆଁ ଲେଖିଆରୁଗେ । ୨୭ ମାତର ଏଲୀୟକେ
 ମେଁଇଙ୍ଗନେ ବାନ୍ ମୁଡ଼ି ଗୁଣସାଙ୍ଗକୁଏକେ ଡିଗ୍ ତାଗରା ଆବେକେ
 ଶୁ ଡ୍ରାଗଲା ଏଲୀୟ ସିଦନ ଏରିଆନେ ସାରିପତନ୍ନିଆ ବାସା ଲେଖକ୍ଲେ
 ମୁଇଁ ଗୁଣସାଙ୍ଗକୁଏ ତାଗରା ଖେ ଲେଖକେ । ବିନ୍ନେ ଜାଣେ ତାଗ୍ରା
 ମେଁ ଖେ ଆଲେକେ ଶୁ । ୨୭ ଆରି ବାବବାଦି ଏଲିଶାୟନେ ବେଲା
 ଇଶ୍ରାୟେଲନେ ଗୁଲୁଏ କୁଷ୍ଟରଗିଇଁ ଲେଖିଆରୁଗେ । ତେଲାଡିଗ୍
 ମେଁଇଙ୍ଗନେ ବାନ୍ ଆଜା ଡିଗ୍ ନିମାଣ୍ଡା ଆଡିଙ୍ଗ୍ ଆବଗେ ଶୁ ମାତର
 ସିରିଆ ଦେସନେ ନାମାନକେ ନିମାଣ୍ଡା ଆଡିଙ୍ଗ୍ ବଗେ ।

୨୮ ପାରତନା ତୁଆନ୍ନିଆ ଲେଖକ୍ଲେ ସାପା ରେମୁଆଁ ଜିସୁନେ ଏନ୍
 ସାପା ସାମୁଆଁ ଅଁଚେ ଜାବର ଗିସେ ଡିଙ୍ଗ୍ଆକେ । ୨୯ ରେମୁଆଁଇଁ
 ଜିସୁକେ ଇନିବାନ୍ ପାଦା ନୁଆଁ ବିକେ । ମେଁଇଙ୍ଗନେ ଇନି ମୁଇଙ୍ଗ୍
 କଣ୍ଡା ଆଡାଡ୍ରା ଡିଆର ଡିଙ୍ଗ୍ ବଆରଗେ । ମେଁଇଙ୍ଗ୍ ଜିସୁକେ କଣ୍ଡା
 ଆଡାଡ୍ରା ତୁଙ୍ଗ୍ଝେଚେ ଆମେକେ ଆଡବା ବୁନ୍ଦେ ଟମେଗ୍ ବିନ୍ନସା
 ଚାଏଁ ଡିଙ୍ଗ୍ ଆରଗେ । ୩୦ ମାତର ଜିସୁ ରେମୁଆଁଇଁନେ ବାନ୍ ତାରଚେ
 ଖେକେ ।

**ଜିସୁ ମୁଇଁ ବୁଡ଼ ସାଃକ୍ଲେ ରେମୁଆଁକେ ନିମାଣ୍ଡା ଆଃଡିଂକେ
 (ମାର୍କ ୧:୨୧-୨୮)**

୩୧ ଜିସୁ ଗାଲିଲୀନେ କପର୍ନାହୁମ ମିକ୍ଲେ ଇନିନିଆ ପାଙ୍ଗକେ ମେଁ
 ପୁଣ୍ଡେନେ ବାର ଦିନା ରେମୁଆଁଇଁକେ ସିକ୍ୟା ବିଃନେ ଲାଗେକେ ।
 ୩୨ ☆ରେମୁଆଁଇଁ ମେଁନେ ବୁଦି ଅଁଚେ ଇରିଆଡୁଗ୍ ଖେଆରଗେ ।
 ତାଗ୍ଲା ମେଁ ଅଦିକାର ଏଡେ ସାମୁଆଁ ବାସଙ୍ଗ୍ ଡିଙ୍ଗ୍ଗେ । ୩୩ ଆଡେନ୍
 ପାରତନା ତୁଆନ୍ନିଆ ଲେଖମ୍ୟାକ୍ଲେ ମୁଇଙ୍ଗ୍ ରେମୁଆଁ ଗାଗଡ଼େ ନ୍ନିଆ
 ଅସୁଚି ଆମ୍ବା ବାସା ଲେଖଗେ । ମେଁ ଖାସାରଚେ ମାଲେ ଖାସାରଚେ
 ବାସଙ୍ଗ୍କେ ୩୪ “ଅ ନାଜରିତୀୟ ଜିସୁ ନାନେ ଏଡେ ନେଙ୍ଗନେ ମେଁ
 ଲେଖକେ ? ନାନେ କି ଆନେକେ ଆଗୁଏନ୍ସା ନାପାଙ୍ଗକେ ? ନାନେ
 ଜାଣେ ଆଡେନ୍ ନେଙ୍ଗ ମ୍ୟା କ୍ଲେକେ; ନାନେ ଇସପରନେ ପବିତ୍ର
 ରେମୁଆଁ ।”

☆ ୪:୩୨ ୪:୩୨ ମାଡିଉ ୭:୨୮,୨୯.

୩୫ ଜିସୁ ଆମେକେ ଦମ୍ଭକେତେ ବାସଙ୍ଗକେ, “ତୁମ୍ଭ ତିଂ ଆକ୍‌ମେଁ ବାନ୍ ତାର୍‌ତେ ଲାଗ୍‌ତଲା । ଆଡ଼ବା ଆତେନ୍‌ ସେଆଁରେ ଆମେକେ ବୁନ୍ଦେ ଆଲକେ ଆମେକେ ମେଠଡ଼ିଗ୍‌ ଚିନା ମାରାଡ଼ିଙ୍ଗ୍‌ତେ ମେଁ ବାନ୍ ଲାଗ୍‌ତକେ ।”

୩୬ ଆଡ଼ବା ରେମୁଆଁଇଂ ଇରିଆତୁଗ୍‌ ଝେଆରଗେ । ଆରି ମେଇଂ ବିତ୍ତେ ବିତ୍ତେ ବାଲିର୍‌ ବାତା ଆରକେ, “ଏନ୍‌ ତିରକମ୍‌ ସାମୁଆଁ ? ଅଦିକାର୍‌ ଆରି ବପୁ ଏତେ ମେଁ ସେଆଁରେଇଂକେ ଆଦେସ୍‌ ବିଡ଼ିଙ୍ଗ୍‌କେ । ଆରି ସେଆଁରେଇଂ ମେଁନେ ସାମୁଆଁ ଅଁରେ ତାର୍‌ତେ ପାଙ୍ଗ୍‌ଡ଼ିଙ୍ଗ୍‌ ଆରକେ ।” ୩୭ ଆତେନ୍‌ ଏରିଆନେ ସାପା ଜାଗାନ୍ନିଆ ଜିସୁ ବିସୟରେ ଏନ୍‌ କବର୍‌ ଉଡ଼ା ଡ଼ିଙ୍ଗ୍‌କେ ।

**ଜିସୁ ଗୁଲୁଏ ରେମୁଆଁ ନିମାଣ୍ଡା ଆଃସାମୁଆଃ ଡ଼ିଙ୍ଗ୍‌କେ
(ମାତିଡ ୮:୧୪-୧୭; ମାରକ ୧:୨୯-୩୪)**

୩୮ ଇଡ଼ିଙ୍ଗ୍‌ ଜିସୁ ପାର୍‌ତନା ତୁଆ ଆନ୍‌ତାର୍‌ତେ ଶିମୋନ ତୁଆ ଝେକେ । ଶିମୋନ ଆତାଡ଼େକେ ଜାବର୍‌ ସାଃବା ଡ଼ିଙ୍ଗ୍‌ଲେକେ ମେଇଂ ଜିସୁକେ ମେଁ ଆଡ଼ଲା ନିମାଣ୍ଡା ଆଡ଼ିଙ୍ଗ୍‌ ନ୍‌ସା ବାସଙ୍ଗକେ । ୩୯ ଆତେନ୍‌ ବେଲା ମେଁ ତାଗ୍‌ା ତୁଆଁରେ ସାଃବାକେ ଦାକା ବିଲା ସାଃବା ଆନ୍ତାର୍‌ ଝେକେ । ତେନ୍‌ ଇଡ଼ିଂ ମେଁ ତଡ଼ିଆତେ ମେଁଇଙ୍ଗ୍‌ନେ ସେବା ଡ଼ିଙ୍ଗ୍‌ ନ୍‌ସା ଲାଗେ ପଡ଼େକେ ।

ଜିସୁ ମାଲେ ରେମୁଆଁଇଂକେ ନିମାଣ୍ଡା ଆଃଡ଼ିଙ୍ଗ୍‌କେ /

୪୦ ସ୍ତ୍ରୀ ଲଗ୍‌ନେ ବେଲା ରେମୁଆଁଇଂ ମେଁଇଙ୍ଗ୍‌ନେ ରଗ୍‌ ସାଃଲେଃକ୍‌କେ ରେମୁଆଁଇଂକେ ଜିସୁନିଆ ତୁଙ୍ଗ୍‌ପାଙ୍ଗ୍‌ଆରକେ । ମେଁଇଙ୍ଗ୍‌ନ୍ନିଆ ବିନ୍‌ବିନ୍‌ ରକମ୍‌ ରଗ୍‌ ଲେଃଗେ । ଜିସୁ ନିଜେନେ କ୍ରି ମେଇଂ ଆଡ଼ାତ୍ରା ବତେ ଆମେଇଂକେ ନିମାଣ୍ଡା ଆଡ଼ିଙ୍ଗ୍‌କେ । ୪୧ ଆରି ତିଗ୍‌ ମେଁଇଙ୍ଗ୍‌ନେ ବାନ୍ ଲେଃକ୍‌କେ ଉଡ଼ିରୁଆ ବୁଡ଼ ଆଡ଼ମାଇଂ ତାର୍‌ତେ ପାଙ୍ଗ୍‌ ଆରକେ । ଆରି ବୁଡ଼ ଆଡ଼ମାଇଂ କିରତେ ବାସଙ୍ଗ୍‌ ଆରଡ଼ିଙ୍ଗ୍‌, “ନାନେ ପରମେସର୍‌ନେ ଉଙ୍ଗ୍‌ତେ ।” ମାତର୍‌ ଜିସୁ ବୁଡ଼ ଆଡ଼ମାଇଂ ବୁଙ୍ଗ୍‌ ଲେଃନ୍‌ସା ଆଦେସ୍‌ ବିକେ । ତାଗ୍‌ା ଆତେନ୍‌ ବୁଡ଼ ଆଡ଼ମାଇଂ ମ୍ୟାଲେଃଆରଗେ ଜେ ଜିସୁ ଡ଼ିଙ୍ଗ୍‌ ଡ଼ିଙ୍ଗ୍‌କେ ନିଜେ କିସ୍‌ଟ ।

**ସବା ତୁଆ
(ମାର୍କ ୧:୩୫-୩୯)**

୪୨ ମାର୍ତ୍ତତଢ଼େ ଞ୍ଜିରୁନୁଗ୍ ମେଁ ଇନିବାନ୍ ତାର୍ତ୍ତେ ମୁଇଙ୍ଗ୍ ଚିମରା ଜାଗାନ୍ନିଆ ଝେକେ ଆରି ରେମୁଆଁଇଁ ଆମେକେ ତୁର୍ ତୁର୍ତ୍ତେ ମେଁ ତାଗ୍ରା ପାଙ୍ଗ୍ ଆରକେ ଆରି ମେଁ ଜେନ୍ତିକି ମେଁଇଙ୍ଗ୍ନେ ତାଗ୍ରା ଆଝେ ଶୁଆତେନ୍ସା ଆମେକେ ଆଡ଼ଅରିଆ ଲେନ୍ସା ଚେସ୍ତା ଡିଙ୍ଗ୍ଆକେ । ୪୩ ତେଲା ମେଁ ଆମେଇଁକେ ବାସଙ୍ଗ୍କେ, ବିନ୍ବିନ୍ ଇନିଡିଗ୍ ଆନେଙ୍ଗ୍କେ ଡିଲାଡିଗ୍ ଇସ୍ପର୍ତ୍ତନେ ରାଇଜ୍ତରେ ନିମାଣ୍ଡା ବ୍ଲାଲିର୍ ବାଲିରନ୍ସା ଡିଙ୍ଗ୍ଏ ତାଗ୍ରା ଆତେନ୍ସା ନେଙ୍ଗ୍ ପାଙ୍ଗ୍ ନ୍ଲେକେ ।

୪୪ ତେସା ଆତେନ୍ ଜିଉଦା ଦେସ୍ନେ ବିନ୍ବିନ୍ ପାର୍ତନା ତୁଆନ୍ନିଆ ପର୍ତ୍ତାର ଡିଙ୍ଗ୍ ନସା ଆରାମ୍ ଡିଂକେ ।



**ଜିସୁ ପର୍ତ୍ତମ୍ ସିସ୍ତାକେ ଝାକେ
(ମାଟିଉ ୪:୧୮-୨୨; ମାର୍କ ୧:୧୭-୨୦)**

୧ ମେସୁଆ ଜିସୁ ଗିନେସରଡ଼ ଲଣ୍ଡିଆ ଆଃଡ଼ା ତୁଆଁ ଲେଃଗେ । ଆରି ରେମୁଆଁଇଁ ଇସ୍ପର୍ତ୍ତନେ ସାମୁଆଁ ଅନ୍ସା ଚେଚାଚେଣ୍ଡୁରୁ ଡିଙ୍ଗ୍ଆରଡିଙ୍ଗେ । ୨ ଆରି ମେଁ କେଣ୍ଡିଆ ଆଃଡ଼ା ମ୍ବାକ୍ଲିଗ୍ ତରା ଲେଃକ୍ନେ କେକେ । ସାଃହାଃରେଇଁ ଆତେନ୍ ତରାବାନ୍ ଜାର୍ତ୍ତେ ମେଁଇଙ୍ଗ୍ନେ ଜାଲ୍ ଗଡ଼ିଆ ଡିଙ୍ଗ୍ଗେ । ୩ ଆତେନ୍ ତରାଇଁ ବାନ୍ ଆଣ୍ଡିନେ ଶିମୋନେ ତରା ଲେଃଗେ । ଆଡ଼ ଅରିଆ ମେଁ ତେଃଚେ କେଣ୍ଡିଆ ଆଡ଼ାବାନ୍ ସ୍ତୁ ଝେନ୍ସା ଆମେକେ ବାସଙ୍ଗ୍କେ; ଆରି ମେଁ ତରାଅରିଆ କଚେ ରେମୁଆଁଇଁନ୍ନିଆ ବୁଦି ବିଃନେ ଲାଗେକେ ।

୪ ମେଁ ସାମୁଆଁ ବାସଙ୍ଗ୍ ଆଃଡ଼ାଚେ ଶିମୋନକେ ବାସଙ୍ଗ୍କେ, “ସ୍ତ୍ରୁଣ୍ଡିଆ ବିତ୍ତେ ଝେଚେ ଆଃଡ଼ ସାନ୍ତି ପେନେ ଜାଲ୍ ଲ୍ଲାଗ୍ପା ।

୫ ଆଡ଼ବା ଶିମୋନ ଉତର୍ ବିକେ, ଏ ଗୁରୁ, ଆଃଡ଼ ସାନ୍ତି ନେ ମିଡିଗ୍ ଜାକ କଷ୍ଟ ଡିଙ୍ଗ୍ଚେ ମେଁ ଡିଗ୍ ନେବାକେ ଶୁଃ ମାଡର୍ ନାନେ ସାମୁଆଁରେ ନେଙ୍ଗ୍ ଜାଲ୍ ଲ୍ଲାଗ୍ଏ । ୬ ଆରି ମେଇଁ ଜାଲ୍ ଲ୍ଲାଗ୍ଚେ ଜବର୍ ଆଃଡ଼ ସାଃଆରକେ ଆରି ମେଁଇଙ୍ଗ୍ନେ ଜାଲ୍

☆ ୫:୭ ୫:୭ ଜହନ୍ ୨୧:୭.

ଚିକ୍ଚିନେ ଲାଗେକେ ।^୭ ଆଡ଼ଅରିଆ ମେଁଇଙ୍କନେ ଜାଣ୍ଟିଗ୍ କୁଡ଼େରେ ସାଣ୍ଡେଇଙ୍କ ଆରି ବିନ୍ ତରାନିଆ ଲେଃଆରୁଗେ ମେଇଁ ତିରକମ୍ ପାଙ୍ଗରେ ସାଇଜ୍ୟ ଡିଙ୍ଗ୍ ଆରୁଏ ଆଡେନ୍‌ସା ମେଇଁ ଆମେଇଁକେ ୱାକେ । ଆଡ଼ବା ମେଇଙ୍କ ପାଙ୍ଗରେ ମ୍ବାକ୍ଲିଗ୍ ତରାକେ ଆଃଡ଼ରେ ଡେକ୍‌ରକମ୍ ତାଃନଆରକେ ଜେ ତରାଇଁ ଲଗ୍‌ଡିଆ ୱେନେ ସୁଗୁଆ ଡିଙ୍ଗ୍‌ଝେକେ ।^୮ ତାଗ୍ଲା ଶିମୋନ୍ ପିତର୍ ଆକେନ୍ କେରେ ଜିସୁନେ ୱି ବୁଦେ ଲଃରେ ବାସଙ୍ଗକେ ଏ ମାପୁ ନାନେ ନେଙ୍ଗ୍ ତାଗ୍ରାବାନ୍ ଲାଗ୍‌ତଲା ତାଗ୍ଲା ନେଙ୍ଗ୍ ମୁଇଙ୍କ ପାପି ରେମୁଆଁ ।”

^୯ ତାଗ୍ଲା ମେଇଙ୍କ ଆଡେନ୍ ବାନ୍ ଆଃ ଅଃକେନ୍ ଆଡ଼ ସାଃବଆରୁଗେ ଜେ ଆଡେନ୍ କେରେ ମେଁ ଆରି ମେଁନେ ସାଙ୍ଗାଇଁ ସାପାରେ ଇରିଆଡୁଗ୍ ଡିଙ୍ଗ୍ ଆରକେ; ^{୧୦} ଆରି ଜେବଦୀନେ ମ୍ବାକ୍ଲିଗ୍ ଡଙ୍ଗ୍‌ଡେ ଜାକୁବ୍ ଆରି ଜହନ୍, ଜାଣ୍ଡେଇଁ ଶିମୋନ୍ ଏଃଡେ ଲେଃଗେ, ମେଇଁ ତିଗ୍ ଦେଡୁଆ ଇରିଆଃଡୁଗ୍ ୱେଆରକେ । ଆରି ଜିସୁ ଶିମନ୍‌କେ ବାସଙ୍ଗକେ, ଆବ୍‌ଚେଗେ ନାମଃ, ଏଃବାନ୍ ନା ଆଃଡ଼ ସାଃନେ ବାଦୁଲ୍ ରେମୁଆଁକେ ମାପୁନେ ଗାଲିନ୍ନିଆ ତୁଁନାପାଙ୍ଗଏ ।

^{୧୧} ଆଡ଼ବା ମେଇଁ ତରାଇଁ କେଣ୍ଡିଆଃ ଆଃଡ଼ାଃ ତୁଙ୍ଗ୍‌ପାଙ୍ଗରେ ସାପା ଆନ୍ତାରରେ ମେଁନେ ପ୍ଲା ୱେଆରକେ ।

**ଜିସୁ କୁଷ୍ଟରଗିକେ ନିମାଣ୍ଡା ଆଡିଙ୍ଗକେ
(ମାତିଡ ୮:୧-୪; ମାର୍କ ୧:୪୦-୪୫)**

^{୧୨} ମେଁ ମୁଇଙ୍କ ଇନିନିଆ ଲେଃନେ ବେଲା କେଲା ଆଡ଼ଅରିଆ ମୁଇଙ୍କ ଗାଗ୍‌ଡେ ଜାକ କୁଷ୍ଟରଗ୍ ସାଲେଃକ୍ଲେ ରେମୁଆଁ ଲେଃଡିଙ୍ଗେ; ମେଁ ଜିସୁକେ କେରେ ମୁଗ୍‌ଗାଃ ଲଃରେ ଆମେକେ କୁସାମୁଡି ଡିଙ୍ଗ୍‌ରେ ବାସଙ୍ଗକେ ଏ ମାପୁ “ନାନେ ଜଦି ରାଜି ନାଡିଙ୍ଗଏ ଦେଡୁଲା ନାନେ ଆନେଙ୍ଗ୍ ନିମାଣ୍ଡା ଆଡିଙ୍ଗ ନାୟାଏ ।”

^{୧୩} ଆଡ଼ବା ମେଁ ତ୍ରି ଆର୍‌ଲେରେ ଆମେକେ ଲିଗ୍‌ରେ ବାସଙ୍ଗକେ ନେଙ୍ଗ୍ ରାଜି ଡିଙ୍ଗ୍‌ଣ୍ଡିଙ୍ଗକେ ନିମାଣ୍ଡା ଡିଙ୍ଗ୍ । ଆଡ଼ବା ଆଡେନ୍ ରେମୁଆଁ କୁଷ୍ଟରଗ୍‌ବାନ୍ ନିମାଣ୍ଡା ତିଂକେ । ^{୧୪} ଜିସୁ ଆମେକେ ଆଦେସ୍ ବିରେ ବାସଙ୍ଗକେ ଆଜାକେ ଆବାସଙ୍ଗ ନାମଃ ମାତର୍ ସିଦା ପୁଜାରିନ୍ନିଆ ୱେଲା ଆରି ମେଁ ଆନାକେ ପରିକ୍ୟା ଡିଙ୍ଗ୍‌ରେ କେଲେ ଏନ୍ ଇଡିଙ୍ଗ୍

ନାନେ ନିମାଣ୍ଡା ଡିଙ୍ଗ ନାଲେଃକେ ଡାଗ୍‌ରେ ବିନ୍‌ନ୍ନିଆ ପାର୍‌ମାନ୍ ବିଃନ୍‌ସା ମୋଶାନେ ଆଦେସ୍ ଅନ୍‌ସାରେ ବେଦିନ୍ନିଆ ଦାନ୍ ବିଃ ।

୧୫ ଡାଗ୍ଲା ଜିସୁନେ ବିସ୍‌ୟରେ ସାମୁଆଁ ଆରି ଅଦିକ୍ ଉଡ୍ରା ଡିଙ୍ଗକେ ଆରି ଜବର୍ ରେମୁଆଁ ଅନ୍‌ସା ଆରି ନିଜେ ନିଜେ ରଗ୍ ବାନ୍ ନିମାଣ୍ଡା ଡିଙ୍ଗନେସା ମୁଇନ୍‌ନ୍ନିଆ ରିସିଙ୍ଗନେ ଲାଗେକେ; ୧୬ ମାତର୍ ମେଁ ରେମୁଆଁ ଶୁନେ ଟାନ୍‌ନିଆ ଲେଃରେ ପାର୍‌ତନା ଡିଙ୍ଗଡିଙ୍ଗେ ।

ଜିସୁ ମୁଇଙ୍ଗ୍ ତ୍ରି ଞ୍ଚ ନ୍‌ସୁଆର୍ ଲେଃକେ ରେମୁଆଁକେ ନିମାଣ୍ଡା ଆଡିଙ୍ଗକେ

(ମାତିଉ ୯:୧-୮; ମାର୍କ ୨:୧-୧୨)

୧୭ ମେସୁଆ ଜିସୁ ବୁଦି ବିଡିଙ୍ଗେ ଆରି ଗାଲିଲୀନେ ସାପା ଇନି ଆରି ଜିଉଦା ପ୍ରଦେସ୍‌ନେ ଆରି ଯିରୁସାଲାମ୍ ବାନ୍ ପାଙ୍ଗଲେକେ ଫାରୁଶୀ ଆରି ନିଅମ୍‌କାରିଇଂ ଡାଗ୍ଲା କଲେ ଆର୍‌ଗେ । ଆରି ମେଁ ଜେଡିକି ନିମାଣ୍ଡା ଆଡିଙ୍ଗ୍‌ଏ ଆଡେନ୍‌ସା ମାପୁନେ ବପୁ ମେଁନ୍ନିଆ ପାଙ୍ଗେ । ୧୮ ଆରି କେଲା ଉଡିରୁଆ ମୁଇଙ୍ଗ୍ ତ୍ରି ଞ୍ଚ ନ୍‌ସୁଆର୍‌ଲେଃକେ ରେମୁଆଁକେ କର୍‌ନିଆ ତୁଙ୍ଗ୍ ତୁଂପାଙ୍ଗ୍‌ରେ ଆମେକେ ବିତ୍ରେ ତୁଂଝେରେ ଆରି ମେଁ ଡାଗ୍ଲା ବନ୍‌ସା ଚେସ୍‌ଟା ଡିଙ୍ଗ୍‌ଆର୍‌ଡିଂ‌ଗେ । ୧୯ ଡାଗ୍ଲା ଜାବର୍ ରେମୁଆଁ ରିସିଙ୍ଗ୍ ଲେଃରେ ଆଡେନ୍‌ସା ଆମେକେ ବିତ୍ରେ ତୁଂଝେନ୍‌ସା ଗାଲି ଆବାଲା ମେଇଂ ତୁଆ ଆଡାଡ୍ରା ତୁଙ୍ଗ୍‌ଝେରେ କ୍ଲେସାଂ ଆପୁଗ୍‌ରେ କର୍ ଡାଣ୍ଡି ଏଡେ ଆମେକେ ମଜେ ଜାଗାନ୍ନିଆ ଜିସୁଡାଗ୍ଲା ଆଜାର୍ ବିଆର୍‌କେ । ୨୦ ମେଁ ମେଁଇଙ୍ଗ୍‌ନେ ବିସ୍‌ବାସ୍ କେଚେ ବାସଙ୍ଗକେ, “ଅ ଗଡେଅ ନାନେ ପାପ୍ ସାପା କେମା ଡିଙ୍ଗେ ।”

୨୧ ଆଡ୍‌ଅରିଆ ଦର୍ମ୍ ଗୁରୁ ଆରି ଫାରୁଶୀଇଂ ନିଜେ ନିଜେ ବାଲିର୍‌ବାତାଚେ ବାସଙ୍ଗନେ ଲାଗେଆର୍‌କେ, “ଇସ୍‌ପର୍‌କେ ନିନ୍‌ସା ଆଡିଙ୍ଗ୍‌ଡିଙ୍ଗକେ, ଏନ୍ ଜାଣ୍ଡେ ? କେବଲ୍ ଇସ୍‌ପର୍‌ବାନ୍ ଆରି ଜାଣ୍ଡେ ପାପ୍ କେମା ଡିଙ୍ଗ୍‌ଇୟାଏ ?”

୨୨ ଡାଗ୍ଲା ଜିସୁ ମେଁଇଙ୍ଗ୍‌ନେ ବାଲିର୍‌ବାତାନେ ମ୍ୟା ଯାଚେ ଆମେଇଂକେ ଉଡର୍ ବିକେ ପେଇଂ ନିଜେ ନିଜେ ମନ୍‌ନ୍ନିଆ ମେଁନ୍‌ସା ବାଲିର୍‌ବାତା ଡିଂପେଡିଂକେ ? ୨୩ ମେଃନେ ବାସଙ୍ଗନେ ସଅଜ୍ ? ନାନେ ପାପ୍ କେମା ଡିଙ୍ଗେ ଡାଗ୍‌ରେ ବାସଙ୍ଗନେ ବା ଡଡିଆ

ଝେଲା ତାଗ୍‌ରେ ବାସଙ୍ଗନେ ? ୨୪ ତାଗ୍ଲା ମଞ୍ଚପୁରନେ ପାପ କେମା ଡିଙ୍ଗନେସା ରେମୁଆଁ ଉଙ୍ଗଡେକେ ଜେ ଅଦିକାର୍ ଲେଃକେ ଆକେନ୍ ଜେନ୍ତୁକି ପେଇଂ ମ୍ୟା ପେୟାଏ ଆଡେନ୍‌ସା ତ୍ରି ଞ୍ଚ ନ୍‌ସୁଆର୍‌ଲେଃକେ ରେମୁଆଁ ବାସଙ୍ଗକେ, “ନେଙ୍ଗ୍ ଆନାକେ ବାସଙ୍ଗ୍‌ଣିଂ ତଡ଼ିଆ ନିଜେନେ ସିଙ୍ଗ୍‌ଲା ସାଚେ ନାନେ ତୁଆ ଝିଗ୍‌ଲା ।”

୨୫ ଆଡ଼ବା ମେଁ ଦାପ୍ତେ ମେଁଇଙ୍ଗନେ ବାନ୍ ତଡ଼ିଆଚେ ଆଣ୍ଟିନେ ସିଙ୍ଗ୍‌ଲା ଆଡ଼ାଡ଼ା ମେଁ ତୁଲେଗ୍ ଲେଃଗେ ଆଡେନ୍ ସାଚେ ଇସ୍‌ପରନେ ମଇମା ଅସ୍‌ମାର୍ ସାର୍‌ଚେ ନିଜେନେ ତୁଆ ଝିଗ୍‌କେ । ୨୬ ଆଡ଼ଅରିଆ ସାପାରେ ବୁଟ୍‌ଚେ ଇସ୍‌ପରନେ ମଇମା ଅସ୍‌ମାର୍ ସାର୍‌ଚେ ଲାଗେକେ ଆରି ଜାବର୍ ତାନ୍ଦା ଡିଙ୍ଗ୍‌ଚେ ବାସଙ୍ଗକେ ଏଃକେ ନେ ବଡ଼େ ବୟ୍‌କାର୍ ଗର୍‌ନା ନେକେକେ !

**ଲେବୀ ଜିସୁକେ ଉର୍‌କେ
(ମାଡିଉ ୯:୯-୧୩; ମାର୍କ ୨:୧୩-୧୭)**

୨୭ ଆଡ଼ବା ଜିସୁ ପାଦା ଝେଚେ ଲେବୀ ମିନେ ମୁଇଙ୍ଗା ସିସୁ ସାଲ୍ୟାନେ ଜାଗାନ୍ନିଆ କଲେଃକେ କେଚେ ଆମେକେ ବାସଙ୍ଗକେ, “ନେଙ୍ଗ୍ ପ୍ଲା ପାଙ୍ଗ୍‌ଲା ।” ୨୮ ଆଡ଼ବା ଲେବୀ ସାପା ଆଡ଼ାର୍‌ଚେ ମେଁନେ ପ୍ଲା ଝେନେ ଲାଗେକେ ।

୨୯ ଆରି ଲେବୀ ନିଜେ ତୁଆ ମେଁ ଆକ୍ଲା ମୁଇଙ୍ଗ୍ ମ୍ଲା ବଜି ଡିଙ୍ଗକେ ଆରି ଗୁଲୁଏ ରେମୁଆଁ ସିସୁ ସାଲ୍ୟାଣ୍ଡେ ଆରି ବିନ୍‌ବିନ୍ ରେମୁଆଁ ମେଇଂ ଏଡେ ଚଙ୍ଗନ୍‌ସା କଆର୍‌କେ । ୩୦ ☆ଆଡ଼ବା ପାରୁସିଇଂ ଆରି ମେଁଇଙ୍ଗନେ କୁଦାନେ ସାସ୍ତିଇଂ ମେଁଇଙ୍ଗନେ ସିସ୍‌ଇଂନେ ବିରଦ୍‌ରେ ବିଡ୍ରେ ବିଡ୍ରେ ବାସଙ୍ଗନେ ଲାଗେକେ । ପେଇଂ ମେସା ସିସୁ ସାଲ୍ୟାଣ୍ଡେକେ ଆରି ପାପିଇଂ ଏଡେ ଚଙ୍ଗ୍ ଉଗ୍ ଡିଙ୍ଗକେ ?

୩୧ ଜିସୁ ଆମେଇଂକେ ଉଡର୍ ବିକେ ନିମାଣ୍ଡା ରେମୁଆଁଇଂନେ ଗଦାର୍‌ନିଆ ଦର୍‌କାର୍ ଶୁ ମ୍ଲାତର୍ ନିମାଣ୍ଡା ଶୁନେ ରେମୁଆଁଇଂନ୍ନିଆ ଦର୍‌କାର୍ ଲେଃକେ । ୩୨ ନେଙ୍ଗ୍ ଦାର୍‌ମିକ୍ ରେମୁଆଁଇଂକେ ଝା ନ୍‌ସା ନେପାଙ୍ଗକେ ଶୁ ମ୍ଲାତର୍ ମନ୍ ଆଃବଦ୍‌ଲେ ନ୍‌ସା ପାପିଇଂକେ ଝା ନ୍‌ସା ପାଙ୍ଗ୍‌ଲେକେ ।

☆ ୫:୩୦ ୫:୩୦ ଲୁକ୍ ୧୫:୧,୨.

ଉପାସ୍ ବିସୟରେ ସାଲ୍ୟାକୁନେ
(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ ମେଇଁ ଜିସୁକେ ବାସଙ୍ଗକେ ଜହନ୍ନେ ସିସ୍‌ଇଁ ପ୍ରେକ୍ ପ୍ରେକ୍ ଉପାସ୍ ଆରି ପାରତନା ଡିଙ୍ଗ୍ ମ୍ୟାକେ ପାରୁସିଇଁନେ ସିସ୍‌ଇଁ ଡିଗ୍ ଦେଡ୍ ସୁଗୁଆ ଡିଙ୍ଗ୍ ମ୍ୟାକେ ମାତର୍ ନାନେ ସିସ୍‌ଇଁ ଉଗ୍ ଚଙ୍ଗ୍ ଡିଙ୍ଗ୍ ମ୍ୟାକେ ।

୩୪ ଆଡ୍‌ବା ଜିସୁ ଆମେଇଁକେ ବାସଙ୍ଗକେ, “ମିଁ ଜିଁରେନେ ରେମୁଆଁଇଁ ଏତେ ଜିଁରେ ଲେଃକେଲା ପେଇଁ ମେଁନେ ଆମେଇଁକେ ଉପାସ୍‌ରେ ପେବଏ ? ୩୫ ମାତର୍ ବେଲା ପାଙ୍ଗ୍‌ଏ; ଆରି ଉଡିବେଲା ମେଁଇଙ୍ଗ୍‌ନେ ବାନ୍ ମିଁ ଜିଁରେକେ ତୁଁତ୍ ଆର୍‌ଏ ଆତେନ୍ ବେଲା ମେଇଁ ଉପାସ୍ ଡିଙ୍ଗ୍ ଆର୍‌ଏ ଅଃନା ଡିଗ୍ ଶୁ ।”

୩୬ ଆରି ଜିସୁ ଆମେଇଁକେ ମୁଇଙ୍ଗ୍ ଉଦାଅରନ୍ ବିଚେ ବାସଙ୍ଗକେ ଜା ଡିଗ୍ ମିଁ ପାଟାଇନେ ଜାଲି ଗୁଆତଗ୍‌ଚେ ବାଞ୍ଜିର୍ ପାଟାଇନ୍ନିଆ ଆତଗ୍ ଶୁ; ତଗଲା ଆତେନ୍ ମିଁକ୍ଲେ ପାଟାଇକେ ଗୁଆଃଏ ଆରି ମିଁ ପାଟାଇନେ ଜାଲି ଡିଗ୍ ବାଞ୍ଜିର୍ ଏତେ ଆମିସେ ଶୁ । ୩୭ ଆରି ଜାଣ୍ଡେ ମିଁ ଅଙ୍ଗୁର୍ ରସ୍ ବାଞ୍ଜିର୍ ଜୁଇନିଆ ଆବ ଶୁ; ବଲା ମିଁ ଅଙ୍ଗୁର୍ ରସ୍‌ନେ ଜୁଇକେ ଆପ୍‌ଡାଟ୍‌ଚେ ଲଃଏ ଆରି ଜୁଇ ନାସେ ଖେଏ । ୩୮ ମାତର୍ ମିଁ ଅଙ୍ଗୁର୍ ରସ୍ ମିଁ ଜୁଇନିଆ ବନେ ଦର୍‌କାର୍ । ୩୯ ଆରି ଜାଣ୍ଡେ ଡିଗ୍ ବାଞ୍ଜିର୍ ଅଙ୍ଗୁର୍ ରସ୍ ଉଗ୍‌ଚେ ମିଁ ଅଙ୍ଗୁର୍ ରସ୍ ଉଗ୍‌ନ୍‌ସା ଇକ୍‌ତା ଆଡିଙ୍ଗ୍‌ଆର୍ ଶୁ ଡାଗ୍ଲା ମେଁ ବାସଙ୍ଗ୍ ଡିଙ୍ଗ୍‌କେ ବାଞ୍ଜିର୍ ତ ନିମାଣ୍ଡା ।



ପୁଣ୍ଡେନେ ଦିନା ବିସୟରେ ପ୍ରସ୍‌ନ
(ମାତିଉ ୧୨:୧-୮; ମାର୍କ ୨:୨୩-୨୮)

୧ ମେଃସୁଆ ଜିସୁ ପୁଣ୍ଡେନେ ଦିନା ଲିଜ ପାକା ବିଚେ ଖେନେ ବେଲା ମେଁନେ ସିସ୍‌ଇଁ ଗହମ୍ ଟିକ୍‌ଚିଚେ ଛି ଏତେ ରମ୍‌ଦେଚେ ଚଙ୍ଗ୍‌ଆର୍ ଡିଙ୍ଗ୍‌ଗେ । ୨ ମାତର୍ ଫାରୁଶୀଇଁନେ ବାନ୍ ଉଡିରୁଆ ବାସଙ୍ଗକେ ପୁଣ୍ଡେନେ ଦିନା ମେଃଡିଗ୍ ଡିଙ୍ଗ୍‌ନେ ନିଅମ୍ ଶୁ ଆତେନ୍ ପେଇଁ ମେଁନ୍‌ସା ଡିଙ୍ଗ୍ ପେଡିଙ୍ଗ୍‌କେ ?

୩ ଜିସୁ ଆମେଇଂକେ ଉତର ବିକେ, ଦାଉଦ୍ ଆରି ମେଁନେ ସାଙ୍ଗଇଂକେ କେଡ଼େସଃକ୍ଲେ ବେଲା ମେଁ ମେଃନେ ଡିଙ୍ଗ ବଗେ ଆଡେନ୍ ଡିଗ୍ କି ପେ ପେପଡ଼େକେ ? ୪ ଦାଉଦ୍ ଇସ୍ପରନେ ତୁଆ ବିଡ୍ରେ ଗାଟେ ଆଣ୍ଟିନେ ଦର୍ଶନି ରୁଟି ମାତର୍ ପୁଜାରିଇଂକେ ଆନ୍ତାର୍ତ୍ତେ ଆରି ଆଜାଡିଗ୍ ଚଙ୍ଗନେ ନିଅମ୍ ଶୁ ଆଡେନ୍ ତୁଙ୍ଗ୍ଝେଟେ ଚଙ୍ଗଲେଃଆରଗେ ଆରି ମେଁନେ ସାଙ୍ଗଇଂକେ ଡିଗ୍ ଚଙ୍ଗନେସା ବିବଗେ ।

୫ ତେନ୍ ଇଡିଂ ଜିସୁ ପାରୁସିଇଂକେ ବାସଙ୍ଗକେ “ରେମୁଆଁ ଉଙ୍ଗଡେ ପୁଣ୍ଡେନେ ଦିନାନେ ଡିଗ୍ ମାପୁ ଡିଙ୍ଗ୍ ।

**ତ୍ରି ନସୁଆରଲେଃକ୍ଲେ ରେମୁଆଁ ନିମାଣ୍ଡା ଆଡିଙ୍ଗକେ
(ମାଡିଉ ୧୨:୯-୧୪; ମାର୍କ ୩:୧-୬)**

୬ ଜିସୁ ଆରି ମୁଇଂ ପୁଣ୍ଡେନେ ଦିନା ଜିଉଦି ପାରତନା ତୁଆନ୍ତିଆ ଝେକେ ଆଡ଼ଅରିଆ ମେଁ ରେମୁଆଁଇଂକେ ନିମାଣ୍ଡାନେ ସାମୁଆଁ ବାସଙ୍ଗକେ ଆଡ଼ଅରିଆ ମୁଇଙ୍ଗ୍ ରେମୁଆଁ ଲେଃଗେ ମେଁନେ ଞଙ୍ଗଡି ନସୁଆର୍ ଝେ ଲେଃଗେ । ୭ ଆରି ମେଁ ଇଙ୍ଗ୍ରା ପୁଣ୍ଡେନେ ଦିନା ନିମାଣ୍ଡା ଆଡିଙ୍ଗଲେ ଆକେନ୍ କେନ୍ସା ଦର୍ମ ଗୁରୁଇଂ ଆରି ଫାରୁଶୀଇଂ ଆମେକେ ମୁଇଙ୍ଗ୍ ମୁଆଃରେ କିକେ ଲେଃଆରଗେ ଡିରକମ୍ ମେଇଙ୍ଗ୍ ମେଁନେ ବିରଦ୍ରେ ଦସ୍ ସାଃନ୍ସା ଉପାୟ ବାଆରୁଏ । ୮ ମାତର୍ ମେଁ ମେଁଇଙ୍ଗନେ ମନ୍ନେ ବାବନା ମ୍ୟାଟେ ମୁଡି ରେମୁଆଁନେ ତ୍ରି ନସୁଆର୍ ଝେ ଲେଃଗେ ଆମେକେ ବାସଙ୍ଗକେ ତଡିଆ ସାପାରେନେ ମଜେ ତୁଆଁ । ଆରି ମେଁ ତଡିଆ ତୁଆଁକେ । ୯ ଆଡ଼ବା ଜିସୁ ଆମେଇଂକେ ବାସଙ୍ଗକେ, ନେଙ୍ଗ୍ ଆପେକେ ସାଲିଆକୁ ଶୁଙ୍ଗକେ ପୁଣ୍ଡେନେ ଦିନା ମେଃନେ ସାସ୍ତରନେ ନିଅମ୍ ଲେଃକେ ? ନିମାଣ୍ଡା ଆଃଡିଂନେ ଲେଃ ଦଦ୍ୟା ଆଡିଙ୍ଗନେ ? ଜିବନ୍ ଆମ୍ବ୍ ଲ୍ଲେ ଆଗୁଏରେ ? ୧୦ ଆରି ମେଁ ଅଁପାକା ସାପା ରେମୁଆଁ ଡାଗ୍ରା କେଟେ ଆମେକେ ବାସଙ୍ଗକେ ନାନେ ତ୍ରି ଆଃଲ୍ଲେବିଃ । ଆଡ଼ବା ମେଁ ତ୍ରି ଆଃଲ୍ଲେକେ ଆରି ମେଁନେ ତ୍ରି ନିମାଣ୍ଡା ଡିଙ୍ଗ୍ଝେଗେ ।”

୧୧ ମାତର ମେଇଙ୍କ ଗିସେ ଡିଙ୍ଗକେ ଆରି ଜିସୁ ଆଡାତ୍ରା ମେଠନେ ଡିଙ୍ଗ ଯାଏ ଆତେନ୍ ବିସୟରେ ମେଇଂମେଇଂ ବିତ୍ରେ ବାଲିରବାତା ଡିଙ୍ଗନ୍‌ସା ଲାଗେକେ ।

ଜିସୁ ଗମ୍ବାର ସିସକେ ସିକେ
(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ଆତେନ୍ ବେଲା ମେଁ ମେସୁଆ ପାରତନା ଡିଙ୍ଗନ୍‌ସା କଣ୍ଟାପାକା ତାର୍‌କ୍ଷେରେ ଇସପର ଡାଗ୍ରା ପ୍ରାଃ ମିଡିଗ୍ ପାରତନା ଡିଙ୍ଗ ଆରକେ । ୧୩ ମାରତଡେ ଝିରନ୍ତୁଗ୍ ମେଁ ନିଜେନେ ସିସକଂକେ ଡାଗ୍ରା ଝାତେ ମେଇଙ୍କନେ ବିତ୍ରେବାନ୍ ଗମ୍ବାର ରେମୁଆଁକେ ବାରେକେ; ମେଁ ଆମେଇଂକେ ଡିଗ୍ ପ୍ରେରିଡ୍ ମି ବିକେ; ୧୪ ମେଇଂ ଡିଙ୍ଗଡିଙ୍ଗକେ ଶିମୋନ ଆଜାକେ ମେଁ ଡିଗ୍ ପିତର ମି ବିକେ ଆରି ମେଁନେ ବୟାଣ୍ଟେ ଆକ୍ରିୟ ଜାକୁବ୍ ଆରି ଜହନ୍ ଫିଲିପ୍ ଆରି ବାର୍ଥଲମି ୧୫ ମାତିଉ ଆରି ଥୋମା, ଆଲଫିନେ ଉଙ୍ଗଡେ ଜାକୁବ୍ ଆରି ଶିମୋନ ଆଜାକେ ଦେସ୍‌ପ୍ରେମି* ଡାଗ୍‌ତେ ବାସଙ୍ଗ୍ ମ୍ୟାଆରକେ ୧୬ ଜାକୁବ୍‌ନେ ଉଙ୍ଗଡେ ଜିଉଦା ଆରି ଇଷ୍ଟାରିୟୋୟ୍ ଜିଉଦା ଜାଣ୍ଟେ ଆମେକେ ସତୁ ତ୍ରି ନ୍ନିଆ ଆଃସାଃ ବିଃକେ ।

ଜିସୁ ବୁଦି ବିକେ ଆରି ନିମାଣ୍ଟା ଆଡିଙ୍ଗକେ
(ମାତିଉ ୪:୨୩-୨୫; ୫:୧-୧୨)

୧୭ ଆରି ମେଁ ମେଁଇଙ୍ଗ୍ ଏଡେ କଣ୍ଟାବାନ୍ ଜାର୍‌ତେ ମୁଇଙ୍ଗ୍ ସମ୍ ଜାଗାନ୍ନିଆ ତୁଆଁ ଆରକେ ଆରି ମେଁନେ ଗୁଲେ ସିସକଂ ଆରି ସାପା ଜିଉଦା ପ୍ରଦେସ୍ ଯିରୁଶାଲାମ୍ ଆରି କେଣ୍ଟିଆ ଆଃଡା ଲେଃଃକ୍ ସୋର ଆରି ସୀଦୋନ ଇନିନେ ଗୁଲେ ରେମୁଆଁ ପାଙ୍ଗ୍‌ଆରକେ; ୧୮ ମେଇଙ୍ଗ୍ ମେଁନେ ସାମୁଆଁ ଅନ୍‌ସା ଆରି ନିଜର୍ ନିଜେ ନିଜେନେ ରଗ୍‌ବାନ୍ ନିମାଣ୍ଟା ଡିଙ୍ଗନ୍‌ସା ପାଙ୍ଗ୍‌ଲେ ଆରକେ ଆରି ଜାଣ୍ଟେକେ ଦଦ୍ୟା ଆମ୍ବାଇଂବାନ୍ ଦୁକ୍ ବାଆରଏ ଡିଙ୍ଗଗେ ମେଇଙ୍ଗ୍ ନିମାଣ୍ଟା ଆଡିଙ୍ଗକେ; ୧୯ ଆରି ରେମୁଆଁଇଂ ଆମେକେ ଲିଗ୍‌ନ୍‌ସା ଚେସ୍‌ଟା ଡିଙ୍ଗ୍‌ଆଡିଙ୍ଗଗେ ଡାଗ୍ଲା ମେଁନେ ଗାଗ୍‌ଡେବାନ୍ ବପୁ ତାର୍‌ତେ ସାପାରେକେ ନିମାଣ୍ଟା ଆଡିଙ୍ଗ ଡିଙ୍ଗଗେ ।

* ୬:୧୫ ୬:୧୫ ସ୍ଲେ ନ୍‌ସା ଜାଣ୍ଟେକି ରାଜି ମେଁନେ ମି ଶିମୋନ

ଆସିବାଦ୍ ଆରି କଷ୍ଟ
(ମାତିଉ ୫:୧-୧୨)

୨୦ ଆତେନ୍ ବେଲା ସିସଲଂକେ କେଚେ ଜିସୁ ବାସଙ୍ଗକେ,
“ଏ ଗରିବ୍ ରେମୁଆଁଇଂ ପେଇଂ ନିମାଣ୍ଡା,
ତାଗ୍ଲା ଇସ୍ପର୍ନେ ରାଇଜ୍ ପେନେ ।

୨୧ ପେ ଏବେ କେଡେସଃ ପେଲେକେ ପେ ନିମାଣ୍ଡା,
ତାଗ୍ଲା ପେନେ ସୁଲୁଏଃ ବତ୍ ଡିଙ୍ଗ୍ ।

ପେ ଏବେ ଅଁ ପେଡିଙ୍ଗକେ ଜେ ପେଇଂ ନିମାଣ୍ଡା,
ତାଗ୍ଲା ପେଇଂ ପେଲୁଆଏ ।”

୨୨ ☆ରେମୁଆଁ ଅଃନା ଆପେକେ କୁର୍ ଡିଙ୍ଗ୍ଆରଏ, ବାରି ରେମୁଆଁ
ଉଂଡେ ନ୍ଯା ବିନେ ଆଃଡିଂଆରଏ, ବାରି ନିନ୍ଦା ଡିଂଆରଏ ଆରି
ପେନେ ମ୍ପିକେ ଦଦ୍ୟା ତାଗ୍ରେ ଗୁର୍ନା ଡିଂଆରଏ, ତେଲା ପେ ନିମାଣ୍ଡା
। ୨୩ ☆ଆତେନ୍ ବେଲା ସାର୍ଦା ଡିଙ୍ଗ୍ରେ ଖାଡେଙ୍ ଖାପା ତାଗ୍ଲା
କିତଂଇନିନ୍ଦିଆ ପେ ନ୍ଯା ମ୍ପା ପୁରସ୍କାର୍ ବକେ । ମେଇଙ୍ଗ୍ନେ ଗ୍ରା
ଞ୍ଜାଇଂ ବାବବାଦିଇଂନେ ଆଡାଡ୍ରା ଚିକ୍ ଦେକ୍‌ରକମ୍ ଡିଙ୍ଗ୍‌ବଆରକେ
।

୨୪ ଅ ସାଉକାର୍ ରେମୁଆଁଇଂ ! ଏବେ ପେଇଂ ସୁକ୍ରେ ପେଲେକେ !
ତାଗ୍ଲା ପେଇଙ୍ଗ୍ ସାରା ସାରି ଜିବନ୍ ଉଡି ବୟାଙ୍ଗାର୍ !

୨୫ “ଅ ରଙ୍ଗ୍‌କ୍ଲେ ରେମୁଆଁଇଂ ପେଇଂନେ ସାରାସାରି କସ୍ତୁ ଉଡି
ବୟାଙ୍ଗାର୍ ! ପେଇଂ କେଡେସ ପେଲେଃଏ ।

ଏବେ ଜାଣ୍ଡେଇଂ ଲୁଂଖା ପେଡିଙ୍ଗକେ

ପେଇଂ ଲୁଂଖାନେ ଅଃନେ ବାରି
କେଡେସ ପେଲେଃଏ ।”

୨୬ ଉଡିବେଲା ରେମୁଆଁ ଆପେକେ ନିମାଣ୍ଡା ତାଗ୍ରେ
ବାସଙ୍ଗଆରଏ, ଆତେନ୍ ବେଲା ଚିଃ ପେଇଂ ଡଣ୍ଡୁନେ ପାଡ୍ର;
ଦେଡସୁଗୁଆ ତ ମେଈଙ୍ଗ୍ନେ ଗ୍ରା ଞ୍ଜାଇଂ ମିର୍ ବାବବାଦିଇଂ ଆଡାଡ୍ରା
ଡିଙ୍ଗ୍‌ଆରଡିଂଗେ ।

ବିରଦ୍ ରେମୁଆଁଇଂ ବଲ୍ ବାପା
(ମାତିଉ ୫:୩୮-୪୮; ୭:୧୨)

☆ ୭:୨୨ ୭:୨୨ ୧ ପିଡର୍ ୪:୧୪. ☆ ୭:୨୩ ୭:୨୩ ପ୍ରେରିଡ୍ ୭:୫୨.

୨୭ “ପେଇଁ ଉଡ଼ିରୁଆ ନେଇଁନେ ସାମୁଆଁ ଅଁ ପେ ଶ୍ରିଗ୍ ନେଇଁ ଆପେକେ ବାସଙ୍ଗ୍ ଶ୍ରିଙ୍ଗ୍‌କେ ପେଇଁ ସତୁକେ ଆଲାଦ୍ ତିଂପା । ଜାଣ୍ଟେଇଁ ଆପେକେ ନିନ୍ଦା ତିଙ୍ଗ୍‌ଆରୁଏ ମେଇଁ ନସା ପାରତନା ତିଙ୍ଗ୍‌ପା । ୨୮ ଜାଣ୍ଟେଇଁ ଆପେକେ ଅବିସାପ୍ ବିଆରୁଏ ଆମେଇଁକେ ଆସିର୍ବାଦ୍ ତିଙ୍ଗ୍‌ପା; ଜାଣ୍ଟେଇଁ ଆପେକେ ଅପମାନ୍ ତିଙ୍ଗ୍ ଆରୁଏ ମେଇଁକ୍ ଆଡ଼ଲା ପାରତନା ତିଙ୍ଗ୍‌ପା । ୨୯ ଜାଣ୍ଟେ ଆପେକେ ମୁଇଙ୍ଗ୍ ଗିଙ୍ଗ୍‌କ୍ ଚାପଡ଼ା ବଗୁଏ ଆମେକେ ଆରି ମୁଇଙ୍ଗ୍ ଗିଙ୍ଗ୍‌କ୍ ଆଃସୁଏ ବିଃପା; ଆରି ଜାଣ୍ଟେ ନାନେ ତଗ୍‌ରିଆ ତୁଙ୍ଗ୍‌ତଏ ଆମେକେ ନାନେ ସକା ତିଗ୍ ତୁଙ୍ଗ୍‌ତନ୍‌ସା ମନା ଆତିଂଗେପା । ୩୦ ଜାଣ୍ଟେ ଆପେକେ ସାଲିଆଏ, ଆମେକେ ବିଃପା, ବାରି ଜାଣ୍ଟେ ପେନେ ମେଃଡିଗ୍ ଜିନିସ୍ ତୁଙ୍ଗ୍‌ତଏ, ତେଲା ଆଡେନ୍ ବାରି ମୁଇଁତର୍ ଆସାଲ୍ୟାଗେପା । ୩୧ ☆ପେଇଁ ବିନ୍‌ଶ୍ଟେଇଁନେ ବାନ୍ ତିରକମ୍ ବେପାର୍ ବାନ୍‌ସା ଇକ୍‌ତା ପେତିଙ୍ଗ୍‌ଏ ମେଇଁନେ ଆଡ଼ାଡ଼ା ଦେଡ଼ରକମ୍ ବେବଆର୍ ତିଙ୍ଗ୍‌ପା ।

୩୨ ଜାଣ୍ଟେଇଁ ଆପେକେ ଆଲାଦ୍ ତିଂମ୍ୟାକେ ପେ ଜଦି ଆମେଇଁକେ ଆଲାଦ୍ ପେତିଂଏ ତେଲା ପେଇଁ ମେଃ ଆସିର୍ବାଦ୍ ପେବାଏ ? ଡାଗ୍ଲା ପାପିଇଁ ତିଗ୍ ଆମେଇଁକେ ଆଲାଦ୍ ତିଂମ୍ୟାଆରକେ ୩୩ ଆରି ଜାଣ୍ଟେଇଁ ପେନେ ମଙ୍ଗ୍‌ଲ୍ ତିଙ୍ଗ୍‌ଆରୁଏ ତେଲା ପେଇଁ ତିଗ୍ ମେଇଁନେ ମଙ୍ଗ୍‌ଲ୍ ତିଙ୍ଗ୍ ତେଲା ପେ ତିରକମ୍‌ନେ ଆସିର୍ବାଦ୍ ପେବାଏ ? ଡାଗ୍ଲା ପାପିଇଁ ଦେଡ଼ ରକମ୍ ତିଙ୍ଗ୍ ଆରୁଏ । ୩୪ ଆରି ଜାଣ୍ଟେଇଁନେ ବାନ୍ ପେଇଁନେ ବାନେ ଆସା ଲେଃଏ ଆମେଇଁକେ ରୁନ୍ ବିଲା ପେଇଁ ତିରକମ୍‌ନେ ଆସିର୍ବାଦ୍ ପେବାଏ ? ପାପିଇଁ ତିଗ୍ ସମାନ୍ ବାଟାରେ ସୁଜେନ୍‌ସା ପାପିଇଁକେ ରୁନ୍ ବିମ୍ୟା ଆରକେ । ୩୫ ମାତର୍ ପେଇଁକ୍‌ନେ ସତୁଇଁକେ ଆଲାଦ୍ ତିଂପା ଆରି ମେଁଇଙ୍ଗ୍‌ନେ ମଙ୍ଗ୍‌ଲ୍ ତିଙ୍ଗ୍‌ପା ଆରି ସୁଜେନ୍‌ସା ଆସା ଆବତେ ରୁନ୍ ବିଃପା; ତେଲା ପେଇଁ ପୁରୁସ୍‌କାର୍ ମ୍ଲା ତିଙ୍ଗ୍‌ଏ ଆରି ପେଇଁ ସାପାବାନ୍ କିତଂନେ ଆବାନେ ଉଙ୍ଗ୍‌ଡେ ପେତିଙ୍ଗ୍‌ଏ ଡାଗ୍ଲା ମେଁ ବାକ୍ଟେ ଇଡିଙ୍ଗ୍ ତିଗ୍ ଉପକାର୍ ଆବୁଜେ ଶ୍ରି ଦେଡ଼ରକମ୍ ରେମୁଆଁ ଆରି ଦୁଷ୍ଟ ରେମୁଆଁଇଁ ନ୍ନିଆ ଆଡ଼ାଡ଼ା ତିଗ୍ ଦୟା ତିଙ୍ଗ୍‌ଏ । ୩୬ ପେଇଁନେ ଆବା ତିରକମ୍ ଲିବିସ ପେଇଁକ୍ ତିଗ୍ ଦେଡ଼ସୁଗୁଆ ଲିବିସ ତିଙ୍ଗ୍‌ପା ।

☆ ୭:୩୧ ୭:୩୧ ମାଡିଜ ୭:୧୨.

ବିନ୍ ରେମୁଆଁନେ ବିଚାର ଆଡ଼ିଙ୍ଗଫା
(ମାତିଉ ୭:୧-୫)

୩୭ ଆରି ବିଚାର ଆଡ଼ିଙ୍ଗଫା ନାମଃ ତେଲା ଇସପର୍ ପେଇଁନେ ବିଚାର ଆଡ଼ିଙ୍ଗ ଶୁଦ୍ଧ ଦସ୍ ଆରାଡ଼ିଙ୍ଗଫା ତେଲା ଇସପର୍ ଆପେକେ ଦସି ଆରାଡ଼ିଙ୍ଗ ଶୁଦ୍ଧା କେମା ଡିଙ୍ଗଫା ତେଲା ଇସପର୍ ଆପେକେ କେମା ବିଏ । ୩୮ ଦାନ୍ ବିଃପା ତେଲା ଇସପର୍ ଆପେକେ ଦାନ୍ ବିଏ; ରେମୁଆଁ ବଃଡ଼େକେ ବର୍ଡ଼ି ଆଡ଼ିଙ୍ଗଫେ ଆମେକେ ଚାପେଚେ ଆନ୍ତରେ ଲାଡ଼୍ୟା ଆପେକେ ଜାଚେଚେ ବିଆରଏ; ଡାଗ୍ଲା ଆଣ୍ଡିନେ ମାପ୍ରେ ମାପେ ନାଡ଼ିଂକେ ଆଡେନ୍ ମାପ୍ରେ ଇସପର୍ ଆପେକେ ମାପେଚେ ବିଆରଏ ।

୩୯ ମେଁ ଆମେଇଁକେ ମୁଇଙ୍ଗ ଉସ୍ତା ଡିଗ୍ ବାସଙ୍ଗକେ କାନା ମେଃନେ କାନାକେ ଗାଲି ଆଃଅଲେଙ୍ଗ ଡୁଙ୍ଗଝେଏ ? ଜଦି ମେଁ ଦେଡ଼ସୁଗୁଆ ଡିଙ୍ଗଏ ତେଲା ମେଇଁ ମେଃନେ ମ୍ଲାୟା କୁରୁନିଆ ଆଲ ଆରଏ ?”

୪୦ ✨ଗୁରୁବାନ୍ ସିସ୍ ମ୍ଲା ଶୁ: ମାତର୍ ସାପା ସିସ୍ଇଁ ବୁଦି ଆତାଚେ ମେଁଇଙ୍ଗନେ ଗୁରୁ ସୁଗୁଆ ଡିଙ୍ଗଆକେ ।

୪୧ “ଆରି ମେଃନ୍‌ସା ନାବୟାଁନେ ମୁଆଃନ୍ନିଆ ଲେଃନେ କାଡ଼ିକେ କିକେ ନାଡ଼ିଙ୍ଗକେ, ମାତର୍ ନାନେ ନିଜେନେ ମୁଆଃନ୍ନିଆ କାଡ଼ି ଲେଃକେ, ଆଡେନ୍ ମେଃନେ କେୟା ନାଡ଼ିଙ୍ଗକେ ? ୪୨ ପେ ଉଡ଼ିବେଲା ନିଜେନେ ମୁଆଃନ୍ନିଆ ଲେଃକେ ମ୍ଲା କାଡ଼ିକେ କିକେ ନାୟାକେ ଶୁଦ୍ଧାଆଡେନ୍ ବେଲା ନାବୟାଁକେ ଡିରକମ୍ ବାସଙ୍ଗ ନାୟାଏ; ନ୍ନାଙ୍ଗ ଗେଃଲା ନାନେ ମୁଆଃନ୍ନିଆ ଲେଃକେ କାରା ଆଃଡାର୍ ମ୍ଲିଏ । ଏ କପଟିଇଁ ! ସେନ୍‌ଗ୍ ନିଜେ ମୁଆଃନ୍ନିଆ ଲେଃକେ କାରା ଆଃଡାର୍, ତେଲା ନା ନିମାଣ୍ଡା ବାବ୍ରେ କିକେ ନାୟାଏ ଆରି ବୟାଁନେ ମୁଆଃନ୍ନିଆ ଲେଃକେ କାରା ଆଃଡାର୍ ନାୟାଏ ।”

ମ୍ଲା ଆରି ମେଁନେ ବୁରୁ
(ମାତିଉ ୭:୧୭-୨୦; ୧୨:୩୩-୩୫)

✨ ୭:୪୦ ୭:୪୦ ମାତିଉ ୧୦:୨୪,୨୫; ଜହନ୍ ୧୩:୧୭; ୧୫:୨୦.

୪୩ ମୁଇଙ୍କ ନିମାଣ୍ଡା ସ୍ନାତ୍ନିଆ ରୁବୁଗ୍‌କେ ରୁରୁ ଆରୁ ଶୁ । ଚିକ୍ ଦେଡ଼ସୁଗୁଆ ମୁଇଙ୍କ ଦଦିଆ ସ୍ନାତ୍ନିଆ ନିମାଣ୍ଡା ରୁ ଆରୁ ଶୁ ।^{୪୪} ତାଗ୍ଲା ସାପା ସ୍ନାତ୍ନିଆ ମୈନେ ରୁରୁ ଏତେ ସାମୁଆଁ ତିଙ୍ଗିଏ । ରେମୁଆଁଇଙ୍କ ଗ୍ରେଟ ସ୍ନାତ୍ନିଆ ତ ଲିଖିଆ ଆରୁଏଆର୍ ଶୁ । ବା ଗ୍ରେ ଲାଟାବାନ୍ ଅଙ୍ଗୁର୍ ରୁରୁ ଆରୁଏଆର୍ ଶୁ ।^{୪୫} ନିମାଣ୍ଡା ରେମୁଆଁ ମନ୍ ବିତ୍ରେ ନିମାଣ୍ଡା ସାମୁଆଁ ଆର୍ମେତେ ବଏ ଆତେନ୍‌ସା ମେଁ ମନ୍ ବିତ୍ରେବାନ୍ ନିମାଣ୍ଡା ନେ ସାମୁଆଁ ତାର୍‌ଏ ମାତର୍ ମୁଇଙ୍କ ଦଦିଆ ରେମୁଆଁନେ ମନ୍ ବିତ୍ରେ ଦଦ୍ୟା ସାମୁଆଁ ଆର୍ମେତେ ବଏ ଆତେନ୍‌ସା ମେଁ ମନ୍ ବିତ୍ରେବାନ୍ ଦଦ୍ୟା ସାମୁଆଁ ତାର୍‌ଏ । ମୁଇଙ୍କ ରେମୁଆଁନେ ମନ୍ ବିତ୍ରେ ମୈନେ ଲେଟଏ ମେଁ ଆତେନ୍ ବାସଙ୍ଗିଏ ।

ମ୍ବାର୍ ସୁଗୁଆନେ ତୁଆ ଆରେତ୍ରେ
(ମାତିତ ୭:୧୭-୨୦; ୧୨:୩୩-୩୫)

୪୬ ପେଇଙ୍କ ଆନେଙ୍କ ମୈନ୍‌ସା ସାମୁଆଁ ମାପୁ, ମାପୁ ତାଗ୍‌ତେ ଖା ପେଡିଙ୍ଗକେ ? ମାତର୍ ନେଙ୍କ ମୈନେ ବାସଙ୍ଗିଂ ପେଇଙ୍କ ତ ନେଙ୍କନେ ନିଅମ୍ ପାଲେ ପେଡିଙ୍ଗକେ ?^{୪୭} ଜାଣ୍ଟେ କି ନେଙ୍କ ତାଗ୍ଲା ପାଙ୍ଗିଏ ନେଙ୍କନେ ସାମୁଆଁ ଅଁତେ ପାଲେ ମେଁ ଜା ରକମ୍ ତିଙ୍ଗିଏ ଆତେନ୍ ନେଙ୍କ ଆପେକେ ଆମ୍ୟା ମିଏ ।^{୪୮} ଆତେନ୍ ରେମୁଆଁ ତୁଆ ଆରେଡିଙ୍ଗକେ ମୁଇଙ୍କ ରେମୁଆଁ ସୁଗୁଆ । ମେଁ ସି କୁରୁ ଗଠତେ ଆରି ତାର୍ ବି ଆଡାତ୍ରା ପାଣ୍ଡୁସୁନ୍ ଲାଗିଏ ! ଉଡିବେଲା ରୁଆଣ୍ଡିଆ ପାଙ୍ଗିଏ ଶିଆ ଆତେନ୍ ତୁଆକେ ଆଠଡୁଙ୍ଗତ୍ୟା ତୁଙ୍ଗିଙ୍ଗେନ୍‌ସା ଦକା ବଗିଏ ମାତର୍ ବିଲକ୍‌ଲ ଆଲ୍‌ତୁର୍ ଆୟାଆର୍ ଶୁ । ତାଗ୍ଲା ଆତେନ୍ ତୁଆ ମଜ୍‌ବୁଡ୍‌ରେ ଆରେ ବଆରକେ ।^{୪୯} ମାତର୍ ମୁଡି ରେମୁଆଁ ନେଙ୍କନେ ସାମୁଆଁ ଅଁତେ ସାମୁଆଁ ଆମାନେ ଆରୁଏ ଶୁ ଆତେନ୍ ରେମୁଆଁ ପାଣ୍ଡୁସୁନ୍ ମାଡ୍‌ଲାଗ୍‌ତେ ବାଲି ଆଡାତ୍ରା ଆରେକ୍ତେ ରେମୁଆଁ ସୁଗୁଆ । ଉଡିବେଲା ରୁଆଣ୍ଡିଆ ପାଙ୍ଗିଏ ଆତେନ୍ ତୁଆ ପାକ୍‌ଚିତେ ଲଟଏ ଆରି କ୍ଲିଗ୍‌ତା ଦଦ୍ୟା ଆଡିଙ୍ଗିଏ ।

☆ ୭:୪୪ ୭:୪୫ ମାତିତ ୧୨:୩୩.



ଜିସୁ ମୁଇଙ୍କ ଗତିରେକେ ନିମାଣ୍ଡା ଆତିକେ
(ମାତିଉ ୮:୫-୧୩; ଜହନ୍ ୪:୪୩-୫୪)

୧ ଜିସୁ ରେମୁଆଁଙ୍କେ ମେଁନେ ସାପା ଆଅଁନ୍‌ସା ଚାଏଁ ତିଙ୍ଗେ ମେଁ ସାପା ବାସଙ୍ଗ ଡାଲା ଇଡ଼ିଙ୍ଗ ମେଁ କପୁର୍ନାହୁମ ଅଲେଙ୍ଗ ଝେଗେ । ୨ ଆତେନ୍ ବେଲା କପୁର୍ନାହୁମନ୍ନିଆ ମୁଇଙ୍କ ମୁଇଂସ ସନ୍‌ୟଲଂନେ ନେତା ଲେଃଗେ । ମେଁନେ ମୁଇଙ୍କ ଗତିରେ ଜାବର୍ ବେମାର୍ ଲେଃଗେ ଜେ ମେଁ ଗୁଏନେ ଅବସ୍ତାରେ ଲେଃଗେ । ମୁଇଂସ ସନ୍‌ୟଲଂନେ ନେତା ଗତିରେକେ ଜବର୍ ବଲ୍‌ବା ତିଙ୍ଗେ । ୩ ମୁଇଂସ ସନ୍‌ୟଲଂନେ ନେତା ମୁଇଂଜାକେ ଜିସୁନେ ବିସୟରେ ଅଁତେ ମେଁନେ ଡାଗ୍ରା ଉଡ଼ିକ୍ଲିଗ୍ ଦର୍ମ ଜିଉଦି ନେତାଙ୍କେ ବେକେ । ମେଁ ବାବେଲେକେ ଜେ ରେମୁଆଁଙ୍କ ଝେଚେ ଜିସୁକେ ପାଙ୍ଗନ୍‌ସା ଜବର୍‌ଜସ୍ତି ତିଙ୍ଗଲେ ବାରି ଜିସୁ ପାଙ୍ଗତେ ଗତିରେନେ ପାରାନ୍ ରକ୍ୟା ତିଙ୍ଗଏ । ୪ ମେଇଙ୍ଗ ଜିସୁନେ ଡାଗ୍ରା ଝେଚେ ଆମେକେ ଜବର୍‌ଜସ୍ତି ତିଙ୍ଗତେ ବାସଙ୍ଗନେ ମୁଲେକେ “ମୁଇଂସ ସନ୍‌ୟଲଂନେ ନେତା ମୁଇଂଜା ନାଁନେ ସାଆ ବାନ୍‌ସା ରାଜି । ୫ ଜିସୁ ନେଃ ରେମୁଆଁଙ୍କେ ଆଲାଦ୍ ତିଂତିଂକେ ବାରି ନେ ନ୍‌ସା ପାର୍‌ତନା ତୁଆ ଆରେ ବକେ ।”

୬ ଆଡ୍ ଅରିଆ ଜିସୁ ମେଇଙ୍ଗ ଏତେ ଝେଗେ । ଜିସୁ ତୁଆ ତେପିଙ୍ଗଟାକେ ବେଲା ମୁଇଂସ ସନ୍‌ୟଲଂନେ ନେତା ରେମୁଆଁଣ୍ଡେଇଂକେ ବେକେ ଆମେଇଂକେ ବାସଙ୍ଗକେ ମାପୁ କଷ୍ଟ ଆତିଙ୍ଗେ ନାମଃ; ମେଃନ୍‌ସା ଡାଗ୍ରା ନେଙ୍ଗ ଅଃତେନ୍ ଆଃ ନିମାଣ୍ଡା ଶୁ ଓଜ ନା ନେଙ୍ଗ ତୁଆ ନାପାଙ୍ଗଏ । ୭ ଶୁଲା ନେଙ୍ଗ ନିଜେ ନାନ୍ନିଆ ପାଙ୍ଗନ୍‌ସା ନିଜେକେ ଇକ୍‌ଟା ମନେ ନାତିଙ୍ଗକେ ଶୁ ମାତର୍ ଆଦେସ୍ ବିଲା ନେଙ୍ଗନେ ଚାକର୍ ନିମାଣ୍ଡା ତିଙ୍ଗଲେ । ୮ ନେଙ୍ଗ ନାନେ ଅଦିକାର୍ ବିସୟରେ ବୁଜେ ଯା ଶ୍ରିଙ୍ଗ ନେଙ୍ଗ ମୁଇଙ୍କ ସାଉକାରନେ ସାମୁଆଁ ସାଚେ ସ୍ଲେ ଶ୍ରିଙ୍ଗ ଆରି ନେଙ୍ଗନେ ଅଦିକାର୍ ତିଗ୍ ଉଡ଼ିକ୍ଲିଗ୍ ସନ୍‌ୟଲଙ୍ଗ ଲେଃକେ । ନେଙ୍ଗ ଜଦି ମୁଇଙ୍କ ସନ୍‌ୟକେ ମ୍ବାସଙ୍ଗଏ “ଝେଲା ଡାଗ୍ରା ତେଲା ମେଁ ଝେଏ । ନେଙ୍ଗ ଜଦି ବାରି ମୁଇଂଜାକେ ମ୍ବାସଙ୍ଗଏ

ଏଠାକୁ ଡାକି ତେଲୀ ମୋଁ ପାଉଁ । ନେଇଁ ଜଦି ନେଇଁ ଗତିରେକେ ମାସଙ୍ଗ; ତେଲୀ ମୋଁ ଦେକ୍‌କେ ଡିଙ୍ଗ ।”

୯ ଜିସୁ ଆକେନ୍ ଅଁ ଆଠତାରେ ଜାବର୍ ବକୁଆ ଡିଙ୍ଗିଝେ ମୋଁ ଆମେଇଁକେ ପ୍ଲାପ୍ଲା ଡିଙ୍ଗିଝେ ରେମୁଆଁଇଁ ସାମୁଆଁ ପାକା ପୁଏରେ ବାସଙ୍ଗକେ, “ନେଇଁ ଆପେକେ ବାସଙ୍ଗ ବ ଡିଙ୍ଗି ଜେ ଦେକ୍‌ରକମ୍ ସତ୍ତ୍ୱ ମାନେଠକେଣ୍ଡେ ଆନେଇଁକେ ଇଣ୍ଡାୟେଲନ୍ନିଆ ଡିଗ୍ ଆମିଲେକେ ଶୁ ।”

୧୦ ଜିସୁନେ ଡାଗ୍ରା ମୁଡ଼ି ରେମୁଆଁଇଁକେ ଝେଲେଆରୁଗେ ମେଇଁ ତୁଆ ଆଣ୍ଡେ ଝିଗ୍‌ଲା ଇଡ଼ିଙ୍ଗି କେକେ ଜେ ଗତିରେ ନିମାଣ୍ଡା ଡିଙ୍ଗି ଝେଲେକେ ।

ଜିସୁ ମୁଇଙ୍ଗି ଗୁଏସାଙ୍ଗକୁଏ ଡଙ୍ଗଡେକେ ଆମ୍ବୁ

୧୧ ନାଇନ ମିଗ୍‌କେ ଇନି ନ୍ନିଆ ଝେଗେ ଆରି ମୋଁଇଙ୍ଗିନେ ସିସ୍‌ଇଁ ବାରି ଗୁଲୁଏ ରେମୁଆଁ ମେଇଙ୍ଗି ଏଡେ ଝେଡ଼ିଙ୍ଗିଗେ । ୧୨ ଜିସୁ ଇନି ଡାଗ୍ରା ପାଙ୍ଗିନେ କେଲା ରେମୁଆଁଇଁ ଗୁଏଲେଠକେ ରେମୁଆଁକେ ପାଦା ତୁଙ୍ଗି ତୁଁପାଙ୍ଗିଡିଂଗେ ଆଡେନ୍ ଗୁଏସାଙ୍ଗକୁଏନେ ମୁଇଁ ଆଠ ଗଡେଅ ଆରି ଆଡେନ୍ ସେଲାମ୍‌ସୁ ଗୁଏସାଙ୍ଗକୁଏ; ବାରି ଇନିନେ ଗୁଲେ ରେମୁଆଁ ମୋଁ ଏଡେ ଲେଠଗେ । ୧୩ ଆମେକେ କେଚେ ଜିସୁ ମାପୁ ମୋଁ ଆଡାଡା ଲିବିସଠରେ ଆମେକେ ବାସଙ୍ଗକେ “ଆଅଠଗେ ନାମଠ ।” ୧୪ ଆରି ଜିସୁ ଡାଗ୍ରା ଝେଚେ କଟ୍ ଡାଣ୍ଡିକେ ଲିଗ୍‌କେ ତେନ୍ ଇଡ଼ିଂ ତୁଙ୍ଗିଲେଠଆରୁକେ ରେମୁଆଁଇଁ ତୁଆଁଆରୁକେ ମୋଁ ବାସଙ୍ଗକେ ଲିରେ ନେଇଁ ଆନାକେ ବାସଙ୍ଗ ଶୁଙ୍ଗି ତଡ଼ିଆ । ୧୫ ଆଡ଼ ଅରିଆ ଗୁଏଲେଠକେ ଗଡେଅ ତଡ଼ିଆ କକେ ବାରି ବାସଙ୍ଗିନେ ମୁଲେକେ ଆରି ଜିସୁ ଆମେକେ ମୋଁନେ ଇୟାଙ୍ଗଡେନେ ତ୍ରି ଅରିଆ ଆଠସାଠ ବିଠକେ ।

୧୬ ଆଡ଼ ଅରିଆ ସାପାରେ ଇରିଆଡୁଗ୍ ଝେଗେ ବାରି ଇସ୍‌ପର୍ ମାପୁନେ ଅସ୍‌ମାର୍ ସାରଚେ ବାସଙ୍ଗିନେ ମୁଲେକେ । “ନେନେ ଡାଗ୍ରା ମୁଇଙ୍ଗି ମ୍ଲାନେ ବାବବାଦି ପାଙ୍ଗିଡିଙ୍ଗି ଆରି ଇସ୍‌ପର୍ ନିଜେନେ ରେମୁଆଁଇଁକେ ଆମ୍ବୁ ନ୍‌ସା ପାଙ୍ଗିଡିଙ୍ଗି ।”

୧୭ ଆରି ଜିସୁନେ ବିସୟରେ ଆକେନ୍ ସାମୁଆଁ ସାପାରେ ଜିଉଦା ଦେସ୍ ଆରି ସାପାପାକା ସାପା ଇନି ନ୍ନିଆ ବେପ୍ରେ ଝେଗେ ।

ତୁବନ୍ ଜହନ୍‌ନେ ମ୍ବାକ୍ରିଗ୍ ସିସ୍‌ଇଂ
(ମାତିଉ ୧୧:୨-୧୯)

୧୮ ଇଡ଼ିଙ୍ଗ୍ ଜହନ୍‌ନେ ସିସ୍‌ଇଂ ଆକେନ୍ ସାପା ବିସୟ୍ ଆମେକେ ଆମ୍ୟା ବିକେ । ୧୯ ଆଡ଼ ଅରିଆ ଜହନ୍ ନିଜେନେ ସିସ୍‌ଇଂ ବାନ୍ ମ୍ୟାୟାକେ ତାଗ୍ରା ଝାଚେ ମାପୁନେ ତାଗ୍ରା ଆକେନ୍ ବାସଙ୍ଗ୍‌ଚେ ବେକେ ଜାଣ୍ଡେ ପାଙ୍ଗ୍‌ନେ ଲେଃକେ ଆଡେନ୍ ରେମୁଆଁ ନିଜର୍‌ନେ ବାରି ନେ ବିନ୍‌ଶ୍ଟ୍ରେକେ ଉର୍ ନେଲେଃଏ ?

୨୦ ଅଃଡେନ୍ ରେମୁଆଁଇଂ ଜିସୁନେ ତାଗ୍ରା ପାଙ୍ଗ୍‌ଚେ ବାସଙ୍ଗ୍‌କେ “ତୁବନ୍ ବିଃଶ୍ଟ୍ରେ ଜହନ୍ ଆନେକେ ନାନେ ତାଗ୍ରା ଏନ୍ ସାମୁଆଁ ସାଲିଆକୁ ନସା ବେକେ ଜାଣ୍ଡେ ପାଙ୍ଗ୍‌ନେ ଲେଃଗେ ନାନେ ମୈନେ ଆଡେନ୍ ରେମୁଆଁ ଲେଃ ନେନେ ଆରି ବିନ୍‌ଶ୍ଟ୍ରେକେ ନେଉର୍‌ଏ ?”

୨୧ ଆଡେନ୍ ବେଲା ଜିସୁ ଜାବର୍ ରେମୁଆଁଇଂକେ ରଗ୍ ଆରି ଦୁଷ୍ଟ ଆମ୍ବାଇଂନ୍ନିଆ ବାନ୍ ନିମାଣ୍ଡା ଆଡିକ୍‌କେ ଆରି ଉଡ଼ି କାନାକେ ମୁଆଃ ଆକେ ବିକେ । ୨୨ ଜିସୁ ସିସ୍‌ଇଂକେ ଉତର୍ ବିକେ ପେଇଂ ଝେଚେ ମୈ ମୈନେ ପେକେକେ ଆରି ପେଅଁକେ ଆଡେନ୍ ସାପା ଜହନ୍‌କେ ଆଃଅଁପା; କାନାଣ୍ଡେଇଂ ଉମୁଆ ଆର୍‌କେ ଚଟାଇଂ ଅଲେଙ୍ଗ୍ ଡିଙ୍ଗ୍‌ଆକେ; କୁଷ୍ଟରଗିଇଂ ନିମାଣ୍ଡା ଡିଙ୍ଗ୍‌ଆକେ ବଇରା ରେମୁଆଁଇଂ ଅଁ ଡିଙ୍ଗ୍ ଆର୍‌କେ ଗୁଏକ୍‌କେ ରେମୁଆଁଇଂ ଆରି ମୁଇଂତର୍ ଜିବନ୍ ବିକେ ଗରିବ୍ ରେମୁଆଁଇଂକେ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍ ଆର୍‌କେ । ୨୩ ମୁଡ଼ି ରେମୁଆଁ ନେଙ୍ଗ୍‌ନେ ବିସୟ୍‌ରେ ସନ୍ଦେଅ ଆଡିଙ୍ଗ୍ ଶୁ ଚୁମ୍ ଦନ୍ୟ ।

୨୪ ଜହନ୍‌ନେ ସିସ୍‌ଇଂ ଝିଗ୍ ତାଲା ଇଡ଼ିଙ୍ଗ୍ ଜିସୁ ରେମୁଆଁଇଂକେ ଜହନ୍ ବିସୟ୍‌ରେ ବାସଙ୍ଗ୍ ନସା ମୁଲେକେ ପେଇଂ ବାଲିଲନ୍ନିଆ ମୈନେ କେନ୍‌ସା ଝେପେଲେକେ ? ମୈନେ ଝେଡ଼ିଆନେ ଝେଡ଼ିଙ୍ଗ୍‌କେ ମୁଇଂ ଗାଆଁ ସ୍ଲା ? ୨୫ ଆଡେନ୍ ଶୁଲ୍ଲା ପେଇଂ ଆଜାକେ କେନ୍‌ସା ତାର୍ ଝେପେଲେକେ ? ମେଃନେ ଦାମିକା ସକା ସଲେଃକେ ମୁଇଙ୍ଗ୍ ରେମୁଆଁକେ ? କେଲାପା ଜାଣ୍ଡେଇଂ ଦାମିକା ସକା ସଃଲେକେ ପେକେଏ ଆରି ଦୁକ୍ କଷ୍ଟ ଡିଙ୍ଗ୍‌ଚେ ପାରାନ୍ କାଚେଆର୍‌ଏ ମେଇଂ ମୈନେ କିକେ ନସା ମେଇଂ ଇଃସାଙ୍ଗ୍‌ନେ ତୁଆ ଅରିଆ ଲେଃଆର୍‌ଏ । ୨୬ ଆନେଙ୍ଗ୍ ବାସଙ୍ଗ୍ ଆଡେନ୍ ଶୁଲ୍ଲା ମୈନେ କିକେ

ନ୍ୟା ତାର୍ତ୍ତେ ଝେପେଲେଗେ ? ମେଁନେ ମୁଇଙ୍ଗ ବାବବାଦିକେ ?
 ନେଙ୍ଗ ଆପେକେ ସତ୍ ବାସଙ୍ଗ୍‌ଣିଂକେ ବାବବାଦୀ ବାନ୍ ଜାବର୍ ମ୍ଲାଲେ
 ରେମୁଆଁକେ ? ୨୭ ଯହନ୍ ବିସୟରେ ଆକେନ୍ ଦର୍ମ ସାସ୍ତ୍ରନ୍‌ଆ
 ଗୁଆରି ବକେ ଇସପର୍ ବାସଙ୍ଗ୍‌କେ, “କେଲାପା ନେଙ୍ଗ୍ ପେନେ
 ସେନ୍ତୁଗ୍ ନେଙ୍ଗ୍‌ନେ ଦୁଡ଼କେ ବେନେଡ଼ିଙ୍ଗ୍‌କେ ମେଁ ପେ ନ୍ୟା ଗାଲି
 ଆରେଏ ଆକେନ୍ ଆଡେନ୍ ରେମୁଆଁ ଜହନ୍ । ୨୮ ନେଙ୍ଗ୍ ଆପେକେ
 ସତ୍ ବାସଙ୍ଗ୍‌ଣିଂ ସେଲାମ୍‌ୟ ଶ୍ରିଆ କୁମାଲା ଡିଗ୍ ଜହନ୍ ବାନ୍ ମ୍ଲା ଜାଣ୍ଟେ
 ଶ୍ରି ତେଲା ଜାଣ୍ଟେ ଇସପର୍‌ନେ ରାଜିନ୍‌ଆ ସାପାବାନ୍ ତାଆଁ ମେଁ ଡିଗ୍
 ଜହନ୍‌ବାନ୍ ମ୍ଲା ।”

୨୯ ଜାଣ୍ଟେଇଁ ଆକେନ୍ ସାପା ସାମୁଆଁ ଅଁଡିଙ୍ଗ୍ ଆରକେ ମେଇଁ ସିସୁ
 ସାଲ୍ୟାଣ୍ଟେଇଁ ଇସପର୍‌ନେ ଗୁଲୁଏ ଦାବି ସାପା ବର୍ତ୍ତି ଆଃଡିଙ୍ଗ୍‌ରେ
 ଜହନ୍‌ବାନ୍ ତୁବନ୍ ତୁଂଝେ ବକେ । ୩୦ ତାଗ୍ଲା ପାରୁସି ଆରି ଦର୍ମ
 ଗୁରୁଇଁ ମେଁଇଁନେ ପାରାନ୍ ନ୍ୟା ଇସପର୍‌ନେ ସାମୁଆଁ ମାନେରେ
 ଜହନ୍‌ନେବାନ୍ ତୁବନ୍ ତୁଂଆଡିଆରକେ ।

୩୧ ଜିସୁ ଆରି ବାସଙ୍ଗ୍‌କେ ତେଲା ନେଙ୍ଗ୍ ଜା ଏତେ ଏଃକେନେ
 ଈର୍‌ବଏନେ ଏତେ ସମାନ୍ ଡିଙ୍ଗ୍‌ଏ ଆରି ମେଇଁ ଜାନେ ସମାନ୍
 ଶ୍ରିଙ୍ଗ୍‌ଏ ? ୩୨ ମୁଃଡ଼ି ଗଡ଼େଅଇଁ ସାନ୍ତାନ୍‌ଆ କରେ ନିଜେ ନିଜେକେ
 ଝାରେ ବାସଙ୍ଗ୍‌ଏ ନେ ପେଇଁନେ ତାଗ୍ଲା ବାଉଁସି ନେପିଃକେ ପେ
 ପେଝାକେ ଶ୍ରିଂ ନେଁ ଦୁକ୍‌ନେ ଅସ୍‌ମାର ନେସାରକେ ପେଇଁ ପେଅଁକେ
 ଶ୍ରିଂ ମେଇଁ ଆଡେନ୍ ଗଡ଼େଇଙ୍ଗ୍ ସୁଗା । ୩୩ ତୁବନ୍ ବିଃଣ୍ଟେ ଜହନ୍
 ପାଙ୍ଗ୍‌ରେ ରୁଟି ଆଚଙ୍ଗ୍‌କେ ଶ୍ରିଂ ଆରି ଅଙ୍ଗ୍‌ର୍ ରସ୍ ଆଉଗ୍‌କେ ଶ୍ରିଂ
 ଆରି ନାନେ ବାସଙ୍ଗ୍ ନାଡିଙ୍ଗ୍‌କେ ଜହନ୍‌କେ ବୁଡ଼ ସାଃଲେକେ ।

୩୪ ରେମୁଆଁ ଉଙ୍ଗ୍‌ଡେ ପାଙ୍ଗ୍‌ରେ ଚଙ୍ଗ୍‌କେ ବାରି ପେଇଁ ବାସଙ୍ଗ୍
 ପେଡିଂକେ କେଲାପା କ୍ଳେ ମୁଇଁ ମ୍ଲା ସୁଲୁଏଃ ବାରି ଉଗ୍‌ସାଣ୍ଟେ ।
 ସିସୁ ସାଲ୍ୟାଣ୍ଟେ ବାରି ପାପିଇଁନେ ରେମୁଆଁଣ୍ଟେ । ୩୫ ଜାଣ୍ଟେଇଁ
 ଇସପର୍‌ନେ ଜାନ୍‌କେ ସାଃଆର୍‌ଏ ମେଁଇଁନେ ଜିବନ୍‌ନ୍‌ଆ ମେଁନେ ସତ୍
 ଆକେଏ ।

ପାରୁସି ଶିମୋନ୍‌ନେ ତୁଆ ଜିସୁ

୩୬ ଆରି ପାରୁସିଇଁ ବାନ୍ ମୁଇଁଜା ଜିସୁକେ ଚଙ୍ଗ୍‌ନେସା ଝାଆକେଁ ।
 ଆଡ଼ ଅରିଆ ପାରୁସିଇଁନେ ତୁଆନ୍‌ଆ ଗାରେ ଚୁଟଙ୍ଗ୍‌ନିଆ କ ଲେଃକେ

। ୩୭ ☆ଆରି କେଲାପା ଆତେନ୍ ଇନିନ୍ନିଆ ମୁଇଙ୍ଗ ପାପିଷ୍ଟ ସେଲାମ୍ବୁ ଲେଖଗେ ଜିସୁ ଆତେନ୍ ପାରୁସିଇଂନେ ତୁଆନ୍ନିଆ ଚଙ୍ଗନ୍ନିଆ କଲେକେ ଆକେନ୍ ମ୍ୟାଚେ ମେଁ ମୁଇଙ୍ଗ ମୁତାନ୍ନିଆ ବାସ୍ତା ରୁ ତୁଙ୍ଗପାଙ୍ଗକେ ୩୮ ପ୍ଲା ପାକା ମେଁନେ ଞ୍ଚ ବୁଝେ ତୁଆଁଚେ ଅଃନେ ବେଲା ମେଁନେ ତେମୁଆଁ ଏତେ ମେଁନେ ଞ୍ଚ ଘେଡ଼ିଆ ବିଃକେ ମେଁନେ ବାଆଃନେ ଉଗବ ଏତେ ଜିସୁନେ ଞ୍ଚ ତୁଃବିଚେ ଆରି ଜିସୁନେ ଞ୍ଚ ବୈନ୍ତାକେ ଆରି ଆତେନ୍ ବାସ୍ତା ରୁ ଆବର୍ ବିଃକେ । ୩୯ ଆତେନ୍ କେଚେ ମୁଡ଼ି ପାରୁସିଇଂ ଜିସୁକେ ଝାବଗେ ମେଁ ମନେ ମନେ ବାସଙ୍ଗକେ “ଏନ୍ ରେମୁଆଁ ଜଦି ବାବବାଦି ତିଙ୍ଗ ପାଲେ ତେଲା ଆକମେକେ ଜା ଲିଗ୍ଡିଙ୍ଗକେ ମେଁ ଜାଣ୍ଟେ ଆରି ଡିରକମନେ ସେଲାମ୍ବୁ ମେଁ ଜେ ପାପିଷ୍ଟ ଏନ୍ ପାମ୍ୟାଃ ।”

୪୦ ଜିସୁ ଆମେଇଂକେ ଉତର୍ ବିକେ “ଶିମୋନ ଆନାକେ ନେଙ୍ଗନେ ମେଃଃନେ ତିଗ୍ ବାସଙ୍ଗ ଲେଃକେ ।” ଶିମୋନ୍ ବାସଙ୍ଗକେ “ବାସଙ୍ଗ ଗୁରୁ !”

୪୧ ଜିସୁ ବାସଙ୍ଗକେ, “ମୁଇଙ୍ଗ ମ୍ବା ସାଉକାର୍ ନିଆ ମ୍ବାୟା ଉଦାର୍ ଲେଃକେ ମୁଇଂଜା ମାଲ୍ଲସ ଟାଆଁ ଡାରୁ ବାରି ମୁଇଂଜା ମ୍ବାରକ୍ତୁଡ଼ି ଗୁଆଟାଆଁ ଉଦାର୍ ତିଙ୍ଗ ବଗେ । ୪୨ ଉଦାର୍ ସୁଜେନେସା ମେଁଇଂନେ ମେଃଡ଼ିଗ୍ ଶ୍ଟିଲ୍ଲା ଆତେନ୍ ମ୍ବାୟାନେ ଉଦାର୍ ସାକାର୍ ଆନ୍ତାର୍ ବିଃକେ । ତେଲା ମେଁଇଂନେ ମ୍ବାୟା ବିତ୍ରେ ଜାଣ୍ଟେ ସାକାର୍କେ ଜାବର୍ ଆଲାଦ୍ ଆଃସୁଏଃଏ ?”

୪୩ ଶିମୋନ୍ ବାସଙ୍ଗକେ “ନେଙ୍ଗ ଏତେ ଶ୍ଟିଙ୍ଗକେ ସାକାର୍ ଆଜାକେ ଜାବର୍ ରୁନ୍ ଆନ୍ତାର୍ ବିଃକେ ଆତେନ୍ ରେମୁଆଁକେ ଜାବର୍ ସାହା ତିଙ୍ଗଏ ।” ଜିସୁ ଶିମୋନକେ ବାସଙ୍ଗକେ “ନାଁ ସମାନ୍ ବାସଙ୍ଗନାବ ।” ୪୪ ଆରି ଆତେନ୍ ସେଲାମ୍ବୁ ପାକା ତାମୁଚେ ଶିମୋନକେ ବାସଙ୍ଗକେ “ଆକେନ୍ ସେଲାମ୍ବୁକେ କିକେନାତିଙ୍ଗ ? ନେଙ୍ଗ ନାଁନେ ତୁଆ ଫାକେ ପେ ନେଙ୍ଗ ଞ୍ଚ ଘେଡ଼ିଆ ନସା ଶ୍ଟିଆ ନାବିକେ ଶ୍ଟୁମାତର୍ ଆକମେଁ ତେମୁଆଁ ଏତେ ନେଙ୍ଗନେ ଞ୍ଚ ଘେଡ଼ିଆଚେ ମେଁନେ ଉଗବ ଏତେ ତୁଃବିଚିଂଗେ । ୪୫ ନାଁ ଆନେଙ୍ଗ ବୈନ୍ତାଚେ ନାଝାକେ ଶ୍ଟୁମାତର୍ ଉଡ଼ି ବେଲା ବାନ୍ ନେଙ୍ଗ ବିତ୍ରେ ଙ୍ଗାକେ ଆତେନ୍ ବେଲା ବାନ୍ ଏ

☆ ୭:୩୭ ୭:୩୭ ମାଡିଉ ୨୭:୭; ମାର୍କ ୧୪:୩; ଜହନ୍ ୧୨:୩।

ଜାକ ମେଁ ନେଙ୍ଗନେ ଅନିଆ ବୈତ୍ତା ବିଃନେ କାରେ ତିତା । ୪୭ ନା ନେଙ୍ଗନେ ବାଆଃନିଆ ଅୁ ନାଲାଗେକେ ଶୁ ମାତର କିମେ ନିଙ୍ଗନେ ଅନିଆ ବାସନା ଅୁ ଲିଗିବିକେ । ୪୭ ନେଙ୍ଗ ଆପେକେ ସତ୍ ବାସଙ୍ଗିଂ କ୍ଲେନେ ଜାବର ପାପ୍ କେମା ତିଙ୍ଗ ଲେଃକେ ତାଗ୍ଲା ମେଁ ଜାବର ଆଲାଦ୍ ତିଂତିଂକେ; ମାତର ଆଜାକେ ଇକ୍କୁଡ଼ା କେମା ବିଏ ମେଁ ଇକ୍କୁଡ଼ା ଆଲାଦ୍ ତିଏ ।”

୪୮ ଆରି ଜିସୁ ଆତେନ୍ ସେଲାମ୍ବୟକେ ବାସଙ୍ଗକେ “ନାଁନେ ସାପା ପାପ୍ କେମା ତିଙ୍ଗ୍ ଖେଗେ ।”

୪୯ ଆଡ୍ ଅରିଆ ଜିସୁ ଏତେ ରୁଚଙ୍ଗନିଆ କ ଲେଃକେ ରେମୁଆଁଇଂ ମେଇଂମେଇଂ ଅବାଃଲିରୁଆରକେ, “ଏନ୍ ଜାଣ୍ଟେ ? ଜେ ପାପ୍ ସାପା କେମା ତିଗ୍ ତିଂୟାଏ ?”

୫୦ ତାଗ୍ଲା ଜିସୁ ଆତେନ୍ ସେଲାମ୍ବୟକେ ବାସଙ୍ଗକେ “ନାଁନେ ସତ୍ ନାମାନେକ୍ଲେ ଆନା ରକ୍ୟା ତିଙ୍ଗିଂ; ସାନ୍ତ୍ରିରେ ଖିଗ୍ଲା ।”

୮

ଜିସୁନେ ପ୍ଲା ଖେଡିଙ୍ଗକ୍ଲେ ସେଲାମ୍ବୟୁଇଂ

୧ ଇଡିଙ୍ଗ ଜିସୁ ଇନି ଇନି ଅଲେଙ୍ଗ୍ତେ ଇସପର୍ ରାଜିନେ ନିମାଣ୍ଡା ଡ୍ଲାଲିର୍ ବାସଙ୍ଗକେ ବାରି ଗମ୍ବାର୍ ସିସଇଂ ମେଁନେ ଏତେ ଲେଃଗେ ୨ ଆରି ମୁଡି ସେଲାମ୍ବୟୁଃଇଂ ବାନ୍ ଦଦ୍ୟା ଆମ୍ବା ଆନ୍ତାର୍ ବିଃବକେ ମେଇଂ ତିଗ୍ ମେଁଇଂନେ ଏତେ ଲେଃକେ । ଆରି ଆଣ୍ଟିନେ ସେଲାମ୍ବୟୁଇଂ ରଗବାନ୍ ନିମାଣ୍ଡା ତିଙ୍ଗଲେ ଆରକେ ମେଇଂ ତିଗ୍ ମେଇଂ ଏତେ ଲେଃଆରକେ, ମରିୟମ୍ ଜାଣ୍ଟେନେ ମ୍ରି ମଗ୍ଦଲାନି ମରିୟମ୍ ତାଗ୍ମ୍ୟାଃକେ ଜାଣ୍ଟେ ବାନ୍ ମ୍ବାକ୍ଲିଗ୍ ଗଲିଆ ଆନ୍ତାର୍ ବିଃବକେ । ୩ ହେରୋଦନେ ଗୁମ୍ବସ୍ତା ଖୁଜାନେ କୁନେଣ୍ଟେ ଯୋହାନା, ଶୋଶନ୍ନା ଆରି ଉଡି ସେଲାମ୍ବୟୁଇଂ ମେଇଂ ଏତେ ଲେଃତେ ନିଜେ ନିଜେନେ ଦନ୍ ବିଚେ ମେଁଇଂନେ ସେବା ତିଙ୍ଗ୍ଆକେ ।

୪ ଗୁଲୁଏ ରେମୁଆଁ ପାଙ୍ଗ୍ତେ ରିସିଙ୍ଗ୍ ଆକେ ଆରି ସାପା ଇନିନେ ରେମୁଆଁ ଜିସୁନିଆ ପାଙ୍ଗ୍ତେ ଜିସୁ ଆମେଇଂକେ ଏନ୍ ଉସ୍ତା ବାସଙ୍ଗକେ ।

☆ ୮:୨ ୮:୨ ମାତିଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

ଛୁଜା ବିଗ୍‌ନେ ଉଠସ୍ତା

(ମାତିଉ ୧୩:୧-୯; ମାର୍କ ୪:୧-୯)

* ମୁଇଂ ରେମୁଆଁ ବିଗ୍‌ଣ୍ଡେ ନିଜେନେ ଛୁଜା ବିଗ୍‌ନେ ତାରକେ । ମେଁ ଲିଜନ୍ନିଆ ତୁମୁଜା ବିଗ୍‌ନେ ବେଲା ଉଡ଼ି ତୁମୁଜା ଗାଲିନ୍ନିଆ ଲଃକେ ଆରି ଅବୁନ୍ଦେ ମୁଲିଖେଗେ ବାରି ଆଡ଼ାତ୍ରାନେ ଦ୍ଵିଗ୍‌ଇଁ ଆତେନ୍ ଛୁଜାକେ ଚଙ୍ଗବିଗେ । ୬ ଆରି ଉଡ଼ିକ୍ଲିଗ୍ ବି ଆଡ଼ାତ୍ରା ଲଃକେ ବାରି ପଡ଼୍ୟାଚେ ଶ୍ଵିଆଃ ଆବାକେସାଃ ନ୍‌ସୁଆର୍ ଖେଗେ । ୭ ଆରି ଉଡ଼ିକ୍ଲିଗ୍ ଗ୍ରେଃ ସ୍ଵାଃଇଁନେ ମଜେ ଲଃକେ ବାରି, ଗ୍ରେଃ ସ୍ଵାଃଇଁ ତଡ଼ିଆଚେ ଜିଆ ଜିଆ ମ୍ମା ତିଂଚେ ଆତେନଇଁକେ ଚାପେ ବିଃକେ । ୮ ଆରି ଉଡ଼ି ନିମାଣ୍ଡା ତୁବନ୍ନିଆ ଲଃକେ ବାରି ମ୍ମାଚେ ମାଲ୍‌କୁଡ଼ି ତୁଏ । ଜିସୁ ଏନ୍ ସାମୁଆଁ ବାସଙ୍ଗକେ “ଜାଣ୍ଡେନେ ଦ୍ଵିଗ୍ ନ୍‌ସା ନ୍‌ଲୁଗ୍ ଲେଃକେ ମେଁ ଦ୍ଵିଗ୍‌ପା ।”

ଛୁଜା ବିଗ୍‌ନେ ଉଠସ୍ତା

(ମାତିଉ ୧୩:୧୦-୧୭; ମାର୍କ ୪:୧୦-୧୨)

୯ ମେଁନେ ସିସଇଁ ଜିସୁକେ ଉଠସ୍ତାନେ ଅରତ ମେଁନେ ଡାଗ୍‌ଚେ ସାଲିଆକୁ ଆରକେ । ୧୦ ମେଁ ଉତର୍ ବିକେ “ଇସ୍‌ପରନେ ରାଜିନେ ଗୁନ୍ ରୁଜେନ୍‌ସା ଆପେକେ ବସୁ ବିଃବକେ, ମାତର୍ ବିନ୍‌ନେ ସାପାରେ ନ୍‌ସା ଆତାନ୍ ମାତର୍ ଉଦାଅରନ୍ ଡିଙ୍ଗ୍‌ଚେ ଲେଃଖେଏ । ଇଡ଼ିଙ୍ଗ୍ ମେଇଁ କିକେ ଲେଃଆର୍ଏ ମାତର୍ କିକେ ଆୟା ଆର୍ ଶୁ ଅଁଚେ ରୁଜେ ଆୟା ଆର୍ ଶୁ ।”

ଜିସୁ ଛୁଜା ବିଗ୍‌ନେ ଆଃବୁଜେକେ

(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ ଏନ୍ ଉସ୍ତା ଡାଗ୍ଲା ଛୁଜା, ଇସ୍‌ପରନେ ସାମୁଆଁ । ୧୨ ଆରି ଗାଲିବ ବିଗ୍‌କ୍ଲେ ଛୁଜା ରକମ୍ ଦେକ୍ ରକମ୍ ରେମୁଆଁକେ ବୁଜେଏ ଆକ୍‌ମେଇଁ ସାମୁଆଁ ଅଁ ଆର୍ଏ, ଇଡ଼ିଙ୍ଗ୍ ସଏତାନ୍ ପାଙ୍ଗ୍‌ଚେ ଡିରକମ୍ ମେଇଁ ବିସ୍‌ବାସ୍ ଡିଙ୍ଗ୍‌ଚେ ରକ୍ୟା ଆବାଆର୍ ଶୁ ଆକେନ୍‌ସା ମେଇଁ ମନେବାନ୍ ସାମୁଆଁ ତୁଙ୍ଗ୍‌ତଏ । ୧୩ ବାରି ନିମାଣ୍ଡା ତୁବନ୍ନିଆ ବିଗ୍‌କ୍ଲେ ଛୁଜା ରକମ୍ ଆକ୍‌ମେଇଁ ସାମୁଆଁ ଅଁ ଆର୍ଏ ସାଦାରେ ସାଃଆର୍ଏ ଡାଗ୍ଲା ମେଁଇଁନେ ଚେର୍ ବିଡ୍ରେ ଜାକ ଖେ ଆଲେଃଲା ମେଇଁ ଇକୁଡ଼ା ବେଲା ଜାକ ବିସ୍‌ବାସ୍ ଡିଙ୍ଗ୍ ଆରେ ବାରି ପରିକ୍ୟା ପାଙ୍ଗ୍‌ଲା

ମେଇଁ ବିସ୍‌ବାସ୍ ଆନ୍ତର ବିଆରଏ । ୧୪ ଗ୍ରେ ସ୍ଲା ଆଣ୍ଡେଙ୍ଗ୍ ଅରିଆ ଲଃଲେଃଃକ୍ସ୍ ବ୍ଲୁ ଦେକ୍ ରକମ୍ ରେମୁଆଁଇଁକେ ବୁଜେଏ ଜାଣ୍ଡେଇଁ ସାମୁଆଁ ଅଁ ଆରେ ମାତର୍ ସଂସାର୍‌ନେ ଚିନ୍ତା ଦନ୍ ଆରି ସୁକ୍‌ରେ ଲେଃଃଚେ ଜିବନ୍ କାଚେ କାଚେ ମିଗ୍ ଝେଆରଏ ବାରି ନିମାଣ୍ଡା ବୁଚୁ ଆବାଆର୍ ଶୁ । ୧୫ ଆଣ୍ଡିନେ ଲିଜ ନିମାଣ୍ଡାନେ ତୁବନ୍ନିଆ ଲଃଃକେ ଆରି ନିମାଣ୍ଡା ତୁବନ୍ନିଆ ଉଡ଼ି ଲଃଃକେ ଦେକ୍‌ରକମ୍ ରେମୁଆଁଇଁ ବୁଜେଏ ଜାଣ୍ଡେଇଁ ପରମେସର୍‌ନେ ସାମୁଆଁ ପରରଲ୍ ଆରି ପବିତ୍ର ମନ୍ ବିତ୍ରେ ଅଁ ଆରଏ କାମ୍ ପଡ଼େଲା ପାଲେଆରଏ ଆରି ମିନେ ବୁଏ ।

ସୁକ୍‌ଆଲ କୁପିସ
(ମାର୍କ ୪:୨୧-୨୫)

୧୬ ✧ଜା କୁପିସ ଆଃଡୁଆଚେ ଆମେକେ ମୁତା ଆଲ ତିତାଚେ ଆବ ଶୁ ଶୁଲ୍ଲା କର୍ ଆଲ ଆବ ଶୁ ମୁତର୍ ମେଁ ଆତେନ୍‌କେ କୁପିସ ବନେ ଛ୍ରୁ ଆଡାଡା ବଆରଏ ତେଡ୍‌ଲା ତୁଆ ବିତ୍ରେ ଗାଣ୍ଡେ ତାରକିଗ୍ କେୟାଆରଏ ।

୧୭ ✧“ମେଁନେ ସାପା ବୁଃଡ଼ି ବଆରକେ ଆତେନ୍‌ ସାପାରେନେ ଡାଗ୍ରା ଡାଗ୍ରା ମେଃନେ ସାପା ଆବାସଙ୍ ଶୁ ଦେକ୍‌ରକମ୍ ବିସୟ୍ ମେଃ ଶୁ ଶୁଲ୍ଲା ମେଃନେ ସାପା ମାଅଁଚେ ବାସଙ୍‌କ୍ ଆଅବା ଶୁ ଦେକ୍‌ରକମ୍ ବୁଡ଼ିଲେଃଃକ୍ସ୍ ସାମୁଆଁ ମେଁ ଶୁ ।”

୧୮ ✧“ପେଇଁ ତିରକମ୍ ଅଁପେତିଁ ଆତେନ୍‌ସା ବିସୟ୍‌ରେ ତରକ୍ ଲାଲାପା ମେଃନ୍‌ସା ଡାଗ୍ରା ଜାନେ ଲେଃଃକେ ଆମେକେ ଜାବର୍ ମିଏ ଆରି ଜାନେ ଶୁ ମେଁ ନିଜେନେ ଲେଃଃକେ ଡାଗ୍‌ଚେ ଏତେ ଲେଃଏ ମେଁବାନ୍ ତୁଙ୍ ଝେଏ ।”

ଜିସୁନେ ଇୟାଙ୍‌ତେ ଆରି ବୟାଣ୍ଡେ
(ମାତିଉ ୧୨:୪୭-୫୦; ମାର୍କ ୩:୩୧-୩୫)

୧୯ ଜିସୁନେ ଇୟାଙ୍‌ତେ ଆରି ବୟାଣ୍ଡେଇଁ ଆମେକେ କେନ୍‌ସା ପାଙ୍ ଆରକେ ମାତର୍ ରେମୁଆଁଇଁ ଜାବର୍ ଗହଲି ଲେଃଲା ମେଁ ଏତେ ଡାଗ୍ରା ଝେଏ ଆୟାକେ ଶୁ । ୨୦ ଜାଣ୍ଡେ ମୁଇଙ୍ ଜିସୁକେ

✧ ୮:୧୭ ୮:୧୭ ମାତିଉ ୫:୧୫; ଲୁକ୍ ୧୧:୩୩. ✧ ୮:୧୭ ୮:୧୭ ମାତିଉ ୧୦:୨୭; ଲୁକ୍ ୧୨:୨. ✧ ୮:୧୮ ୮:୧୮ ମାତିଉ ୨୫:୨୯; ଲୁକ୍ ୧୯:୨୭.

ବାସଙ୍ଗକେ “କେଲା ପିୟାଙ୍ଗ ବାରି ପେନାଙ୍ଗ ନାନେ ଏତେ ଆସୁଏ ନ୍‌ସା ଇକ୍‌ଚା ଡିଙ୍ଗ୍‌ଚେ ବାଏରେ ତୁଆଁ ଲେଃକେ ।”

୨୧ ମାତର୍ ଜିସୁ ଆମେଇଂକେ ଉତର୍ ବିକେ “ଜାଣ୍ଟେ ଇସ୍‌ପର୍‌ନେ ସାମୁଆଁ ଅଁଏ ଆରି ସଡ୍ ମାନେଃଆର୍‌ଏ ମେଇଂ ନେଙ୍ଗ୍‌ନେ ଇୟାଙ୍ଗ୍ ବାରି ବୟାଂଇଂ ।”

**ସିସ୍‌ଇଂ ଜିସୁନେ ବପୁ କେକେ
(ମାତିଉ ୮:୨୩-୨୭; ମାର୍କ ୪:୩୫-୪୧)**

୨୨ ଆତେନ୍ ବେଲା ମେଃସୁଆ ଜିସୁ ଆରି ମେଁନେ ସିସ୍‌ଇଂ ମୁଇଙ୍ଗ୍ ତରାଅରିଆ କକେ ଆରି ଜିସୁ ଆମେଇଂକେ ବାସଙ୍ଗକେ, “ଏଲାପା କେଣ୍ଡିଆ ଇନ୍ତୁ ମେତାଃ ନେଝେପା । ଆଡ୍ ଅରିଆ ସିସ୍‌ଇଂ ତରା ତଃ ବିଃକେ ।” ୨୩ ମାତର୍ ମେଇଂ ତରା ଝେନେ ବେଲା ଜିସୁ ତୁଲେଗ୍ ଲେଃଗେ । ଆତେନ୍ ବେଲା କେଣ୍ଡିଆନ୍ନିଆ ଝେଡ୍‌ଡିଆ ଗୁରିୟା ପାଙ୍କେ ଆରି ମେଁଇଂନେ ତରାନିଆ ଶ୍ରିଆ ଗିଃଗାଃନେ ମୁଲେକେ । ୨୪ ଅଃତେନ୍ ବେଲା ସିସ୍‌ଇଂ ତାଗ୍‌ ପାଙ୍ଗ୍‌ଚେ ଆମେକେ ଆତଡ୍‌ଡିଆଚେ ବାସଙ୍ଗକେ “ଏ ଗୁରୁ ଏ ଗୁରୁ ନେ ନେଗୁଏଃଗେ ।” ଅଃତେନ୍ ବେଲା ଜିସୁ ତଡ୍‌ଡିଆଚେ ଝେଡ୍‌ଡିଆ ଗୁରିୟାକେ ଦମକା ବିକେ ଆରି ଆତେନ୍ ସାପା ଝେଡ୍‌ଡିଆ ଗୁରିୟା ବନ୍ଦ୍ ଆଡିଙ୍ଗ୍ ବିଃକେ । ୨୫ ଆରି ଜିସୁ ଆମେଇଂକେ ବାସଙ୍ଗକେ “ପେଇଂନେ ସଡ୍ ମାନେକ୍‌କ୍‌ ଆଣ୍ଡିକା ? ମାତର୍ ମେଇଂ ବୁଟ୍ ଡିଙ୍ଗ୍ ଆରଗେ ଆରି ଇରିଆଃତୁଗ୍ ଲେଃଆରଗେ ମେଁ ଆମେଇଂକେ ଆଃ ବାଲିର୍‌ବାତା ଆକେଁ ।” ଆକେନ୍ ରେମୁଆଁ ଜାଣ୍ଟେ ଚେଃ ମେଁ ଝେଡ୍‌ଡିୟା ଆରି ଶ୍ରିଆକେ ଡିଗ୍ ଆଦେସ୍ ବିଏ ମେଇଂ ମେଁନେ ସାମୁଆଁ ସାଃଆର୍‌ଏ ।

**ଜିସୁ ମୁଇଂ ବୁଡ୍ ସାଲେକ୍‌କ୍‌ ରେମୁଆଁ ନିମାଣ୍ଡା ଆଡିଙ୍ଗ୍‌କେ
(ମାତିଉ ୮:୨୮-୩୪; ମାର୍କ ୫:୧-୨୦)**

୨୬ ଇଡ୍‌ଇଙ୍ଗ୍ ଜିସୁ ଆରି ମେଁନେ ସିସ୍‌ଇଂ ଗାଲିଲୀନେ କେଣ୍ଡିଆ ଇନ୍ତୁ ମେତାଃ ଝେଗେ । ମେଇଂ ଗରାଶୀୟ ଏରିଆ ନ୍ନିଆ ଝେଆରକେ । ୨୭ ଜିସୁ ତରାବାନ୍ ତାର୍‌ଚେ କେଣ୍ଡିଆ ଆଡା ଜାର୍‌ନେ ବେଲା ଆତେନ୍ ଇନିନେ ମୁଇଙ୍ଗ୍ ଗଲିଆ ସାଲେଃକ୍‌କ୍‌ ରେମୁଆଁ ଆମେକେ ଅବାକେ; ମେଁ ଅସେବାନ୍ ପାଟାଈ ମାସଚେ ଆରି ତୁଆ ମାଲେଚେ

ରାଷଟ୍ୟା ଲେଖତିଂଗେ । ୨୮ ମେଁ ଜିସୁକେ କେଚେ କିରଚେ ମେଁନେ
 ଞ୍ଚ ବୁଧେ ଲାଠଚେ ଜବର ସାରଚେ ବାସଙ୍ଗକେ “ଏ ଇସ୍‌ପରନେ
 ଉଙ୍ଗତେ ଜିସୁ ନା ଏତେ ନେଙ୍ଗନେ ମେଁନେ ଲେଖକେ ? ନେଙ୍ଗ
 ଆନାକେ ସାରଲଣ୍ଟିକେ । ଆନିଂକେ କଷ୍ଟ ଆବିଗେ ନାମଃ ।” ୨୯ ଡାଗ୍ଲା
 ଜିସୁ ଆତେନ୍ ଗଲିଆକେ ଆତେନ୍ ରେମୁଆଁ ବାନ୍ ତାର ଝେନ୍‌ସା
 ଆଦେସ୍ ବିବଗେ । ଆତେନ୍ ଗଲିଆ ଉଡ଼ିତର୍ ଆମେକେ ସାଲେଗେ
 ଆରି ରେମୁଆଁ ଆମେକେ ଛିନିଆ ଞ୍ଚନିଆ ଗାଗଚେ ବଆରଗେ ମାତର୍
 ମେଁ ଗାଗକ୍ଲେ ଚିକ୍ଲି ଆଃତେଗ୍‌ଚିଚେ ରେମୁଆଁ ଆଲେଖକ୍ଲେ ଚାନ୍‌ନିଆ
 ସେଆଁରେ ଆମେକେ ଆଃଅଲେଙ୍ଗ୍ ଡୁଙ୍ଗ୍ ଝେତିଂକେ ।

୩୦ ଜିସୁ ଆମେକେ ସାଲିଆକୁକେ, “ନାନେ ମ୍ଲି ମେଃନେ ?”
 ମେଁ ବାସଙ୍ଗକେ, “ନିଂନେ ମ୍ଲି ‘ବାହିନୀ,’” ଡାଗ୍ଲା ମେଁ ଡାଗ୍ଲା ଗୁଲେ
 ସେଆଁରେ ଗାଲେଖଗେ । ୩୧ ଆରି ମେଁ ଡିରକମ୍ ଆମେଇଂକେ
 ପାତାଲ୍‌ପୁର୍ ଝେନ୍‌ସା ଆବିଲେ ଆତେନ୍‌ସା ମେଇଂ ଆମେକେ
 ଜବରଜସ୍ତି ଡିଙ୍ଗକେ ।

୩୨ ଆତେନ୍ କଣ୍ଡା ଡାଗ୍ଲା ମୁଇଙ୍ଗ୍ ମ୍ଲା ଗୁରୁଗ୍‌ଇଂ ଡୁରତ୍ୟା ଡିଙ୍ଗେ ଆରି
 ମେଁ ଡିରକମ୍ ଆମେଇଂକେ ଆତେନ୍ ଗୁରୁଗ୍‌ନେ ଗାଗତେ ଗାନ୍‌ସା
 ଆଦେସ୍ ବିକେ ଆକେନ୍‌ସା ମେଇଂ ଆମେକେ ଜବରଜସ୍ତି ଡିଙ୍ଗିଆକେ
 । ୩୩ ଜିସୁ ଆମେକେ ଆଦେସ୍ ବିଲା ସେଆଁରେ ଆତେନ୍ ରେମୁଆଁ ବାନ୍
 ତାରଚେ ଗୁରୁଗ୍‌ନେ ଗାଗତେ ଗାକେ; ଆଡ଼ ଅରିଆ ଗୁରୁଗ୍ ଆତେନ୍
 କଣ୍ଡା ବାନ୍ ଝିର୍ ଡୁଂଝେଚେ କେଣ୍ଡିଆନ୍ନିଆ ତେଗ୍‌ତ୍ୟା ଗୁଏଗେ ।

୩୪ ଡୁରତ୍ୟା ଡିଙ୍ଗିକ୍ଲେ ରେମୁଆଁ ଆତେନ୍ ଗଚେକ୍ଲେ କେଚେ ଝିର୍
 ଡୁଂଝେଚେ ଇନି ଆରି ବାଏରେ ଲେଖକ୍ଲେ ରେମୁଆଁଇଂକେ ଆଞ୍ଜାକେ
 । ୩୫ ଆତେନ୍ ଅରିଆ ରେମୁଆଁଇଂ ଆତେନ୍ ଗଚେକ୍ଲେ କେନ୍‌ସା
 ପାଙ୍ଗ୍ ଆରକେ ଆରି ମେଇଂ ଜିସୁନେ ଡାଗ୍ଲା ପାଙ୍ଗ୍‌ଚେ ମୁଡ଼ି ରେମୁଆଁ
 ବାନ୍ ଗଲିଆଇଂ ତାର ଲେଖଗେ ଆମେକେ ପାଟାଇ ସଚେ ନିମାଣ୍ଡା
 ଆଡ଼ିଙ୍ଗିଚେ ଜିସୁନେ ଞ୍ଚ ବୁଧେ କଲେଖକ୍ଲେ କେଚେ ବୁଟ ଆରଗେ
 । ୩୬ ଆରି ଜାଣ୍ଡେଇଂ ଏନ୍ ଗଚ୍‌ନା କେଲେଗେ ମେଇଂ ଆତେନ୍
 ଗଲିଆ ସାଲେଖକ୍ଲେ ରେମୁଆଁ ଡିରକମ୍ ନିମାଣ୍ଡା ଡିଙ୍ଗିକେ ଆତେନ୍
 ସାପା ଆମେଇଂକେ ଆମ୍ୟାଆରକେ । ୩୭ ଆଡ଼ ଅରିଆ ଗରାଣୀୟଇଂ
 ଇନିନେ ସାପା ରେମୁଆଁ ମେଇଂବାନ୍ ଆଣ୍ଡେ ଝିଗ୍‌ନ୍‌ସା ଆମେକେ

ଜବରଜସ୍ତି ତିଜ୍ଜିଆକେଁ ଡାଗ୍ଲା ମେଇଁ ଜାବର ରୁଟ ଝେଲେଗେ ଆରି ମୁଇଜ୍ଜି ତରାନ୍ନିଆ ତେଃତେ ଜିସୁ ଆଣ୍ଡେ ଝିଗ୍‌ଗେ । ୩୮ ମାତର୍ ମୁଡ଼ି ରେମୁଆଁ ବାନ୍ ଗଲିଆ ନୁଆଁ ଆନ୍ତାର ବଗେ ମେଁ ଜିସୁ ଏତେ ଲେନେସା ଜବରଜସ୍ତି ତିଜ୍ଜିକେ ୩୯ ମାତର୍ ଜିସୁ ଆମେକେ ବେବିତେ ବାସଜ୍ଜିକେ, “ନାନେ ତୁଆ ଆଣ୍ଡେ ଝିଗ୍‌ଲା ଆରି ଇସପର୍ ନାଁ ନସା ମେଁନେ ତିଜ୍ଜି ବକେ ଆତେନ୍ ସାପା ବାସଜ୍ଜି ଅଲେଜ୍ଜି ।” ତେଲା ମେଁ ଝେତେ ଜିସୁ ମେଃନସା ମେଃନେ ତିଜ୍ଜି ବଗେ ଆତେନ୍ ସାପା ଇନି ଜାକ ବାସଜ୍ଜି ଅଲେଜ୍ଜିକେ ।

ଜାଇରସ୍‌ନେ ଉଜ୍ଜିତେ ଆରି ଆବୁଲେଃଝେ ସେଲାମ୍‌ସୁ ନିମାଣ୍ଡା ତିଜ୍ଜି

(ମାତିଉ ୯:୧୮-୨୬; ମାର୍କ ୫:୨୭-୪୩)

୪୦ ଉଡ଼ିବେଲା ଜିସୁ ଇନୁମେତା ପାଜ୍ଜିକେ ରେମୁଆଁଇଁ ଆମେକେ ସାର୍ଦା ତିଜ୍ଜିତେ ସାଃଆରକେ ଡାଗ୍ଲା ଆମେକେ ସାପାରେ ଉର୍ଲେଃଝେ । ୪୧ ଆରି କେଲା ଜାଇରସ୍ ମିଃକ୍ଲେ ମୁଇଜ୍ଜି ରେମୁଆଁ ପାଜ୍ଜିକେ ମେଁ ପାର୍ତନା ତୁଆନେ ନେତା ଲେଃଝେ । ମେଁ ଜିସୁନେ ଷ୍ଟ ରୁନ୍ଦେ ଲଃଝେ ମେଁନେ ତୁଆ ଝେନେସା ଆମେକେ ଜବରଜସ୍ତି ତିଜ୍ଜିକେ । ୪୨ ଡାଗ୍ଲା ଗମ୍ବାର ବୟସ୍‌ନେ ମୁଇଜ୍ଜି ମାତର୍ ସେଲା ଲେଃଝେ ଆରି ମେଁ ତେଗୁଏନେ ରକମ୍ ତିଜ୍ଜିଲେଃଝେ । ମାତର୍ ଜିସୁ ଝେତିଜ୍ଜିନେ ବେଲା ରେମୁଆଁଇଁ ମେଁ ଆଡ଼ାଡ଼ା ଟେଟା ତୁଂପାଜ୍ଜିକେ ।

୪୩ ଆତେନ୍ ଗମ୍ବାର ମୁଆଁ ଜାକ ଆବୁଲେ ତିଜ୍ଜି ଲେଃଝେ ସେଲାମ୍‌ସୁ ଲେଃଝେ । ଜାଣ୍ଡେ କି ନିଜର୍ ତାରୁ ଆଃତାତେ ତିଗ୍ *ନିମାଣ୍ଡା ଆଡ଼ିଜ୍ଜି ଆୟାକେ ଶୁ । ୪୪ ମେଁ ପ୍ଲା ପାକା ପାଜ୍ଜିତେ ଜିସୁନେ ପାଟାଇ ଜାଲିପୁଆଃକେ ଲିଗ୍‌କେ ଆରି ମେଁ ଆବୁଲେଃଝେ ତିଜ୍ଜିକେ ମ୍ୟା ବୟ ତିଜ୍ଜିଝେଗେ । ୪୫ ଆତେନ୍ ବେଲା ଜିସୁ ସାଲିଆକୁକେ ଜାଣ୍ଡେ ଆନେଜ୍ଜିକେ ଲିଗ୍‌କେ ? ମାତର୍ ସାପାରେ ବାସଜ୍ଜିକେ ଜେ ମେଇଁ ଆମେକେ ଆଲିଗ୍‌କେ ଶୁ ପ୍ରିତର୍ ବାସଜ୍ଜିକେ “ଅଁ ଗୁରୁ ସାପା ରେମୁଆଁ ଟେଟା ଟେଣ୍ଡୁରୁ ତିଜ୍ଜି ପାଜ୍ଜି ଆରକେ ।”

* ୮:୪୩ ୮:୪୩ ଉଡ଼ି ଛିବାନ୍ ଗୁଆର୍ ବକ୍ଲେ ଆକେନ୍ ସାମୁଆଁ ଶୁ

୪୭ ଜିସୁ ଆମେଇଂକେ ବାସଙ୍ଗକେ, “ଜାଣ୍ଠେ ମୁଇଂଜା ଆନେଙ୍ଗକେ ଲିଗ୍‌କେ ଡାଗ୍ଲା ନେଙ୍ଗ୍ ବାନ୍ ସକଡ଼ ତାର୍ ଝେଗେ ଡାଗ୍‌ଚେ ନେଙ୍ଗ୍ ମ୍ୟାକେ ।” ୪୭ ଉଡ଼ି ବେଲା ସେଲାମ୍‌ୟ୍ ରେମୁଆଁ କେକେ ଜେ ମେଁ ବୁଡ଼ି ଲେଃଆୟାକେ ଶୁଆଡେନ୍ ବେଲା ମେଁ ଜୁର୍ ଜୁର୍ ପାଙ୍ଗ୍‌ଚେ ମେଁନେ ଞ୍ଚ ବୁନ୍ଦେ ଲଃଚେ ଜାଣ୍ଠେ ନାଁ ଆମେକେ ନାଲିଗକେ ଆରି ଡିରକମ୍ ପ୍ରେକ୍ ଆଃ ନିମାଣ୍ଡା ନାଡ଼ିଙ୍ଗ୍ ଆତେନ୍ ସାପାରେନେ ସାମୁଆଁ ବାସଙ୍ଗ ବିଃକେ । ୪୮ ଆଡ଼ ଅରିଆ ଜିସୁ ଆମେକେ ବାସଙ୍ଗକେ “ଅ ସେଲାମ୍‌ୟ୍‌ଅ ନାନେ ବିସ୍‌ବାସ୍ ଆନାକେ ନିମାଣ୍ଡା ଆଡ଼ିଙ୍ଗ୍ ବକେ, ସାନ୍ତିରେ ଝିଗ୍‌ଲା ।”

୪୯ ମେଁ ଆକେନ୍ ସାମୁଆଁ ବାସଙ୍ଗନେ ବେଲା ପାର୍‌ତନା ତୁଆନେ ନେତା ଜାଇରସ୍ ତୁଆବାନ୍ ମୁଇଂଜା ପାଙ୍ଗ୍‌ଚେ ବାସଙ୍ଗକେ “ନାଁଉଙ୍ଗ୍ ଗୁଏଃ ଝେଗେ ଗୁରୁକେ ଆରି କଷ୍ଟ ଆବିଗେ ନାମଃ ।”

୫୦ ମାତର୍ ଜିସୁ ଆକେନ୍ ଅଁଚେ ଜାଇରସ୍‌କେ ବାସଙ୍ଗକେ ଆବ୍‌ଗେ ନାମଃ ମାତର୍ ବିସ୍‌ବାସ୍ ତିଂପା ମେଁ ଜିବନ୍ ବାଏ ।

୫୧ ଆରି ଜିସୁ ଆଡ଼ ଅରିଆ ଝେଗେ ପିତର୍ ଯହନ୍ ଆରି ଜାକୁବ୍ ଆରି ଗଡ଼େଅନେ ଇୟାଙ୍ଗ୍‌ଡେ ଆବାଡ଼େ ଆଡ଼ାର୍‌ଚେ ଆରି ଆଜାଡ଼ିଗ୍ ମେଇଂ ଏଡେ ବିଡ଼େ ଝେନେସା ଆବିକେ ଶୁ ୫୨ ମାତର୍ ସାପାରେ ମେଃନ୍‌ସା ଡାଗ୍‌ଚେ ଅଁ ଅଁଚେ ଗୁନିଆ ବଗ୍ ଡିଙ୍ଗ୍ ଆର୍‌ଗେ । ଆଡ଼ ଅରିଆ ଜିସୁ ବାସଙ୍ଗକେ “ଆଃଗେପା; ଗଡ଼େଅ ଆଗୁଏକେ ଶୁ ମାତର୍ ତୁଲେଗ୍ ଲେଃଗେ ।

୫୩ ମେଁନେ ସାମୁଆଁକେ ମେଇଂ ସାପା ରେମୁଆଁ ଏଃଲ୍ୟା ଆର୍‌କେ । ଡାଗ୍ଲା ଗଡ଼େଅ ଗୁଏଲେକେ ଡାଗ୍‌ଚେ ମେଇଂ ମ୍ୟାଃ ଲେଃଗେ ।

୫୪ ମାତର୍ ଜିସୁ ସେଲାମ୍‌ୟ୍‌ସକେ ତ୍ରି ସାଚେ ବାସଙ୍ଗକେ ଅଁ ଗଡ଼େଅ ଡଡ଼ିଆ ।” ୫୫ ତେଲା ମେଁନେ ଜିବନ୍ ଆଣ୍ଠେ ପାଙ୍ଗ୍‌କେ ବାରି ଉଲୁସ୍‌ସେ ଡଡ଼ିଆଗେ ଆରି ମେଁ ଆମେକେ ମେଃଣ୍ଡିଗ୍ ଚଙ୍ଗନ୍‌ସା ଆଦେସ୍ ବିଃକେ । ୫୬ ଆଡ଼ ଅରିଆ ମେଁନେ ଇୟାଙ୍ଗ୍‌ଡେ ଆବାଡ଼େ ବକୁଆ ଡିଙ୍ଗ୍‌ଝେଗେ ମାତର୍ ଏନ୍ ଗଟେକ୍ ସାମୁଆଁ ଆଜା ଡିଗ୍ ଆବାସଙ୍ଗନ୍‌ସା ଆମେଇଂକେ ଆଦେସ୍ ବିକେ ।



ଜିସୁ ଗମ୍ଭୀର କ୍ଲିଗ୍ ପ୍ରେରିତ୍ତଂକେ ବେକେ
(ମାତିତ ୧୦:୫-୧୫; ମାର୍କ ୬:୭-୧୩)

୧ ଜିସୁ ଗମ୍ଭୀର କ୍ଲିଗ୍ ରେମୁଆଁଇଂ ଖାଚେ ମୁଇଂନିଆ ଆତିଙ୍ଗ୍‌ଚେ ଆମେଇଂକେ ସାପାରେକେ ଗଲିଆ ଆଃଆନ୍ତାର୍ ଆରି ବେମାର୍ ନିମାଣ୍ଡା ଆତିଙ୍ଗ୍ ନ୍‌ସା ବପୁ ଆରି ଅଦିକାର୍ ବିକେ । ୨ ଆରି ମେଁ ଗମ୍ଭୀରକ୍ଲିଗ୍ ସିସ୍‌ଇଂକେ ଇସ୍‌ପରନେ ରାଜିନିଆ ବାସଙ୍ଗ୍ ନ୍‌ସା ବାରି ରଗି ରେମୁଆଁକେ ନିମାଣ୍ଡା ଆତିଙ୍ଗ୍ ନ୍‌ସା ବେକେ । ୩ ଆରି ଆମେଇଂକେ ବାସଙ୍ଗ୍‌କେ “ପେ ସାପାରେ ଝେନେବେଲା ଚେଙ୍ଗ୍ ଲେଃ ମୁନା ସକା ଲେଃ ରୁଚି ଲେଃ ତାରୁ ମେଁନେ ତିଗ୍ ତୁଙ୍ଗ୍‌ଆଝେଗ୍‌ପା । ଶୁଲ୍ଲା ମ୍ବାକ୍ଲିଗ୍ ସକା ତୁଙ୍ଗ୍ ଆଝେଗେପା । ୪ ଆରି ପେ ମୁଃଡିନେ ତୁଆନିଆ ପେଗାଏ, ଆତେନ୍ ଗନ୍‌ବାନ୍ ମାତାରନେ ଜାକ ଆତେନ୍ ତୁଆ ଲାଲାପା । ୫ ଆରି ଉଡି ରେମୁଆଁ ଆପେକେ ଆସାର୍ଲ ଆରଏ ଆତେନ୍ ଇନି ତାରନେ ବେଲା ମେଁଇଂନେ ବିରଦ୍‌ରେ ସାକି ବିଃନ୍‌ସା ପେନେ ସ୍ତନେ ଦୁଲି ତାଣ୍ଡିଃ ବିଃପା ।

୬ ଆଡ୍ ଅରିଆ ପ୍ରେରିତ୍ତଂ ଝେଆର୍‌ଗେ ଆରି ପବିତ୍ରନେ ନିମାଣ୍ଡା ସାମୁଆଁ ଆର୍ ଆରକେ ଆରି ନିମାଣ୍ଡା ଆତିଙ୍ଗ୍ ଆତିଙ୍ଗ୍ ସାପା ଇନିନେ ରେମୁଆଁକେ ବାସଙ୍ଗ୍ ଅଲେଙ୍ଗ୍‌କେ ।

ହେରୋଦ୍ ତେରେପେତେ ତିଂକେ
(ମାତିତ ୧୪:୧-୧୨; ମାର୍କ ୬:୧୪-୨୯)

୭ ଆକ୍ ଅରିଆ ସାମନ୍ତ ଇଃସାଙ୍ଗ୍ ହେରୋଦ୍ ଆକେନ୍ ସାପା ଗଚେକ୍ସେ ସାମୁଆଁ ଝେଚେ ଜାବର୍ ଏତେଚେ ଲେଃଗେ ତାଗ୍ଲା ଦୁବନ୍ ବିଶ୍ଟ୍ରେ ଜହନ୍ ମେଁ ଗୁଏଃଚେ ଆରି ମୁଇଂତର୍ ଜିବନ୍ ଶୁଙ୍ଗ୍ ଲେଃକେ ତାଗ୍‌ଚେ ଉଃଡିରୁଆ ବାସଙ୍ଗ୍‌ତିଆରକେ । ୮ ଆରି ଜାଣ୍ଟେ ଜାଣ୍ଟେ ଏଲୀୟ ଦର୍ସନ୍ ବିଃଡିଂକେ ତାଗ୍‌ଚେ ବାସଂତିଙ୍ଗ୍ ଆରି ଉଡିକ୍ଲିଗ୍ ଅସେନେ ବାବବାଦିଇଂ ବାନ୍ ମୁଇଜା ଗୁଏଚେ ଜିବନ୍ ତିଙ୍ଗ୍‌ଲେ ତାଗ୍‌ଚେ ବାସଂତିଙ୍ଗ୍ । ୯ ହେରୋଦ୍ ବାବେକେ ନେଙ୍ଗ୍ ଜହନ୍‌ନେ ବାଆଃ ଆଃଗୁଆତଗ୍ ମ୍ବାକେ ମାତର୍ ଏନ୍ ରେମୁଆଁ ଜାଣ୍ଟେ ଜାନେ

☆ ୯:୫ ୯:୫ ପ୍ରେରିତ୍ତ ୧୩:୫୧. ☆ ୯:୫ ୯:୫ ଲୁକ ୧୦:୪-୧୧. ☆ ୯:୭ ୯:୭ ମାତିତ ୧୭:୧୪; ମାର୍କ ୮:୨୮; ଲୁକ ୯:୧୯.

ସାମୁଆଁରେ ନେଙ୍କ ଆକେନ୍ ସାପା ଅଁ ର୍ଲେକେ ?” ତେସା ମେଁ ଜିସୁକେ କେନ୍ସା ଚେସ୍ତା ଡିଙ୍ଗକେ ।

ଜିସୁ ମାଲ୍ ଅଜାର୍ ରେମୁଆଁକେ ଚଙ୍ଗନ୍ସା ବିକେ
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜହନ୍ ୬:୧-୧୪)

୧୦ ଇଡିଙ୍ଗ୍ ପ୍ରେରିଡିଙ୍ଗ୍ ଆଣ୍ଡେରେ ମେଠନେ ମେଠନେ ଡିଂବଆରଗେ ଆତେନ୍ ସାପା ଜିସୁନେ ଡାଗ୍ରା ବାସଙ୍ଗ୍ ବିଠକେ । ଆରି ଜିସୁ ପ୍ରେରିଡିଙ୍ଗ୍ ଏତେ ଝେରେ ବିନେ ଡିଙ୍ଗ୍ରେ ବେଅସାଇଦା ମ୍ଲିକ୍ଲେ ଇନି ଝେରେ ।
୧୧ ମାତର୍ ରେମୁଆଁ ଆତେନ୍ ଅଁଚେ ମେଁନେ ଡାଗ୍ରା ଝେକେ ଆରି ମେଁ ଆମେଇଂକେ ସାଞ୍ଚାରକେ ଆରି ଇସ୍ପର୍ସନେ ରାଇଜ୍ ସାମୁଆଁ ବାସଙ୍ଗ୍କେ, “ଆରି ଜାଣ୍ଡେ ନିମାଣ୍ଡା ଡିଙ୍ଗ୍ନେ ଲେଠକେ ଆମେଇଂକେ ନିମାଣ୍ଡା ଆଠଡିଙ୍ଗ୍ ।”

୧୨ ଆକ୍ ଅରିଆ ଲମ୍ଡିଗ୍ ଡିଙ୍ଗ୍ନେ ମୁଲେକେ ଆଡ୍ ଅରିଆ ଗମ୍ବାର୍ ସିସ୍ଲିଙ୍ ଜିସୁ ଡାଗ୍ରା ପାଙ୍ଗ୍ରେ ବାସଙ୍ଗ୍ଆରକେ “ରେମୁଆଁଇଂ ଡିରକ୍ମକି ସାପା ପାକାନେ ଇନି ଆରି ଇନିନେ ଜାକ୍ ଚଙ୍ଗ୍ନେ ବାଆରଲେ ଆତେନ୍ସା ଆମେଇଂକେ ନୁଆଁ ବିଠପା ମେଠନ୍ସା ଡାଗ୍ରା ନେଁ ଆକ୍ଅରିଆ ସୁନ୍ସାନ୍ ଟାନ୍ନିଆ ନେଲେକେ ।”

୧୩ ମାତର୍ ଆମେଇଂକେ ବାସଙ୍ଗ୍କେ “ପେ ଆକ୍ମେଇଂକେ ଆଚଙ୍ଗେପା ।” ସିସ୍ଲିଙ୍ ବାସଙ୍ଗ୍କେ “ନେଁ ଡାଗ୍ରା ମାଲିକ୍ଲିଗ୍ ରୁଟି ମ୍ଲିକ୍ଲିଗ୍ ଆଠଡ୍ ଆନ୍ତାଚେ ଜାବର୍ ଶୁଡେଲ୍ ନେ ମେଠନେ ଝେରେ ଆକେନ୍ ସାପାରେ ନ୍ସା ଚଙ୍ଗ୍ନେ ବଲେ ନେବ୍ୟାର୍ସ ?”
୧୪ ଡାଗ୍ରା ମେଇଂ ପାକା ପାକି ମାଲ୍ ଅଜାର୍ ଲିର୍ବଏ ଲେଠଗେ । ଆରି ଜିସୁ ମେଁନେ ସିସ୍ଲିଙ୍କେ ବାସଙ୍ଗ୍କେ, “ଉଡି ମ୍ଲିକ୍ଲିଗ୍ ଗୁଆ ମ୍ଲିକ୍ଲିଗ୍ ଗୁଆ ଆଡିଙ୍ଗ୍ରେ ଆମେଇଂକେ ମାନ୍ଦା ମାନ୍ଦା ଆଡିଙ୍ଗ୍ରେ ଆଠକପା ।”

୧୫ ସିସ୍ଲିଙ୍ ଦେଡରକ୍ମ ଡିଙ୍ଗ୍ଲେ ଇଡିଙ୍ଗ୍ । ୧୬ ଆରି ଜିସୁ ମାଲିକ୍ଲିଗ୍ ରୁଟି ଆରି ମ୍ଲିକ୍ଲିଙ୍ଗ୍ ଆଡକେ ଲିଙ୍ଗ୍ରେ କିତଙ୍ଗ୍ ଇନି ଡାଣ୍ଡେରେ ପର୍ମେସର୍କେ ଦନ୍ୟବାଦ୍ ବିକେ । ଆକେନ୍ ପାକ୍ଚିରେ ରେମୁଆଁଇଂକେ ବାଟା ବିଠନ୍ସା ସିସ୍ଲିଙ୍କେ ବିକେ । ୧୭ ଆଡ୍ ଅରିଆ ସୁଲୁଏ ପୁରନ୍ ଚଙ୍ଗ୍ରେ ସାନ୍ତି ବାଆରକେ । ଆରି ଗମ୍ବାର୍ଲିଗ୍ ଆଣ୍ଡାନ୍ନିଆ ଲୁଆଁକ୍ଲେ ଡୁଙ୍ଗ୍ଝିଗ୍ଆରଗେ ।

ପିତର ଜିସୁ ଜାଣେ ଡାଗରେ ବାସଙ୍ଗକେ
(ମାତିଉ ୧୭:୧୩-୧୯; ମାର୍କ ୮:୨୭-୨୯)

୧୮ ମୁଇଁତର ଜିସୁ ଚିମିକିଚାମାକ୍ ଲେଖକେ ଜାଗାନ୍ନିଆ ପାରତନା ଡିଙ୍ଗନେ ବେଲା ସିସିଇଁ ଜିସୁ ଡାଗ୍ରା ପାଙ୍ଗେ ଆରି ଜିସୁ ଆମେଇଁକେ ସାଲିଆକୁକେ ନେଙ୍ଗ ଜାଣେ ଡାଗରେ ରେମୁଆଁ ସାପାରେ ମେଁନେ ବାସଙ୍ଗଏ ?

୧୯ ☆ତେଲା ମେଇଁ ଉତର ବିକେ, “ଶ୍ରିଆନ୍ନିଆ ଦିକ୍ୟା ବିଶ୍ରେ ଜହନ୍ । ବାରି ଉଡ଼ିରୁଆ ବାସଙ୍ଗତିଁ ଏଲାୟ ବାରି ଜା ଜା ବାସଙ୍ଗକେ, ପୁଆ କାଲନେ ବାବବାଦିଇଁନେ ବାନ୍ ମୁଇଁଜା ଆରି ମୁଇଁତର ଜିବନ୍ ଡିଙ୍ଗଲେଗେ ।”

୨୦ ☆ଜିସୁ ଆମେଇଁକେ ସାଲିଆକୁକେ ମାତର ନେଙ୍ଗ ଜାଣେ ଡାଗରେ ଯେ ମେଁନେ ବାସଙ୍ଗ ଯେଡିଙ୍ଗ ? ପିତର ଉତର ବିକେ ନାନେ ଇସ୍ପରନେ କିସ୍ତ ।

୨୧ ଆଡ ଅରିଆ ଜିସୁ ଆକେନ୍ ସାମୁଆଁ ଆଜାଡିଗ୍ ଆବାସଙ୍ଗ ନ୍ସା ଆମେଇଁକେ ଚେତନା ବିଚେ ବାସଙ୍ଗକେ । ୨୨ ଆରି ମେଁ ଆମେଇଁକେ ବାସଙ୍ଗକେ, “ରେମୁଆଁ ଉଙ୍ଗଡେକେ ମାଲେ ଡଣ୍ଟ କଷ୍ଟ ବାନେ ପଡେଏ । ଦର୍ମ ନେତା ଆରି ଜିଉଦି ନେତା ମ୍ମା ପୁଜାରି ଆରି ଦର୍ମସାସ୍ତିଇଁ ଆମେକେ ବିସବାସ୍ ଆଡିଙ୍ଗଆର୍ ଶ୍ଟୁ । ଡିଲାଡିଗ୍ ଆମେକେ ବାଗୁଏ ବିଆରଏ ଆରି ମେଁ ଗୁଏକ୍ସେ ଜିସି ଦିନା ବିଡରେ ଆରି ଡଃଡିଆଏ ।”

୨୩ ☆ଜିସୁ ସାପାରେକେ ବାସଙ୍ଗକେ, “ଅଃନା ଜା ନେଙ୍ଗନେ ପ୍ଲା ପାଙ୍ଗନେ ଇକ୍ତା ଡିଙ୍ଗଏ ତେଲା ଆମେକେ ନିଜେନେ ନିଜେକେ ଆନ୍ତାର ପଡେଏ । କାଲାଆଃ ଆମେକେ ବିବକ୍ସେ କୁରୁସ୍ ଡୁଙ୍ଗଚେ ଆରି ମେଁ ନେଙ୍ଗନେ ପ୍ଲା ପାଙ୍ଗଲେ । ୨୪ ☆ମୁଡି ରେମୁଆଁ ନିଜେନେ ଜିବନ୍ ଆମ୍ମୁ_ନ୍ସା ଇକ୍ତା ଡିଙ୍ଗଏ ମେଁ ଆଡେନ୍ ଆଃରେଚେ କଏ । ଆରି ମୁଡି ରେମୁଆଁ ନେଙ୍ଗନେସା ମେଁନେ ଜିବନ୍ ବିଏ । ମେଁ ଆମେକେ ରକ୍ୟା ଡିଙ୍ଗଏ । ୨୫ ବାରି ରେମୁଆଁ ଜଦି ସାପା ଦର୍ଡନିକେ

☆ ୯:୧୯ ୯:୧୯ ମାତିଉ ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮. ☆ ୯:୨୦ ୯:୨୦ ଜହନ୍ ୭:୨୮,୨୯. ☆ ୯:୨୩ ୯:୨୩ ମାତିଉ ୧୦:୩୮; ଲୁକ ୧୪:୨୭. ☆ ୯:୨୪ ୯:୨୪ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫.

ଲାବ୍ ତିଂଚେ ନିଜକେ ବିନାସ୍ ଆଃତିଂଏ ବାରି ଜିବନ୍ ଆରେଏ, ତେଲା ମେଁନେ ମେଁ ଲାବ୍ ? ୨୭ ଜଦି ମୁଡ଼ି ରେମୁଆଁ ନେଙ୍ଗ୍ ସାମୁଆଁରେ ଆରି ନେଙ୍ଗ୍ନେ ଜାନ୍ ସାମୁଆଁରେ ଗିଆସଏ ତେଲା ରେମୁଆଁ ଉଙ୍ଗ୍ତେ ଉଡ଼ିବେଲା ମଇମା ତିଙ୍ଗ୍ତେ ଆବା ଆରି ପବିତ୍ର କିତଂ ଦୁଡ଼ଇଂନେ ମଇମାରେ ଜାର୍ଆର୍ଏ । ଅଃତେନ୍ ବେଲା ମେଃଡ଼ିଗ୍ ମେଁନେ ବିସଏରେ ଗିଆସ ଆର୍ଏ । ୨୭ ମାତର୍ ନେଙ୍ଗ୍ ଆପେକେ ସଡ଼ ବାସଙ୍ଗ୍ଣିଂ, ଇସପର୍ନେ ରାଜି ମାକେ ଜାକ ଆକ୍ଅରିଆ ତୁଆଁକ୍ନେ ରେମୁଆଁଇଂନେବାନ୍ ଉଡ଼ିରୁଆ ମେଃଡ଼ିଗ୍ ରକମ୍ ଗୁଏନେ ସାମୁଆଁ ପେବାଣ୍ଟୁ”

ଜିସୁନେ ଗାଗ୍ତେ ବକ୍ଲେନେ
(ମାତିଉ ୧୭:୧-୮; ମାର୍କ ୯:୨-୮)

୨୮ ଆକେନ୍ ଗଟେକ୍ନେ ପାକା ପାକି ମୁଇଙ୍ଗ୍ ସାନ୍ତା ମେସୁଆ ଇଡ଼ିଙ୍ଗ୍ ମେଁ ପିତର୍ ଜହନ୍ ଆରି ଜାକୁବ୍କେ ସଙ୍ଗେ ତୁଙ୍ଗ୍ ଝେଚେ ପାର୍ତନା ତିଙ୍ଗ୍ନେସା କଣ୍ଟା ଆଡ଼ାତ୍ରା ଝେଗେ । ୨୯ ଆରି ଜିସୁ ପାର୍ତନା ତିଙ୍ଗ୍ନେ ବେଲା ମେଁନେ ସାମୁଆଁ ବକ୍ଲେଝେଗେ ଆରି ମେଁନେ ପାଟାଇ ତାକ୍ ଗ୍ ତିଙ୍ଗ୍ତେ ତୁଲୁଏ ନାକେ । ୩୦ ଉଲୁସ୍ତେ ମୋଶା ବାରି ଏଲୀୟ, ଆକେନ୍ ମାୟା ରେମୁଆଁ ମେଇଂ ଏତେ ବାଲିର୍ବାତା ତିଙ୍ଗ୍ନେ ମୁଲେକେ । ୩୧ ମେଇଂ କିତଂ ଆସିର୍ବାଦ୍ରେ ସାର୍ଦା ଲେଃଆର୍ଗେ ଯିରୁଶାଲାମ୍ନିଆ ଗୁଏନେ ଗଟେଡ଼ିଙ୍ଗ୍ନେ ଆତେନ୍ ସାମୁଆଁ ବାଲିର୍ବାତା ତିଙ୍ଗ୍ ଆର୍କେ । ୩୨ ଆତେନ୍ ବେଲା ପିତର୍ ଆରି ମେଁନେ ସାଙ୍ଗ୍ଡେଇଂ ତୁଲେଗ୍ ଲେଃଗେ; ଉଡ଼ିବେଲା ମେଇଂ ତଡ଼ିଆ ଆର୍କେ ଜିସୁନେ ମଇମା କେଚେ ଜିସୁନେ ଏତେ ତୁଆଁଲେଃଗ୍ନେ ମାୟା ରେମୁଆଁକେ କେଆର୍କେ । ୩୩ ଆରି ମେଇଂ ମେଇଂବାନ୍ ଝେଡ଼ିଙ୍ଗ୍ନେ ବେଲା ପିତର୍ ଜିସୁକେ ବାସଙ୍ଗ୍କେ “ଅ ମାପ୍ତୁର, ନେ ଜେ ଆକ୍ଅରିଆ ନେଲେଃକେ, ଆକେନ୍ ନିମାଣ୍ଟା; ନାନେ ଜଦି ଇକ୍ଟା ତିଂଲା ନେଙ୍ଗ୍ ଆକ୍ଅରିଆ ଝିକ୍ଟିଗ୍ କୁଡ଼ିଆ ଶ୍ଟାରେଏ, ନା ଆଡ଼ଲା ମୁଇଂ, ମଶା ଆଡ଼ଲା ମୁଇଂ ବାରି ଏଲୀୟ ଆଡ଼ଲା ମୁଇଂ ।” ମାତର୍ ପିତର୍ ମେଁନେ ବାସଙ୍ଗ୍ ତିଙ୍ଗ୍ ଆତେନ୍ ଆମ୍ୟାକେ ଶ୍ଟୁ

୩୪ ପିତର ଆକେନ୍ ବାସଙ୍ଗନେ ବେଲା, “ଇକୁଡ଼ା ତ୍ରିଗ୍ଡିଆ ଆମେଇଂକେ ତା ବିଲା ମେଇଂ ବୁଟଞ୍ଜେଗେ ।” ୩୫ ☆☆ ଆତେନ୍ ତ୍ରିଗ୍ଡିଆବାନ୍ ଆକେନ୍ ସାମୁଆଁ ଡିଂକେ, “ଏ ନେଙ୍ଗନେ ଡଂଡେ, ନେଂ ସ୍ତ୍ରୀବକ୍ସେ,” ଆକ୍ସେନେ ବ୍ଲାଲିର୍ ଅଁପା ।

୩୬ ଆରି ଆତେନ୍ ସାମୁଆଁ ନ୍ନାଂକ୍ସେ ଇଡ଼ିଙ୍ଗ୍ ଜିସୁ ମୁଇଂଜା ଆଃ ନ୍ନାକେ । ଆରି ମେଇଂ ବୁଙ୍ଗ୍ ଲେଃଃଗେ ଆରି ମେଃଃନେ କେଆରକେ ଆଡ଼ଅରିଆ ମେଁନେ ତିଗ୍ ସାମୁଆଁ ଆତେନ୍ ବେଲା ଆଜା ତିଗ୍ ଆବାସଙ୍ଗ୍ ଆରକେ ଶୁ ।

ଜିସୁ ମୁଇଙ୍ଗ୍ ଗଡ଼େଅକେ ସେଆଁରେ ବାନ୍ ନିମାଣ୍ଡା ଆଡ଼ିଙ୍ଗ୍କେ (ମାଡ଼ିଉ ୧୭:୧୪-୧୮; ମାରକ ୯:୧୪-୨୮)

୩୭ ତେନ୍ ଝିର୍ ଜିସୁ ଆରି ଝିରୁଆ ସିସ୍‌ଇଂ କଣ୍ଡାବାନ୍ ଜାର୍‌ରେ ପାଙ୍ଗକେ ଜବର୍ ରେମୁଆଁ ପାଙ୍ଗରେ ଜିସୁକେ ଅବାଆରକେ । ୩୮ ଆରି କେଲା ରେମୁଆଁ ମଜେ ବାନ୍ ମୁଇଂଜା ଜାବର୍ କିରରେ ବାସଙ୍ଗକେ “ଅ ଗୁରୁ ନେଙ୍ଗ୍ ଆନାକେ ଜବର୍‌ଜସ୍ତି ତିଙ୍ଗ୍ ଶ୍ରିଙ୍ଗ୍ ନେଙ୍ଗ୍‌ନେ ଗଡ଼େଅକେ କେଲା ମେଃଃନ୍‌ସା ତାଗ୍ଲା ମେଁ ନେଙ୍ଗ୍‌ନେ ମୁଇଂ ଆଃ ଲିର୍‌ବଏ ଅ । ୩୯ କେଲାପା ଆମେକେ ମୁଇଙ୍ଗ୍ ସେଆଁରେ ସାଏ ଆରି ମେଁ ଉଲୁସ୍ତେ କିରରେ ତଡ଼ିଆଏ ଆରି ମେଁ ଆମେକେ ଦେକ୍‌ରକମ୍ ମଡ଼େଏ ଜେ ମେଁନେ ସାମୁଆଁ ବାନ୍ ବୁନେଃଡୁର୍ ତାର୍‌ଡିଂକେ ଆରି ମେଁ ବାନ୍ କଷ୍ଟ ତାର୍ ଝେଏ ।” ୪୦ ଆମେକେ ସେଆଁରେ ଆଆଡ଼ାର୍ ନ୍‌ସା ନେଙ୍ଗ୍ ନାନେ ସିସ୍‌ଇଂକେ ଜବର୍‌ଜସ୍ତି ଶ୍ରିଙ୍ଗ୍‌କେ ମାତର୍ ମେଇଂ ଆୟାଆକେ ଶୁ ।

୪୧ ଜିସୁ ବାସଙ୍ଗକେ, “ଆରେ ଅବିସ୍‌ବାସି ଆରି ଦଦ୍ୟା ଗାଲି ଝେଣ୍ଡେ ବଂସ, ଉଃଡ଼ି ମୁଆଁ ନିଂ ପେନେ ଏଡେ ଲେଃଃରେ ପେନେ ବେବଆର୍ ନ୍‌ସମ୍‌ମାଲେଏ ? ନାଉଙ୍ଗକେ ଆକଅରିଆ ତୁଙ୍ଗ୍‌ପାଙ୍ଗଲା ।”

୪୨ ଗଡ଼େଅ ପାଙ୍ଗଡିଂକ୍ସେ ବେଲା ସେଆଁରେ ଆମେକେ ବୁନ୍ଦେ ଆଲବିଗେ ଜାବର୍ ମଡ଼େବିରେ ଦୁବନ୍ନିଆ ଜଗ୍‌ଜ୍ଜାଗ୍ ବିଃକେ ମାତର୍ ଜିସୁ ବୁଡ଼କେ ଦାକା ବିକେ । ଆରି ଗଡ଼େଅକେ ନିମାଣ୍ଡା ଆଡ଼ିଙ୍ଗ୍‌ରେ ଆମେକେ ମେଁନେ ଆବାଡ଼େନେ ତ୍ରିନ୍ନିଆ ଆସା ବିଃକେ । ୪୩ ଆଡ଼

☆ ୯:୩୫ ୯:୩୫ ମାଡ଼ିଉ ୩:୧୭; ୧୨:୧୮; ମାରକ ୧:୧୧; ଲୁକ ୩:୨୨. ☆ ୯:୩୫ ୯:୩୫ ୨ ପିତର ୧:୧୭,୧୮.

ଅରିଆ ସାପାରେ ପରମେସରନେ ବପୁ କେଚେ କାବା ଡିଙ୍ଗ୍ ଲେଖଗେ । ମାତର୍ ଆମେକେ ସାପାରେ କାମ୍ କେଚେ ସାପାରେ କାବା ଡିଙ୍ଗ୍‌ଲେଖକ୍ସେ ବେଲା ଜିସୁ ନିଜେନେ ସିସ୍‌କେ ବାସଙ୍‌କେ ।

ଜିସୁ ମେଁନେ ଗୁଏକ୍ସେ ସାମୁଆଁ ଆରି ମୁଇଁ ବାସଙ୍‌କେ
(ମାତିଉ ୧୭:୨୨-୨୩; ମାର୍କ ୯:୩୦-୩୨)

୪୪ ଜିସୁ ମେଁନେ ସିସ୍‌କେ ବାସଙ୍‌କେ “ନେଙ୍ଗ୍ ମେଁନେ ଆପେକେ ବାସଙ୍‌ମୁକେ ଆତେନ୍ ଆବର୍‌ପା । ରେମୁଆଁ ଉଙ୍ଗ୍‌ଡେକେ ରେମୁଆଁକ୍‌କ୍‌ନେ ଛି ନ୍ନିଆ ସମର୍‌ତ ତିନ୍‌ସାଃ ଝେଡିଂକେ । ୪୫ ମାତର୍ ସିସ୍‌କ୍ ଜିସୁନେ ସାମୁଆଁ ଆବୁଜେଆରକେ ଶୁଆରି ଆତେନ୍ ମେଇଁବାନ୍ ବୁଡିଚେ ଲେଖଗେ ମେଇଁନେ ଆତେନ୍ ସାମୁଆଁ ବୁଜେ ଆୟାଲା ତିଗ୍ ଆରି ମେଇଁ ଆତେନ୍ ସାମୁଆଁ ବିସଏରେ ଜିସୁକେ ସାଲିଆକୁ ନ୍‌ସା ବୁଟ ଡିଙ୍ଗ୍ ଆରଗେ ।”

ସାପା ବାନ୍ ମ୍ବା ଜାଣ୍ଟେ
(ମାତିଉ ୧୮:୧-୫; ମାର୍କ ୯:୩୩-୩୭)

୪୬ ମେଇଁନେ ବାନ୍ ଜାଣ୍ଟେ ମ୍ବା ଆତେନ୍ ବିସୟରେ ମେଇଁନେ ବିତ୍ରେ ବାଲିରବାତା ଡିଙ୍ଗ୍‌ନେ ଲାଗେଆରକେ । ୪୭ ମାତର୍ ଜିସୁ ମେଁକ୍‌ନେ ମନ୍‌ନେ ବାଲିରବାତାକ୍ସେ ମ୍ୟାଃଗେ ଆତେନ୍‌ସା ମୁଇଁ ତାଆଁନେ ଗଡେଅକେ ଡୁଙ୍ଗ୍‌ପାଙ୍ଗ୍‌ଚେ ମେଁନେତାଗ୍ରା ଆଃଡୁଆଚେ ବାସଙ୍‌କେ ୪୮ ✨ସିସ୍‌କେ ବାସଙ୍‌କେ, “ଜଦି ମୁଡି ରେମୁଆଁ ନେଙ୍ଗ୍ ମ୍ବିରେ ଆକେନ୍ ଗଡେଅକେ ଗ୍ରଅନ୍ ଡିଙ୍ଗ୍‌ଏ । ମେଁ ଆନେଙ୍ଗ୍ ଗ୍ରଅନ୍ ଡିଙ୍ଗ୍‌ଏ ଆରି ଜା ଆନେଙ୍ଗ୍‌କେ ବେବକେ, ଆମେ ତିଗ୍ ମେଁ ଗ୍ରଅନ୍ ଡିଙ୍ଗ୍‌ଏ । ତାଗ୍ଲା ନାନେ ସାପାରେବାନ୍ ନିଜ୍‌କେ ତାଆଁ ଆଃସୁଏ, ମେଁ ଆଃ ସାପାବାନ୍ ମ୍ବା ।”

ଜା ପେନେ ବିରଦି ଶୁ ଚୁମ୍‌ପେନେ ସାହା
(ମାର୍କ ୯:୩୮-୪୦)

୪୯ ଆଡ୍ ଅରିଆ ଜହନ୍ ବାସଙ୍‌କେ “ଅ ଗୁରୁ ନେଁ ମୁଇଁଜାକେ ନାନେ ମ୍ବିରେ ସେଆଁରେକେ ଆଆନ୍ତାରକ୍ସେ ନେକେକେ ଆରି ମେଁ ନେଁନେ କୁଦାନିଆ ଆଲେଖଲା ଆମେକେ ମନା ନେଡିଙ୍ଗ୍‌କେ ।”

✨ ୯:୪୮ ୯:୪୮ ମାତିଉ ୧୦:୪୦; ଲୁକ୍ ୧୦:୧୭; ଜହନ୍ ୧୩:୨୦.

୫୦ ମାତର୍ ଜିସୁ ଆମେକେ ବାସଙ୍ଗକେ “ମନା ଆଡ଼ିଙ୍ଗୋପା ମେଝନ୍‌ସା ଡାଗ୍ଲା ଜା ପେନେ ସାହା ଶ୍ରୁ ଚୁମ୍ବେଁ ପେନେ ସାହା ଡିଙ୍ଗ୍‌ଏ ।”

ମୁଇଙ୍ଗ୍ ଶମିରୋଣୀୟ ଇନି ଜିସୁକେ ମନା ଡିଙ୍ଗ୍ ଡିଙ୍ଗ୍‌ଗେ

୫୧ ଇଡ଼ିଙ୍ଗ୍ ଉଡ଼ିବେଲା ଜିସୁ କିତଂ ଝେନେସା ବେଲା ପାଙ୍ଗ୍ ଡିଙ୍ଗ୍‌ଗେ ଅଝଡେନ୍ ବେଲା ଜିସୁ ଯିରୁଶାଲାମନ୍ନିଆ ଝେନ୍‌ସା ଇକ୍‌ଚା ଡିଙ୍ଗ୍‌କେ । ୫୨ ନିଜେନେ ସେନ୍‌ଗ୍ ଦୁଡ଼ିଙ୍ଗ୍‌କେ ବେକେ । ମେଇଂ ଝେଚେ ମେଁ ନସା ଆମେଁ ନସା ସମରିଆଇଂନେ ମୁଇଙ୍ଗ୍ ଇନି ଗାଆରକେ । ୫୩ ମାତର୍ ଜିସୁ ଯିରୁଶାଲାମନ୍ନିଆ ଝେଡ଼ିଙ୍ଗ୍ ଡାଗ୍‌ଚେ ମ୍ୟାଚେ ଆଡେନ୍ ଇନିନେ ରେମୁଆଁ ଆମେକେ ସାର୍ଲ ଆଡିଙ୍ଗ୍ ଆକେଁ ଶ୍ରୁ । ୫୪ ଆକେନ୍ କେଚେ ଜାକୁବ୍ ଆରି ଜହନ୍ ଏନ୍ ମ୍ୟାୟା ସିସ୍ ଜିସୁକେ ବାସଙ୍ଗକେ “ମାପୁ ଦେଡ଼ରକମ୍ କିତଂଇନିବାନ୍ ସୁଆ ଆଲଚେ ଆମେଇଂକେ ଦଂସ ନେରାଡିଙ୍ଗ୍ ଡାଗ୍‌ଚେ ମେଝନେ ନା ଚାଏଁ ନାଡିଂକେ କି ?”

୫୫ ମାତର୍ ଜିସୁ ପୁଏଚେଃ ଆମେଇଂକେ କେକେ ଆରି ଆଝଦର୍ସେଚେ ବାସଙ୍ଗକେ, “ପେ ଡିରକମ୍ ଆମ୍ବାନେ ରେମୁଆଁ ନେଁ ନେମ୍ୟାକେ ଶ୍ରୁ । ରେମୁଆଁ ଉଙ୍ଗ୍‌ଡେ ରେମୁଆଁଇଂନେ ଜିବନ୍ ବାଗୁଏଝ ନସା ନାପାଙ୍ଗ୍‌କେ ଆରି ଝେନ୍‌ସା ପାଙ୍ଗ୍‌ଲେ ଆରକେ ।” ୫୬ ଇଡ଼ିଙ୍ଗ୍ ମେଇଂ ଆରି ମୁଇଂଜାଗା ଇନି ଝେଗେ ।

ଜିସୁନେ ସିସ୍ ଡିଙ୍ଗ୍‌ନ୍‌ସା ଇକ୍‌ଚା ଡିଙ୍ଗ୍‌କ୍ଲେ ରେମୁଆଁଇଂ

(ମାଡିଡ ୮:୧୯-୨୨)

୫୭ ମେଇଂ ଗାଲିବ୍ ଝେଡ଼ିଙ୍ଗ୍‌ନେ ବେଲା ମୁଇଙ୍ଗ୍ ରେମୁଆଁ ଜିସୁକେ ବାସଙ୍ଗକେ “ନା ଆଣ୍ଡି ପାକା ନାଝେଏ ନେଙ୍ଗ୍ ନା ପ୍ଲା ମ୍ପାଙ୍ଗ୍‌ଏ ।”

୫୮ ଜିସୁ ଆମେଇଂକେ ବାସଙ୍ଗକେ “ନାକାଇଂନେ ପ୍ଲଗ୍ ଲେଝକେ; ପ୍ଲିଗ୍‌ଇଂନେ ଉଙ୍ଗ୍‌ଚ୍ୟା ଲେଝକେ ମାତର୍ ରେମୁଆଁ ଉଙ୍ଗ୍‌ଡେନେ ବାଆଝ ବନେ ଚାନ୍ ଶ୍ରୁ ।”

୫୯ ଆରି ଜିସୁ ବାରି ମୁଇଂଜାକେ ବାସଙ୍ଗକେ, “ନେଙ୍ଗ୍‌ନେ ପ୍ଲା ପାଙ୍ଗ୍‌ଲାପା ।” ମେଁ ବାସଙ୍ଗକେ, “ମାପୁରୁ ! ସେନ୍‌ଗ୍ ଝେଚେ ନେଙ୍ଗ୍‌ନେସା ନେମ୍ବାକେ ଆଡି ବିଝନ୍‌ସା ଆନେଙ୍ଗ୍‌କେ ଆଦେସ୍ ବିଲା ।”

୨୦ ମାତର ଜିସୁ ଆମେଇଂକେ ବାସଙ୍ଗକେ, “ଗ୍ରେରେଇଂକେ ମେଇଂ ମେଇଂନେ ଗୁଏଃଃଃ ରେମୁଆଁଇଂକେ ଆତି ନସା ଆନ୍ତାରବିପା । ମାତର ପେ ଖେଚେ ଇସପରନେ ରାଇଜ ବାସଙ୍ଗ ଅଲେଙ୍ଗପା ।”

୨୧ ବାରି ମୁଇଂଜାକେ ବାସଙ୍ଗକେ “ମାପୁ ନେଙ୍ ନାଁନେ ପ୍ଲା ମାଙ୍ଗଏ ମାତର ସେନୁଗ୍ ନେଙ୍ଗନେ ତୁଆ ଲେଃଃଃ ରେମୁଆଁଇଂନେ ବାନ୍ ନୁଆଁ ବିନ୍ସା ଆନେଙ୍ଗକେ ବେବିଃଲେ ।”

୨୨ ମାତର ଜିସୁ ଆମେଇଂକେ ବାସଙ୍ଗକେ “ଜା ସ୍ତ୍ରୀ ସାଚେ ପ୍ଲା ପାଟା କେଏ ମେଁ ଇସପରନେ ରାଇଜ ନସା ମେଃଃଃଃ ଗ୍ଲେ ନସା ଦରକାର ଶୁ”

୧୦

ଜିସୁ ସୁଗୁଆ ରେମୁଆଁଇଂକେ ବେକେ

୧ ଇଡ଼ିଙ୍ଗ୍ ମାପୁ ଆରି ଞ୍ଜିକୁଡ଼ି ଗୁଆ ସ୍ତ୍ରୀ ଆରକେ ଆରି ନିଜେ ନିଜେ ଆଣ୍ଡିନେ ଇନି ଆରି ଜାଗାନ୍ନିଆ ଖେନ୍ସା ବାଦ୍ୟ ଲେଃଃଃଃ ଆତେନ୍ ଜାଗାନ୍ନିଆ ମାୟା ମାୟା ଆଡ଼ିଙ୍ଗ୍ରେ ଆମେଇଂକେ ଆଡ଼ଅରିଆ ବେକେ । ୨ ଆରି ଜିସୁ ଆମେଇଂକେ ବାସଙ୍ଗକେ, “ଗହମ୍ ସିନା ଜବର୍ ମାତର କାମ୍ ତିଙ୍ଗ୍ଣେ ଇକୁଡ଼ା; ନିଜେନେ ଲିଜ ବିନ୍ନିଆ ସ୍ଲେଣ୍ଡେକେ ବେବିଃନସା ଲିଜ ବିନେ ସାକାରକେ ପାରତନା ତିଙ୍ଗ୍ପା । ୩ ☆ପେ ଖେଲାପା; କେଲାପା, କ୍ଲୁଇଂନେ ବିଡ୍ରେ ମେଣ୍ଡାଇଂ ସୁଗୁଆ ନେଙ୍ ଆପେକେ ବେଣ୍ଡିଂକେ । ୪ ତାରୁ ମୁନା ଆରି ପାଣ୍ଡୁ ତୁଙ୍ଗ୍ ଆଖେରେପା । ଗାଲିନ୍ନିଆ ଆଜାତିଗ୍ ଆସାର୍ଲଗ୍ପା । ୫ ଆରି ମୁଃଡ଼ିନେ ତୁଆନ୍ନିଆ ପେ ପେଗାଏ, ସେନୁଗ୍ ବାସଙ୍ଗ୍ ଆକେନ୍ ତୁଆ ସାନ୍ତି ତିଙ୍ଗ୍ଲେ । ୬ ଆଡ଼ ଅରିଆ ଜାଣ୍ଡେ ନିମାଣ୍ଡା ରେମୁଆଁ ଲେଃଏ ତେଲା ପେନେ ସାନ୍ତି ଆମେକେ ମିଲେଏ । ତାଗ୍ଲା ଜାଣ୍ଡେ ଆଡ଼ ଅରିଆ ସାନ୍ତି ରେମୁଆଁ ଆଲେଃ ତେଲା ପେନେ ସାନ୍ତି ସାହା ପେନେ ତାଗ୍ଲା ଆଣ୍ଡେ ପାଙ୍ଗ୍ଏ । ୭ ☆ଆରି ମେଇଂ ତାଗ୍ଲା ମେଁନେ ଲେଃଏ ଆତେନ୍ ତଙ୍ଗ୍ ଆଣ୍ଡେଙ୍ଗ୍ରେ ଆତେନ୍ ତୁଆନିଆ ଲାଃଲାପା ମେଃଃନସା ତାଗ୍ଲା କାମ୍ ତିଙ୍ଗ୍ଣେ ମେଁନେ ଦର୍ମା ବାନେ ଅଦିକାର ଲେଃକେ । ତୁଆକେ ତୁଆ ଆଖେରେପା ।

☆ ୧୦:୩ ୧୦:୩ ମାତିଉ ୧୦:୧୨. ☆ ୧୦:୭ ୧୦:୭ ୧ କରିନ୍ତୟ ୯:୧୪; ୧ ତିମତି ୫:୧୮.

୮ ଆରି ଆଣ୍ଟିନେ ଇନି ତିଗ୍ ପେଝେରାଏ ଆରି ରେମୁଆଁଇଁ ଆପେକେ ସାର୍ଲ ତିଙ୍ଗ୍ ଆରଏ ଆଡ଼ଅରିଆ ଆନାକେ ମେଝନେ ଚଙ୍ଗ୍ନେ ବିଏ ଆତେନ୍ ଚଙ୍ଗ୍ପା । ୯ ଆତେନ୍ ଜାଗାନ୍ନିଆ ଲେଝକ୍ଲେ ରଗ୍ ସାଝକ୍ଲେ ରେମୁଆଁଇଁକେ ନିମାଣ୍ଡା ଆତିଙ୍ଗ୍ପା ଆରି ଆମେଇଁକେ ବାସଙ୍ଗ୍ପା ଇସ୍ପରନେ ରାଇଜ୍ ପେନେ ଡାଗ୍ଲା ପାଙ୍ଗ୍କେ । ୧୦ ✨ମାତର୍ ମୁଡ଼ି ଇନି ପେଇଁ ପେଝେରାଏ ଆରି ରେମୁଆଁ ଆପେକେ ଆଝାଆର୍ ଶୁଆଡ଼ନେ ବାଜାର୍ ବାଏରେ ଝେଚେ ବାସଙ୍ଗ୍ପା ୧୧ ✨ସାମୁଆଁ ପେଇଁ ଇନିନେ ଆଣ୍ଟିନେ ଦୁଲି ନେନେ ଅନିଆ ଗିଗ୍ଲା ଲେଝକ୍ଲେ ଆତେନ୍ ପେନେସା ତାଣ୍ଟି ବିନେତିଙ୍ଗ୍; ଡାଗ୍ଲା ଇସ୍ପରନେ ରାଇଜ୍ ଜେ ଡାଗ୍ଲା ପାଙ୍ଗ୍ ଆକେନ୍ ମ୍ୟା ଲାଲାପା । ୧୨ ନେଙ୍ଗ୍ ଆପେକେ ବାସଙ୍ଗ୍ ଶୁଙ୍ଗ୍ ଆତେନ୍ ଦିନା ଆତେନ୍ ଇନିନେ ତଣ୍ଟ୍ ବାନ୍ ସଦୋମନେ ତଣ୍ଟ୍ ଡେଝୟାତିଙ୍ଗ୍ଏ ।”

**ସତ୍ ଆମାନେକ୍ଲେ ଇନି ଆଣ୍ଟେଙ୍ଗ୍ ଜିସୁ ଏତେ ବିତିଙ୍ଗ୍କେ
(ମାତିଉ ୧୧:୨୦-୨୪)**

୧୩ ଏ କୋରାଜିନ୍ ନାନେ କସ୍ କି ବୟାଙ୍ଗାର୍ ତିଙ୍ଗ୍ଏ ଏ ବେଥ୍ସାଇଦା ନାନେ କସ୍ କି ବୟାଙ୍ଗାର୍ ତିଙ୍ଗ୍ଏ ଡାଗ୍ଲା ପେଇଁନେ ବିତ୍ରେ ପେନେ ବାନ୍ ମୁଝଡ଼ି ବପୁକାମ୍ ଆତିଙ୍ଗ୍ ଶୁଙ୍ଗ୍ ଆତେନ୍ ସାପା ଆନା ସୋର ଆରି ସୀଦୋନନ୍ନିଆ ଆତିଙ୍ଗ୍ ପାତିଙ୍ଗ୍ ତେଲା ମେଇଁ ଗୁଲୁଏ ଜୁଗନେ ସେନୁଗ୍ ବାସ୍ତା ସଚେ ଉଗ୍ସନ୍ନିଆ କଚେ ମନ୍କେ ଆବ୍ଦଲେ ଆରଏ । ୧୪ ବିଚାର୍ ବେଲା ପେନେ ତଣ୍ଟ୍ ସୋର ଆରି ସୀଦୋନକେ ମାଲେ ଦୟା ତିଙ୍ଗ୍ଆରଏ । ୧୫ ଆରି ଅ କପର୍ନାହୁମ୍ ଆଡ଼ାଡ଼ା ଦେକ୍ ରକମ୍ ଗଚେଏ ନାନେ ଆଡ଼ାଡ଼ା ଦେଡ଼ ରକମ୍ ଗଚେଏ ? ନାନେ କିତ୍ ଜାକ ନିଜ୍କେ ମ୍ଲାନ୍ସା ଇକ୍ଚା ତିଙ୍ଗ୍ନାଲେଝକେ ଆନାକେ ନକେ ଜଗ୍ଲାର୍ଗ୍ ବିଆରଏ ।

୧୬ ଜିସୁ ନିଜେନେ ସିସ୍ଇକେ ବାସଙ୍ଗ୍କେ “ଜାଣ୍ଟେ କି ପେନେ ସାମୁଆଁ ଅଏ ମେଁ ନେଙ୍ଗ୍ନେ ସାମୁଆଁ ଅଏ ଆରି ଜାଣ୍ଟେ ଆପେକେ ଇଙ୍ଗ୍ଚେ ଆରଏ ମେଁ ଆନେଙ୍ଗ୍ ତିଗ୍ ଇଙ୍ଗ୍ଚେଏ ଆରି ଜାଣ୍ଟେ

☆ ୧୦:୧୦ ୧୦:୧୦ ପ୍ରେରିଡ଼ ୧୩:୫୧. ☆ ୧୦:୧୧ ୧୦:୧୧ ମାତିଉ ୧୦:୭-୧୪; ମାର୍କ ୬:୮-୧୧; ଲୁକ୍ ୯:୩-୫.

ଆନେଙ୍କୁକେ ଇଙ୍ଗଟେଏ ମେଁ ନେଙ୍ଗନେ ବେବକ୍ଲେ ଆବାକେ ଡିଗ୍ ଇଙ୍ଗଟେଏ ।”

ଞ୍ଜିକୁଡ଼ି ଗମ୍ବାର ସିସ୍‌ଇଂ ଆଣ୍ଡେ ଆରକେ

୧୭ ଇଡ଼ିଙ୍ଗ୍ ଆଡେନ୍ ଞ୍ଜିକୁଡ଼ି ଗୁଆ ସିସ୍‌ଇଂ ସାର୍ଦାରେ ଆଣ୍ଡେରେ ବାସଙ୍ଗକେ “ମାପୁ ସେଆଁରେଇଂ ଶ୍ରିଗ୍ ନାଁନେ ମ୍ନିରେ ଆନେଁକେ ମାନେଏ ।”

୧୮ ମାତର୍ ଜିସୁ ଆମେଇଂକେ ବାସଙ୍ଗକେ “ଲିଲାଂଡାର ସୁଗା କିତଂବାନ୍ ସଏତାନ୍ ଲଃଡ଼ିଙ୍ଗ୍‌କେ ନେଙ୍ଗ ନେକେକେ । ୧୯ କେଲାପା ନେଙ୍ଗ୍ ଆପେକେ ବୁବଃ ଆରି ଙ୍ଗୁଆରେଗ୍ ଆଡାଡ୍ରା ଅଲେଙ୍ଗ୍ ନସା ସକଡ଼ ବିଶ୍ରିଙ୍ଗ୍ ବାରି ସତୁନେ ସାପା ସକଡ଼ ଆଡାଡ୍ରା ଡିଗ୍ ସକଡ଼ ବିଶ୍ରିଙ୍ଗ୍ ଆରି ଡିରକମ୍ ଡିଗ୍ ପେଇଂନେ ମେଃନେ ଶ୍ରିଗ୍ ଆଡ଼ିଙ୍ଗ୍ ଶୁ । ୨୦ ତେଲାଡିଗ୍ ଦଦ୍ୟା ଆମ୍ବାଇଂ ଜେ ପେଇଂନେ ସାମୁଆଁ ମାନେଃ ଡିଙ୍ଗ୍‌କେ ଆକ୍ ଅରିଆ ସାର୍ଦା ଆଡ଼ିଙ୍ଗ୍‌ପା ମାତର୍ ପେନେ ମ୍ନି ଜେ କିତଂନ୍ନିଆ ଗୁଆରବକେ ଆକ୍ ଅରିଆ ସାର୍ଦା ଡିଙ୍ଗ୍‌ପା ।”

**ଜିସୁ ସାର୍ଦା ଆଃଡ଼ିଙ୍ଗ୍‌କେ
(ମାଡ଼ିଉ ୧୧:୨୫-୨୭; ୧୩:୧୬-୧୭)**

୨୧ ଆଡେନ୍ ବେଲା ଜିସୁ ପବିତ୍ର ଆମ୍ବାନେ ବାନ୍ ସାର୍ଦା ଡିଙ୍ଗ୍‌ରେ ବାସଙ୍ଗକେ “ଆବା କିତଂ ଆରି ମଞ୍ଚପୁରନେ ମାପୁ ନାଁ ଗୁନ୍ ଆରି ଜ୍ଞାନ୍ ରେମୁଆଁଇଂନେ ବାନ୍ ଆକେନ୍ ସାପା ସାମୁଆଁ ବୁଡ଼ି ବରେ ଡାଆଁ ଗଡ଼େଇଂ ଡାଗ୍ରା ବାସଙ୍ଗନେବ ଆଡେନ୍‌ସା ଆନାକେ ଦନ୍‌ସବାଦ୍ ଡିଙ୍ଗ୍‌ନେଡ଼ିଂ; ଅଁ ଆବା ମେଃନ୍‌ସା ଡାଗ୍ଲା ଆକେନ୍ ନାଁନେ ମ୍ନାନେ ଇକ୍‌ଚା ।

୨୨ ☆ନେଙ୍ଗନେ ନେମ୍ବାନେ ସାପା ସାମୁଆଁ ନେଙ୍ଗନ୍ନିଆ ଅପେଃ ବିଃକେ; ଆରି ଗଡ଼େଅ ଜାଣ୍ଡେ ଆକେନ୍ ଆବା ଆନ୍ତାରେ ଜା ଆମ୍ୟାଃକେ ଶୁ ଆରି ଆବା ଜାଣ୍ଡେ ଆକେନ୍ ଗଡ଼େଅ ଆନ୍ତାରେ ଜା ଆମ୍ୟାଃକେ ଶୁ ଆରି ଗଡ଼େଅ ଜା ଡାଗ୍ରା ଆମେକେ ଉଡ୍ରା ଆଃଡ଼ିଙ୍ଗ୍ ନସା ଇକ୍‌ଚା ଡିଙ୍ଗ୍‌କେ ମେଁ ଆମେକେ ମ୍ୟାଃଏ ।”

☆ ୧୦:୨୨ ୧୦:୨୨ ଜହନ୍ ୩:୩୫; ଜହନ୍ ୧୦:୧୫.

୨୩ ଏନ୍ ଇଡ଼ିଙ୍ଗ ଜିସୁ ସିସଲଂକେ ବୁଙ୍ଗନା ବାସଙ୍ଗକେ “ପେଇଂ ଏନ୍‌ସାପା ବିସୟ୍ କେପେଲେକେସା ଉଡ଼ି ବାଗ୍ୟବାନ୍ ।” ୨୪ ନେଙ୍ଗ ଆପେକେ ବାସଙ୍ଗ ଶ୍ରିଙ୍ଗ “ପେ ମେଁନେ ମେଁନେ କିକେପେଡ଼ିଙ୍ଗ ଆତେନ୍ ସାପା ଗୁଲେ ବାବବାଦି ଆରି ଇଃସାଙ୍ଗ କେନ୍‌ସା ଇକ୍‌ଚା ଡିଙ୍ଗ ଆରକେ ମାତର୍ ଆକେଆରକେ ଶ୍ରି:ଆରି ପେ ମେଃନେ ଅଁପେଡ଼ିଂକେ ଆତେନ୍ ସାପା ମେଇଂ ଅଁନ୍‌ସା ଇକ୍‌ଚା ଡିଙ୍ଗ ଆରକେ ମାତର୍ ଆଅଁ ଆରକେ ।”

ନିମାଣ୍ଡାନେ ଶମିରୋଶୀୟ ଉଦାଅରନ୍

୨୫ ଆରି କେଲାପା ମୁଇଂଜା ନିୟମ୍ ସାସ୍ତର୍ ଲଃଶ୍ଟେ ତଡ଼ିଆଚେ ଆମେକେ ପରିକ୍ୟା ଡିଙ୍ଗଚେ ସାଲିଆକୁକେ, “ଅ ଗୁରୁ ମାତାନେ ଜିବନ୍ ବାନ୍‌ସା ନେଙ୍ଗ ମେଁନେ ଶ୍ରିଙ୍ଗଏ ?”

୨୬ ଜିସୁ ଆମେକେ ବାସଙ୍ଗକେ “ସାସ୍ତର୍ନିଆ ମେଃନେ ଗୁଆରବକେ ? ନାଁ ଡିରକମ୍ ପଡ଼େ ନାଡ଼ିଙ୍ଗ ?”

୨୭ ଜିସୁ ଉତର୍ ବିକେ “ନାଁନେ ନିଜେନେ ମନ୍ ସାପା ଆମ୍ ସାପା ବପୁ ଆରି ସାପା ମନ୍ ବିଚେ ପର୍ମେସର୍‌କେ ଆଲାଦ୍ ତିଂପା । ଆରି ପେଇଂ ନିଜେକେ ଆଲାଦ୍ ପେଡ଼ିଂକେ ସୁଗୁଆ ବିନ୍‌ଶ୍ଟେକେ ଡିଗ୍ ଆଲାଦ୍ ତିଂପା ।”

୨୮ ଆଡ଼ ଅରିଆ ଜିସୁ ଆମେଇଂକେ ବାସଙ୍ଗକେ “ନାନେ ସମାନ୍ ଉତର୍ ନାବିକେ ଦେକ୍‌କେ ଡିଙ୍ଗ ତେଲା ନାନେ ଜିବନ୍ ନାବାଏ ।”

୨୯ ମାତର୍ ଦର୍ମ ଗୁରୁ ନିଜେକେ ନିମାଣ୍ଡା ସୁଗୁଆ ଆକେନ୍‌ସା ଇକ୍‌ଚା ଡିଙ୍ଗଚେ ଜିସୁକେ ସାଲିଆକୁକେ, “ତେଲା ନେଙ୍ଗନେ ନିଜର୍ ରେମୁଆଁ ଜାଣ୍ଡେ ?”

୩୦ ଜିସୁ ବାସଙ୍ଗକେ “ମୁଇଙ୍ଗ ରେମୁଆଁ ଯିରୁଶାଲାମ୍ ବାନ୍ ଯିରୀହୋନିଆ ଝେନେ ବେଲା ଡଙ୍ଗାରେଇଂ ଆମେକେ ସା ଆରକେ ମେଇଂ ମେଁନେ ପାଟାଇପୁଟାଇ ତୁଂତଚେ ବଗ୍ ଆରକେ ଆରି ଗୁଏଝେଗେ ସୁଗା ବଗ୍‌ଚେ ଆମେକେ ଆନ୍ତାର୍‌ଚେ ଲାଗଡ଼ିଆରଗେ ।

୩୧ ଗଟେକ୍‌କ୍‌କ୍ ସୁଗୁଆ ମୁଇଙ୍ଗ ପୁଜାରି ଆନ୍ତପାକା ଝେଡ଼ିଂଗେ ଆରି ମେଁ ଆମେକେ କେଚେ ବିନ୍ ଗାଲି ଝେଗେ । ୩୨ ଦେଡ଼ ରକମ୍ ମୁଇଂଜା ଲେବୀୟ ଡିଗ୍ ଆତେନ୍ ଜାଗା ପାଙ୍ଗଚେ ଆମେକେ କେଚେ ବିନ୍ ଗାଲି ବିଚେ ଝେଗେ । ୩୩ ମାତର୍ ମୁଇଙ୍ଗ ଶମିରୋଶୀୟ ରେମୁଆଁ

ଆମେକେ କେତେ ଡାଗ୍ରା ପାଙ୍ଗରେ ଆମେକେ କେତେ ଲିବିସଃରେ,
 ୩୪ ଆରି ଡାଗ୍ରା ଝେରେ ମେଁନେ ଚିନାନ୍ତିଆ ସୁ ଆରି ଅଙ୍ଗୁର୍ ରସ କିଗ୍ରେ
 ଆତେନ୍ ସାପା ଗାଗ୍ବିଗେ ଆରି ଆମେକେ ଗଡ଼ାନ୍ତିଆ ଆଃକରେ
 ଆମେକେ ଗଦାର୍ କାନାନ୍ତିଆ ତୁଙ୍ଗ ଝେରେ ଆମେକେ ସେବା ଜତନ୍
 ତିଙ୍ଗକେ । ୩୫ ପାଙ୍ଗ ତିଙ୍ଗକ୍ଲେ ଦିନା ଶମିରୋଶୀୟ ମେଁ ମ୍ବାକ୍ଲିଗ୍ ରୁପା
 ତାରୁ ଆଃତାର୍ରେ ଆତେନ୍ ତୁଆନେ ମାଲିକ୍କେ ବିରେ ବାସଙ୍ଗକେ
 ଆକମେନେ ସେବା ଜତନ୍ ତିଙ୍ଗ ଆରି ଜାବର୍ ତାରୁ କର୍ତ୍ତ ନାତିଙ୍ଗଏ
 ଆତେନ୍ ନେଙ୍ଗ ଆଣ୍ଡେନେ ବେଲା ଆନାକେ ସୁଜେ ମ୍ବିଏ ।”

୩୬ ଏନ୍ ଝିରୁଆ ବିତ୍ରେ ଜା ତଙ୍ଗାରେଇଂନେ ସେନ୍ତୁଗ୍ ଲଲେଃକ୍ଲେ
 ରେମୁଆଁନେ ତୁଆଣ୍ଡେ ତାଗ୍ରେ ଏତେ ପେଡିଙ୍ଗକେ ।

୩୭ ଦର୍ମ୍ ଗୁରୁ ବାସଙ୍ଗକେ, “ଜା ମେଁ ଆଡ଼ାତ୍ରା ଦୟା ଆକେକେ ।”
 ଜିସୁ ଆମେକେ ବାସଙ୍ଗକେ, “ଝେଲାପା ପେ ଡିଗ୍ ଦେତୁଆ ତିଙ୍ଗପା
 ।”

ଜିସୁ ଇୟାଙ୍ଗ ଆରି ମରିୟମ୍ ତୁଆ ଝେରେ

୩୮ ☆ଜିସୁ ଆରି ମେଇଂ ନେନେ ସିସଙ୍ଗଂ ଝେଡିଙ୍ଗନେ ବେଲା ଜିସୁ
 ମୁଇଙ୍ଗ ଇନି ଝେଚା ଆରକେ ଆରି ମାର୍ଥା ମ୍ବିକ୍ଲେ ମୁଇଙ୍ଗ ସେଲାମ୍ବୁ
 ମେଁନେ ତୁଆନ୍ତିଆ ଝାକେ । ୩୯ ମରିୟମ୍ ମ୍ବିକ୍ଲେ ମେଁନେ ମୁଇଙ୍ଗ
 ତନାଣ୍ଡେ ଲେଃରେ, ମେଁ ମାପରୁନେ ସ୍ତରୁନ୍ଦେ କରେ ମେଁନେ ସାମୁଆଁ ଅଁ
 ତିଙ୍ଗେ । ୪୦ ମାତର୍ ମାର୍ଥା ସେବା ତିଙ୍ଗକ୍ଲେ ବିସୟରେ ଜାବର୍ ତାନ୍ତା
 ତିଙ୍ଗ ତିଙ୍ଗରେ; ତେସା ମେଁ ଜିସୁନେ ଡାଗ୍ରା ପାଙ୍ଗରେ ବାସଙ୍ଗକେ “ଅ
 ମାପୁ ନେ ତନା ଜେ ମୁଇଂ ଆଃ ନେଙ୍ଗ ଆଡ଼ତ୍ରା କାମ୍ ଆନେଙ୍ଗ ଆନ୍ତାର୍
 ବିଃଡିଂକେ ଏନ୍ ବିସୟରେ ମେଁନେ ନାନେ ମନ୍ ଶୁ ? ଆନେଙ୍ଗକେ
 ସାଇଜ ତିଙ୍ଗନ୍ସା ଆମେକେ ବାସଙ୍ଗ ।”

୪୧ ମାତର୍ ମାପରୁ ଆମେକେ ବାସଙ୍ଗକେ, “ମାର୍ଥା, ମାର୍ଥା, ନାନେ
 ଜାବର୍ ସାମୁଆଁ ଏତେ ନାତିଙ୍ଗକେ ଆରି ତେରେପେତେ ତିଂନାତିଂକେ
 । ୪୨ ମାତର୍ ମୁଇଙ୍ଗ ବିସୟ ସାପା ବାନ୍ ଦର୍କାର୍; ମରିୟମ୍ ଆତେନ୍
 ନିମାଣ୍ଡା ବିସୟକେ ବାଚେବକେ ଆରି ଆତେନ୍ ମେଁ ବାନ୍ ତୁଂତ ଆୟା
 ଶୁ ।”

☆ ୧୦:୩୮ ୧୦:୩୮ ଜହନ୍ ୧୧:୧.

୧୧

ପାର୍ତନା ବିସ୍ମୟରେ ସିକ୍ୟା

(ମାତିଉ ୭:୯-୧୩; ୭:୭-୧୧)

୧ ମୁଇଂତର ଜିସୁ ମୁଇଂଜାଗା ନ୍ନିଆ ପାର୍ତନା ତିଙ୍ଗ୍ ଆତାକ୍ନେ ଇଡ଼ିଙ୍ଗ୍; ମେଁନେ ସିସ୍‌ଇଂବାନ୍ ମୁଇଂଜା ଆମେକେ ବାସଙ୍ଗକେ “ଅ ମାପୁ ତୁବନ୍ ବିଶ୍ଟେ ଜହନ୍ ତିଡ଼ିକି ନିଜରନେ ସିସ୍‌ଇଂକେ ପାର୍ତନା ତିଙ୍ଗ୍‌ନସା ନାମ୍ୟାକେ ନାନେ ତିଗ୍ ଆନେକେ ଦେତୁଆ ଆଃ ସିକ୍ୟା ବିଲା ।”

୨ ଆଡ୍ ଅରିଆ ଜିସୁ ଆମେଇଂକେ ବାସଙ୍ଗକେ “ଉଡ଼ିବେଲା ପେ ପାର୍ତନା ପେଡ଼ିଂଏ ଆତେନ୍ ବେଲା ବାସଙ୍ଗପା

ଆବା ନାନେ ମି ପବିତ୍ର ତାଗ୍‌ରେ ମାନେଃ ଆରଲେ ।
ନାନେ ରାଇଜ୍ ପାଙ୍ଗ୍‌ଲେ ।”

୩ କାଲାଆଃ ଆନେକେ ଦରକାର୍ ଲେଃକ୍ନେ କାଦି ବିଃଲା ।

୪ ନେନେ ପାପ୍ ସାପା କେମା ତିଙ୍ଗ୍,

ତାଗ୍ଲା ନେ ତିଗ୍ ନେନେ ବିରଦ୍‌ରେ ଦସ୍ ତିଙ୍ଗ୍‌ବକ୍ନେ
ରେମୁଆଁଇଂକେ ସାପା କେମା ନେଡ଼ିଙ୍ଗ୍‌ଏ,
ପରିକ୍ୟାନ୍ନିଆ ଆନେକେ ତୁଂଆପାଂଗେ ।

୫ ଆରି ଜିସୁ ଆମେଇଂକେ ବାସଙ୍ଗକେ “ପେନେ ଜାନେ ଦେକ୍‌ରକମ୍ ସାଙ୍ଗ୍ ଲେଃକେ ଜା ତାଗ୍ଲା ମଜେ ମିଡ଼ିଗ୍ ଝେତେ ବାସଙ୍ଗଏ ଏ ସାଙ୍ଗ୍ ଆନେଙ୍ଗକେ ଝିକ୍ଲିଗ୍ ରୁଟି ଉଦାର୍ ବିଲା । ୬ ତାଗ୍ଲା ନେଙ୍ଗ୍‌ନେ ମୁଇଂଜା ସାଙ୍ଗ୍ ନେଙ୍ଗ୍ ତାଗ୍ଲା ପାଙ୍ଗ୍‌ଲେଃକେ ଆମେକେ ଚଙ୍ଗ୍‌ନେ ବିଃନସା ନେଙ୍ଗ୍ ତାଗ୍ଲା ମେଃ ଶୁ ୭ ଆରି ଆତେନ୍ ତୁଆ ବିତ୍ରେବାନ୍ ଦେକ୍‌ରକମ୍ ଉତର୍ ବିଏ ଆନେଙ୍ଗକେ କଷ୍ଟ ଆବିଗେ ନାମଃ; ଶ୍ଟିସାଙ୍ଗ୍ ବନ୍ଦ୍ ତିଙ୍ଗ୍ ଆରି ନେଙ୍ଗ୍‌ନେ ଗଡ଼େଅ ନେଙ୍ଗ୍ ଏତେ ତୁଲେଗ୍ ଲେଃକେ; ନେଙ୍ଗ୍ ତଡ଼ିଆରେ ଆନାକେ ବିଃନାୟା ଶୁ ୮”
୮ ନେଙ୍ଗ୍ ଆପେକେ ବାସଙ୍ଗ୍‌ଣିଂ ମେଁ ସତେଆ ମେଁନେ ସାଙ୍ଗ୍ ଶୁଲ୍ଲା ଆବି ଶୁ ହୁତଲା ତିଗ୍ ମେଁ ମାଗୁଏଚରେ ପ୍ରେଗ୍ ପ୍ରେଗ୍ ସାଲିଆ ଲେଲା ମେଁ ତଡ଼ିଆରେ ମେଁନେ ଉଡ଼ି ଦରକାର୍ ଆମେକେ ଅଃତେନ୍ ବିଏ ।

୯ “ନେଙ୍ଗ୍ ତିଗ୍ ଆପେକେ ବାସଙ୍ଗ୍‌ଣିଂ ସାଲିଆପା ତେଲା ଆପେକେ ବିଏ; ତୁରପା ତେଲା ପେବାଏ; ଶ୍ଟିସାଙ୍ଗ୍‌ନ୍ନିଆ ବଗ୍‌ପା ତେଲା

ପେଇନ୍‌ସା ରଃବିଏ ।” ୧୦ ତାଗ୍ଲା ଜା ସାଲିଆଏ ମେଁ ବାଏ; ଜା ତୁରଏ ମେଁ ଅବାଏ; ଆରି ଜା ଶ୍ଵାକ୍‌ନିଆ ବଗଏ ମେଁ ନସା ରଃ ବିଏ । ୧୧ ଆରି ପେନେ ବିତ୍ତେ ଦେକ୍‌ରକମ୍ ଆବା ଜା ଲେଃକେ ଆଜାକେ ମେଁନେ ଉକ୍ତେ ଆଃଡ଼ ସାଲ୍ୟାଲା, ମେଁ ଆମେକେ ଆଃଡ଼ ମାବିଚେ ବୁବଃ ବିଏ ? ୧୨ ଶୁଲ୍ଲା ଛାସେକ୍ ସାଲିଆ ମେଁ ଆମେକେ କୁଆରେଗ୍ ବିଏ ? ୧୩ ଏନ୍‌ସା ପେଇଁ ଦୁଷ୍ଟ ଡିକ୍‌ଲା ଡିଗ୍ ପେ ନିଜର୍ ନିଜର୍ ଗଡ଼େଇଁକେ ନିମାଣ୍ଡା ଜିନିସ୍ ବିପେଡିକ୍‌କେ । ତେଲା ପେଇଁନେ କିତ୍‌ନେ ଆବା ତାଗ୍ଲା ଜାଣ୍ଡେଇଁ ସାଲ୍ୟାଏ ମେଁ ଆମେଇଁକେ ଆରି ଉଡି ନିମାଣ୍ଡା ଜିନିସ୍ ଜବର୍ ବାବ୍‌ରେ ପବିତ୍ର ଆମ୍ବା ବିଏ !

ଜିସୁ ଆରି ବାଆଲ୍‌ଜିବୁଲ୍
(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ମୁଇଁତର୍ ଜିସୁ ମୁଇକ୍ ବୁଡ଼ ସାଃକ୍ କନ୍ଦା ରେମୁଆଁକେ ନିମାଣ୍ଡା ଆଃଡ଼ିକେ । ଆତେନ୍ ବୁଡ଼ କନ୍ଦା । ସେଆଁରେ ତାର୍ ଝେନେ ଇଡିକ୍ କନ୍ଦା ରେମୁଆଁ ସାମୁଆଁ ବାସକ୍‌କେ ଆରି “ଆଡ଼ ଅରିଆ ଲେଃକ୍ ରେମୁଆଁ ଇରିଆଃଡୁଗ୍ ଲେଃଗେ ।” ୧୫ ମାତର୍ ମେଇଁ ବାନ୍ ଜାଣ୍ଡେ ଜାଣ୍ଡେ ବାସକ୍‌ଆରକେ “ସେଆଁରେନେ ନେତା ବାଆଲ୍‌ଜିବୁଲନେ ବପୁ ଏଡେ ଜିସୁ ଗଲିଆକେ ଆଃଆନ୍ତାଡ଼ିକେ ।”

୧୬ *ବିଃଣ୍ଡେଇଁ ଜିସୁକେ ପାନ୍‌ନିଆ ବ୍ଲାଗ୍ ନସା ଚାଏଡିକ୍ । ତେଲା ଇସପର୍ ଜେ ମେଁନେ ଏଡେ ଲେଃଗେ ଆକେନ୍ ଚିନ୍ ରକମ୍ ଇରିଆଡୁଗ୍ କାମ୍ ମୁଇକ୍ ଆସୁଏନେ ପଡ଼େଏ କିତ୍‌ବାନ୍ ମୁଇକ୍ ଚିନ୍ ଆଃସୁଏ ନସା ବାସକ୍‌କେ । ୧୭ ମାତର୍ ଜିସୁ ମେଇକ୍‌ନେ ମନ୍ ଚିନ୍ତା ମ୍ୟାଲେଃକେ “ଡେସା ମେଁ ଆମେଇଁକେ ବାସକ୍‌କେ ମେଃଡିଗ୍ ରାଜିନିଆ ତାଆଁ କୁଦ୍ ଲାଗେଲା ଆତାନ୍ ରାଜିନିଆ ନସୁ ଡିକ୍‌ଏ ଆଡିନେ ତୁଆ ଓକ୍‌ଆ ରିକ୍‌ଆ ଡିକ୍‌ଲା ଆତାନ୍ ତୁଆ ପାକ୍‌ଚି ଝେଏ । ୧୮ ଆରି ସଏତାନ୍ ଡିଗ୍ ବିନେ ଡିକ୍‌ଚେ ନିଜେନେ ବିରଦ୍‌ରେ ନିଜେ ତଡିଆଡିକ୍‌କେ ତେଲା ମେଁନେ ରାକ୍‌ଜ ଡିରକମ୍ ବୁକ୍ ଲେଃଏ ? ନେକ୍ ବାଆଲ୍‌ଜିବୁଲନେ ସାକ୍‌ଜରେ ସେଆଁରେଇଁକେ ଆଆନ୍ତାଡ଼ ତାଗ୍‌ଚେ ପେ ତ ବାସକ୍‌ପେଡି । ୧୯ ମାତର୍ ନେକ୍

☆ ୧୧:୧୭ ୧୧:୧୭ ମାତିଉ ୧୨:୩୮; ୧୭:୧; ମାର୍କ ୮:୧୧.

ଅଃନା ବାଆଲଜିବୁଲ ସାଇଜରେ ସେଆଁରେ ଆଆନ୍ତାର ଶ୍ରିଂକେ ତେଲା ପେନେ ଉଇଡେଇଂ ଜାନେ ସାଇଜରେ ଆମେଇଂକେ ଆଃଆନ୍ତାର୍‌ଏ ? ତେଲା ମେଇଂ ପେନେ ନିଜରନେ ଗଡେଅଇଂ ପାରମାନ୍ ଡିଇଂ ଆରୁଏ ଜେ ପେଇଂ ବୁଲ୍ । ୨୦ ଶ୍ରି ଡେଲା ଇସପରନେ ବପୁ ଏଡେ ନେଇଂ ସେଆଁରେଇଂକେ ଆଃଆନ୍ତାର୍‌ଶ୍ରିଂକେ ଆରି ଏନ୍ ପାରମାନ୍ ଡିଇଂଏ ଜେ ଇସପରନେ ରାଇଜ୍ ପେନେ ତାଗ୍ରା ପାଇଂ ଡିଇଂ ।

୨୧ ତାର୍ ରେମୁଆଁ ଉଡ଼ିଜାକ ଅସ୍ତସସ୍ତ ସାଚେ ଆର୍ମେଚେ ନିଜେନେ ଅ ରକ୍ୟା ଆଡିଇଂଏ, ଆଡେନ୍ ଜାକ ମେଁନେ ଦନ୍ ସମ୍ପତି ଆରାମସେ ଲେଃଏ; ୨୨ ମାତର୍ ଉଡ଼ିବେଲା ମେଁବାନ୍ ଜାବର୍ ବପୁ ରେମୁଆଁ ଆମେକେ ବାଗୁଏଃଚେ ମେଁ ଜିତେଏ ଆଡେନ୍ ବେଲା ଆଣ୍ଡିନେ କାଣ୍ଡା ମେଁ ଆଡାଡା ଆସା ଡିଇଂଏ, ଆଡେନ୍ ସାପା ମେଁ ରାଃ ଡୁଂଡଏ ଆରି ମେଁନେ ଜିନିସ୍ ବାଟାଚେ ଡୁଂଡଏ ।”

୨୩ ☆ଜା ନେଇଂ ଏଡେ ଆମିସେ ଶ୍ରି ଡୁଁ ସଡେଆ ନେଇଂନେ ସାହା ମୁଡ଼ି ରେମୁଆଁ ରାଃସିଇଂନେ ନସା ଆନେଇଂକେ ସାଆଜ୍ୟ ଆଡିଇଂ ଶ୍ରି ମେଁ ଗୁଏଃଏ ।

ଆବୁଲେ ଆମ୍ବା ଆଣ୍ଡେପାଇଂକେ

(ମାଡିଉ ୧୨:୪୩-୪୫)

୨୪ “ସେଆଁରେ ମୁଇଇଂ ରେମୁଆଁବାନ୍ ତାର୍‌କ୍ଲେ ଇଡ଼ିଇଂ ମେଁ ଶ୍ରିଆଃ ଶ୍ରିବୁନେ ଜାଗା ଅଲେଇଂ ଅଲେଇଂଚେ ପୁଣ୍ଡେନ୍‌ସା ତୁର୍ ଡିଇଂ ଆରି ଆଡେନ୍ ମାଅବାଚେ ବାସଇଂଏ ନେଇଂ ଆଣ୍ଡିନେ ତୁଆ ବାନ୍ ତାର୍‌ଚେ ପାଇଂ କ୍ଲେଗେ ନେଇଂ ଆଡେନ୍ ତୁଆ ଆଣ୍ଡେ ଝିର୍‌ଏ; ୨୫ ଆରି ମେଁ ଆଣ୍ଡେ ପାଇଂଚେ ପର୍‌ଚଲ୍ ଆରି ସଜେଚେ ବକ୍ଲେ କେଏ । ୨୬ ଆଡେନ୍ ବେଲା ବାଏରେ ଝେଚେ ମେଁନେ ବାନ୍ ମାଲେ ଦୁଷ୍ଟ ଆରି ଗୁଲ୍‌ଗ୍ ଆମ୍ବା ଏଡେ ତୁଇଂ ପାଇଂଏ ଆରି ମେଇଂ ଗାଚେ ଆଡ୍ ଅରିଆ ବାସା ଆରୁଏ ବାରି ଆଡେନ୍ ରେମୁଆଁନେ ପର୍‌ଡୁମ୍ କସ୍ଟ ବାଦୁଲ୍ ଇଡ଼ିଇଂ କସ୍ଟ ଜାବର୍ ଦଦ୍ୟା ଡିଇଂଏ ।”

ସଡେଆ ସୁକ୍

☆ **୧୧:୨୩** ୧୧:୨୩ ମାରକ ୯:୪୦.

୨୭ ଜିସୁ ଆକେନ୍ ସାପା ସାମୁଆଁ ବାସଙ୍ଗ୍ ତିଙ୍ଗ୍‌ନେ ବେଲା ରେମୁଆଁଇଁନେ ବାନ୍ ମୁଇଙ୍ଗ୍ ସେଲାମ୍‌ୟ୍ ଜାବର୍ କିରତେ ବାସଙ୍ଗ୍‌କେ “ଦନ୍‌୍ୟ ନାନେ ସୁଲୁଏ ଜାଣ୍ଟେ ଆନାକେ ଜନମ୍ ବିବ ଆରି ଆତେନ୍ ତ୍ରାଡିଆ ଆଉଗ୍ ବକେ ଆଡ୍‌ବା ନାନେ ନାବୁଃକେ ।”

୨୮ ମାତର୍ ଜିସୁ ବାସଙ୍ଗ୍‌କେ, “ନାନେ ଜାଣ୍ଟେଇଁ ଇସ୍‌ପର୍‌ନେ ସାମୁଆଁ ଅଁଆର୍‌ଏ ଆରି ପାଲେ ଆର୍‌ଏ ମେଇଙ୍ଗ୍ ଆଃ ଦନ୍‌୍ୟ ।”

**ଇରିଆତୁଗ୍ ସ୍ନେନ୍‌ସା ଦାବି
(ମାତିଉ ୧୨:୩୮-୪୨)**

୨୯ ☆ରେମୁଆଁଇଁ ମାନ୍‌ା ମାନ୍‌ା ତିଙ୍ଗ୍‌ତେ ମେଁନେ ତାଗ୍ରା ମୁଇଁନ୍‌ିଆ ତିଙ୍ଗ୍‌ନେ ବେଲା ଜିସୁ ବାସଙ୍ଗ୍‌ନେ ମୁଲେକେ ଏନ୍ ଆକେନ୍ ରେମୁଆଁଇଁ ଉଡି ଦୁଷ୍ଟ ତିଙ୍ଗ୍ ଆର୍‌ଏ ତିଙ୍ଗ୍‌କେ; ଆକ୍‌ମେଇଁ ଚିନା ତୁରୁଆର୍‌ଏ ମାତର୍ ମୁନସ୍‌ନେ ଚିନା ଆନ୍ତାଚେ ବିନେ ମେଃଡିଗ୍ ଚିନା ଆମେଇଁକେ ଆବି ଆର୍‌ଏ ଶୁ । ୩୦ ତାଗ୍ରା ମୁନସ୍‌ ତିଡିକି ନିନାବିନେ ନ୍‌ସା ଚିନା ରକମ୍ ତିଙ୍ଗ୍‌କେ ରେମୁଆଁ ଉଙ୍ଗ୍‌ତେ ତିଗ୍ ଦେତୁଆଆ ଏନ୍ ଆକେନ୍ ରେମୁଆଁନେ ସୁଗୁଆ ତିଙ୍ଗ୍ ଆର୍‌ଏ । ୩୧ ଦକିନ୍ ଦେସ୍‌ନେ ରାନି ବିଚାରନ୍‌ିଆ ଏନ୍ ରେମୁଆଁ ଏତେ ତଡିଆତେ ଆକ୍‌ମେଇଁକେ ଦସ୍ ଆଡିଙ୍ଗ୍ ଆର୍‌ଏ ମେଃନ୍‌ସା ତାଗ୍ରା ମେଁ ଶଲୋମନ୍‌ନେ ବୁଦିନେ ସାମୁଆଁ ଅଁନ୍‌ସା ମଞ୍ଚପୁରନେ ଆଃଡାବାନ୍ ପାଙ୍ଗ୍‌ଲେ ଆର୍‌ଗେ; ଆରି କେଲାପା ଶଲୋମନ୍ ବାଦୁଲ୍ ମ୍‌ା ସାମୁଆଁ ଏନ୍ ଜାଗାନ୍‌ିଆ ଲେଃକେ । ୩୨ ନିନାବିନେ ରେମୁଆଁଇଁ ବିଚାର୍ ଦିନ୍ ଏନ୍ ଆକେନ୍ ରେମୁଆଁଇଁ ଏତେ ତଡିଆତେ ଆକ୍‌ମେଇଁକେ ଦସ୍ ଆଡିଙ୍ଗ୍ ଆର୍‌ଏ, ତାଗ୍ରା ମେଇଁ ମୁନସ୍‌ନେ ବାସଙ୍ଗ୍‌କେ ବାନ୍ ମନ୍‌କେ ଆବଲ୍ଲେ ବଆର୍‌ଗେ; ଆରି କେଲାପା ମୁନସ୍‌ ବାନ୍ ମ୍‌ା ବିସୟ୍ ଏନ୍ ଜାଗାନ୍‌ିଆ ଲେଃକେ ।

**ଗାଗଡେନେ ତାକ୍‌ଗ୍‌ସ
(ମାତିଉ ୫:୧୫; ୬:୨୨-୨୩)**

୩୩ ☆ଜା କୁପିସ ଆଃଡୁଆତେ ବୁଡିତେ ଆବଣ୍ଟୁ ଶୁଲ୍‌ା କୁଇ ବୁନ୍‌େ ଆବ ଶୁ ମାତର୍ କୁପିସ ବମ୍ୟାକ୍‌ ଆଡାତ୍ରା ବଏ ତିଡିକି ବିଡେ

☆ ୧୧:୨୯ ୧୧:୨୯ ମାତିଉ ୧୨:୪; ମାର୍କ ୮:୧୨. ☆ ୧୧:୩୩ ୧୧:୩୩ ମାତିଉ ୫:୧୫; ମାର୍କ ୪:୨୧; ଲୁକ୍ ୮:୧୭.

ଗାଢ଼େ ରେମୁଆଁଇଁ ତାଙ୍କିଗ୍‌କ୍ଲେ କେୟାଆର୍‌ଏ । ୩୪ ପେନେ ମୁଆଃ ଗାଗ୍‌ଡେନେ କୁପିସ । ଉଡ଼ିବେଲା ପେନେ ମୁଆଃ ଅଃନା ପରଚଲ୍‌ଲେଃଏ, ଅଃଡେନ୍‌ ବେଲା ପେନେ ସାପା ଗାଗ୍‌ଡେ ତାକ୍‌ ଗ୍‌ ସୁଗୁଆ ଡିଙ୍ଗ୍‌ଏ; ମାତର୍‌ ଉଡ଼ିବେଲା ଆଡେନ୍‌ ଆର୍ଲା ଲେଃଏ ଅଃଡେନ୍‌ ବେଲା ପେନେ ଗାଗ୍‌ଡେ ଡିଗ୍‌ ସାପା ଆଡାଙ୍‌କିଗ୍‌ଲେ । ୩୫ ତରକ୍‌ ଲାଲାପା ଡିଡିକି ପେନେ ଜିବନ୍‌ରେ ତାକ୍‌ ଗ୍‌ ଆଡାଙ୍‌କିଗ୍‌ଲେ । ୩୬ ତେଲା ପେନେ ସାପା ଗାଗ୍‌ଡେ ତାକ୍‌ ଗ୍‌ଏ ଆରି ଆଡ୍‌ ଅରିଆ ମେଃଃଣ୍ଡିଗ୍‌ ସିର୍‌ ଆଡାଙ୍‌କିଗ୍‌ଲେ ତେଲା କୁପିସ ଡିଡି ତାକ୍‌ ଗ୍‌ ତାରାସ୍‌ ଆପେକେ ତାକ୍‌ ଗ୍‌ ବିଏ ଦେଡୁଆଆ ପେନେ ତାକ୍‌ ଗ୍‌ ଜିବନ୍‌ ତାକ୍‌ ଗ୍‌ ବିଏ ।

**ଜିସୁ ଫାରୁଶୀ ଆରି ଦର୍ମ ଗୁରୁଇଁକେ ଦସ୍‌ ଡିଙ୍ଗ୍‌କେ
(ମାତିଉ ୨୩:୧-୩୬; ମାର୍କ ୧୨:୩୮-୪୦)**

୩୭ ଜିସୁ ବାସଙ୍‌ନେ ବେଲା ମୁଇଙ୍‌ ଫାରୁଶୀ ଜିସୁକେ ନିଜେନେ ଡୁଆନ୍‌ିଆ ରଙ୍‌ନେସା ଖାକେ ଆରି ଆଡେନ୍‌ ଡୁଆନ୍‌ିଆ ଗାଚେ ତୁଚଙ୍‌ନିଆ କକେ । ୩୮ ମାତର୍‌ ରଙ୍‌ନେ ସେନ୍‌ୁଗ୍‌ ମାଗୁଏଡି ମାଗୁଏଚ ଲେଃଗେ ଆଡେନ୍‌ କେଚେ ପାରୁସି କାବା ଡିଙ୍ଗ୍‌ ଲେଃଗେ । ୩୯ ଆଡ୍‌ ଅରିଆ ମାପୁ ବାସଙ୍‌କେ “ପେ ପାରୁସିଇଁ ତାଲି ଗିନା ବାଏରେ ପରଚଲ୍‌ ଡିଙ୍ଗ୍‌ପା । ମାତର୍‌ ପେନେ ବିଡ୍ରେ ଡଙ୍‌ା ରଙ୍‌ନେ ଦୁଷ୍ଟ ଡିଂପେଡିଙ୍ଗ୍‌କେ । ୪୦ ଅ ନିର୍ବୁଦି ଜା ବାଏରେ ତିଆର୍‌ ଆଡିଙ୍ଗ୍‌କେ ମେଁ କି ବିଡ୍ରେ ଡିଗ୍‌ ତିଆର୍‌ ଆଡିଙ୍ଗ୍‌କେ ଶୁ? ୪୧ ପେନେ ମେଁନେ ସାପା ଲେଃକେ; ଆଡେନ୍‌ ଦାନ୍‌ ବିଃପା ତେଲା ପେ ନିମାଣ୍ଡା ପେଲେଏ ।”

୪୨ “ଅ ପାରୁସିଇଁ ପେନେ ସାରାସାରି ଡଣ୍ଡ ବଡେ ବୟଙ୍‌ାର ଡିଙ୍ଗ୍‌ଏ ! ପେ ପୋଦିନା, ଆମାଃ ସାପାନେ ଗୁଆ ବାଗ୍‌ ବାନ୍‌ ମୁଇଁ ବାଗ୍‌ ଇସ୍‌ପରକେ ବିବପା । ଡାଗ୍ଲା ନ୍ୟାୟ୍‌ ବିଚାର୍‌ ବାରି ଇସ୍‌ପରନେ ଆଡାଡା ଆଲାଦ୍‌ ଅବଏଲା ଡିଙ୍ଗ୍‌ପେବଏ; ଏନ୍‌କେ ମ୍ବାଃ ଜାଗା ବିଃପା; ବିନ୍‌ ଇଁ ବିସୟ୍‌ ସାପା ଡିଗ୍‌ ଅବଏଲା ଆଡିଙ୍ଗ୍‌ପା ।”

୪୩ “ଅ ଫାରୁଶୀଇଁ ପେନେ ଡଣ୍ଡ ମ୍ବା ବୟଙ୍‌ାର । ଡାଗ୍ଲା ପେଇଁ ପାର୍‌ତନା ଡୁଆନ୍‌ିଆ ମ୍ବା ଆସନ୍‌ ବାରି ସାନ୍ତାନ୍‌ିଆ ନମସ୍‌ାର ବାନ୍‌ସା ଆଲାଦ୍‌ ନାଡିଏ । ୪୪ ଆୟ୍‌ ପେଇଁ ଡଣ୍ଡ ପେବଏ ମେନ୍‌ସା ଡାଗ୍ଲା

ଯେ ବୁଢ଼ି ପେଲେକ୍ସେ ଆତେନ୍ ରାଝତ୍ୟା ତୁଆ ସୁଗା ଜା ଆଡ଼ାତ୍ରା ରେମୁଆଁଇଂ ମାମ୍ୟାଚେ ଅଲେକ୍ସେ ଝେଏ ।”

୪୫ ଆଡ଼ ଅରିଆ ଦର୍ମ ସାସ୍ତିନେ ମୁଇଂଜା ଆମେକେ ବାସଙ୍ଗକେ “ଅ ଗୁରୁ ଏନ୍ ବାସଙ୍ଗଚେ ନାନେ ଆନେକେ ଡିଗ୍ ଅପ୍ମାନ୍ ଡିକ୍ ନାଡିକ୍ ।”

୪୬ ଜିସୁ ଉତର୍ ବିକେ “ଏ ଦର୍ମ ସାସ୍ତିଇଂ ମେଝନ୍ସା ତାଗ୍ଲା ପେ ରେମୁଆଁଇଂ ଆଡ଼ାତ୍ରା ଡାଟ୍‌ନେ ନିଅମ୍‌ନେ ଅଜନ୍ ଜାବର୍ ଲାଦେ ପେଡିକ୍ ଜେ ଆତେନ୍ ମାନେନ୍ସା କଷ୍ଟ ଲାଗେ ଡିକ୍ । ଏନ୍ ନିୟମ୍ ମାନେନ୍ସା ଆପେକେ ରେମୁଆଁଇଂକେ ଡିଗ୍ ଜବର୍‌ଜସ୍ତି ଡିକ୍ ପେଡିକ୍ ମାତର୍ ନିଜେ ଅଝନାଡିଗ୍ ଆକ୍‌ବାନ୍ ମେଝଣ୍ଡିଗ୍ ମୁଇକ୍ ଡିଗ୍ ନିୟମ୍ ପାଲେନ୍ସା ସାହା ପେଡିକ୍‌କେ ଶୁ । ୪୭ ଆୟ ପେଇଂ ଡଣ୍ଡ ପେବାଏ ତାଗ୍ଲା ପେଇଂ ବାବବାଦିଇଂନେ ସବାକ୍ସେ ରାଝତ୍ୟା ଆର୍ମେ ବପା ଜାଣ୍ଡେଇଂକେ ପେନେ ଛାଞ୍ଜା ଆଝ ଆମେଇଂକେ ବାଗୁଏଝ ବଗେ । ୪୮ ନାନେ ତେଲା ଆତେନ୍ସା ପେଇଂନେ ପେନ୍ତା ପେଞ୍ଜାଝ କାମ୍ ବିସୟରେ ପେଇଂ ସାକି ପେଲେକେ ଆରି ଆତେନ୍ ଏତେ ପେଡିକ୍‌କେ ତାଗ୍ଲା ମେଇଂ ସିନା ଆମେଇଂକେ ବାଗୁଏଝ ବଗେ ମାତର୍ ପେଇଂ ମେଇଂନେ ଗୁଡ଼ମ୍ ଆରେ ବପା । ୪୯ ଆତେନ୍ସା ଇସପର୍ ଡିଗ୍ ନିଜେ ବୁଦିନେସା ବାସଙ୍ଗଡିକ୍ ନେକ୍ ମେଇକ୍‌ନେ ବାବବାଦି ଆରି କବର୍ ଆଝଝେଚାଣ୍ଡେକେ ମେଇଂ ତାଗ୍ଲା ବେନେଡିକ୍; ମେଂଇଂନେ ଆଜା ଆଜାକେ ମେଇଂ ବାଗୁଏଝ ଆର୍ଏ ଆରି ଆଜା ଆଜାକେ ତାଡ଼ନା ଡିକ୍‌ଆର୍ଏ । ୫୦ ଏନ୍ ଜୁଗ୍‌ନେ ରେମୁଆଁଇଂ ମଞ୍ଚପୁର୍ ତିଆର୍ ଡିକ୍‌ନେ ସେନୁଗ୍ ସାପା ବାବବାଦି ଇଂନେ ବାଗୁଏଝକ୍ସା ଡଣ୍ଡ ବାଆର୍ଏ ୫୧ ହେବଲନେ ମରନ୍‌ବାନ୍ ଆରାମ୍ ତିଂଚେ ଯିଖରିୟନେ ଜାକ ଆଜାକେ ବେଦି ଆରି ପବିତ୍ର ଟାନ୍ ବିତ୍ତେ ବାଗୁଏ ବଆର୍‌ଗେ । ନିଂ ଆପେକେ ବାସଙ୍ଗଡିଂକେ ଆକେନ୍ ଜୁଗ୍‌ନେ ରେମୁଆଁଇଂ ଆତେନ୍ ସାପା ନ୍ସା ଡଣ୍ଡ ବାଆର୍ଏ ।

୫୨ ଅ ଦର୍ମ ସାସ୍ତି ! ପେ ଡଣ୍ଡ ପେବାଏ ମେଝନ୍ସା ତାଗ୍ଲା ପେ ଇସପର୍‌ନେ ନିୟମ୍ କୁଟିକାଡି ବୁଝଡି ପେବିଗେ । ନିଜେ ଇସପର୍‌ନେ ନିମାନ୍ ବୁଦି ପେସିକେକେ ଶୁ ଚ୍ଲେଝ ଜାଣ୍ଡେଇଂ ସିକେ ନ୍ସା ଇକ୍‌ଚା ଲେଝଗେ ଆମେଇଂକେ ଡିଗ୍ ସିକେ ନ୍ସା ପେବିକେ ଶୁ ।”

୫୩ ଆରି ଜିସୁ ଆଡ଼ବାନ୍ ତାର୍‌ଝେଗେ ଇଡ଼ିଙ୍ଗ୍ ଦର୍ମ୍ ଗୁରୁ ଆରି ପାରୁସିଇଂ ଗିସେ ଡିଙ୍ଗ୍‌ଚେ ୫୪ ମେଝନ୍‌ସା ଡାଗ୍ଲା ମେଇଙ୍ଗ୍ ଜିସୁକେ ମେଝଣ୍ଡିଗ୍ ଦଦ୍ୟା ସାମୁଆଁ ବାସଙ୍ଗ୍‌ଲା ନେନେ ପାନ୍‌ନ୍‌ଆ ନେକ୍ଲାଗ୍ ଡାଗ୍‌ଚେ ଗାଲି ପ୍ରସନ୍ ସାଲ୍ୟାକୁ ଆର୍‌ଡ଼ିଙ୍ଗେ ।

୧୨

କୁଟ୍ ଜଗ୍‌ଣ୍ଡେକେ ତରକ୍ ଲାଲାପା
(ମାତିଉ ୧୦:୧୭-୨୭)

୧ ଅଜାର୍ ଅଜାର୍ ରେମୁଆଁ ପାଙ୍ଗ୍ ରିସିଂଚେ ମେଇଂମେଇଂ ଆଡ଼ାଡ଼ା ଟେଟା ହୁଂପାଂଡ଼ିଆରଗେ; ଆଡେନ୍ ବେଲା ଜିସୁ ସେନୁଗ୍ ମେଁନେ ସିସ୍‌ଇଂକେ ବାସଙ୍ଗ୍‌ନେ ମୁଲେକେ, ଫାରୁଗାଈଂନେ ଖମୀରବାନ୍ ମୁ ଲାଲାପା, ନେଙ୍ଗ୍ ବାସଙ୍ଗ୍‌ନେ ମେଝନେ ଡାଗ୍ଲା ମେଇଂ କୁଟ୍ ଜଗ୍‌ଣ୍ଡେ ତରକ୍ ଲାଲାପା । ୨ *ବୁଡ଼ି ଲେଝକେ ସପା ଜିନିସକେ ବାସଙ୍ଗ୍ ଆର୍‌ଏ ବୁଡ଼ି ଲେଝକେ ସାପା ବିସଏକେ ନ୍‌ଏ । ୩ ପେଇଂ ମେଝନେ ଡାକିଗିନିଆ ବାସଙ୍ଗ୍ ପେବଏ ଆଡେନ୍ ସାପା ସ୍ଥିବେଲା ଆଂଝଅଁଏ ଆରି ମେଁନେ ହୁଆ ବିଡ୍ରେ ବୁଝଡ଼ି ଲେଝକେ ଆଡେନ୍ ସାପା ରେମୁଆଁ ଶୁ ଚୁନେନେ ଜାଗାନ୍ନିଆ ବାସଙ୍ଗ୍ ପେବକେ । ଆଡେନ୍ କ୍ଲେସା ଆଡ଼ାଡ଼ା ବାଲିର୍ ଆର୍‌ଏ ।

ଆଜାକେ ନେବଟପା
(ମାତିଉ ୧୦:୨୭-୨୭)

୪ ଏ ନେଙ୍ଗ୍‌ନେ ସାଙ୍ଗ୍‌ଇଂ ଆପେକେ ବାସଙ୍ଗ୍‌ଣ୍ଡିଂ ଜାଣ୍ଡେଇଂ ଗାଗଡ଼େକେ ବାଗୁଏଝଆର୍‌ଏ, ମାତର୍ ଇଡ଼ିଙ୍ଗ୍ ମେଝଡ଼ିଗ୍ ଡିଙ୍ଗ୍ ଆୟାଆର୍ ଶୁ ଆମେଇଂକେ ଆପଟଗପା । ୫ ମାତର୍ ଆଜାକେ ପେବଟଏ, ଆଡେନ୍ ନେଙ୍ଗ୍ ଆପେକେ ଶ୍ରାମ୍ୟାଏ; ବାଗୁଏଝକେ ଇଡ଼ିଙ୍ଗ୍ ନର୍କନ୍ନିଆ କ୍ଲାଗନ୍‌ସା ମୁଡ଼ି ଇସପର୍‌ନେ ଅଦିକାର୍ ଲେଝକେ ଆମେକେ ବୁଟପା; ସଡେଆ ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଣ୍ଡିଂ ଆମେକେ ବୁଟପା ।

୬ “ମ୍ବାକ୍ଲିଗ୍ କିଆପିଗକେ ମେଝନେ ମ୍ବାକ୍ଲିଗ୍ ଡାବୁରେ ଆସ ଶୁ ? ଡେଲାଡିଗ୍ ଇସପର୍ ମୁଇଙ୍ଗ୍ କିଆପିଗକେ ଶ୍ରିଗ୍ ଆଆବ ଶୁ ।

☆ ୧୨:୨ ୧୨:୨ ମାରକ ୪:୨୨; ଲୁକ୍ ୮:୧୭.

୭ ମାତର ପେନେ ବାଆଠନେ ସରତେ ଉଗ୍ବ ଇସାବ୍ ତିଙ୍ଗ୍ବକେ । ଆବଟଗେପା; ପେ ଗୁଲୁଏ କିଆପିଗ୍ ବାନ୍ ମ୍ନା ।”

ଜିସୁ ମାପୁକେ ଆଗ୍ୟାସଃଗେପା

(ମାତିଉ ୧୦:୩୨-୩୩; ୧୨:୩୨; ୧୦:୧୯-୨୦)

୮ ଆରି ନେଙ୍ଗ୍ ଆପେକେ ସତ୍ ବାସଙ୍ଗ୍ଣିଙ୍ଗ୍, ଜାଣ୍ଟେକି ରେମୁଆଁଇଁ ତାଗ୍ରା ଆନେଙ୍ଗ୍ ମାପୁ ତାଗ୍ତେ ବାଲିର ଆରଏ, ରେମୁଆଁ ଉଙ୍ଗ୍ତେ ତିଗ୍ ଇସପରକେ ଦୁଡ଼ଇଁ ସାମୁଆଁ ତାଗ୍ରା ମ୍ୟାଲ୍ଲେକେ ତାଗ୍ତେ ଆମେକେ ବାସଙ୍ଗ୍ଆରଏ । ୯ ମାତର ମୁଡ଼ି ରେମୁଆଁଇଁନେ ସାକ୍ୟନ୍ନିଆ ଆନେଙ୍ଗ୍ ଅବିସ୍ବାସ୍ ତିଙ୍ଗ୍ଏ, ମେଁ ଇସପରନେ ଦୁଡ଼ଇଁନେ ସାକ୍ୟନ୍ନିଆ ଆମେକେ ନ୍ନାମ୍ୟାକେ ଶୁ ତାଗ୍ତେ ବାସଙ୍ଗ୍ ଆରଏ ।

୧୦ ✨ଆରି ମୁଡ଼ି ରେମୁଆଁ ଉଙ୍ଗ୍ତେନେ ବିରଦ୍ରେ ସାମୁଆଁ ବାସଙ୍ଗ୍ଏ ଆମେକେ କେମା ତିଙ୍ଗ୍ ବିଆରଏ; ମାତର ଜା ପବିତ୍ର ଆମ୍ନାନେ ବିରଦ୍ରେ ନିନ୍ଦା ସାମୁଆଁ ବାସଙ୍ଗ୍ଏ ଆମେକେ କେମା ଆବିଆରଣ୍ଟୁ ।

୧୧ ଆରି ଉଡ଼ିବେଲା ଜିଉଦିଇଁ ଆପେକେ ପାରତନା ତୁଆନିଆ ଆରି ସାସନ୍ ଆରି କେମା ତିଙ୍ଗ୍ଣେନିଆ ତୁଂପାଙ୍ଗ୍ଏ, ଆତେନ୍ ବେଲା ପେ ନିଜେନେସା ତିରକମ୍ ଉତର୍ ପେବିଏ କି ମେଠନେ ପେବାସଙ୍ଗ୍ଏ, ଆତେନ୍ ବିସୟରେ ଚିନ୍ତା ଆଡ଼ିଙ୍ଗ୍ପା ନାମଃ; ୧୨ ତାଗ୍ଲା ମେଁନେ ବାସଙ୍ଗ୍ଲା ତିଙ୍ଗ୍ଏ ଏନ୍ ପବିତ୍ର ଆମ୍ନା ଆତେନ୍ବେଲା ଆପେକେ ଆମ୍ୟା ବିଏ ।

ମୁରକ ସାକାରନେ ବିସୟ

୧୩ ରେମୁଆଁଇଁବାନ୍ ମୁଇଁଜା ଆମେକେ ବାସଙ୍ଗ୍କେ “ଅ ଗୁରୁ ନେଙ୍ଗ୍ ନେନାଙ୍ଗ୍କେ ନେଙ୍ଗ୍ ଏତେ ନେବାନେ ସମ୍ପତ୍ତି ବାଟା ବିଃନ୍ସା ବାସଙ୍ଗ୍ ।”

୧୪ ମାତର ଜିସୁ ଆମେଇଁକେ ବାସଙ୍ଗ୍କେ “ଏ ସାଙ୍ଗ୍ ଜାଣ୍ଟେ ଆନେଙ୍ଗ୍କେ ପେନେ ଆଡ଼ାଡ଼ା ବିଚାର୍ ତିଙ୍ଗ୍ନେ ଆରି ବାଟା ବିଃନ୍ସା ଜା ଆନେଙ୍ଗ୍କେ ଅଦିକାର୍ ବିବକେ ?” ୧୫ ଆରି ଜିସୁ ଆମେଇଁକେ ବାସଙ୍ଗ୍କେ “ତରକ୍ ସାପା ରକମ୍ନେ ଲବ୍ବାନ୍ ନିଜେ ନିଜେକେ ସ୍ନା

✨ ୧୨:୧୦ ୧୨:୧୦ ମାତିଉ ୧୨:୩୨; ମାର୍କ ୩:୨୯.

ବପା ମେଝନ୍‌ସା ଡାଗ୍ଲା ମୁଇଙ୍ଗ୍ ରେମୁଆଁନେ ଜିବନ୍ ମେଁନେ ସମ୍ପତ୍ତି ଆଡ଼ାଡ଼ା ଆସା ଆଡ଼ିଙ୍ଗ୍ ଶୁ”

୧୭ ଆରି ଜିସୁ ଆମେଇଂକେ ଏନ୍ ଉଝସା ବାସଙ୍ଗକେ “ମୁଇଙ୍ଗ୍ ସାକାର ରେମୁଆଁନେ ଲିଜନ୍ନିଆ ଜାବର୍ ତୁକେ । ୧୭ ଆଡ଼ଅରିଆ ମେଁ ଏତେତେ ବାସଙ୍ଗକେ ମେଁ ଶୁଙ୍ଗ୍‌ଏ ? ମେଝନ୍‌ସା ଡାଗ୍ଲା ନେଙ୍ଗ୍‌ନେ କିଆଉଁଆଃ ଗୁଆଚେ ବୁବନେ ଜାଗା ଶୁ”

୧୮ ବାରି, ମେଁ ବାସଙ୍ଗକେ, “ନେଙ୍ଗ୍ ଦେକ୍ ଶୁଏ; ନେଙ୍ଗ୍‌ନେ ଆଣ୍ଡାଃ ସାପା ପାକ୍‌ଚିଚେ କିଆ ବାରି ବିନ୍‌ବିନ୍ ଜିନିସ୍ ସାପା ବୁବନ୍‌ସା ବାରି ମ୍ଲା ମ୍ଲା ଆଣ୍ଡା ତିଆର୍ ଶୁଙ୍ଗ୍‌ଏ । ୧୯ ଆରି ନେଙ୍ଗ୍‌ନେ ପାରାନ୍‌କେ ମ୍ଲାସଙ୍ଗ୍‌ଏ ଏ ପାରାନ୍ ଉଡ଼ି ମୁଆଁ ନ୍‌ସା ନାନେ ଜାବର୍ କିଆ ଜନ୍‌ଚେ ମ୍ଲକେ ପୁଣ୍ଡେପା ଚଙ୍ଗ୍‌ପା ଉର୍‌ପା ସାଦା ଲାଃଲା !” ୨୦ ମାତର୍ ଇସପର୍ ଆମେକେ ବାସଙ୍ଗକେ, “ଅ ବୁଦି ଶୁବୁଣ୍ଡ ଏନ୍ ମିଡ଼ିଗ୍ ନାନେ ଜିବନ୍ ନାନେବାନ୍ ତୁଙ୍ଗ୍‌ଝେଏ; ଆଡ଼ ଅରିଆ ନା ମେଝନେ ନିଜେ ନ୍‌ସା ରାଃସିଙ୍ଗ୍ ନାବକେ, ଆତେନ୍ ସାପା ଜାନେ ତିଙ୍ଗ୍‌ଏ ?”

୨୧ ଜିସୁ ଆରି ବାସଙ୍ଗକେ “ଜା ନିଜେ ନ୍‌ସା ଦନ୍ ସମ୍ପତ୍ତି ରାଃସିଙ୍ଗ୍ ବଏ ମାତର୍ ଇସପର୍‌ନେ ମୁଆଃନିଆ ସାକାର ଶୁ ମେଁନେ ଆଡ଼ାଡ଼ା ଦେକ୍‌ରକମ୍ ଗଟେଏ ।”

**ଇସପର୍‌ନିଆ ବିସବାସ୍
(ମାତିଉ ୭:୨୫-୩୪)**

୨୨ ଜିସୁ ନିଜେନେ ସିସଙ୍ଗକେ ବାସଙ୍ଗକେ “ଆତେନ୍‌ସା ନେଙ୍ଗ୍ ଆପେକେ ବାସଙ୍ଗ୍‌ଶୁଙ୍ଗ୍‌କେ, ମେଝନେ ପେଚଙ୍ଗ୍‌ଏ ଦେକ୍‌ରକମ୍ ବାସଙ୍ଗଚେ ପେନେ ଜିବନ୍‌ସା ମେଁନେ ପେସଃଏ ଦେକ୍‌ରକମ୍ ବାସଙ୍ଗଚେ ପେନେ ଗାଗ୍‌ଡ଼େ ନ୍‌ସା ତିଗ୍ ଚିନ୍ତା ଆଡ଼ିଙ୍ଗେପା । ୨୩ ମେଝନ୍‌ସା ଡାଗ୍ଲା ଚଙ୍ଗ୍‌ନେ ବାଦୁଲ୍ ପାରାନ୍ ବାରି ପାଟାଲ ବାଦୁଲ୍ ଗାଗ୍‌ଡ଼େ ମ୍ଲା । ୨୪ ଗିଗ୍ୟାଃ ପିଗ୍‌ଇଂନେ ବିସୟ୍‌ରେ ଏତେ କେଲାପା ମେଇଂ ଆବିଗ୍‌ଆର୍ ଶୁ କି ଆଝେଆର୍ ଶୁ ଆରି ମେଁଇଂନେ କିଆ ଉଁଆଃ ବନେ ତୁଆ ଶୁ ଆରି ଇସପର୍ ଆମେଇଂକେ ଚଙ୍ଗ୍‌ନ୍‌ସା ବିଏ; ପେ ପ୍ଲିଗ୍‌ଇଂ ବାନ୍ ପେ ଉଡ଼ି ମ୍ଲା ! ୨୫ ଆରି, ପେନେ ବାନ୍ ଜା ଏତେ ଏତେତେ ନିଜେନେ ଆୟ୍‌ସକେ ଆମ୍ଲା ପେୟାଏ ? ୨୬ ତେଲା ପେ ଜଦି ସାପାବାନ୍ ତାଆଁ ବିସୟ୍‌ରେ ତିଙ୍ଗ୍ ପେୟାଶୁ ତେଲା ବିନ୍ ସାପା

ବିସୟରେ ମାମ୍ଲା କାମ୍ ଡିଙ୍ଗନ୍‌ସା ମୋଝନ୍‌ସା ତାହା ଡିଙ୍ଗ ନାଡିଙ୍ଗ ?
 ୨୭ କଣ୍ଟାନ୍‌ସା ଯାରି ବିସୟରେ ଏତେ କେଲାପା ମେଇଁ ଡିରକମ୍ ସୁତା
 ଆଗୁଆର୍ ଶୁ କି ଏତେ ଆର୍‌ଏ ଶୁ ଏଲେଡିଗ୍ ନେଙ୍ଗ୍ ବାସଙ୍ଗ୍‌ଣ୍ଡି ଜେ
 ଶଲୋମନ୍ ଡିଗ୍ ନିଜେନେ ଦନ୍ ସମ୍ପତି ଲେଝରେ ଏନ୍ ସାପା ବିତ୍ରେ
 ମୁଇଁଡିଗ୍ ସବା ଆଲେଝକେ ଶୁ ? ୨୮ ମାତର୍ ଆଣ୍ଟିନେ ଚେଝମୁଆଁ
 ଏକେ ଲିଜନ୍‌ନିଆ ଲେଝକେ ଆରି ଞ୍ଜଡେ ତୁଗ୍‌ସନିଆ କ୍ଲାର୍ ବିଝଆର୍‌ଏ
 ଆମେକେ ଅଝନା ଇସ୍‌ପର୍ ଦେକ୍‌ରକମ୍ ସବା ବିଏ ତେଲା ଏ ଇକୁଡା
 ସର୍ ମାନେଝକେଣ୍ଡେ ମେଁ ଆପେକେ ଉଡି ଜାବର୍ ସବା ଆବି ଶୁ ।”

୨୯ ଆରି ମୋଝନେ ନେଚଙ୍ଗ୍‌ଏ ଆରି ମେଁନେ ନେଉଗ୍‌ଏ, ଆତେନ୍
 ପେ ଆତୁର୍‌ଗେପା କି ଚିନ୍ତା ଆଡିଙ୍ଗେପା, ୩୦ ମାତର୍ ମଞ୍ଚପୁର୍‌ନେ
 ବିଜାଡି ରେମୁଆଁଇଁ ଇସ୍‌ପର୍‌କେ ମାମ୍ୟାଚେ ଏନ୍ ସାପା ବିସୟରେ
 ତେରେପେତେ ଡିଙ୍ଗ୍‌ଆର୍‌ଏ ଏନ୍ ସାପା ବିସୟ ଦରକାର୍ ପେଇଁନେ
 ଆବା ମ୍ୟାଲେଝକେ । ୩୧ ପେ ଆଣ୍ଟିନେ ବିସୟରେ କିକେନେ ଦରକାର୍
 ଆତେନ୍ ଡିଙ୍ଗ୍ ଡିଙ୍ଗ୍‌କେ କିତଂନେ ରାଇଜ୍ । ତେଲା ଆପେକେ
 ଦରକାର୍ ତିଂକ୍ଳେ ଏନ୍ ସାପା ବିସୟ ଆପେକେ ବିଆର୍‌ଏ ।

କିତଂନେ ଦନ୍
(ମାଡିଡ ୬:୧୯-୨୧)

୩୨ ଅ ତାଆଁନେ ମେଣ୍ଟାଇଁ ଆପ୍‌ଟ୍‌ଗ୍‌ପା ତାଗ୍ଲା ପେଇଁନେ ଆତେନ୍
 ରାଇଜ୍ ବିନ୍‌ସା ଆପେକେ ପର୍‌ମେସର୍ ଚାର୍‌ଡିଂକେ । ୩୩ ପେନେ
 ଦନ୍ ସମ୍ପତି ଲେଝକେ ଆତେନ୍ ସ ବିଝରେ ଆତେନ୍ ତାରୁକେ
 ଗରିବ୍ ରେମୁଆଁଇଁକେ ବାଟା ବିଝପା । ଏନ୍ ସଂସାର୍‌ନେ ଦନ୍
 ସମ୍ପତି କାଲାଆଝ ଆଲେଝଣ୍ଡୁ ତେଲା କାଲାଆଝ ଲେଝଡିଙ୍ଗ୍‌କ୍ଳେ ଦନ୍
 ସମ୍ପତି ରାଝସିଙ୍ଗ୍‌ପା । ନିଜେ ନ୍‌ସା କିତଂନିଆ ପେନ୍‌ସା ଦନ୍‌ସମ୍ପତି
 ରାଝସିଙ୍ଗ୍‌ପା, ତାଗ୍‌ଲା ଆଡ୍ ଅରିଆ ମୋଝଡିଗ୍ ତଙ୍ଗାରେ ଆଗା ଶୁ ଆରି
 ମୋଝଡିଗ୍ ବୁକେଉଙ୍ଗ୍ ଆଚଙ୍ଗ୍ ଶୁ ୩୪ ତାଗ୍ଲା ଆଣ୍ଟି ଅରିଆ ପେନେ ଦନ୍,
 ଆଡ୍‌ଅରିଆ ଡିଗ୍ ପେନେ ମନ୍ ।

କାଲାଆଝ ତରକ୍ ଲେଝକ୍ଳେ ଚାକର୍
(ମାଡିଡ ୨୪:୪୫-୫୧)

୩୫ ☆ପେଇଁନେ ନ୍‌ସା ଗାଗ୍ ବପା ଆରି ପେନେ କୁପିସ ତୁଆ ଲେଲେ

☆ ୧୨:୩୫ ୧୨:୩୫ ମାଡିଡ ୨୫:୧-୧୩.

। ୩୬ ☆ଆରି ମାପୁ ବିହେ ବଜିବାନ୍ ଆଣ୍ଡେ ଓଁଗ୍‌ରେ କାପାଟ୍‌ନ୍ନିଆ ବଗ୍‌ନେ ଦାପ୍‌ପେ ମୁଡ଼ି ରେମୁଆଁ ଝେରେ କାପାଟ୍‌ ରଝନ୍‌ସା ଲେଝଏ ଯେ ମେଇଂ ସୁଗା ଡିଙ୍ଗ୍‌ରେ ଲାଲାପା । ୩୭ ମାପୁ ପାଙ୍ଗ୍‌ରେ ମୁଡ଼ି ଚାକରଇଂକେ ଜାଗ୍ରତ୍ ଲେଝକ୍‌କେ କେଏ ମେଇଂ ଦନ୍‌ୟ; ନେଙ୍ଗ୍ ଆପେ ସାପାରେକେ ସଡ଼ ବାସଙ୍ଗ୍‌ଣ୍ଡିଂ ମେଁ ନିଜେନେ ନ୍‌ସା ଗାଗ୍‌ରେ ଆମେଇଂକେ ଚଙ୍ଗ୍‌ନ୍ନିଆ ଆକରେ ଡାଗ୍ରା ଝେରେ ସେବା ଡିଙ୍ଗ୍ ଆରୁଏ । ୩୮ ଆରି ମାପୁ ଜଦି ମ୍‌ନାଉତର ଲେଝ ଓଁତର ମଜେ ମିଡ଼ିଗ୍ ପାଙ୍ଗ୍‌ରେ ଆମେଇଂକେ ଦେଡ଼ ରକମ୍ କେଏ ତେଲା ଆତେନ୍ ଚାକରଇଂ ଦନ୍‌ୟ । ୩୯ ମାତର ଏନ୍ ମ୍ୟା ଲାଲାପା ଉଡ଼ିବେଲା ଡଙ୍ଗାରେ ପାଙ୍ଗ୍‌ଏ ଏନ୍ ତୁଆନେ ମାଲିକ୍ ସେନୁଗ୍ ମ୍ୟାଏ ତେଲା ମେଁ ନିଜେ ତୁଆନେ କୁଗ୍‌ତାସା ଗୁଆତଗ୍ ନ୍‌ସା ଆବି ଶୁ । ୪୦ ଯେ ସାପାରେ ଡିଗ୍ ତରକ୍ ଲାଲାପା ମେଝନ୍‌ସା ଡାଗ୍ରା ଉଡ଼ି ପ୍ଲେଡ଼ିଆ ପେଇଂ ଏଡେ ପେଲେ ଶୁ ଆତେନ୍ ବେଲା ରେମୁଆଁ ଉଙ୍ଗ୍‌ଡେ ପାଙ୍ଗ୍‌ଏ ।

**ବିସ୍‌ବାସି ଅବିସ୍‌ବାସି ଚାକର
(ମାଡ଼ିଉ ୨୪:୪୫-୫୧)**

୪୧ ଆଡ଼ ଅରିଆ ପିତର ବାସଙ୍ଗ୍‌କେ “ଅ ମାପୁ ନାନେ ନେନ୍‌ସା ଲେଝ ସାପାରେ ନ୍‌ସା ଏନ୍ ଉଦାଅରନ୍ ବାସଙ୍ଗ୍ ନାଡ଼ିଙ୍ଗ୍ ?”

୪୨ ମାପୁ ଉତର ବିକେ, “ବିସ୍‌ବାସ୍ ଆରି ବୁଦିମାନ୍ ସେବାଣ୍ଡେ ଜାଣ୍ଡେ ? ଆଜାକେ ମାଲିକ୍ ତୁଆ ଚଲେନ୍‌ସା ଦାଇଡ଼ରେ ବେ; ମେଁ ସମାନ୍ ବେଲା ବିନ୍‌ନେ ଗଡ଼ିରେକେ ଚଙ୍ଗ୍‌ନ୍‌ସା ବିଝଲେ । ୪୩ ମାପୁ ପାଙ୍ଗ୍‌ରେ ମୁଡ଼ି ଗଡ଼ିରେକେ ଦେଡ଼ ରକମ୍ ଡିଙ୍ଗ୍‌କ୍‌କେ କେଏ ମେଁ ଦନ୍‌ୟ । ୪୪ ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଣ୍ଡିଂ ମେଁ ଆମେକେ ନିଜେନେ ଦନ୍‌ ସମ୍‌ଭିନେ ଦାଇଡ଼ରେ ବଏ । ୪୫ ମାତର ଜଦି ଆତେନ୍ ଚାକର ନେଙ୍ଗ୍‌ନେ ମାପୁ ପାଙ୍ଗ୍‌ନେ ଡଙ୍ଗାରୁଏ ଡାଗ୍‌ରେ ମନେ ମନେ ବାସଙ୍ଗ୍‌ରେ ଆମେଇଂକେ ବଗ୍‌ଟୁ ଡିଙ୍ଗ୍‌ଏ ଆରି ଚଙ୍ଗ୍‌ଉଗ୍‌ରେ ଉଗ୍‌ସା ଅଲେଙ୍ଗ୍‌ଏ । ୪୬ ତେଲା ଆତେନ୍ ଚାକର ମେଝ ଦିନା ଉରୁଆଲେଝ ଶୁ ଆରି ଆଣ୍ଡେନେ ପ୍ଲେଡ଼ିଆ ମେଁ ମ୍ୟାଝଆଲେ ଆତେନ୍ ଦିନା ଆରି ଆତେନ୍ ବେଲା ମେଁନେ ମାପୁ ପାଙ୍ଗ୍‌ଏ ଆରି ଆମେକେ ଆନ୍ତାର୍ ବିଚେ ଜାବର୍ ।”

☆ ୧୨:୩୭ ୧୨:୩୭ ମାରକ ୧୩:୩୪-୩୬.

୪୭ ମୁଢ଼ିନେ ଗତିରେ ନିଜେ ମାଲିକନେ ଇକଟା ମ୍ୟାଚେ ତରକ୍ ତିଙ୍ଗ୍ ଆଲେ ଶୁ ବାରି ମେଁନେ ଇକଟା ଅନୁସାରେ କାମ୍ ତିଙ୍ଗ୍ ଆବଶୁ ମେଁ ସାସ୍ତି ବାଚେ ଜାବର୍ ମାଡ଼ ରଙ୍ଗ୍ । ୪୮ ମାତର୍ ମୁଢ଼ି ଗତିରେ ମାଲିକନେ ଇକଟା ମାମ୍ୟାଚେ ତଣ୍ଟ ବାନେ କାମ୍ ତିଙ୍ଗ୍ ଲେଖ୍ୟ ମେଁ ଇକ୍ତା ସାସ୍ତି ବାଏ; ଆଜାକେ ଜାବର୍ ବିବ ମେଁବାନ୍ ଆରି ଜାବର୍ ବିବ ମେଁବାନ୍ ଆରି ଜାବର୍ ଆସା ତିଙ୍ଗ୍ ଆର୍ଏ ।

ଜିସୁ ଆଃ ବିନ୍‌ବିନ୍ ଆଃତିନେ କାରନ୍
(ମାତିଉ ୧୦:୩୪-୩୬)

୪୯ ଜିସୁ ବାସଙ୍ଗକେ “ନେଙ୍ଗ୍ ମଞ୍ଚପୁରନ୍ନିଆ ସୁଆ ଆଃଡୁଆ ନ୍ୟା ପାଙ୍ଗ୍‌ଲେଃକେ ଆରି ନେଙ୍ଗ୍‌ନେ ଇକଟା ଜିଆ ସୁଆ ତୁଆଲେ ! ୫୦ ମାତର୍ ଆନେଙ୍ଗ୍ ମୁଇଙ୍ଗ୍ ଦିକ୍ୟାନ୍ନିଆ ଦିକ୍ୟା ତିଙ୍ଗ୍‌ନେ ପଡ଼େଏ ଆରି ସାପାମାନ୍ଦା ମାତିଙ୍ଗ୍ ଜାକ ନେଙ୍ଗ୍ ତିରକମ୍ ଚିନ୍ତା ଶ୍ରିଙ୍ଗ୍‌କେ । ୫୧ ନେଙ୍ଗ୍ ମଞ୍ଚପୁରନ୍ନିଆ ସାନ୍ତି ବିଃନ୍‌ସା ପାଙ୍ଗ୍‌ଲେକେ ତାଗଚେ ମେଃନେ ପେଇଁ ଏତେ ପେତିଙ୍ଗ୍‌କେ ? ଲେଃ, ନେଙ୍ଗ୍ ଆପେକେ ବାସଙ୍ଗ୍‌ଶ୍ରିଙ୍ଗ୍‌କେ ଲେଃ ମଞ୍ଚପୁରନେ ନେଙ୍ଗ୍ ବାଗ୍ ବାଗ୍ ଆତିଙ୍ଗ୍ ନ୍ୟା ପାଙ୍ଗ୍‌ନେ । ୫୨ ମୁଇଙ୍ଗ୍ ତୁଆନ୍ନିଆ ମାଲିକ୍ଲିଗ୍ ଲେଃଗେ ମ୍ବାୟା ନେ ବିରଦ୍‌ରେ ଞ୍ଜିରୁଆ ଆରି ଞ୍ଜିରୁଆନେ ବିରଦ୍‌ରେ ମ୍ବାୟା ବିନେ ତିଙ୍ଗ୍ । ୫୩ ଆବା ବିରଦ୍‌ରେ ଉଙ୍ଗ୍‌ଡେ, ଉଙ୍ଗ୍‌ଡେ ବିରଦ୍‌ରେ ଆବା, ଇୟାଙ୍ଗ୍ ବିରଦ୍‌ରେ ସେଲାଅ ଆରି ସେଲାଅ ବିରଦ୍‌ରେ ଇୟାଙ୍ଗ୍; ଆତା ବିରଦ୍‌ରେ ମାରୁଆ ଆରି ମାରୁଆ ବିରଦ୍‌ରେ ଆତା ତଡ଼ିଆଏ ।”

ବେଲାନେ ଚିନ୍
(ମାତିଉ ୧୭:୨-୩)

୫୪ ଜିସୁ ରେମୁଆଁଇଁକେ ନ୍ନିଆ ତିଗ୍ ବାସଙ୍ଗକେ, “ପଶ୍ଚିମ୍ ଦିଗ୍ ପାକା ତ୍ରିଗ୍‌ତିଆ ତଡ଼ିଆ ତିଙ୍ଗ୍‌କେ କେଆର୍‌କେ, ଆଡ଼ଅରିଆ ପେ ବାସଙ୍ଗ୍‌ପା, ଶ୍ରିଆ ପାଙ୍ଗ୍‌ତିଙ୍ଗ୍ ଆରି ଦେଡ଼ ରକମ୍ ଗଟେଏ; ୫୫ ଦକିନ୍ ଦିଗ୍ ପାକା ଝେଡ଼ିଆ ପାଙ୍ଗ୍ ତିଙ୍ଗ୍‌କେ ପେକେକେ ପେ ବାସଙ୍ଗ୍‌ପା ଜାବର୍ ନ୍ନାଃସେଙ୍ଗ୍‌ଏ ଆରି ଦେଡୁଆଆ ଗଟେଏ । ୫୬ ଆଅଁକେଶ୍ଟେଇଁ ପେ ସାପାଚେ ମଞ୍ଚପୁର ଆରି କିତନେ ଚିନ୍ କେଚେ ମେଁନେ ରୁଜେ

☆ ୧୨:୫୦ ୧୨:୫୦ ମାରକ ୧୦:୩୮.

ପେଡ଼ିଙ୍ଗ ମାତର ଏନ୍ ଜୁଗ୍‌ନେ ମେଁନେ ଗଟେଡ଼ିଙ୍ଗେ ସାପା ଡିରକମ୍ ମ୍ୟାପେୟାକେ ?”

ସତୁ ଏତେ ମିସେନେ
(ମାତିଉ ୫:୨୫-୨୬)

୫୭ ପେ ଆଡିନେ କାମ୍ ନିମାଣ୍ଡାଆ ଆତାନ୍ ମେନ୍‌ସା ନିଜେ ବିଚାର୍ ଡିଙ୍ଗ୍ ପେୟାକେ ଶୁ ? ୫୮ ଜଦି ଜାଣ୍ଡେ ପେନେ ବିରଦ୍‌ରେ ଦାବି ଡିଙ୍ଗ୍‌ରେ ଆପେକେ ବିଚାର୍ ତୁଆନ୍ନିଆ ତୁଙ୍ଗ୍‌ଝେଏ, ତେଲା ବିଚାର୍ ତୁଆନ୍ନିଆ ଝେନେ ସେନ୍‌ଗ୍ ମେଁନେ ଏତେ ସମାଦାନ୍ ଡିଙ୍ଗ୍‌ନ୍‌ସା ଜିବନ୍ ବିଚେ ଚେସ୍‌ଟା ଡିଙ୍ଗ୍‌ପା । ଜଦି ଦେଡ୍‌ରକମ୍ ପେଡିଙ୍ଗ୍, ତେଲା ମେଁ ଆପେକେ କଏଦ୍ ତୁଆନ୍ନିଆ ଆନ୍ତୁବିଝଏ । ୫୯ ନେଙ୍ଗ୍ ଆନାକେ ବାସଙ୍ଗ୍‌ଣିଂ, ନା ବାକି ତାରୁ ମାସୁଜେ ଜାକ ଆତେନ୍ ଜାଗାବାନ୍ ଡିଲାଡିଗ୍ ତାର୍ ପେୟା ଶୁ ।

୧୩

ପାପ୍ ଡିଙ୍ଗ୍‌ନେ ବାନ୍ ଆଣ୍ଡେପା ଶୁଲ୍ଲା ପେଗୁଏଝଏ

୧ ଆତେନ୍ ବେଲା ଉଡ଼ି ରେମୁଆଁ ପାଙ୍ଗ୍‌ରେ ପିଲାତ ଆଣ୍ଡିନେ ଗାଲିଲୀୟଇଂନେ ମ୍ୟା ମେଁଇଂନେ ପୁଜା ମ୍ୟା ଆଃତେ ଆଃମିସେବକେ, ମେଇଙ୍ଗ୍‌ନେ ବିସୟ୍‌ରେ ଆମେଇଂକେ ଆଃମ୍ୟାଃକେ । ୨ ଆଡ୍‌ବାନ୍ ଜିସୁ ଆମେଇଂକେ ଉତର୍ ବିକେ ଆକେନ୍ ସାପା କସ୍‌ବା ପେଡିଙ୍ଗ୍‌କେସା ଆକେନ୍ ଗାଲିଲୀୟଇଂ ବିନ୍ ସାପା ଗାଲିଲୀୟଇଂନେ ବାନ୍ ଜବର୍ ପାପି ତାଗ୍‌ରେ ପେ ସାପାରେ ବାବେ ପେଡିଙ୍ଗ୍‌କେ ? ୩ ନେଙ୍ଗ୍ ଆପେକେ ବାସଙ୍ଗ୍‌ଣିଂ, ନାନେ ଜଦି ପାପ୍‌ବାନ୍ ମନ୍‌କେ ପେବଦ୍‌ଲେଲା ପେଇଂ ସାପାରେ ଦେଡ୍‌ରକମ୍ ନଷ୍ଟ୍ ପେଡିଙ୍ଗ୍‌ଏ । ୪ ଶୀଲୋହନେ ଆତେନ୍ ଆଣ୍ଡିନେ ଗୁଆମ୍‌ା ରେମୁଆଁ ଆଡାତ୍ରା ଉର୍‌ନେ ତୁଆ ଲଃଚେ ମେଁଇଂନେ ପାରାନ୍ ନଷ୍ଟ୍ ଡିଙ୍ଗ୍‌ଗେ ମେଇଂ ସାପାରେ ଯୀରୁଶାଲମ୍ ରେମୁଆଁଇଂନେ ବାନ୍ ଜବର୍ ପାପିଇଂ ତାଗ୍‌ରେ କି ପେ ସାପାରେ ବାବେପେଡିଂ ? ୫ ନେଙ୍ଗ୍ ଆପେକେ ବାସଙ୍ଗ୍‌ଣିଂ, ତାଗ୍‌ଲା ମନ୍‌କେ ପେରାଃବଦ୍‌ଲେଲା ପେ ଡିଗ୍ ସାପାରେ ଦେଡ୍‌ରକମ୍ ପେଗୁଏଝଏ ।

ତୁରୁ ଆରୁକ୍ତେ ଲିଝା ସ୍ଲାନେ ଉଦାଅରନ୍

୬ ଆରି ଜିସୁ ଆକେନ୍ ଉସା ବାସଙ୍ଗକେ ମୁଇଂଜାନେ ଅଙ୍ଗୁର୍ ତୁଗ୍ତିନିଆ ମୁଇଙ୍ଗ ଲିଖା ସ୍ଥା ଉଙ୍ଗବକେ । ମାଲିକ୍ ପାଙ୍ଗରେ ଆଡ଼ଅରିଆ ରୁରୁ ତୁରକେ ତେଲା ଆଅବାକେ । ୭ ତେସା ମେଁ ନେତା ତୁଗ୍ତି ଉରଣ୍ଡେକେ ବାସଙ୍ଗକେ ଆକେନ୍ ଜିର୍ମୁଆଁ ଡିଙ୍ଗେ ନେଙ୍ଗ ପାଙ୍ଗରେ ଆକେନ୍ ଲିଖା ସ୍ଥାଅରିଆ ଲିଖା ରୁରୁ ତୁରଣ୍ଡିକେ ମାତର୍ ନ୍ନାବାକେ ଶୁଆକ୍ମେଁ ସି ଜଗ୍ଲାର୍ପା ଆକେନ୍ ମେଁନ୍ସା ତୁବକେ ଡିଗ୍ ମାଡେ କଲେଃକେ । ୮ ମାତର୍ ଗୁଡିରେ ସାକାରକେ ଉତର୍ ବିଃକେ ମାପୁ ଆକ୍ମେଁ ଏଃମୁଆଁ ଆନ୍ତାର୍ବି ନେଙ୍ଗ କ୍ଲେନେ ପିତୁର୍ ଗଃଚେ କଡ଼ ମିଏ । ୯ ବାରି ଇଡିଙ୍ଗ ଲିଖା ରୁଲା ତ ନିମାଣ୍ଡା ଶୁଲା ଆକ୍ମେକେ ସିଃତଗ୍ କ୍ଲାର୍ପ ।

ଜିସୁ କୁପଡ଼କ୍ଲେ ସେଲାମ୍ବୁଃକେ ପୁଣ୍ଡେନେ ଦିନା ନିମାଣ୍ଡା ଆଡିଙ୍ଗେ

୧୦ ମୁଇଂତର୍ ଜିସୁ ପୁଣ୍ଡେନେ ଦିନା ମୁଇଙ୍ଗ ଜିଉଦି ପାରତନା ତୁଆନିଆ ଜିସୁ ଗିଆନ୍ ବିଃଡିଙ୍ଗକେ । ୧୧ ଗୋମ୍ ଜାକ ମୁଇଙ୍ଗ ଗଲିଆ ବାନ୍ ଦଦିଆ ଆମ୍ ସେଲାମ୍ବୁ ମୁଇଙ୍ଗ ଆଡ଼ଅରିଆ ଲେଃକେ । ମେଁ କୁପଡ଼ ଡିଙ୍ଗରେ ଲେଃକେ ଡିଡିରକମ୍ ଡିଗ୍ ନିଜେ ମେଁ ସ୍ଵେଡ଼ାଃ ଡିଙ୍ଗ ଆୟାକେ ଶୁ । ୧୨ ଜିସୁ ଆମେକେ କେଚେ ତାଗ୍ ଝେଚେ ବାସଙ୍ଗକେ ଏ ସେଲାମ୍ବୁ ନାଁନେ ଆଃସିଲେଃକେ ବାନ୍ ନିମାଣ୍ଡା ନାଡିଙ୍ଗକେ । ୧୩ ଜିସୁ ନିଜର୍ ଡି ସେଲାମ୍ବୁ ଆଡ଼ାତ୍ରା ବକେ ଆଡ଼ବାନ୍ ମେଁ ଦାପ୍ରେ ଆଃ ସ୍ଵେଡ଼ାଃ ତୁଆଁଚେ ଇସ୍ପର୍ନେ ମଇମା ଡିଙ୍ଗେନେ ମୁଲେକେ ।

୧୪ “ତାଗ୍ଲା ଜିସୁ ପୁଣ୍ଡେନେ ଦିନା ନିମାଣ୍ଡା ଆଡିଙ୍ଗଲା ଜିଉଦି ପାରତନା ତୁଆନେ ଦାଇଡ଼ରେ ଲେଃକେ ରେମୁଆଁ ରିସା ଡିଂଚେ ରେମୁଆଁଇଂକେ ବାଲିରକେ କାମ୍ ଡିଙ୍ଗ୍ ନସା ତୁରକ୍ଲିଗ୍ ସ୍ଥି ଲେଃକେ ତେସା ଆତେନ୍ ସାପା ସ୍ଥି ପାଙ୍ଗରେ ନିମାଣ୍ଡା ଡିଙ୍ଗପା ପୁଣ୍ଡେନେ ସ୍ଥି ଆପାଙ୍ଗରେପା ।”

୧୫ ତାଗ୍ଲା ମାପୁ ଆମେଇଂକେ ଉତର୍ ବିକେ, “ଅ କୁଟ୍ ରେମୁଆଁଇଂ ଯେ ସାପାରେ ମେଁନେ ପୁଣ୍ଡେନେ ଦିନା ନିଜେ ନିଜେନେ ଅରେଃ ଶୁଲା ଗଦ ସାଲାତ୍ୟାବାନ୍ ତୁପିଗ୍ରେ ତୁଂଝେଚେ ଶ୍ରିଆ ପେରାଃଉଗ୍ ଶୁ ? ୧୬ ତେଲା କେଲାପା ଗୋମ୍ ମୁଆଃ ସାଚେ ଗଲିଆ ବାନ୍ ଆଃସିଲେଃକେ ଅବ୍ରାହାମ୍ ସେଲା ଆକେନ୍ ସେଲାମ୍ବୁ ରେମୁଆଁ

ମେଁନେ ପୁଣେନେ ଦିନା ନିଜେନେ ବନ୍ଦନବାନ୍ ନିମାଣ୍ଡା ତିଙ୍ଗନେ ଦରକାର ଆଲେକେ କି ?” ୧୭ ଜିସୁ ଆକେନ୍ ସାପା ସାମୁଆଁ ବାସଙ୍ଗନେ ବେଲା ମେଁନେ ବିରଦ୍ ରେମୁଆଁ ସାପାରେ ଗିଆସ ଝେଆରକେ ମାତର୍ ରେମୁଆଁଇଁ ସାପାରେ ମେଁନେ ମୁନା କାମ୍ ତିଙ୍ଗକ୍ଲେସା ସାର୍ଦା ତିଙ୍ଗନେ ମୁଲେଆରକେ ।

ସରିସ ମୁଞ୍ଜିନେ ଉଃସ୍ତା

(ମାତିଉ ୧୩:୩୧-୩୨; ମାର୍କ ୪:୩୦-୩୨)

୧୮ ଆଡ୍‌ବାନ୍ ଜିସୁ ସାଲ୍ୟାକୁକେ ଇସ୍‌ପର୍‌ନେ ରାଇଜ୍ ତିରକମ୍ ? ବାରି ଜାଣ୍ଡେ ଆଃତେ ନେଙ୍ଗ୍ ସମାନ୍ ନ୍ନାତିଙ୍ଗ୍‌ଏ ? ୧୯ ଆତେନ୍ ଦେକ୍‌ରକମ୍ ମୁଇଙ୍ଗ୍ ସୋରିଷ ମଞ୍ଜି ରକମ୍ ଆତେନ୍ ତୁଂଝେତେ ମୁଇଙ୍ଗ୍ ରେମୁଆଁ ନିଜେନେ ତୁଗ୍‌ତିଙ୍ଗୁ ବିଗ୍‌କେ ଆରି ଆତେନ୍ ମ୍ନାତେ ମ୍ନାଃ ତିଙ୍ଗକେ ଆରି କିତଂନେ ପ୍ଲିଗ୍‌ଇଁ ପାଙ୍ଗ୍‌ତେ ମେଁନେ କେନ୍ଦାନିଆ ଉଙ୍ଗ୍‌ଚ୍ୟା ଆରକେ ।

ଖମୀରନେ ସାମୁଆଁ

(ମାତିଉ ୧୩:୩୩)

୨୦ ଜିସୁ ଆରି ବାସଙ୍ଗକେ ନେଙ୍ଗ୍ ଜାଣ୍ଡେ ଏତେ ଇସ୍‌ପର୍‌ନେ ରାଇଜ୍ ସମାନ୍ ଶ୍ରିଙ୍ଗ୍‌ଏ ? ୨୧ ଆତେନ୍ ମୁଇଙ୍ଗ୍ ଖମୀର ରକମ୍ ମୁଇଙ୍ଗ୍ ସେଲ୍ୟାମ୍‌ସୁଃ ଆତେନ୍ ତୁଂଝିଗ୍‌ତେ ମହ୍‌ଶେ ମଇଦା ଡାଗ୍‌ ଡାତେ ବକେ ଆରି ଇଡିଙ୍ଗ୍ ସାପା ଖମୀର ରକମ୍ ତିଙ୍ଗ୍‌ଝେଗେ ।

ଚିପାକ୍ଲେ ଶ୍ରିସାଙ୍ଗ୍

(ମାତିଉ ୭:୧୩-୧୪; ୨୧:୨୩)

୨୨ ଏନ୍ ଇଡିଙ୍ଗ୍ ଜିସୁ ନଗର ନଗର ଆରି ଇନି ଇନି ଅଲେଙ୍ଗ୍‌ତେ ଗିଆନ୍ ବିଃ ବିଃତେ ଯିରୁଶାଲ୍ୟାମ୍ ପାକା ଝେଗେ । ୨୩ ଆରି ମୁଇଙ୍ଗ୍‌ଜା ଆମେକେ ବାସଙ୍ଗକେ ମାପୁ ଉଦାର୍ ବାନେ ରେମୁଆଁଇଁନେ ସଂକ୍ୟା ମେଁନେ ଗଣ୍ଡା ? ଆଡ୍‌ବାନ୍ ମେଁ ମେଇଙ୍ଗ୍‌କେ ବାସଙ୍ଗକେ ୨୪ ଚିପାକ୍ଲେ ଗାଲି ବିଚେ ଝେନ୍‌ସା ଯା ଜାକ ଚେସ୍‌ଟା ତିଙ୍ଗ୍‌ପା ଡାଗ୍‌ଲା ନେଙ୍ଗ୍ ବାସଙ୍ଗ୍ ଶ୍ରିଙ୍ଗ୍‌କେ ଗୁଲେ ଝେନ୍‌ସା ଚେସ୍‌ଟା ତିଙ୍ଗ୍‌ଆର୍‌ଏ ଡାଗ୍‌ଲା ଝେ ଆୟାଆର୍ ଶୁ । ୨୫ ତୁଆନେ ମ୍ନାଃରେ ତଡ୍‌ସାଚେ ଶ୍ରିସାଙ୍ଗ୍ ଆଡ୍‌ସ ବିଃକ୍ଲେ ଇଡିଙ୍ଗ୍ ଉଡିବେଲା ପେ ସାପାରେ ବାଜାର୍ ତୁଆଁ

ପେଲେଃକେ ଆରି ଅ ମାପୁ ନେ ନସା ଶୁସାଙ୍ଗ ରଃବିଲାପା ଆକେନ୍ ବାସଙ୍ଗରେ ଶୁସାଙ୍ଗ ବଗ୍ନେ ପେମୁଲେଏ ଆଡେନ୍ ବେଲା ମେଁ ଆପେକେ ବାସଙ୍ଗଏ ପେ ଆଣ୍ଡିନେ ଜାଗାନେ ରେମୁଆଁ ଆଡେନ୍ ନେଙ୍ଗ ନ୍ନାମ୍ୟାକେ ଶୁ । ୨୭ ଆଡେନ୍ ବେଲା ପେଇଙ୍ଗ ବାଲିର୍ ପେମୁଲେଏ ନେଁ ସାପାରେ ନାଁ ଏଡେ କୁଡେରେ ନେବଙ୍ଗ ନେଉଗ୍‌କେ ଆରି ନାଁ ଆନେକେ ବାଜାରୁଅରିଆ ଗ୍ୟାନ୍ ନାବିକେ । ୨୮ ଆରି ମେଁ ପେ ସାପାରେକେ ବାଲିର୍ଏ ପେ ଆଣ୍ଡିନେ ଜାଗାନେ ରେମୁଆଁ ଆଡେନ୍ ନେଙ୍ଗ ନ୍ନାମ୍ୟାକେ ଶୁ ଏ ଅଦର୍ମ ତିଂଶ୍ଟେ ସାପାରେ ନେଙ୍ଗ ତାଗ୍ରାବାନ୍ ମୁ ଝେଲା ୨୮ ☆ଉଡ଼ିବେଲା ପେଇଂ ଅବ୍ରାହାମ୍ ଇସାକ୍ ଜାକୁବ୍ ଆରି ସାପାରେ ବାବବାଦିକେ ଇସ୍‌ପର୍‌ନେ ରାଜିନ୍ନିଆ ଲେଃନେ ଆରି ନିଜେ ନିଜେକେ ବାଜାରୁ ଜଗ୍‌ଲିଗ୍‌ନେ ପେକେଏ ଆଡେନ୍ ବେଲା ଆଡ଼ଅରିଆ ପେଅଁଏ ଆରି ବ୍ରି ଆଃଚାରୁ ଆଃଲ୍ୟା ପେକେଏ । ୨୯ ଆରି ପୁର୍ବ ଆରି ପଶ୍ଚିମ୍ ଉତ୍ତର୍ ଆରି ଦକିନ୍‌ବାନ୍ ରେମୁଆଁଇଂ ପାଙ୍ଗ୍‌ରେ ଇସ୍‌ପର୍‌ନେ ରାଜିନ୍ନିଆ ଚଙ୍ଗନ୍‌ସା କଆର୍‌ଏ । ୩୦ ଆରି କେଲାପା ଇଡ଼ିଙ୍ଗ୍ ଲେଃକ୍‌ନେ ଉଡ଼ି ରେମୁଆଁଇଂ ସେନୁଗ୍ ତିଙ୍ଗ୍‌ଆର୍‌ଏ ଆରି ସେନୁଗ୍ ଲେଃକ୍‌ନେ ଉଡ଼ି ରେମୁଆଁ ଇଡ଼ିଙ୍ଗ୍ ତିଙ୍ଗ୍‌ଆର୍‌ଏ ।

**ଯିରୁଶାଲାମନ୍ନିଆ ଜିସୁନେ ଆଲାଦ୍
(ମାତିଉ ୨୩:୩୭-୩୯)**

୩୯ ଆଡେନ୍ ବେଲା ଉଡ଼ି ପାରୁସି ଜିସୁ ତାଗ୍ରା ପାଙ୍ଗ୍‌ରେ ବାସଙ୍ଗତିଂକେ ଆକେନ୍ ଜାଗା ଆନ୍ତାର୍‌ରେ ତାର ଝେଲା ତାଗ୍‌ଲା ହେରୋଦ ଆନାକେ ବାଗୁଏଃ ନସା ଇକ୍‌ଟା ତିଙ୍ଗ୍ ତିଂକେ ।

୩୭ ଆଡ଼ବାନ୍ ଜିସୁ ଆମେଇଂକେ ବାସଙ୍ଗକେ ପେଇଂ ଝେତେ ଆଡେନ୍ ନାକାକେ ବାସଙ୍ଗପା କେଲାପା ନେଙ୍ଗ୍ ଏକେ ଆରି ଞ୍ଜ ଗଲିଆ ନୁଆଁ ଶ୍ରି ଆରି ରଗିଇଂକେ ନିମାଣ୍ଡା ଆଃଡ଼ିଙ୍ଗ୍‌ଶ୍ରିଙ୍ଗ୍ ବାରି ଜିର୍‌ସି ବିଡ୍ରେ ନେଙ୍ଗ୍ ନେଙ୍ଗ୍‌ନେ କାମ୍ ଶ୍ଟାତାଏ । ୩୩ ବଲ୍‌ଡ଼ିଙ୍ଗ୍‌ଗେ ଏକେ ଞ୍ଜଡେ ଆରି ଇଡ଼ିଙ୍ଗ୍ ଦିନା ଆନେଙ୍ଗ୍ ଝିଗ୍‌ନେ ତିଙ୍ଗ୍‌ଏ ତାଗ୍‌ଲା ଯିରୁଶାଲାମନ୍ନେ ବାଏରେ ବାବବାଦି ନସ୍‌ ତିଙ୍ଗ୍‌ନେ ଦର୍‌କାର ଶୁ ।

☆ **୧୩:୨୮** ୧୩:୨୮ ମାତିଉ ୨୨:୧୩; ୨୫:୩୦. ☆ **୧୩:୨୮** ୧୩:୨୮ ମାତିଉ ୮:୧୧,୧୨.

୩୪ ଗୋ ଯିରୁଶାଲମ୍ ଗୋ ଯିରୁଶାଲମ୍ ବାବବାଦିଲ୍‌କେ ବାଗୁଏ ପେଡ଼ିଙ୍ଗକେ ଆରି ନିଜର୍ ଡାଗ୍ରାନେ ପ୍ରେରିଡ଼ିଲ୍‌କେ ବ୍ରି ଟୁଟେ ବାଗୁଏ ପେଡ଼ିଙ୍ଗକେ ଗିସେଙ୍ଗ୍ ଡିରକମ୍ ଡେନା ବୁନ୍ଦେ ନିଜର୍ ଉଙ୍ଗଡେକେ ମୁଇଙ୍ଗ୍ ଡାଗ୍ରା ରାଃସିଙ୍ଗ୍ ଦେଡ଼ରକମ୍ ନେଙ୍ଗ୍ ଉଡ଼ିତର୍ ନାଡ଼କେ ମୁଇଙ୍ଗ୍ ଡାଗ୍ରା ରାଃସିଙ୍ଗ୍ ନସା ମନ୍ ଶ୍ରିକେ ଡାଗ୍ଲା ପେଇଁ ଇକ୍‌ଟା ପେଡ଼ିଙ୍ଗକେ ଶୁ । ୩୫ କେଲାପା ପେ ସାପାରେନେ ମନ୍ଦିର୍ ଆନ୍ତାର୍ ବିନେଙ୍ଗକେ; ଆରି ନେଙ୍ଗ୍ ଆପେକେ ବାସଙ୍ଗ୍ ଶ୍ରିଙ୍ଗ୍ ମାପୁନେ ମ୍ପିରେ ଜାଣ୍ଡେ ପାଙ୍ଗଡ଼ିଙ୍ଗକେ ମେଁ ଦନ୍ୟ ପେଇଙ୍ଗ୍ ଆଣ୍ଡିନେ ସ୍ପି ଆକେନ୍ ସାମୁଆଁ ପେବାଲିର୍‌ଏ ଆଡେନ୍ ସ୍ପି ଆପାଙ୍ଗ୍ ଜାକ ଆନେଙ୍ଗ୍ ସତେଆ ଆରି ପେକେ ଶୁ ।

୧୪

ଜିସୁ ମୁଇଙ୍ଗ୍ ରଗିକେ ନିମାଣ୍ଡା ଆଡ଼ିଙ୍ଗକେ

୧ ମୁଇଙ୍ଗ୍‌ତର୍ ଜିସୁ ପୁଣ୍ଡେନେ ଦିନା ଚଙ୍ଗ୍ ନସା ପାରୁସିଙ୍ଗ୍‌ନେ ମୁଇଙ୍ଗ୍ ମ୍ପାରେନେ ହୁଆ ଝେଗେ ମେଇଁ ଜିସୁକେ କେଲେଃଆରକେ । ୨ ବାରି କେଲାପା ମେଁଇଁନେ ସାମ୍‌ନାରେ ମୁଇଙ୍ଗ୍‌ଜା ପାରାଲିସ୍ ରଗ୍ ଡିଙ୍ଗ୍‌କ୍ଲେ ରେମୁଆଁ ଲେଃକେ । ୩ ଆଡ଼ବାନ୍ ଜିସୁ ଦର୍ମସାସ୍ତି ଆରି ପାରୁସିଙ୍ଗ୍‌କେ ବାଲିର୍‌କେ ପୁଣ୍ଡେ ବେଲା ନିମାଣ୍ଡା ଆଡ଼ିଙ୍ଗ୍‌ନେ ନିୟମ୍ ଲେଃ ଶୁ? ଡାଗ୍ଲା ମେଇଙ୍ଗ୍ ବୁଙ୍ଗ୍‌ଲେଃ ଆରକେ ।

୪ ବାରି ଜିସୁ ଆମେକେ ସାଚେ ନିମାଣ୍ଡା ଆଡ଼ିଙ୍ଗ୍‌କେ ଆରି ବେ ବିଃକେ । ୫ ☆ଆରି ଜିସୁ ଆମେଇଁକେ ବାସଙ୍ଗ୍‌କେ, ପେଇଁନେ ବିଡ୍ରେ ଜାଣ୍ଡେ ନିଜର୍ ଉଙ୍ଗଡେ ବା ଅରେଃ କୁଇଁସାଲ୍ ଲଃଲ୍ଲା ମେଁନେ ଆମେକେ ପୁଣ୍ଡେନେ ଦିନା ଚାପ୍‌ନା ଝେଚେ ପେରାଡ଼ଃଡ଼ିଆ ଶୁ ?

୬ ଦର୍ମସାସ୍ତି ଆରି ପାରୁସିଙ୍ଗ୍‌କ୍ ଆକେନ୍ ସାପା ସାମୁଆଁନେ ମେଃଡ଼ିଗ୍ ବାଲିର୍ ଆୟାଆରକେ ଶୁ ।

ଡାଆଁ ଡିଙ୍ଗ୍‌ନେ ଆରି ଜଡନ୍ ଡିଙ୍ଗ୍‌ନେ

୭ ଆରି ବାଲିର୍‌ବକ୍ଲେ ରେମୁଆଁଇଙ୍ଗ୍ ଡିରକମ୍ ମ୍ପା ଚାନ୍ ତୁର୍ ଡିଆରକ୍ଲେ ଆକେନ୍ କେଚେ ଜିସୁ ଆମେଇଁକେ ଆକେନ୍ ସାମୁଆଁ

☆ ୧୪:୫ ୧୪:୫ ମାଡିଜ ୧୭:୧୧.

ବାସଙ୍ଗକେ । ୮ ଉଡ଼ି ବେଲା ଯେ ଆଣ୍ଟିନେ ରେମୁଆଁ ବାନ୍ ବିଏବ
 ଚଙ୍ଗନେ ୱା ବଏ ଆତେନ୍ ବେଲା ମୁନାନେ କୁକନେ ଟାନ୍ନିଆ
 ଆକଗେପା ଡାଗ୍ଲା ପେବାନ୍ ଜବର୍ ମ୍ବା ରେମୁଆଁକେ ମେଁନେ ବାନ୍ ୱା
 ବଏ । ୯ ଆରି ଜେ ଆନାକେ ଆରି ଆମେକେ ୱାବଏ ମେଁ ପାଙ୍ଗ୍ରେ
 ଆନାକେ ବାସଙ୍ଗଏ ଆକମେକେ କୁକନେ ଟାନ୍ ବିଃ; ବାରି ଆତେନ୍
 ବେଲା ନାନେ ଗିଆସଚେ ତାଆଁନେ ଜାଗାନ୍ନିଆ କୁକ ନ୍‌ସା ପେଝେଏ ।
 ୧୦ ଡାଗ୍ଲା ଉଡ଼ିବେଲା ଆପେକେ ବଜିନ୍ନିଆ ମୁଇଁଜା ୱାଏ, ଆତେନ୍
 ବେଲା ୱେଚେ ତାଆଁନେ ଜାଗାନ୍ନିଆ କଲାପା; ତିରକମ୍ ୱାବକ୍ଲେ
 ରେମୁଆଁ ପାଙ୍ଗ୍ରେ ଆପେକେ ବାସଙ୍ଗଏ, ଅ ବନ୍ଧୁ, ମ୍ବାନେ ଜାଗାନ୍ନିଆ
 ପାଙ୍ଗ୍ଲା; ଅଃତେନ୍ ବେଲା ପେନେ ଏଃତେ ଚଙ୍ଗ୍ କଲେଃକ୍ଲେ ସାପା
 ରେମୁଆଁନେ ସାମ୍‌ନାରେ ଆନାକେ ସନ୍‌ମାନ୍ ମିଲେଏ । ୧୧ ✨ଡାଗ୍ଲା
 ଜାଣ୍ଟେ କି ନିଜେକେ ମ୍ବା ଡାଗ୍ରେ ଆଃସୁଏଃଏ ଆମେକେ ଗୁର୍‌ନା
 ଆଡ଼ିଙ୍ଗ୍‌ଆର୍ ବାରି ଜାଣ୍ଟେ ନିଜେକେ ହିନ୍ ଆଃଡ଼ିଙ୍ଗ୍‌ଏ ଆମେକେ
 ମ୍ବାରେ ଆଃଡ଼ିଙ୍ଗ୍‌ଆର୍ଏ ।

୧୨ ଜିସୁ ଆମେକେ ୱାବକ୍ଲେ ପାରୁସିଇଁକେ ବାସଙ୍ଗକେ ସ୍ତ୍ରି ବା
 ମିଡ଼ିଗ୍ ବଜି ବିଲା ପେନେ ବୟାଁ ବନ୍ଧୁ କୁଟୁମ୍ ଆରି ସାଡ଼କାର୍ ଡାଗ୍ଲା
 ତୁଆଣ୍ଟେକେ ଆଞ୍ଜାଗେପା ଡାଗ୍ଲା ବିନେ ବେଲା ମେଇଙ୍ଗ୍ ତିଗ୍ ଆନାକେ
 ମେଇଙ୍ଗ୍ ଏତେ ଚଙ୍ଗନ୍‌ସା ୱାଆର୍ଏ ଆତେନ୍ ବେଲା ନା ନାନେ
 ପ୍ରତିଦାନ୍ ନାବାଏ । ୧୩ ଡାଗ୍ଲା ବଜି ବିଃକ୍ଲା ଗରିବ୍, କ୍ଲିଙ୍ଗ୍‌ଚ କ୍ଲିଙ୍ଗ୍‌ତି,
 ଚଟା, ଆରି କାନା ଆଣ୍ଟେଙ୍ଗ୍‌କେ ୱାପା । ୧୪ ତେଲା ଆନାକେ ମଙ୍ଗ୍‌ଲ୍
 ତିଙ୍ଗ୍‌ଏ, ଡାଗ୍ଲା ଆପେକେ ପ୍ରତିଦାନ୍ ବିଃନ୍‌ସା ମେଁଇଁନେ ମେଃଡ଼ିଗ୍
 ଶୁ ଆରି ଦରମ୍ ରେମୁଆଁଇଁ ଗୁଏଃକ୍ଲେ ବିଡ୍ରେ ମ୍ବା ଆର୍ଏ, ଆତେନ୍
 ବେଲା ପେଇଁ ପେନେ ପ୍ରତିଦାନ୍ ପେବାଏ ।

**ମୁଇଙ୍ଗ୍ ମ୍ବା ମିଡ଼ିଗ୍ ବଜିନେ ସାମୁଆଁ
 (ମାତିଡ ୨୨:୧-୧୦)**

୧୫ ଆତେନ୍ ଅଁଚେ ଜିସୁନେ ଏତେ ତୁଚଙ୍ଗ୍ କଲେଃକ୍ଲେ ରେମୁଆଁଇଁ
 ବିଡ୍ରେ ମୁଇଁଜା ଜିସୁକେ ବାଲିରକେ ଆଣ୍ଟିନେ ରେମୁଆଁ ଇସ୍‌ପର୍‌ନେ
 ରାଜିନ୍ନିଆ ଚଙ୍ଗନେ କଏ ମେଁ ଦନ୍‌ଏ ।

☆ ୧୪:୧୧ ୧୪:୧୧ ମାତିଡ ୨୩:୧୨; ଲୁକ ୧୮:୧୪.

୧୭ ଜିସୁ ଆମେକେ ବାସଙ୍ଗକେ ମୁଇଂଜା ରେମୁଆଁ ମିଡ଼ିଗ୍ ବେଲା ମୁନା ବଜି ବିନ୍‌ସା ଇକ୍‌ଚା ତିଂଚେ ଗୁଲେ ରେମୁଆଁକେ ଝାବକେ । ୧୭ ବାରି ଚଙ୍ଗନେ ବେଲା ତିଙ୍ଗ୍ ଝେଲା ମେଁ ଝା ବକ୍ସେ ରେମୁଆଁଇଂ ଡାଗ୍ରା ନିଜେନେ ଚାକରକେ ଝାଉଙ୍ଗ୍ ବେକେ ପେ ସାପାରେ ପାଙ୍ଗ୍‌ଲାପା ଡାଗ୍ଲା ସାପା ଚଙ୍ଗନେ ତିଙ୍ଗ୍ ଝେଗେ । ୧୮ ଡାଗ୍ଲା ସାପାରେ କେମା ପାରତନା ତିଙ୍ଗ୍‌ନେ ମୁଲେଆରକେ ସେନୁଗ୍ ରେମୁଆଁ ଆମେକେ ବାଃଲିରକେ ନେଙ୍ଗ୍ ଇକୁଡ଼ା ଲିଜ ବିଆର୍ ମୁକେ ଆନେଙ୍ଗ୍ ଆତେନ୍ କେନେ ପଡ଼େଏ; ଦୟା ଶ୍ରିଂକେ ଆନେଙ୍ଗ୍ କେମା ତିଙ୍ଗ୍ ବିଃଲାପା ୧୯ ବାରି ମୁଇଂଜା ବାସଙ୍ଗକେ, “ନେଙ୍ଗ୍ ମାଲ୍ ନୁ ଅରେଃ ବିଆର୍ ମୁକେ ବାରି ନେଙ୍ଗ୍ ଆମେଇଂକେ ପରିକ୍ୟା ତିଙ୍ଗ୍‌ନ୍‌ସା ଝେଣ୍ଡିଙ୍ଗ୍‌କେ ଦୟା ତିଂଚେ ଆନେଙ୍ଗ୍‌କେ କେମା ତିଙ୍ଗ୍ ବିଃଲାପା ।” ୨୦ ବିନ୍ ମୁଇଂଜା ବାସଙ୍ଗକେ, “ନେଙ୍ଗ୍ ମି ବିଃଏ ନ୍ଲେଃକେ, ତେସା ନେଙ୍ଗ୍ ଝେ ନାୟା ଶୁ ।”

୨୧ ବାରି ଆତେନ୍ ଚାକର ପାଙ୍ଗ୍‌ଚେ ମେଁନେ ମାଲିକ୍‌କେ ସାପା ସାମୁଆଁ ବାଲିରକେ ଆଡ଼ବାନ୍ ତୁଆ ମାଲିକ୍ ରିସା ତିଙ୍ଗ୍‌ଚେ ନିଜେନେ ଚାକରକେ ବାସଙ୍ଗକେ ଦାପ୍ତେ ଝେଚେ ଇନିନେ ଗୁଲି ଆରି କୁନ୍‌ଇଂ ଝେଚେ ଦରିଦ୍ର କନ୍ୟା ଚଟା ଆରି କାନା ଇଂକେ ଆକ୍‌ଅରିଆ ଝା ତୁଙ୍ଗ୍‌ପାଙ୍ଗ୍‌ଲା । ୨୨ ଇଡ଼ିଙ୍ଗ୍ ଆତେନ୍ ଚାକର ଆଣ୍ଡେ ଝିଗ୍‌ଚେ ବାସଙ୍ଗକେ ଏ ମାପୁ ନାନେ ବାଲିରକେ ରକମ୍ ତିଙ୍ଗ୍‌ମୁକେ ଏଲେଡିଗ୍ ବାରି ଜାଗା ଲେଃକେ । ୨୩ ଆଡ଼ବାନ୍ ମାଲିକ୍ ଆତେନ୍ ଚାକରକେ ବାଲିରକେ ରାଜଦାଣ୍ଡୁ ଆରି ଗଲି କନ୍ଦି ଝେଲା ନେଙ୍ଗ୍ ତୁଆ ତିରକମ୍ ବଚ୍ ତିଙ୍ଗ୍‌ଝେଏ ଆତେନ୍‌ସା ରେମୁଆଁଇଂକେ ପାଙ୍ଗ୍‌ନେ ସା ବାସଙ୍ଗ୍ । ୨୪ ତେସା ନେଙ୍ଗ୍ ଆପେକେ ବାସଙ୍ଗ୍ ଶ୍ରିଙ୍ଗ୍ ଆତେନ୍ ଝା ବକ୍ସେ ରେମୁଆଁ ବିତ୍ତେ ଜାଣ୍ଡେ ନେଙ୍ଗ୍‌ନେ ବଜି ଚଙ୍ଗ୍ ଆୟାଆର୍ ଶୁ ।

**ସିସ୍ ତିଙ୍ଗ୍‌ନ୍‌ସା ମୁଲ୍ୟ
(ମାଡ଼ିଉ ୧୦:୩୭-୩୮)**

୨୫ ଜାବର ସଂକ୍ୟା ରେମୁଆଁ ଜିସୁ ଏତେ ତିଙ୍ଗ୍‌ଆରକେ ବାରି ଜିସୁ ପୁଏଚେଃ ରେମୁଆଁଇଂକେ ବାସଙ୍ଗକେ ୨୬ ଜାଣ୍ଡେ ଅଃନା ନେଙ୍ଗ୍ ଡାଗ୍ରା ପାଙ୍ଗ୍‌ଚେ ନିଜେନେ ଆବା ଇୟାଙ୍ଗ୍ କୁନେଡେ ଉଙ୍ଗ୍‌ଡେ ବୟାଣ୍ଡେ ଆରି ତନାଣ୍ଡେ ଇଂକେ ଡେକ୍‌ରକମ୍ କି ନିଜର୍ ପାରାନ୍‌କେ ତିଗ୍

ଜୀବର ବଲ୍ ଆବା ଶୁ ତୁତଲା ମେଁ ନେଙ୍ଗନେ ସିସ୍ ତିଙ୍ଗିଆୟା ଶୁ ।
 ୨୭ ✨ଜାଣେ କି ନେଙ୍ଗନେ କୁରୁସ୍ ତୁଙ୍ଗିତେ ନେଙ୍ଗନେ ପ୍ଲା ଆପାଙ୍ଗ୍ ଶୁ
 ମେଁ ନେଙ୍ଗନେ ସିସ୍ ତିଙ୍ଗି ଆୟା ଶୁ ।

୨୮ ତାଗ୍ଲା ପେ ସାପାରେନେ ବାନ୍ ଜାଣେ ଉର୍ନେ ତୁଆ ଆଃରେନ୍ସା
 ଇକ୍ତା ପେଡିଙ୍ଗକେ ତେଲା ଆତେନ୍ ତିତା ଜାକ ମେଁନେ ତାବୁ ସମାନ୍
 ଲେଃକେ ଲେଃ ଶୁ ଆକେନ୍ ସେନୁଗ୍ କଚେ କର୍ତ୍ତ ଇସାବ୍ ପେଡିଙ୍ଗଏ
 ୨୯ ମାରିଆଃ ମେଁ ପାଣ୍ଡୁସୁନ୍ ଆଃକଚେ ଆଃତା ଆୟା ଶୁ ଉଃଡିରୁଆ
 ଆତେନ୍ କେଆର୍ଏ ସାପାରେ ଆମେକେ ଲୁଆଃଚେ ବାସଙ୍ଗନେ
 ଆରାମ୍ ତିଆର୍ଏ । ୩୦ ଆକେନ୍ ରେମୁଆଁ ତିଆର୍ ତିଙ୍ଗିନେ ମୁଲେଚେ
 ଆଃତା ଆୟାକେ ଶୁ ।

୩୧ ତାଗ୍ଲା ମୁଇଙ୍ଗ୍ ଇଃସାଙ୍ଗ୍ ବିନ୍ ମୁଇଙ୍ଗା ଇଃସାଙ୍ଗନେ ଏତେ ଜୁଦ୍
 ତିଙ୍ଗିନ୍ସା ଝେନେ ବେଲା ମୁଇଙ୍ଗୁଡି ଅଜାର୍ ସନ୍ୟ ତୁଂଝେଚେ ମେଁନେ
 ବିରଦ୍ରେ ପାଙ୍ଗ୍ଡିଙ୍ଗକେ ଇଃସାଙ୍ଗନେ ଆଃତେ ଗୁଆକ୍ଲିଗ୍ ଅଜାର୍
 ସନ୍ୟ ତୁଂଝେଚେ ଜୁଦ୍ ତିଙ୍ଗିନେ ତିଙ୍ଗିଏ ଲେଃ ଶୁ ଆତେନ୍ ସେନୁଗ୍
 କଚେ ବିଚାର୍ ତିଙ୍ଗିନେ ଦର୍କାର୍ । ୩୨ ଜଦି ଆୟା ଶୁ ତେଲା ବିନ୍
 ଇଃସାଙ୍ଗ୍ ସ୍ଲ ଲେଃକେ ବେଲା ମେଁ ଦୁଡ୍ ବେଚେ ସାନ୍ତିରେ ଲେଃନ୍ସା
 କବର୍ ବିଃଆର୍ଏ । ୩୩ ଦେଡ୍ରେକମ୍ ପେ ସାପାରେ ବାନ୍ ଜାଣେ ତିଗ୍
 ନିଜେନେ ସାପାକେ ଆଃଆନ୍ତାର୍ ପେୟା ଶୁ ମେଁ ନେଙ୍ଗନେ ସିସ୍ ତିଙ୍ଗି
 ଆୟା ଶୁ ।

ଦର୍କାର୍ ଶୁନେ ବିତିଗ୍
 (ମାତିଉ ୫:୧୩; ମାର୍କ ୯:୫୦)

୩୪ ବିତିଗ୍ ନିମାଣ୍ଡା; ତାଗ୍ଲା ବିତିଗ୍ ବାନ୍ ଜଦି ସ୍ବ ଆଲେଃଲା ଶୁ
 ତେଲା ଆତେନ୍ ମେଃଡିଗ୍ ମୁଲ୍ୟ ଶୁ ପେ ସାପାରେ ମେଁନେ ଆରି
 ମୁଇଙ୍ଗ୍ ତର୍ ସ୍ବ ଆଣେ ବିପେୟାଏ ? ୩୫ ଆତେନ୍ ତୁବଃ ଶୁଲା
 କଡ୍କୁଡା ନ୍ସା ଦର୍କାର୍ ଶୁ; ରେମୁଆଁ ଆତେନ୍ ବାଏରେ ଜଗ୍ଗାଗ୍
 ବିଃଆରେ । ଜାଣେନେ ଦ୍ରିଗ୍ ନ୍ସା ନ୍ଲୁଗ୍ ଲେଃକେ ମେଁ ଦ୍ରିଗ୍ପା ।

✨ ୧୪:୨୭ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩.

୧୫

ବକ୍ସେ ମେଣ୍ଟା
(ମାତିଉ ୧୮:୧୨-୧୪)

୧ * ବାରି ସିସ୍ତ ସ୍ତାଲ୍ୟାଣ୍ଟେ ଆରି ପାପି ରେମୁଆଁ ସାପାରେ ଜିସୁନେ ସାମୁଆଁ ଅଁନସା ଜିସୁନେ ଡାଗ୍ରା ପାଙ୍ଗୁଆରଡ଼ିକ୍ସେ । ୨ ଆଡ଼ବାନ୍ ପାରୁସିକ୍ ବାରି ଦର୍ମସାସ୍ତିକ୍ ନିନ୍ଦା ତିଙ୍ଗ୍ରେ ବାସଙ୍ଗୁଆରକ୍ସେ, “ଆକେନ୍ ରେମୁଆଁ ପାପିକ୍ସେ ଗ୍ରଥନ୍ ତିଙ୍ଗ୍ମ୍ୟାକେ ବାରି ମେଁକ୍ସେନେ ଆଃତେ ତୁଚ୍ଚମ୍ୟାକେ !” ୩ ଆଡ଼ବାନ୍ ଜିସୁ ଆମେକ୍ସେ ଆକେନ୍ ସାମୁଆଁ ବାଲିରକେ ।

୪ ପେନେ ବିତ୍ରେ ଜଦି ମୁଇଁ ରେମୁଆଁନେ ମାଲ୍ଲକୁଡ଼ି ମେଣ୍ଟା ଲେଃଏ ବାରି ଆଡ଼ବାନ୍ ମୁଇଙ୍ଗ୍ ବଃଝେଏ, ତେଲା ମେଃନେ ତିଙ୍ଗ୍ଏ ? ମେଁ ବିନ୍ ଅନେସ୍ପଦ୍ ମେଣ୍ଟାକେ ଆନ୍ତାର୍ରେ ବକ୍ସେ ମେଣ୍ଟାକେ ଅବା ଜାକ ଆତୁର୍ ଶୁ ? ୫ ବାରି ମେଁ ଆମେକେ ଅବାଲା ମେଣ୍ଟାକେ ସାର୍ଦାରେ ଜେବାନିଆ ତୁଙ୍ଗ୍ରେ ତୁଆନ୍ନିଆ ତୁଂଝିଗ୍ଏ । ୬ ବାରି ନିଜେନେ ବନ୍ଦୁ ଆରି ଡାଗ୍ରା ତୁଆଣ୍ଟେକେ ଝାତେ ମୁଇଁଅରିଆ ରାଃସିଙ୍ଗ୍ରେ ଆମେକ୍ସେ ବାଲିର୍ଏ ନେଙ୍ଗ୍ ଏତେ ସାର୍ଦା ତିଙ୍ଗ୍ପା ଡାଗ୍ଲା ନେଙ୍ଗ୍ନେ ବକ୍ସେ ମେଣ୍ଟା ଝବାକେ । ୭ ନେଙ୍ଗ୍ ଆପେକେ ବାସଙ୍ଗୁ ଶ୍ରିଙ୍ଗ୍ । ଆଣ୍ଟିନେ ରେମୁଆଁକ୍ସେନେ ମନ୍ ବଦ୍ଲେଃନେ ଇକ୍ଟା ଶୁ ଦେକ୍ ରକମ୍ ଅନେସ୍ପଦ୍ ଦରମ୍ ରେମୁଆଁ ବିତ୍ରେ ମୁଇଙ୍ଗ୍ ପାପିନେ ମନ୍ ବକ୍ସେ ଝେଲା ଆମେକେ କିତଙ୍ଗ୍ଇନି ଜବର୍ ସାର୍ଦା ତିଙ୍ଗ୍ଏ ।

ବଃକ୍ସେ ରୁପା ଡାବୁ

୮ “ବାବେପା ମୁଇଙ୍ଗ୍ ସେଲାମ୍ବୁନେ ଗୁଆକ୍ଲିଗ୍ ରୁପା ଡାବୁ * ଲେଃକେ । ଆଡ଼ବାନ୍ ମୁଇଙ୍ଗ୍ ବଃଝେଗେ । ତେଲା ମେଁ ମେଃଡ଼ିଙ୍ଗ୍ଏ ? କୁପିସ ଆଃଡୁଆରେ ତୁଆ ଆଝେଜଙ୍ଗ୍ଏ ଡାବୁ ଅବା ଜାକ ପିତୁର୍ ପାକା ଜନ୍ଦେରେ ତୁର୍ଏ । ୯ ବାରି ଆତେନ୍ ଅବାଲା ମେଁ ନିଜର୍ ବନ୍ଦୁ ଆରି ଡାଗ୍ରା ତୁଆଣ୍ଟେକ୍ସେ ଝାତେ ମୁଇଁଅରିଆ ରାଃସିଙ୍ଗ୍ରେ ବାସଙ୍ଗ୍ଏ ନେଙ୍ଗ୍ ଆଃତେ ସାର୍ଦା ତିଙ୍ଗ୍ପା ଡାଗ୍ଲା ଆଣ୍ଟିନେ ଡାବୁ ବାଲେଃକେ

☆ ୧୫:୧ ୧୫:୧ ଲୁକ୍ ୫:୨୯, ୩୦. * ୧୫:୮ ୧୫:୮ ମୁଇଙ୍ଗ୍ ରୁପା ଡାବୁନେ ଦାମ୍ ମେସୁଆ ଘେକ୍ସେ ଆଜ୍ଞି ଆଃତେ ସମାନ୍

ଆତେନ୍ ମ୍ବାକେ । ୧୦ ନେଙ୍ଗ ଆପେକେ ବାସଙ୍ଗ ଶ୍ରିଙ୍ଗ ଦେଡ଼ରକମ୍ ଜା ମନ୍ ବଦ୍‌ଲେଏ ଦେକ୍ ରକମ୍ ମୁଇଙ୍ଗ୍ ପାପି ନ୍‌ସା ଇସ୍‌ପରନେ ଦୁଡ଼ଙ୍ଗନେ ସାମ୍‌ନାରେ ସାଦା ତିଙ୍ଗଏ ।

ବଃଲେଃକେ ଉଙ୍ଗଡେ

୧୧ ଜିସୁ ବାସଙ୍ଗକେ ମୁଇଙ୍ଗ୍‌ଜା ରେମୁଆଁନେ ମ୍ବାକ୍ଲିଗ୍ ଉଙ୍ଗଡେ ଲେଃକେ । ୧୨ ମେଇଙ୍ଗନେ ବିତ୍ତେ ତାଆଁନେ ଉଙ୍ଗଡେ ଆବାଡେକେ ବାସଙ୍ଗକେ ଆବା ସମ୍‌ଜିନେ ବିତ୍ତେ ଆଣ୍ଟିନେ ବାଗ୍ ନେଙ୍ଗନେ ଆତେନ୍ ଆନେଙ୍ଗ୍ ବିଃଲା । ଆଡ଼ବାନ୍ ମେଁ ନିଜରନେ ସମ୍‌ତିକେ ମ୍ବାୟାକେ ବାଟାବିକେ । ୧୩ ଗଣ୍ଡାଃସି ଇଡ଼ିଙ୍ଗ୍ ତାଆଁ ଉଙ୍ଗଡେ ସାପା ମୁଇଙ୍ଗ୍ ତାଗ୍ରା ରାଃସିଙ୍ଗ୍‌ରେ ସ୍ଲୁ ଦେସ୍ ପାକା ତାର୍‌ଝେଗେ ବାରି ଆଡ଼ଅରିଆ ମେଁ ନିଜରନେ ସମ୍‌ତି କର୍ତ୍ତ ତିଙ୍ଗ୍‌ରେ ଉଙ୍ଗଡେକେ ବିକେ ୧୪ ମାତର୍ ସାପା ତାକ୍‌କେ ଇଡ଼ିଙ୍ଗ୍ ଆତେନ୍ ଦେସ୍‌ନ୍ତିଆ ମୁରଡି ତିଙ୍ଗ୍‌ଲା ମେଁନେ ଅସ୍‌ବିଦା ତିଙ୍ଗ୍‌ନେ ଲାଗେକେ । ୧୫ ଆଡ଼ବାନ୍ ମେଁ ଝେରେ ଆତେନ୍ ଦେସ୍‌ନେ ମୁଇଙ୍ଗ୍ ରେମୁଆଁନ୍ତିଆ ଗୁଡି ଲେଃକେ ଆତେନ୍ ରେମୁଆଁ ଆମେକେ ଗୁରୁଗ୍ ତୁରତ୍ୟାନ୍‌ସା ମେଁନେ ଲିଜନ୍ତିଆ ବେକେ; ୧୬ ବାରି ଗୁରୁଗ୍ ଆଣ୍ଟିନେ ଆମ୍‌ଗୁ ରଙ୍ଗ୍‌ତିକେ ଆଡ଼ବାନ୍ ମେଁ ନିଜର୍ ସୁଲୁଏ ଆବ୍‌ସେ ନ୍‌ସା ଇକ୍‌ଚା ତିଙ୍ଗ୍‌ତିକେ ତାଗ୍ଲା ଆମେକେ ମେଃଡିଗ୍ ଆବିଆରକେ ଶ୍ଟୁ । ୧୭ ଆରି ମେଁ ଚେଡନା ବାଚେ ବାଲିରକେ ନେଙ୍ଗ୍ ଆବାନେ ଉଡି ଚାକରୁଇନେ କାଦି ଅଗ୍ଲେ ତିଙ୍ଗ୍‌କେ ମାତର୍ ନେଙ୍ଗ୍ ଆକ୍‌ଅରିଆ କେଡେସଃ ଗୁଏଣ୍ଡିଙ୍ଗ୍‌କେ । ୧୮ ନେଙ୍ଗ୍ ଆକେନ୍ ଜାଗା ଆନ୍‌ତାର୍‌ରେ ନେଙ୍ଗ୍‌ନେ ଆବାନେ ତାଗ୍ରା ଙ୍ଗୁଏଃଏ ଆରି ଆବାକେ ମ୍ବାସଙ୍ଗଏ ଆବା ଇସ୍‌ପରନେ ବିରଦ୍‌ରେ ଆରି ନାନେ ବିରଦ୍‌ରେ ନେଙ୍ଗ୍ ପାପ୍ ତିଙ୍ଗ୍‌ମୁକେ । ୧୯ ନାଁନେ ଉଙ୍ଗଡେ ତାଗ୍‌ରେ ଝାନେ ନେଙ୍ଗ୍ ଦରକାର୍ ଶ୍ଟୁ ଆନେଙ୍ଗ୍ ନାଁନେ ମୁଇଙ୍ଗ୍ ଗୁଡିରେ ରକମ୍ ବ ।

୨୦ ଆଡ଼ବାନ୍ ମେଁ ଆତେନ୍ ଜାଗା ଆନ୍ତରରେ ନିଜର୍ ଆବାନ୍ତିଆ ଝେଗେ । ତାଗ୍ଲା ଉଙ୍ଗଡେ ସ୍ଲୁ ଲେଃନେ ବେଲା ମେଁନେ ଆବାଡେ ଆମେକେ କେଚେ ଲିବିସଃରେ ତର୍‌ତର୍ ତିଙ୍ଗ୍‌କେ ଆରି ଝିର୍ ତୁଂଝେରେ ଝେରେ ଆମେକେ କଣ୍ଡିରେ ବୈନ୍ତାକେ । ୨୧ ଉଙ୍ଗଡେ ଆମେକେ ବାଲିରକେ ଆବା ଇସ୍‌ପରନେ ବିରଦ୍‌ରେ ଆରି ନାନେ

ବିରଦ୍ଧରେ ନେଇ ପାପ ଡିଙ୍ଗୁକେ ନାନେ ଉଠାଗରେ ଖାନେ ନେଇ ଆରି ଦରକାର ଶୁ । ୨୨ ମାତର ଆବାଡେ ମେଁନେ ଚାକରଇଁକେ ବାସଙ୍ଗକେ ସାପାବାନ୍ ନିମାଣ୍ଡା ପାଟାଇ ଚାପନା ହୁଂପାଙ୍ଗରେ ଆକ୍ମେକେ ଆସଗ୍ପା ଆକ୍ମେନେ ଛି ଖାତ ଆରି ଖନିଆ ଜୁଡା ଆଡାଙ୍ଗେପା । ୨୩ ବାରି ଗାଗଡେକ୍ସେ ପଶୁ ହୁଂପାଙ୍ଗରେ ବାଗୁଏ୪ପା; ପାଙ୍ଗଲପା ନେ ସାପାରେ ଚଙ୍ଗରେ ସାର୍ଦା ନେ୪ଡିଂପା । ୨୪ ଡାଗ୍ଲା ନେଙ୍ଗନେ ଆକେନ୍ ଉଙ୍ଗଡେ ଗୁଏଲେ୪କେ ବାରି ମୁଇଙ୍ଗ ତର୍ ମୁକେ ମେଁ ବୃଲେକେ ବାରି ମିଲେକେ । ଆଡବାନ୍ ମେଇଙ୍ଗ ସାର୍ଦା ଆଡିଙ୍ଗନେ ମୁଲେଆରକେ ।”

୨୫ “ଆଡେନ୍ ବେଲା ମେଁନେ ମ୍ବା ଉଙ୍ଗଡେ ଲିଜ ଲେ୪ଗେ । ମେଁ ଉଡିବେଲା ପାଙ୍ଗରେ ହୁଆ ଡାଗ୍ରା ପିଙ୍ଗଚାକେ, ଆଡେନ୍ ବେଲା କାଣ୍ଡେଇ ଆରି ଖାଡେଇ ନ୍ନାଂକ୍ସେ ଦ୍ଵିଗ୍ ଯାକେ । ୨୬ ଆରି ଚାକରଇଁକେ ବାନ୍ ମୁଇଂଜାକେ ଡାଗ୍ରା ଖାଚେ ଆଡେନ୍ ସାପା ମେଁନେ ଡାଗ୍ରେ ସାଲିଆକୁନେ ଲାଗେକେ । ୨୭ ଗୁଡିରେ ଆମେକେ ବାସଙ୍ଗକେ ନାଁନେ ବୟା ହୁଆ ଆଣ୍ଡେ ପାଙ୍ଗଲେ୪କେ ବାରି ନାଁନେ ଆବା ଆମେକେ ନିମାଣ୍ଡା ଗାଗଡେ ଅବାଚେ ଗାଗଡେକ୍ସେ ପୁସୁ ମୁଇଙ୍ଗ ବାଗୁଏ୪ବକେ ।”

୨୮ ଆଡବାନ୍ ମେଁ ରିସା ଡିଙ୍ଗରେ ବିଡ୍ରେ ଝେନ୍ସା ମନ୍ ଆଡିଙ୍ଗକେ ଶୁ; ଡାଗ୍ଲା ମେଁନେ ଆବାଡେ ବାଜାର ପାଙ୍ଗରେ ଆମେକେ ଜବର୍ ଆ୪ବୁଜେନେ ମୁଲେକେ । ୨୯ ମ୍ବା୪ ଉଙ୍ଗଡେ ଆବାଡେକେ ବାସଙ୍ଗକେ, ଅ୪କେନ୍ ମୁଆଁ ଡିଙ୍ଗରେ ନେଇଁ ନାଁନେ ଗଡିରେ ରକମ୍ କଚେନ୍ଲେକେ ବାରି ଅ୪ନାଡିଗ୍ ନାଁନେ ଆଦେସ୍ ଅମାନି ନାଡିଂକେ ଶୁ ଡାଗ୍ଲା ନେଙ୍ଗନେ ସାଙ୍ଗଇଁ ଏ୪ଡେ ସାର୍ଦା ଡିଙ୍ଗନ୍ସା ନାଁ ଆନେଙ୍ଗ ଅ୪ନାଡିଗ୍ ଗିମି୪ ଉଙ୍ଗଡେ ଡିଗ୍ ନାବି୪କେ ଶୁ । ୩୦ ମାତର ଆଡିନେ ଉଙ୍ଗଡେ ନାଁନେ ସାପା ସମ୍ପତି ଦଦ୍ୟା ରେମୁଆଁଇଁ ଏଡେ ଚଙ୍ଗ ଆଡାକେ ମେଁ ହୁଆ ଆଣ୍ଡେ ପାଙ୍ଗଲା ନାଁ ମେନ୍ସା ଗାଗଡେକ୍ସେ ଅରେ୪ ନାବାଗୁଏକେ । ଆବାଡେ ବୁଜେରେ ବାସଙ୍ଗକେ ୩୧ ଅ ଗଡେଅ, ନା ତ କାଲାଆ୪ ନେଇଁ ଏଡେ ଆକ୍ଅରିଆ ଲେ୪ନାଡିଙ୍ଗକେ ବାରି ନେଙ୍ଗନେ ମେ୪ନେ ଲେ୪କେ ଆଡେନ୍ ସାପା ନାଁନେ ୩୨ ନାବୟା ଗୁଏ୪ ଲେ୪ଗେ ମାତର ଏବେ ମୁଲେ୪କେ । ମେଁ ବୃୱେଲେ୪ଗେ

ଏବେ ମିଲେକେ । ଏନ୍‌ସା ନେ ମ୍ଲେଡ଼୍ୟାଚେ ବଜି ଡିଙ୍ଗନେଡିଙ୍ଗକେ ।

୧୭

ଚୁଡୁର ଗୁମୁସ୍ତା

୧ ଜିସୁ ମେଁନେ ସିସଙ୍ଗକେ ବାସଙ୍ଗକେ ମୁଇଙ୍ଗ୍ ସାଉକାରୁ ରେମୁଆଁ ଲେଖକେ; ମେଁନେ ମୁଇଙ୍ଗ୍ ଗୁମୁସ୍ତା ଲେଖକେ ବାରି ମେଁ ମେଁନେ ସମ୍ପତ୍ତି ଜଟେ ଡିଙ୍ଗକେ ତାଗଚେ ମେଁନେ ବିସୟରେ ବଦଲମ୍ ଅଁଚେ ସାଉକାରୁ ଗୁମୁସ୍ତାକେ ଖାଚେ ବାସଙ୍ଗତିକେ ୨ ନେଙ୍ଗ୍ ନାନେ ବିସୟରେ ଡିରକମ୍ ସାମୁଆଁ ଅଁଲ୍ଲେକେ ? ନାନେ ଗୁମୁସ୍ତା କାମରେ ଇସାବ୍ ବିଷଲା ଡାଗ୍ଲା ନାନେ ଆରି ଗୁମୁସ୍ତା ଡିଙ୍ଗଚେ ଲେଖ ନାୟା ଶୁ ୩ । ୩ ଆଡ଼ବା ଆଡେନ୍ ଗୁମୁସ୍ତା ମନେ ମନେ ବାସଙ୍ଗକେ ମେଃଶ୍ଟିଏ ନେଙ୍ଗ୍‌ନେ ମାପୁ ତ ନେଙ୍ଗ୍‌ବାନ୍ ଗୁମୁସ୍ତା ପଦ୍ ଆଆନ୍ତାରୁ ବିଷବକେ । ତୁବଃ ଗଃନ୍‌ସା ନେଙ୍ଗ୍‌ନେ ବପୁ ଶୁ ବିକ୍ ସାଲିଆ ନସା ଆନେଙ୍ଗ୍ ଗିଆସଃ ତଡିକେ । ୪ ନେଙ୍ଗ୍ ଗୁମୁସ୍ତା ପଦ୍‌ବାନ୍ ଆନ୍ତାରୁ ବିଷକ୍ଲେ ଇଡିଙ୍ଗ୍ ରେମୁଆଁଙ୍ ଡିରକମ୍ ଆନେଙ୍ଗ୍ ନିଜେ ନିଜେନେ ତୁଆ ଟାନ୍ ବିଆରଏ ଆକେନ୍‌ସା ମେଃନେ ଶ୍ଟିଏ ଆଡେନ୍ ମ୍ୟାନେଲେଖକେ ।

୫ ବାରି ଗୁମୁସ୍ତା ନିଜେନେ ମାପୁନେ ସାପା ରୁନ୍ ତୁଂଝିଗ୍‌ଶ୍ଟେକେ ଡାଗ୍ରା ଖେଚେ ସେନ୍‌ଗ୍ ମୁଇଙ୍ଗ୍‌ଜାକେ ବାଲିରକେ ନାଁନେ ଆଡାଡ୍ରା ନେଙ୍ଗ୍ ମାପୁନେ ଉଡି ରୁନ୍ ବାକି ଲେଖକେ, ମେଁ ବାସଙ୍ଗକେ ମାଲ୍‌କୁଡି ଡାବା ସ୍ତୁ । ୬ ମେଁ ବାସଙ୍ଗକେ, ମୁଇଂ ସହ ପିପା ସ୍ତୁ । ଗୁମୁସ୍ତା ଆମେକେ, ନାନେ ନିଅମ୍ ଉଲିଆ ତୁଂପାଙ୍ଗଚେ ଜିଆଃ କଚେ ୫୦ ତାଗଚେ ଗୁଆର । ୭ ଏନ୍ ଇଡିଙ୍ଗ୍ ଗୁମୁସ୍ତା ବାରି ମୁଇଂଜାକେ ବାଲିରକେ ନାଁନେ ଆଡାଡ୍ରା ଉଡି ରୁନ୍ ଲେଖକେ ମେଁ ବାସଙ୍ଗକେ ମାଲ୍‌କୁଡି ବାସ୍ତା ଗହମ୍ ଗୁମୁସ୍ତା ଆମେକେ ବାସଙ୍ଗକେ ନାନେ ଇସାବ୍ ତୁଂଝେଚେ ଅଁକୁଡି ତାଗଚେ ଗୁଆର ।

୮ “ଆଡେନ୍ ଅଦର୍ମ ଗୁମୁସ୍ତା ବୁଦି ଏଃଡେ କାମ୍ ଡିଙ୍ଗ୍‌ବଲା ମେଁନେ ମାପୁ ଆମେକେ ସାଦା ଡିଙ୍ଗକେ, ଡିଲାଡିଗ୍ ଆକେନ୍ ଜୁଗ୍‌ନେ ଗଡେଇଙ୍ଗ୍ ମେଁଙ୍‌ନେ ଜାଡିନେ ଆଡାଡ୍ରା ତାରାସ୍‌ନେ ଗଡେଇଙ୍ଗ୍‌ନେ ବାନ୍ ଜାବର୍ ଚାଲାକି ଲେଖଆରକେ ।”

୯ ନେଇଁ ତିଙ୍ଗ ଆପେକେ ବାସଙ୍ଗଣ୍ଡିଂ, ଅଦର୍ମ ଦନ୍‌କେ ନିଜେ ନିଜେ ନସା ରେମୁଆଁ ଲାବ୍ ଆଡ଼ିଙ୍ଗେପା, ତିରକମ୍ ଆଡେନ୍‌ ତାଝେଲା ଆପେକେ ମାତାନେ ତୁଆନ୍ନିଆ ଗୁଅନ୍‌ ତିଙ୍ଗଆର୍‌ଏ ୧୦ ଜାଣ୍ଡେ ଇତୁଡ଼ା ବିସୟରେ ବିସବାସ୍‌ ତିଙ୍ଗଏ ମେଁ ଗୁଲୁଏ ବିସୟରେ ତିଗ୍‌ ବିସବାସ୍‌ ତିଙ୍ଗଏ । ଆରି ଜାଣ୍ଡେ ଇତୁଡ଼ା ବିସୟରେ ଅବିସବାସ୍‌ ତିଙ୍ଗଏ ମେଁ ଗୁଲୁଏ ବିସୟରେ ତିଗ୍‌ ଅବିସବାସ୍‌ ଆଡ଼ିଙ୍ଗ୍‌ ଶୁ । ୧୧ ଜଦି ପେଇଙ୍ଗ୍‌ ଦରତନିନେ ଦନ୍‌କେ ଅବିସବାସ୍‌ ପେଡ଼ିଙ୍ଗ୍‌ଏ ତେଲା ଜାଣ୍ଡେ ଆପେକେ ବିସବାସ୍‌ ତିଙ୍ଗରେ ସତ୍‌ନେ ଦନ୍‌ ଆପେକେ ତ୍ରି ସପେବିଏ । ୧୨ ବାରି ଆଡ଼ିନେ ବିନ୍‌ଶ୍ଟେନେ ଆଡ଼ ଅରିଆ ଜଦି ପେ ବିସବାସ୍‌ ପେଡ଼ିଙ୍ଗ୍‌କେ ତେଲା ଆଡ଼ିନେ ପେନେ ନିଜର୍‌ନେ ଆତାନ୍‌ ଜାଣ୍ଡେ ଆପେକେ ବିଏ ?

୧୩ ☆“ଆଣ୍ଡିନେ ସେବାଣ୍ଡେ, ମ୍ବାକ୍‌ିଗ୍‌ ମାପୁନେ ସେବା ତିଙ୍ଗ୍‌ ଆୟା ଶୁ, ତାଗଲା ମେଁ ମୁଇଙ୍ଗ୍‌ଜାକେ ଇଙ୍ଗ୍‌ରେ ତିଙ୍ଗ୍‌ଏ ଆରି ବିନ୍‌ ମୁଇଙ୍ଗ୍‌ଜାକେ ଆଲାଦ୍‌ ନାଡ଼ିଏ ଶୁଲା ମୁଇଙ୍ଗ୍‌ଜାନେ ଆଡ଼ାତ୍ରା ବିସବାସ୍‌ ତିଙ୍ଗ୍‌ଏ ଆରି ବିନ୍‌ ମୁଇଙ୍ଗ୍‌ଜାକେ ବିସବାସ୍‌ ଆଡ଼ିଙ୍ଗ୍‌ ଶୁ । ପେଇଙ୍ଗ୍‌ ଇସପର୍‌ ଆରି ଦନ୍‌ ମ୍ବାୟାନେ ଜତନ୍‌ ତିଙ୍ଗ୍‌ ପେୟା ଶୁ ।”

ଜିସୁନେ ଉଡ଼ି ସାମୁଆଁ

(ମାଡ଼ିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ “ଆକେନ୍‌ ସାପା ସାମୁଆଁ ଅଁରେ ପାରୁସିଇଙ୍ଗ୍‌ ଜିସୁନେ ଆଡ଼ାତ୍ରା ରିସା ତିଙ୍ଗ୍‌ଆକେଁ ତାଗ୍ଲା ମେଇଁ ତାବୁକେ ବଲ୍‌ବା ତିଙ୍ଗ୍‌ ଆରକେ । ୧୫ ଆଡ଼ବା ଜିସୁ ଫାରୁଶୀଇଂକେ ବାସଙ୍ଗ୍‌କେ ଜାଣ୍ଡେଇଁ ନିଜେ ନିଜେକେ ରେମୁଆଁଇଁ ମୁଆଃନ୍ନିଆ ଦାମ୍‌କ୍‌ ତାଗ୍‌ରେ ଆସୁଏ ପେଇଁ ଦେଡ଼ସୁଗୁଆ ରେମୁଆଁ ମାତର୍‌ ଇସପର୍‌ ପେନେ ଜିବନ୍‌କେ ମ୍ୟାଲେଃକେ । ତାଗ୍ଲା ଆଣ୍ଡିନେ ରେମୁଆଁଇଁନେ ବିଡ୍ରେ ମ୍ବାଡ଼ିଙ୍ଗ୍‌ଏ ଆଡେନ୍‌ ଇସପର୍‌ନେ ମୁଆଃନ୍ନିଆ ଗୁରନା ତିଙ୍ଗ୍‌ଏ ।

୧୬ ମୋଶାନେ ନିୟମ୍‌ ଆରି ବାବବାଦିଇଁନେ ଦର୍ମସାସ୍ତି ବାପ୍ତିଜକ ଜହନ୍‌ନେ ଜାକ ବାସଙ୍ଗ୍‌ ଲେଃକେ ଆଡେନ୍‌ ବେଲାବାନ୍‌ ଇସପର୍‌ନେ ରାଜିନ୍ନିଆ ନିମାଣ୍ଡାବାର୍ତ୍ତା ବାସଙ୍ଗ୍‌ ତିଙ୍ଗ୍‌ତିଙ୍ଗେ ଆରି ଗୁଲେ ରେମୁଆଁ

☆ ୧୭:୧୩ ୧୭:୧୩ ମାଡ଼ିଉ ୭:୨୪.

ବପୁ ଏତେ ଆଡ଼ଅରିଆ ଝେରା ଆରତିକ୍ଷେ । ୧୭ ☆ତାଗ୍ଲା ନିୟମ୍ ମୁଇକ୍ ଡାଆଁନେ ମୁଇକ୍ ଟପା ତିଗ୍ ଦଂସ ଆତିକ୍ ଶୁ ଆତେନ୍‌ସା କିତଂଇନି ଆରି ମଞ୍ଚପୁର୍ ଦଂସ ତିଂଏ ତ ସଅକ୍‌ରେ ଦଂସ ତିଂଏ ।”

୧୮ “ଜାଣ୍ଟେ କି ନିଜର୍ ସେଲାମ୍‌ସୁଃକେ ଆନ୍ତାର୍‌ରେ ବିନିନେ ବିହେ ତିକ୍‌ଏ ମେଁ ଅଡ଼ାରେଗ୍ ତିକ୍‌ଏ; ଆରି ଆଣ୍ଟିନେ କିର୍‌ବଏ ମୁଇକ୍ ଆନ୍ତାର୍‌କ୍ ସେଲାମ୍‌ସୁଃକେ ବିହେ ତିକ୍‌ଏ ମେଁ ତିକ୍ ଅଡ଼ାରେଗ୍ ପାପ୍‌ରେ ଦସ୍ ତିକ୍‌ଏ ।”

ସାଉକାର୍ ରେମୁଆଁ ଆରି ଲାଜାର୍

୧୯ ଜିସୁ ବାସକ୍‌କେ, “ମୁଇକ୍ ସାଉକାର୍ ରେମୁଆଁ ଲେଃକେ ମେଁ କାଲାଆଃ ନିମାଣ୍ଡା ପାଟାଇ ଅଡ଼େଗ୍‌ରେ ମ୍ଲା ସାଦାରେ କାଲାଆଃ ତୁଂଝିଗ୍ ତୁଂପାକ୍‌ତିଂକେ ୨୦ ମାତର୍ ମେଁନେ ପ୍ଲେଡ଼ିଆନେ ତାଗ୍ଲା ଲାଜାର୍ ତାଗ୍‌ରେ ମୁଇକ୍ ବିକାରି ଲଃଲେକେ । ମେଁନେ ଗାଗ୍‌ଡେ ସାପା ଇରିଃ ବଡ଼ ଲେଃଗେ । ୨୧ ଲାଜାର୍ ଆତେନ୍ ସାଉକାର୍ ରେମୁଆଁନେ ଚକ୍‌ରେ ଆଣ୍ଟିନେ ଆନ୍ତାର୍ ବିଏ ଆତେନ୍ କୁଟାବାନ୍ ଉଡ଼ି ଚକ୍‌ରେ ସୁଲ୍‌ଏ ଆବ୍‌ସେ ନ୍‌ସା ଆସା ତିକ୍‌ତିକ୍‌କେ ବାରି ଗୁସୁଃଇଂ ପାକ୍‌ରେ ମେଁନେ ଇରିଃ ସାପା ଚାଲିଃ ତିକ୍‌ଆରଗେ ।”

୨୨ ଇଡ଼ିକ୍ ଆତେନ୍ ଲାଜାର୍ ଗୁଏ ଝେକେ ଆରି କିତଂନେ ଦୁଡ଼ଇଂ ପାକ୍‌ରେ ଅବ୍ରାହାମ୍‌ନେ ବୁଲୁନ୍‌ନିଆ ତୁକ୍ ଝେକେ ତେନ୍ ଇଡ଼ିଂ ଆତେନ୍ ସାଉକାର୍ ରେମୁଆଁ ତିଗ୍ ଗୁଏ ଝେକେ ଆରି ଆମେକେ ରାଃଚ୍ୟାନ୍‌ନିଆ ଆତିବିଃ ଆରକେ । ୨୩ ଆରି ସାଉକାର୍ ରେମୁଆଁ ନକ୍ କୁଣ୍ଡୁନ୍‌ନିଆ ତେରେପେତେ ତିକ୍‌ରେ ଆଡ଼ାଡ଼ା ତାଣ୍ଟେରେ ଅବ୍ରାହାମ୍‌ନେ ବୁଲୁନ୍‌ନିଆ ଲାଜାର୍‌କେ କେକେ । ୨୪ ଆଡ଼ବାନ୍ ସାଉକାର୍ ରେମୁଆଁ ଝାତେ ବାସକ୍‌କେ ଅ ଆବା ଅବ୍ରାହାମ୍ ଆନେକ୍ ଦୟା ତିଂରେ ନେକ୍ ତାଗ୍ଲା ଲାଜାର୍‌କେ ବେବିଃଲ୍ୟାପା ତିରକମ୍ ମେଁ ଶୁଆନ୍‌ନିଆ ନିଜେନେ ଝୁଏତିନ୍‌ନିଆ ଚିପ୍ ଆଲଗ୍‌ରେ ନେକ୍ କୁଆନ୍‌ନିଆ ରୁଇଡ଼ିଆ ଆଃତିକ୍‌ଏ ତାଗ୍ଲା ନେକ୍ ଆକେନ୍ ସୁଆନ୍‌ନିଆ ତେରେପେତେ ତିକ୍‌ଶିଂ ।

୨୫ ତାଗ୍ଲା ଅବ୍ରାହାମ୍ ବାସକ୍‌କେ, “ଗଡ଼େଅରେ ନାଁ ଜେ ମ୍ଲେକ୍‌କେ ବେଲା ନାଁନେ ନିମାଣ୍ଡା ବିସୟ୍ ସାପା ନାବାକେ ବାରି ଲାଜାର୍

☆ ୧୭:୧୭ ୧୭:୧୭ ମାତିଡ଼ ୫:୧୮.

ଦେକ୍‌ରକମ୍ ଦଦ୍ୟା ବିସୟ ସାପା ବାକେ ଆକେନ୍ ଏତେ ବେଲା; ତାଗ୍ଲା ଏକ୍ରେ ମେଁ ଆକେନ୍ ଜାଗାନ୍ନିଆ ସାନ୍ତି ବାଡ଼ିକେ ବାରି ନାଁ ତେରେପେତେ ଡିଙ୍ଗନାଡ଼ିଙ୍ଗ ।^{୨୭} ଆତେନ୍ ଆନ୍ତାର୍‌ରେ ନାନେ ନେଙ୍ଗ ବିତ୍ରେ ଜବର୍ ମ୍ଲାନେ ନିୟମ୍ ଲେଖକେ ଜେଡ଼ିକି ଜାଣ୍ଡେଇଁ ଆକେନ୍ ଜାଗାବାନ୍ ପେଇଁନେ ତାଗ୍ରା ଝେନ୍‌ସା ଇକ୍‌ଟା ଡିଙ୍ଗଆର୍‌ଏ ମେଇଁ ଝେ ଆୟାଆର୍ ଶୁ ଆରି ଆତେନ୍ ଜାଗାବାନ୍ ଜାଣ୍ଡେ ନେଁଇଁନେ ତାଗ୍ରା ପୁଆଚେ ପାଙ୍ଗ୍ ଆୟାଆର୍ ଶୁ ।^{୨୮} ଆଡ଼ବାନ୍ ସାଉକାର୍ ରେମୁଆଁ ବାସଙ୍ଗକେ ଅ ଆବା ଅରୁହାମ୍ ତେଲା ନେଙ୍ଗ୍ ଆନାକେ କୁସାମୁଡ଼ି ଡିଙ୍ଗ୍‌ଶିଁ ଲାଜରକେ ନେଙ୍ଗ୍‌ନେ ଆବା ତୁଆ ବେ ବିଃଲା ।^{୨୯} ତାଗ୍ଲା ନେଙ୍ଗ୍‌ନେ ମାଲିକ୍‌ଶିଗ୍ ବୟାଁ ଲେଖଆରକେ; ମେଇଙ୍ଗ୍ ଡିଙ୍ଗ୍ ଡିରକମ୍ ଆକେନ୍ କସ୍ ଡିଙ୍ଗ୍‌ନେ ଜାଗାନ୍ନିଆ ଆପାଙ୍ଗ୍‌ଆର୍‌ଲେ ତେସା ଲାଜାର୍ ମେଇଙ୍ଗ୍‌ନେ ତାଗ୍ରା ସାକି ବିଃଏ ।”

^{୨୯} ମାତର ଅରୁହାମ୍ ବାସଙ୍ଗକେ, “ମେଇଁ ତାଗ୍ରା ମୋଶା ଆରି ବାବବାଦିଇଁନେ ଦରମ୍ ସାସ୍ତର ଲେଖକେ ମେଇଁ ମେଁଇଙ୍ଗ୍‌ନେ ସାମୁଆଁ ଅଁନେ ଦରକାର୍ ।^{୩୦} ଆଡ଼ବା ମେଁ ବାସଙ୍ଗକେ ଏ ଆବା ଅରୁହାମ୍ ଅଃତେନ୍ ଆଃ ଜବର୍ ଶୁ ମାତର ଗୁଏକ୍ରେ ତାଗ୍ରା ମୁଇଁଜା ମେଇଁ ତାଗ୍ରା ଝେଏ ତେଲା ମେଇଁ ମନ୍ ଆବଦ୍‌ଲେ ଆର୍‌ଏ ।^{୩୧} ତାଗ୍ଲା ଅରୁହାମ୍ ସାଉକାର୍ ରେମୁଆଁକେ ବାସଙ୍ଗକେ ଜଦି ନାଁନେ ବୟାଁଇଁ ମୋଶା ବାରି ବାବବାଦିଇଁନେ ସାମୁଆଁ ଆଅଁଆର୍ ଶୁ ଦେଡ଼ଲା ମେଇଙ୍ଗ୍ ଗୁଏକ୍ରେଶ୍ଟେ ରେମୁଆଁ ବାନ୍ ମୁଇଙ୍ଗ୍‌ଜା ଝେଚେ ବାସଙ୍ଗଲା ଡିଗ୍ ଆଅଁଆର୍ ଶୁ ।”

୧୭

ପାପ୍
(ମାଡ଼ିଉ ୧୮:୭-୭, ୨୧-୨୨; ମାର୍କ ୯:୪୨)

^୧ ଜିସୁ ମେଁନେ ସିସ୍‌ଇଁକେ ବାସଙ୍ଗକେ ଡିଲାଡ଼ିଗ୍ ଆକେନ୍ ଗର୍‌ନା ଗଟେନେ ଗଟେଏ । ଆଣ୍ଡିନେ କାରନ୍‌ରେ ରେମୁଆଁଇଁ ପାପ୍ ଡିଙ୍ଗ୍‌ଆର୍‌ଏ । ମାତର ଆଣ୍ଡିନେ ରେମୁଆଁ ବାନ୍ ଦେକ୍‌ରକମ୍ ଗର୍‌ନାଇଁ ଗଟେଏ । ଆତେନ୍ ରେମୁଆଁ ନ୍‌ସା ଆକେନ୍ ଜବର୍ ଦଦ୍ୟା ଡିଙ୍ଗ୍‌ଏ । ଆତେନ୍ ରେମୁଆଁନେ କସ୍ ବ ^୨ ଜାଣ୍ଡେ ରେମୁଆଁ ଆକେନ୍

ତାଆଁରେ ଗଡ଼େଅଇଂନେ ବାନ୍ ମୁଇଂଜାକେ ପାପ୍ ଆଃଡ଼ିଙ୍ଗ୍ ଫେଁନ୍‌ସା ଆତେନ୍‌ସା ଲୁଗଃନ୍ନିଆ ମୁଇଙ୍ଗ୍ ବ୍ରି ଗାଗ୍‌ତେ ଫେଁ କେଣ୍ଡିଆନ୍ନିଆ ଲଗ୍‌ତ୍ୟାଃ ଗୁଏନେ ଫେଁନ୍‌ସା ନିମାଣ୍ଡା ଲେଃଏ । ୩ ☆ତେଲା ପେ ସାପାରେ ନିଜେ ନିଜେ ବିସଏରେ ନିମାଣ୍ଡା ଲାଲାପା । ଜଦି ନାନେ ବୟାଁ ପାପ୍ ଡିଙ୍ଗ୍‌ଏ, ତେଲା ଆମେକେ ଆଃମିସୁଃପା ବୁଲ୍ ଡିଙ୍ଗ୍‌ନାଡିଙ୍ଗ୍ ବାରି ଫେଁ ମନ୍ ବଦ୍‌ଲେଏ ତେଲା ଆମେକେ ଲିବିସ ବିଃପା । ୪ ଆରି ଜଦି ମେସୁଆ ବିତ୍ରେ ଗୁଲ୍ଲିଗ୍ ତର୍ ପେନେ ବିରଦ୍‌ରେ ପାପ୍ ଡିଙ୍ଗ୍‌ଏ ଆରି ଗୁଲ୍ଲିଗ୍ ତର୍ ପେନେ ତାଗ୍ରା ଆଣ୍ଡେ ପାଙ୍ଗ୍‌ତେ ନେଙ୍ଗ୍ ମନ୍ ବଲ୍ଲେ ମୁକେ ତାଗ୍‌ତେ ବାସଙ୍ଗ୍‌ଏ ତେଲା ଆମେକେ ଲିବିସ ଡିଙ୍ଗ୍‌ପା ।

ବିସବାସ

୫ ଆଡ୍‌ବାନ୍ ପ୍ରେରିଡ଼ିଙ୍ଗ୍ ମାପୁକେ ବାସଙ୍ଗ୍‌କେ, “ନେନେ ବିସବାସ ଆମ୍ମାବିଲା ।”

୬ ମାପୁ ବାସଙ୍ଗ୍‌କେ ଜଦି ମୁଇଙ୍ଗ୍ ସରିସ୍ ମୁଞ୍ଚି ରକମ୍ ବିସବାସ ଲେଃଏ, ତେଲା ଆକେନ୍ ତୁଡ଼କୁଲି ସ୍ଲାକେ ନାଁ ବୁନ୍ଦେବାନ୍ ଡବେଗ୍‌ତେ କେଣ୍ଡିଆନ୍ନିଆ ଡଂକେ ରକମ୍ ଲାଃଲା ତାଗ୍‌ତେ ବାସଙ୍ଗ୍‌ଲା ଆତେନ୍ ପେ ସାପାରେନେ ସାମୁଆଁ ମାନେଏ ।

ମୁଇଙ୍ଗ୍ ଗୁଡିରେନେ କାମ୍

୭ ତେଲା ପେ ସାପାରେନେ ବିତ୍ରେ ଦେକ୍‌ରକମ୍ ରେମୁଆଁ ଜାଣ୍ଡେ ଲେଃକେ, ଜାନେ ଚାକର୍ ଗିମି ାଃଇଂ ତୁର୍ତ୍ୟାତେ ବା ଲିଜ ସିତେ ଲିଜବାନ୍ ପାଙ୍ଗ୍‌ଏ, ମାଲିକ୍ ଆମେକେ ବାସଙ୍ଗ୍‌ଏ, ଟାପ୍‌ନା ପାଙ୍ଗ୍‌ତେ ଚଙ୍ଗ୍‌ଉଗ୍ କଲା । ୮ ନାନେ ପେ ପେନେ ଚାକର୍‌କେ ପେବାସଙ୍ଗ୍‌ଏ, ନେଙ୍ଗ୍ ନ୍‌ସା ଚଙ୍ଗ୍‌ନେ ଆମେକେ ବାରି ନେଙ୍ଗ୍ ଚଙ୍ଗ୍‌ଉଗ୍ ତାଲା ପେଇଂ ପେତଙ୍ଗ୍‌ଏ ଆରି ପେଉଗ୍‌ଏ । ୯ ଚାକର୍ ସାମୁଆଁ ମାନେତେ କାମ୍ ଡିଙ୍ଗ୍‌ବଲା ଫେଁ ଫେଁନେ ଆମେକେ ଆସିର୍ବାଦ୍ ବିଏ ? ୧୦ ଦେଡ଼ରକମ୍ ପେ ସାପାରେ ଡିଙ୍ଗ୍ ସାମୁଆଁ ମାସାତେ ସାପା କାମ୍ ଡିଙ୍ଗ୍‌କ୍ଲେ ଇଡ଼ିଙ୍ଗ୍ ବାସଙ୍ଗ୍‌ପା ନେ ସାପାରେ ଅଦରମ୍ ଗତିରେ ଆଣ୍ଡିନେ ଡିଙ୍ଗ୍‌ନେ ଦରକାର୍ ଆତେନ୍ ମାତର୍ ନେଡିଙ୍ଗ୍‌କେ ।

ଜିସୁ ଗୁଆଲ୍ଲିଗ୍ କୁଷ୍ଟରଗ୍ ରେମୁଆଁକେ ନିମାଣ୍ଡା ଆଡିଙ୍ଗ୍‌କେ

☆ ୧୭:୩ ୧୭:୩ ମାଡିଉ ୧୮:୧୫.

୧୧ ଜିସୁ ଯିରୁଶାଲମନ୍ନିଆ ଝେନେ ବେଲା ସମରିଆ ବାରି ଗାଲିଲୀନେ ଗାଲି ବିଚେ ଝେଏ ଡିଙ୍ଗକେ । ୧୨ ଆରି ଜିସୁ ମୁଇଙ୍ଗ୍ ଇନିନିଆ ଝେଚାକ୍ସେ ଦାପ୍ତେ ଗୁଆ ରେମୁଆଁ କୁଷ୍ଟରଗିଇଂ ଜିସୁ ଏଚେ ଅବାଆରକେ । ୧୩ ମେଇଙ୍ଗ୍ ସ୍ଲବାନ୍ ତୁଆଚେ ମ୍ନା କଣ୍ଟରେ ବାଃଲିରୁଆରକେ ଏ ଜିସୁ ! ଅ ଗୁରୁ ! ଆନେ ସାପାରେକେ ଲିବିସ ଡିଙ୍ଗବିଲା ।

୧୪ ଆରି ମେଁ ଆମେଇଂକେ କେଚେ ବାସଙ୍ଗକେ “ପେଇଂ ଝେଚେ ନିଜେ ନିଜକେ ପୁଜାରିଇଂକେ ଆସୁଏପା । ଆରି ମେଇଂ ପୁଜାରିଇଂନିଆ ଝେନେ ବେଲା ନିମାନ୍ ଡିଙ୍ଗ ଝେଆରକେ ।” ୧୫ ଡାଗ୍ଲା ମେଇଙ୍ଗନେ ବିତ୍ତେ ମୁଇଙ୍ଗଜା ନିମାଣ୍ଡା ଡିଙ୍ଗଲେଃକ୍ସେ କେଚେ ମ୍ନା କଣ୍ଟରେ ଇସପରନେ ମଇମା ଅସମାର ଡିଙ୍ଗ ଡିଙ୍ଗଚେ ଆଣ୍ଡେ ଝିଗଚେ ୧୬ ଆରି ଜିସୁନେ ପାଦ୍ଚ ବୁଦ୍ଧେ ଡେଙ୍ଗଚେ ସାଲକେ ବାରି ଆମେକେ ଦନଏବାଦ୍ ବିକେ । ମେଁ ମୁଇଙ୍ଗଜା ଶମିରୋଶୀୟ ରେମୁଆଁ ଲେଃକେ । ୧୭ ଆଡ୍‌ବାନ୍ ଜିସୁ ଉତର୍ ବିକେ ଗୁଆକ୍ସିଗ୍ ରେମୁଆଁ ମେଁନେ ନିମାଣ୍ଡା ଆଡିଙ୍ଗଆରକେ ଶୁ । ତେଲା ଆରି ଗୋମ୍ନା ରେମୁଆଁ ଆଣ୍ଡି ଝେଆରଗେ । ୧୮ ଇସପରନେ ଗୋରବ୍ ବିଃନସା ଆକେନ୍ ଶମିରୋଶୀୟ ରେମୁଆଁ ଆନ୍ତାରଚେ ମେଁନେ ଆରି ଜାଣ୍ଡେ ଜାଣ୍ଡେ ଆଉଗଆରକେ । ୧୯ ବାରି ଜିସୁ ଆମେକେ ବାସଙ୍ଗକେ ତଡ୍‌ପା ବାରି ଝିଗଲା ନାଁନେ ବିସ୍‌ବାସ୍ ଆନାକେ ନିମାଣ୍ଡା ଆଡିଙ୍ଗ ବିଃବକେ ।

**ପରମେସରନେ ରାଇଜ୍ ପାଙ୍ଗ୍ ଡିଙ୍ଗକେ
(ମାଡିଉ ୨୪:୨୩-୨୮, ୩୭-୪୧)**

୨୦ ଇସପରନେ ରାଇଜ୍ ଅଃନା ପାଙ୍ଗ୍ଡିଙ୍ଗକେ ଏନ୍ ବିସୟରେ ପାରୁସିଇଂ ଜିସୁକେ ସାଲିଆକୁ ଆରକେ ଜିସୁ ଆମେଇଂକେ ଉତର୍ ବିକେ ଇସପରନେ ରାଇଜ୍ ମୁଆଃନ୍ନିଆ ନାକେ ସୁଗୁଆ ଆପାଙ୍ଗ୍ ଶୁ । ୨୧ କେଲାପା ଇସପରନେ ରାଇଜ୍ ଆଡ୍‌ଅରିଆ କି ଆକ୍‌ଅରିଆ ଡାଗଚେ ରେମୁଆଁ ଆବାଲିରୁଆର୍ ଶୁ ଡାଗ୍ଲା କେଲାପା ଇସପରନେ ରାଇଜ୍ ପେ ସାପାରେନେ ବିତ୍ତେ ଲେଃକେ ।

୨୨ ଇଡିଙ୍ଗ୍ ଜିସୁ ସିସଇଂକେ ବାସଙ୍ଗକେ ଦେକ୍ ରକମ୍ ବେଲା ପାଙ୍ଗ୍‌ଏ ଉଡିବେଲା ପେଇଙ୍ଗ୍ ମାପ୍‌ରୁ ଉଙ୍ଗଡେ ସ୍ଥି ଆଣ୍ଡେଇ ବିତ୍ତେ

ମୁଇଁଙ୍କ ସ୍ତ୍ରୀ କେନ୍ଦସା ଇକଟା ପେଡ଼ିଙ୍ଗ୍ ଡାଗ୍ଲା ପେକେ ଶୁ ।
 ୨୩ କେଲାପା ଆଡ଼ଅରିଆ କେଲାପା ଆକ୍‌ଅରିଆ ତାଗଟେ ରେମୁଆଁଇଂ
 ଆପେକେ ବାସଙ୍ଗ୍; ଡାଗ୍ଲା ପେଇଙ୍ଗ୍ ଆଖେଗେପା । ୨୪ ଡାଗ୍ଲା ବିଜଲି
 ବଗଟେ ଡିରକମ୍ କିତଂଅରିଆ ମୁଇଁଙ୍କ ଡାଗ୍ରାବାନ୍ ଆରି ମୁଇଁଙ୍କ ପାକା
 ଜାକ ତାରକିଗ୍ ବିଷ୍ୟ, ମାପରୁ ଉଙ୍ଗ୍‌ଡେ ପାଙ୍ଗ୍‌ନେ ସ୍ତ୍ରୀ ଦେଡ଼ ରକମ୍
 ନା ଆଃରେ । ୨୫ ଡାଗ୍ଲା ସେନୁଗ୍ ଆମେକେ ଗୁଲେ ଦୁକ୍‌କସ୍ତୁ ଡିଙ୍ଗ୍
 ବାରି ଆକେନ୍ ଟାପନା ଜିରବ୍ୟଇଂ ବାନ୍ ଅମାନ୍ୟ ଡିଙ୍ଗ୍‌ନେ ପଡ଼େ
 । ୨୬ ଆରି ନୋହକ୍ ବେଲା ଡିରକମ୍ ଗଟେ ଲେଃକେ ମାପରୁ ଉଙ୍ଗ୍‌ଡେ
 ପାଙ୍ଗ୍‌ନେ ବେଲା ଡିଗ୍ ଦେଡ଼ରକମ୍ ଗଟେ ୨୭ ତରାନିଆ ନୋହକ୍
 ଗିଃଗାଃନେ ସ୍ତ୍ରୀ ଜାକ ରେମୁଆଁ ଚଙ୍ଗ୍ ଉଗ୍ ଆରି ବିହେ ଡିଙ୍ଗ୍‌ନେ ବାରି
 ବିହେ ବିନ୍ ଡିଙ୍ଗ୍‌ଆର୍କେ ଇଡ଼ିଙ୍ଗ୍ ବୁରାଣ୍ଡ୍ୟାଃ ପାଙ୍ଗ୍‌ଟେ ସାପାରେକେ
 ବାଗୁଏଃ ବିକେ । ୨୮ ପର୍‌ମେସର୍ ଲୋଟନେ ବେଲା ଡିଗ୍ ସଦୋମ
 ନଗର ଦଂସ ଡିଙ୍ଗ୍‌ନେ ବେଲା ରେମୁଆଁଇଂ ଚଙ୍ଗ୍‌ଉଗ୍ ବିଆର୍ ସହାଃ
 ସୁ ଉଙ୍ଗ୍‌ନେ ବାରି ତୁଆ ଆଃରେ ଡିଙ୍ଗ୍‌ଆର୍ଏ ୨୯ ଡାଗ୍ଲା ଲୋଟ
 ସଦୋମବାନ୍ ତାର୍‌ଖେନେ ସ୍ତ୍ରୀ କିତଂବାନ୍ ସୁଆ ବାରି ବାସ୍ତା ଗୁରଟେ
 ସାପାରେକେ ବାଗୁଏଃ ବିଃକେ । ୩୦ ମାପରୁ ଉଙ୍ଗ୍‌ଡେ ପାଙ୍ଗ୍‌ନେ ସ୍ତ୍ରୀ
 ଦେଡ଼ରକମ୍ ଗଟେ ।

୩୧ ☆ଆଡେନ୍ ସ୍ତ୍ରୀ ଜାଣ୍ଡେ ନିଜର୍ ତୁଆନେ କ୍ଲେସାଂ ଆଡାଡା ଲେଃଏ
 ମେଁ ତୁଆ ବିଡ୍ରେ ଲେଃକେ ନିଜେନେ ଜିନିସ୍‌ପତର୍ ତୁଂଝିଗ୍ ନସା
 ଆପାଙ୍ଗ୍‌ଲେ । ଦେଡ଼ରକମ୍ ଜାଣ୍ଡେ ନିଜର୍ ଲିଜନ୍ନିଆ ଲେଃଏ ମେଁ
 ତୁଆ ଆପାଙ୍ଗ୍‌ଲେ । ୩୨ ଲୋଟନେ କୁନେଡେନେ ସାମୁଆଁ ମନେକ୍ଳାକ୍
 କେଲାପା । ୩୩ ☆ଜାଣ୍ଡେ କି ନିଜର୍ ପାରାନ୍‌କେ ଆମ୍‌ ନସା ଚେସ୍‌ଟା
 ଡିଙ୍ଗ୍‌ଏ ମେଁ ଆଡେନ୍ ଆନ୍ତାର୍‌ଏ ଆରି ଜାଣ୍ଡେ କି ନିଜର୍ ପାରାନ୍‌କେ
 ଆନ୍ତାର୍‌ଏ ମେଁ ଆଡେନ୍ ଆଃମ୍‌ଏ । ୩୪ ନେଙ୍ଗ୍ ଆପେ ସାପାରେକେ
 ବାସଙ୍ଗ୍‌ଣ୍ଡିଂ ଆଡେନ୍ ମିଡିଗ୍ ମ୍ବାୟା ମୁଇଁଙ୍କ ଅରିଆ ତୁଲେଗ୍
 ଲେଃଆର୍‌ଏ, ମୁଇଁଙ୍କଜାକେ ତୁଂଝିଗ୍‌ଆର୍‌ଏ ବାରି ବିନ୍‌ରେକେ ଆନ୍ତାର୍
 ବିଃଆର୍‌ଏ । ୩୫ ମ୍ବାୟା ସେଲାମ୍‌ସୁ ମୁଇଁଅରିଆ ପ୍ରିଡିର୍ ଉଃଡିର୍
 ଡିଂଲେଃଆର୍‌ଏ ମୁଇଁଙ୍କଜାକେ ତୁଂଝିଗ୍‌ଆର୍‌ଏ ବାରି ଆର୍‌ମୁଇଁଜାକେ

☆ ୧୭:୩୧ ୧୭:୩୧ ମାଡିଉ ୨୪:୧୭,୧୮; ମାରକ ୧୩:୧୫,୧୬. ☆ ୧୭:୩୩ ୧୭:୩୩ ମାଡିଉ
 ୧୦:୩୯; ୧୭:୨୫; ମାରକ ୮:୩୫; ଲୁକ୍ ୯:୨୪; ଜହନ୍ ୧୨:୨୫.

ଆନ୍ତର ବିଷୟରେ । ୩୭ ମ୍ୟାୟା ଲିଜ ଅରିଆ ଲେଖିଆର୍ୟ ମୁଇଙ୍ଗଜାକେ ଡୁଂଝିଗ୍‌ଆର୍ୟ ବାରି ବିନ୍‌ନେ ମୁଇଙ୍ଗଜାକେ ଆନ୍ତର ବିଷୟରେ ।

୩୭ ଆଡ଼ବାନ୍ ସିସ୍‌ଇଙ୍ଗ ଜିସୁକେ ସାଲିଆକୁ ଆରକେ ଅ ମାପୁ ଆଣ୍ଡିଅରିଆ ଆଡେନ୍ ଗଟେଏ ଜିସୁ ଆମେଇଂକେ ବାସଙ୍ଗକେ ଆଣ୍ଡି ଅରିଆ ମଡ଼ା ଆଡ଼ଅରିଆ ରାବନ୍ ପିଗ୍‌ଇଂ ଡିଗ୍ ମୁଇଂଅରିଆ ଡିଙ୍ଗିଆର୍ୟ ।

୧୮

ଗୁଣସାଙ୍ଗକୁଏ ଆରି ବିଚାର ଡିଙ୍ଗି ରେମୁଆଁନେ ସାମୁଆଁ

୧ ନିରାସ୍ ମାଡିଙ୍ଗଟେ କାଲାଆଃ ପାରତନା ଡିଙ୍ଗିନେ ଦରକାର ଆକେନ୍ ବିସୟରେ ଜିସୁ ସିସ୍‌ଇଂକେ ଉସା ରକମ୍ ବୁଜେଟେ ବାସଙ୍ଗକେ । ୨ “ମୁଇଙ୍ଗ ଇନିନିଆ ମୁଇଙ୍ଗ ସାସନ୍ ଡିଙ୍ଗିଣ୍ଡେ ଲେଖିଗେ ମେଁ ଇସ୍‌ପରକେ ବୁଟ ଆଡିଙ୍ଗିଗେ ରେମୁଆଁଇଂକେ ଡିଗ୍ ମାନେଃ ଆଡିଙ୍ଗିଗେ । ୩ ଆଡେନ୍ ଇନିଅରିଆ ମୁଇଙ୍ଗ ଗୁଣସାଙ୍ଗକୁଏ ଲେଖିକେ ଆଡେନ୍ ଗୁଣସାଙ୍ଗକୁଏ ପ୍ରେଗ୍ ପ୍ରେଗ୍ ବିଚାର ଡିଙ୍ଗିନେ ରେମୁଆଁକେ ଝେଟେ ବାସଙ୍ଗ ଡିଙ୍ଗିକେ ମୁଇଙ୍ଗଜା ଆନେଙ୍ଗ ଅନ୍ୟାୟ ଡିଙ୍ଗିଡିଙ୍ଗେ ଆଡେନ୍ ଅନ୍ୟାୟନେ ବିଚାର ଡିଙ୍ଗି ବିଷଲା । ୪ ଡାଗ୍ଲା ବିଚାର ଡିଙ୍ଗିନେ ରେମୁଆଁ ଆଡେନ୍ ସେଲାମ୍‌ସୁକେ ସାଇଜ ଡିଙ୍ଗିନେ ଇକ୍‌ଟା ଆଡିଙ୍ଗିକେ ଶୁ ଡାଗ୍ଲା ଇଡିଙ୍ଗି ମେଁ ମନେ ମନେ ବାସଙ୍ଗକେ ନେଙ୍ଗ ଇସ୍‌ପରକେ ନ୍ନାବୁଟ ଶୁ କି ରେମୁଆଁଇଂକେ ନାମାନେ ଶୁ । ୫ ଡାଗ୍ଲା ଆକେନ୍ ଗୁଣସାଙ୍ଗକୁଏ ସେଲାମ୍‌ସୁ ଆନେଙ୍ଗ କସ୍ ବିଡିଙ୍ଗେ, ନେଙ୍ଗ ମେଁନେ ଆଡ଼ାଡ଼ା ଅନ୍ୟାୟନେ ନ୍ୟାୟ ଅଦିକାର ବିଷଜଗନ୍‌କ୍ରିଗ୍‌ଲା, ମେଁ ବାରି ନେଙ୍ଗନେ ପ୍ଲା ଆନ୍ତର ବିଷୟ ଶୁଲା ଆନେଙ୍ଗ କାଲାଆଃ ପାଙ୍ଗଟେ ଅରବର୍ ଆଃଡିଙ୍ଗିବଏ ।”

୬ ଆଡ଼ବା ମାପୁ ବାସଙ୍ଗକେ “ଆକେନ୍ ଅଦାରମିକ୍ ବିଚାର ଡିଙ୍ଗିଣ୍ଡେ ମେଁନେ ବାସଙ୍ଗଡିଙ୍ଗିଗେ ଆଡେନ୍ ଅଁପା । ୭ ତେଲା ଇସ୍‌ପର ଆଣ୍ଡିନେ ମନ୍ ରେମୁଆଁଇଂ ସ୍ଥି ମିଡିଗ୍ ଆମେକେ ଝାଡିଂଆରକେ, ମେଁଇଂନେ ଆଡ଼ାଡ଼ା ଅନ୍ୟାୟନେ ବିଚାର ଆଡିଙ୍ଗି ଶୁ ? ନିଜର୍ ରେମୁଆଁଇଂକେ ଉଡର୍ ବିଷନ୍‌ସା ପର୍‌ମେସର୍ ବିଲ୍‌କୁଲ୍ ନିଝାଲ୍ ଆଡିଙ୍ଗି ଶୁ । ୮ ନେଙ୍ଗ ଆପେକେ ବାସଙ୍ଗିଣ୍ଡେ, ମେଁ ମେଁଇଂନେ ଆଡ଼ାଡ଼ା ଅନ୍ୟାୟ

ଡିଙ୍ଗଲେଃକେ ଦାପ୍ତେ ବିଚାର ଡିଙ୍ଗ୍‌ଏ । ତାଗ୍ଲା ମାପରୁ ଉଙ୍ଗଡେ ପାଙ୍ଗଡେ ମଞ୍ଚପୁରନ୍ନିଆ ମେଁ ବିସ୍‌ବାସ୍ କେଏ ?”

ଫାରୁଶୀ ବାରି ତାବୁ ସାଲିଆଣ୍ଟେନେ ବିସୟ୍

୯ ଉଡ଼ି ରେମୁଆଁ ବାବେ ଡିଙ୍ଗ୍‌ଆକେ ଜେ ମେଇଁ ଦରମ୍ ଲେଃଆରକେ । ମେଇଁ ନିଜେ ବିନ୍‌ଶ୍ଟେଇଁ ଆଡ଼ାଡ଼ା ଜାବର୍ ନିମାଣ୍ଡା ଡିଙ୍ଗ୍ ନ୍‌ଲେଃକେ ରକମ୍ ବେବଆର୍ ଡିଙ୍ଗ୍‌ଆରଡିଂକେ । ଜିସୁ ଆମେଇଁକେ ନିମାଣ୍ଡା ସାମୁଆଁ ବାସଙ୍ଗ୍ ବେଲା ବିଃକେଲା ଆକେନ୍ ଉଃସ୍ତା ବାସଙ୍ଗ୍‌କେ । ୧୦ ମୁଇଁଦିନା ମ୍ୟାୟା ରେମୁଆଁ ପାରତନା ଡିଙ୍ଗ୍ ନସା ମନ୍ଦିରନ୍ନିଆ ଝେଆରଗେ ମୁଇଁଜା ପାରୁସି ଆରି ବିନ୍ ମୁଇଁଜା ସିସ୍ତୁ ସ୍ତାଲ୍ୟାଣ୍ଟେ ।

୧୧ ଫାରୁଶୀ ସାଲ୍ ଡିଙ୍ଗ୍‌ଡେ ନିଜେନେ ତାଗ୍ଲା ଦେକ୍ ରକମ୍ ପାରତନା ଡିଙ୍ଗ୍‌ନେ ମୁଲେକେ ଏ ଇସ୍‌ପର୍ ନେଙ୍ଗ୍ ଆନାକେ ଦନ୍‌ୟବାଦ୍ ବିଃ ଶ୍ଟିଙ୍ଗ୍ ଜେ ନେଙ୍ଗ୍ ବିନ୍‌ନେ ସାପା ରେମୁଆଁ ରକମ୍ ବାଗୁଏଃଶ୍ଟେ ଅଦାର୍‌ମିକ୍ ଅଡ଼ାରେଗ୍ ଶୁଲା ଆକେନ୍ ସିସ୍ତୁ ସ୍ତାଲ୍ୟାଣ୍ଟେ ରକମ୍ ଶୁ । ୧୨ ନେଙ୍ଗ୍ ମୁଇଙ୍ଗ୍ ସାଡ଼ାକେ ମ୍ପାରତର୍ କେଡେସଃ ଡିଂମ୍ୟାକେ ଆରି ନେଙ୍ଗ୍‌ନେ ସାପା ଆଜେକ୍‌କେ ଗୁଆକ୍‌ଗିର୍ ବାଟାବାନ୍ ମୁଇଙ୍ଗ୍ ବାଗ୍ ଦାନ୍ ଡିଂମ୍ୟାକେ ।

୧୩ ମାତର୍ ସିସ୍ତୁ ସ୍ତାଲ୍ୟାଣ୍ଟେ ସ୍ତୁ ତୁଆଁରେ କିତଂ ପାକା ଡିଗ୍ ଆକେକେ ଶୁ ମାତର୍ ମେଁନେ ଗ୍ରିନିଆ ବଗଡେ ବାସଙ୍ଗ୍‌ନେ ମୁଲେକେ ଏ ଇସ୍‌ପର୍ ନେଙ୍ଗ୍ ପାପି ଆନେଙ୍ଗ୍ ଲିବିସ ଡିଙ୍ଗ୍ । ୧୪ ଜିସୁ ଆମେଇଁକେ ବାସଙ୍ଗ୍‌କେ ତାବୁ ସାଲିଆଣ୍ଟେ ଇସ୍‌ପର୍‌ନେ ମୁଆଃନ୍ନିଆ ଦରମ୍ ବାବେଡେ ତୁଆ ଆଣ୍ଟେକେ ତାଗ୍ଲା ଫାରୁଶୀ ଶୁ । ତାଗ୍ଲା ଜାଣ୍ଟେ କି ନିଜେକେ ମ୍ପାଃରେ ତାଗ୍‌ଡେ ଆସୁଏ ଆମେକେ ଇଙ୍ଗ୍‌ଡେ ଆର୍ଏ ତାଗ୍ଲା ଜାଣ୍ଟେ ନିଜେକେ ତାଆଁ ଆଃଡିଙ୍ଗ୍‌ଏ ଆମେକେ ମ୍ପା ଆଃଡିଙ୍ଗ୍‌ଆର୍ଏ ।

ଜିସୁ ଗଡେଅଇଁକେ ଆସିର୍ବାଦ୍ ଡିଙ୍ଗ୍‌କେ
(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

☆ ୧୮:୧୪ ୧୮:୧୪ ମାତିଉ ୨୩:୧୨; ଲୁକ ୧୪:୧୧.

୧୫ ଜିସୁ ତିରକମ୍ ତାଆଁ ଗଡ଼େଇଙ୍କକେ ଲିଗ୍‌ଏ ଆଡେନ୍‌ସା ରେମୁଆଁଇଂ ତାଆଁ ଗଡ଼େଇଙ୍କକେ ଜିସୁନେ ତାଗ୍ରା ତୁଂପାଙ୍ଗଆରକେ ମାତର ସିସଇଂ ଆଡେନ୍ କେଚେ ରେମୁଆଁଇଂକେ ଝିଙ୍ଗନେ ମୁଲେ ଆରକେ । ୧୬ ତାଗ୍ରା ଜିସୁ ଆମେଇଂକେ ନିଜେନେ ତାଗ୍ରା ଝାଚେ ବାସଙ୍ଗକେ ତାଆଁ ଗଡ଼େଇଂକେ ନେଙ୍ଗ୍ ତାଗ୍ରା ପାଙ୍ଗନ୍‌ସା ବିଃପା ଆରି ଆମେଇଂକେ ମନା ଆଡିଙ୍ଗେପା ତାଗ୍ରା ଇସ୍‌ପରନେ ରାଇଜ୍ ଦେକ୍‌ରକମ୍ ଗଡ଼େଅଇଂନେ । ୧୭ ନେଙ୍ଗ୍ ଆପେକେ ସତ୍ ବାସଙ୍ଗଣ୍ଡିଂ, ଜାଣ୍ଡେ କି ତାଆଁ ଗଡ଼େଅ ରକମ୍ ଇସ୍‌ପରନେ ରାଇଜ୍ ବଲ୍ ଆବା ଶୁ ମେଁ ତିରକମ୍ ତିଙ୍ଗା ତିଗ୍ ଇସ୍‌ପରନେ ରାଇଜ୍ ଝେଚା ଆୟା ଶୁ ।

**ମୁଇଙ୍ଗ୍ ସାଉକାର୍ ରେମୁଆଁ
(ମାତିଉ ୧୯:୧୬-୩୦; ମାରକ ୧୦:୧୭-୩୧)**

୧୮ ମୁଇଙ୍ଗ୍‌ଜା ଜିଉଦି ନେତା ଜିସୁକେ ସାଲ୍ୟାକୁକେ, “ଏ ସତ୍ ଗୁରୁ ମାତାନେ ଜିବନ୍‌ନେ ଅଦିକାର୍ ତିଙ୍ଗ୍ ନ୍‌ସା ନେଙ୍ଗ୍ ମେଃନେ ଶ୍ରିଙ୍ଗ୍‌ଏ ?”

୧୯ ଆଡ୍‌ବାନ୍ ଜିସୁ ଆମେକେ ବାସଙ୍ଗକେ ଆନେଙ୍ଗ୍ ସତ୍ ତାଗ୍ରାଚେ ମେସା ବାସଙ୍ଗ୍ ପେଡିଙ୍ଗକେ ? ଇସ୍‌ପରକେ ଆନ୍ତାର୍ ବିଃଲମା ବିନ୍ ଜାଣ୍ଡେ ସତ୍ ଶୁ । ୨୦ ଇସ୍‌ପରନେ ଆଦେସଇଂ ତ ପେ ମ୍ୟାଃପେଲେକେ । ଅଡାରେଗ୍ ଆଡିଙ୍ଗେପା, ରେମୁଆଁ ଆବାଗୁଏଃଗ୍‌ପା, ଆଡଙ୍ଗାଗେପା, ନାଲେ ସାକି ଆବିଃଗ୍‌ପା, ନିଜେନେ ଆବା ଇୟାଙ୍ଗକେ ସନ୍‌ମାନ୍ ବିଃପା ।

୨୧ ଜିଉଦି ନେତା ବାସଙ୍ଗକେ ଆକେନ୍ ସାପା ନେଙ୍ଗ୍ ଙ୍ଗିରେ ବାନ୍ ମାନେଚେ ପାଙ୍ଗ୍ ନ୍‌ଲେଃକେ ।

୨୨ ଜିସୁ ଆକେନ୍ ଅଁଚେ ଜିଉଦି ନେତାକେ ବାସଙ୍ଗକେ ନାଁନେ ବାରି ମୁଇଙ୍ଗ୍ ବିସୟ୍ ଗଣ୍ଡା ଲେଃକେ ନାଁ ନିଜରନେ ଦନ୍ ସାପା ସ ବିଚେ ଗରିବ୍ ରେମୁଆଁକେ ବାଟାବି ଆରି ନାଁ କିତଂଙ୍ଗ୍‌ଇନି ଦନ୍ ନାବାଏ ବାରି ପାଙ୍ଗଚେ ନେଙ୍ଗ୍‌ନେ ପ୍ଲା ପାଙ୍ଗାଲା । ୨୩ ତାଗ୍ରା ଜିଉଦି ନେତା ଆକେନ୍ ସାପା ସାମୁଆଁ ଅଁଚେ ଜବର୍ ମୁର୍‌ମୁରା ତିଙ୍ଗକେ ତାଗ୍ରା ମେଁ ଜବର୍ ସାଉକାର୍ ଲେଃକେ ।

୨୪ ଆଡ୍‌ବାନ୍ ଜିସୁ ଆମେକେ ଦୁକ୍ ତିଙ୍ଗ୍‌କେ କେଚେ ବାସଙ୍ଗକେ, ଜାଣ୍ଡେଇଂନେ ଦନ୍ ଲେଃକେ, ମେଇଙ୍ଗ୍ ଉଡି ତଣ୍ଡୁନିଆ ଇସ୍‌ପରନେ ରାଇଜନ୍ନିଆ ଝେଚାଆର୍‌ଏ । ୨୫ ଇସ୍‌ପରନେ ରାଇଜନ୍ନିଆ ସାଉକାର୍

ରେମୁଆଁ ଝେନେ ବାଟା ମୁଇଙ୍ଗ ସୁଜି ପୁଗ୍ ବିଃଚେ ଉଚ୍ଚନେ ଝେଚାନେ ସଅଜ୍ ।

୨୭ ଜାଣ୍ଡେଇଁ ଆକେନ୍ ସାମୁଆଁ ଅଁଆକେଁ ମେଇଙ୍ଗ୍ ବାସଙ୍ଗ୍ ଆରକେ, “ତେଲା ଜାଣ୍ଡେ ଉଦାର ବା ଯାଏ ?”

୨୭ ତାଗ୍ଲା ଜିସୁ ବାସଙ୍ଗ୍ କେ ଆଣ୍ଡିନେ କାମ୍ ରେମୁଆଁ ତିଙ୍ଗ୍ ଆୟା ଶୁ ଆତେନ୍ ଇସପର୍ ତିଙ୍ଗ୍ ଯାଏ ।

୨୮ ଆଡ୍‌ବାନ୍ ପିତର୍ ବାସଙ୍ଗ୍ କେ କେଲାପା ନେ ସାପାରେ ନିଜେ ନିଜେନେ ଦନ୍ ସାପା ଆନ୍ତାର୍‌ଚେ ନାଁନେ ପ୍ଲା ପାଙ୍ଗ୍ ନେଡିଙ୍ଗ୍ କେ ।

୨୯ ଜିସୁ ଆମେଇଁକେ ବାଲିରକେ, “ନେଙ୍ଗ୍ ଆପେକେ ସଡ୍ ବାସଙ୍ଗ୍ ଶ୍ରିଙ୍ଗ୍ କେ ମୁଡି ରେମୁଆଁ ପର୍‌ମେସର୍‌ନେ ରାଇଜ୍ ନ୍‌ସା ତୁଆ କି କୁନେଡେ କି ବୟାଁ କି ଆବା ଇୟାଙ୍ଗ୍ କି ଗଡେଇଁକେ ଆନ୍ତାର୍‌ଚେ ୩୦ ଆକେନ୍ କାଲେ ଜବର୍ ଗୁନ୍ ବାଏ ଆରି ଗୁଏଃକ୍ ଇଡିଙ୍ଗ୍ ମାଡାନେ ପାରାନ୍ ବାଏ ଦେକ୍ ସୁଗୁଆ ରେମୁଆଁ ଜାଡିଗ୍ ଶୁ”

ଜିସୁ ଞ୍ଚିତର୍ ମେଁନେ ଗୁଏକ୍ ସାମୁଆଁ ବାସଙ୍ଗ୍ କେ
(ମାଡିଉ ୨୦:୧୭-୧୯; ମାରକ ୧୦:୩୨-୩୪)

୩୧ ଇଡିଙ୍ଗ୍ ଜିସୁ ଗୋମ୍‌ରକ୍ଲିଗ୍ ସିସଙ୍ଗ୍ କେ ବିନେ ଆଡିଙ୍ଗ୍‌ଚେ ବାସଙ୍ଗ୍ କେ କେଲାପା ନେ ସାପାରେ ଯିରୁଶାଲମ୍ ତାଗ୍ଲା ଝେ ନେଡିଙ୍ଗ୍ କେ ପର୍‌ମେସର୍ ବାବବାଦିଇଁକେ ମାପ୍‌ରୁ ଉଙ୍ଗ୍‌ଡେନେ ବିସୟରେ ଆଣ୍ଡିନେ ସାପା ଗୁଆର୍ ନ୍‌ସା ବାସଙ୍ଗ୍ ବକେ ଆତେନ୍ ସାପା ଗଟେଏ । ୩୨ ତାଗ୍ଲା ମେଁ ବିଜାଡିଇଁନେ ଛୁନ୍ନିଆ ବିଃଜଗ୍‌କ୍ଲିଗ୍‌ଏ ବାରି ମେଇଙ୍ଗ୍ ଆମେକେ ଇଙ୍ଗ୍‌ଚେ ଆରଏ, ମେଇଁନେ ଆଡାଡା ଅନ୍‌ପାୟ୍ ତିଙ୍ଗ୍‌ଚେ ମେଁନେ ଆଡାଡା ବିଃତୁର୍ ଆରଏ । ୩୩ ଆମେକେ କର୍ଡା ଆଃତେ ବଗଚେ ଆଗୁଏବି ଆଃରେ ମାତର୍ ଜିର୍‌ସି ସ୍ପି ମେଁ ଆରି ମୁଇଙ୍ଗ୍ ତର୍ ତଡିଆଏ ।

୩୪ ତାଗ୍ଲା ସିସଙ୍ଗ୍ ଆତେନ୍ ସାପା ସାମୁଆଁ ବୁଜେ ଆୟାଆରକେ ଶୁ ଆକେନ୍ ସାମୁଆଁ ମେଇଙ୍ଗ୍ ଅରିଆ ବୁନ୍‌ନା ତିଂଚେ ଲେଃକେ ବାରି ଆଣ୍ଡିନେ ସାମୁଆଁ ବାସଙ୍ଗ୍‌ତିଂଗେ, ଆତେନ୍ ସାପା ମେଇଙ୍ଗ୍ ବୁଜେ ଆୟା ଆରକେ ଶୁ ।

ଜିସୁ ମୁଇଙ୍ଗ୍ କାନା ବିକାରିକେ ନିମାଣ୍ଡା ଆଡିଙ୍ଗ୍ କେ
(ମାଡିଉ ୨୦:୨୯-୩୪; ମାରକ ୧୦:୪୭-୫୨)

୩୫ ଜିସୁ ଯିରୀହୋନେ ଡାଗ୍ରା ପିଙ୍ଗଟାନେ ବେଲା ମୁଇଁ କାନା ଗାଲି ଆଃଡ଼ା କଚେ ବିକ୍ ସାଲିଆ ଡିଙ୍ଗକେ । ୩୬ କାନା ଗୁଲୁଏ ରେମୁଆଁ ଝେଡିଙ୍ଗକ୍ଲେ ସବ୍ଦ ଅଁଚେ ସାମୁଆଁ ମେଃନେ ଡାଗ୍ରେ ସାଲ୍ୟାକୁକେ ।

୩୭ ରେମୁଆଁଇଙ୍ଗ କାନାକେ ବାସଙ୍ଗଆରକେ ନାଜରିତିୟ ଜିସୁ ଆକେନ୍ ଗାଲି ବିଚେ ଝେଡିଙ୍ଗକେ ।

୩୮ ଆଡ଼ବାନ୍ କାନା ଜବର୍ କିଚେ ବାଲିରକେ, “ଏ ଦାଉଦ୍ ଉଙ୍ଗଡେ ଜିସୁ ଆନେକେ ଦୟା ଡିଙ୍ଗ ।”

୩୯ ମାତର୍ ସେନ୍ନୁଗ୍ ଝେଡିଙ୍ଗକ୍ଲେ ରେମୁଆଁଇଙ୍ଗ କାନା ବିକାରିକେ ବୁଙ୍ଗ ଲେଃନସା ବାଃଟ ତିଆରକେ ମେଃନସା ଡାଗ୍ଲା କାନା ବିକାରି ଆରି ଜବର୍ ଝାସାରଚେ ବାସଙ୍ଗକେ ଏ ଦାଉଦ୍ ଉଙ୍ଗଡେ ଆନେଙ୍ଗ ଦୟା ଡିଙ୍ଗ ।

୪୦ ଜିସୁ ଆଡ଼ବାନ୍ ତୁଆଁଚେ କାନା ବିକାରିକେ ନେଙ୍ଗ ଡାଗ୍ରା ତୁଂପାଙ୍ଗଲାପା ଡାଗ୍ରେ ବାସଙ୍ଗକେ ବାରି କାନା ବିକାରିକେ ଡାଗ୍ରା ପାଙ୍ଗକ୍ଲେ ଇଡିଙ୍ଗ ଜିସୁ କାନା ବିକାରିକେ ସାଲ୍ୟାକୁକେ ୪୧ ନେଙ୍ଗ ନାଁ ନସା ମେଁନେ ଶ୍ରିଏ ଡାଗ୍ରେ ନାଁ ଇକ୍ଟା ଡିଙ୍ଗ ନାଡିଙ୍ଗକେ ? କାନା ବିକାରି ବାସଙ୍ଗକେ ଅ ମାପୁ ନେଙ୍ଗ ଡିରକମ୍ କିକେ ଇୟାଏ ।

୪୨ ଜିସୁ କାନା ବିକାରିକେ ବାସଙ୍ଗକେ ତେଲା ନାଁନେ ମୁଆଃ ନାଲେ ନାଁନେ ବିସ୍ବାସ୍ ଆନାକେ ନିମାଣ୍ଡା ଆଃଡିଙ୍ଗ ବିଃବକେ ।

୪୩ ଆତେନ୍ ଦାପ୍ରେ କାନା ବିକାରିନେ ମୁଆଃ ନାକେ ବାରି ଇସ୍ପରନେ ମଇମା କୀର୍ଡନ୍ ଡିଙ୍ଗ ଡିଙ୍ଗଚେ ମେଇଙ୍ଗନେ ପ୍ଲା ଅଲେଙ୍ଗନେ ମୁଲେକେ ଆରି ରେମୁଆଁ ସାପାରେ ଆତେନ୍ କେଚେ ଇସ୍ପରକେ ପ୍ରସଂସା ଡିଙ୍ଗଆକେ ।

୧୯

ଜିସୁ ଆରି ଜଖ୍ଯୟ

୧ ଇଡିଙ୍ଗ ଜିସୁ ଯିରୀହୋନ୍ନିଆ ଗାଚେ ଆତେନ୍ ଗାଲି ବିଚେ ଝେଡିଙ୍ଗଗେ । ୨ ଆରି କେଲା ଜଖ୍ଯୟ ମ୍ପିରେ ମୁଇଙ୍ଗ ରେମୁଆଁ ଲେଃନେ ମେଁ ମୁଇଙ୍ଗ ମ୍ପା ସିସ୍ତ୍ର ସ୍ତାଲ୍ୟାଣ୍ଡେ ଆରି ସାଉକାର ରେମୁଆଁ ।

୩ ଜିସୁ ଜାଣ୍ଡେ ଆତେନ୍ କେନ୍ସା ମେଁ ଚେସ୍ଟା ଡିଙ୍ଗ ଡିଙ୍ଗଗେ ମାତର୍

ରେମୁଆଁଇଁନେ ଜବର୍ ଗଅଲି ନସା କିକେ ଆୟାକେ ଶୁ ତୁଆଁ ମେଁ
ଲେଃଃ ଲେଃଃ ।

୪ ଦେକକେ ମେଁ ରେମୁଆଁଇଁନେ ସେନୁଗ୍ ଝିର୍ ତୁଂଝେରେ
ଆମେକେ କେନ୍ସା ମୁଇଙ୍ଗ୍ ଲିଝା ସ୍ଥା ଡେଃକେ ତାଗଲା ଆତେନ୍ ଗାଲି
ବିରେ ଜିସୁ ଝେନେ ଲେଃଃଃ । ୫ ଜିସୁ ଆଡ୍ ଜାଗାନ୍ନିଆ ପାଙ୍ଗ୍ରେ
ଆଡାତ୍ରା କେରେ ଆମେକେ ବାସଙ୍ଗ୍କେ, “ଜଖ୍ମୟ ଦାପ୍ରେ ଜାର୍ରେ
ପାଙ୍ଗ୍ଲା ତାଗଲା ଏଃକେ ଆନେଙ୍ଗ୍ ତିଲାଡିଗ୍ ପେ ତୁଆ ଲେଃଃପଡ଼େଏ
।”

୬ ଆଡବା ମେଁ ଦାପ୍ରେ ଜାର୍ରେ ସାର୍ଦାରେ ଜିସୁନେ ଜତନ୍
ଡିଙ୍ଗ୍କେ । ୭ ଆତେନ୍ କେରେ ସାପାରେ କୁର୍ ଡିଙ୍ଗ୍ନେସା ଲାଗେକେ,
“ମେଁ ମୁଇଙ୍ଗ୍ ପାପି ରେମୁଆଁନେ ତୁଆ ଲେଃଃନସା ଝେଡିଙ୍ଗ୍କେ ।”

୮ ଜଖ୍ମୟ ମାପୁକେ ବାସଙ୍ଗ୍କେ “ଏ ମାପୁ ଅଁ ନେଙ୍ଗ୍ ନେଙ୍ଗ୍ନେ
ଦନ୍ସଫତିନେ ମେତାଃ ଗରିବ୍ଇଂକେ ଦାନ୍ ଶୁଙ୍ଗ୍ଏ ବାରି ଜଦି ନେଙ୍ଗ୍
ଜାଣ୍ଡେବାନ୍ ମେଃଡିଗ୍ ଜଚେମ୍ଏ ତେଲା ଅଁ ବାଗ୍ରେ ଆମେ ଆଆଣ୍ଡେ
ମ୍ସିଏ ।”

୯ ଆଡବା ଜିସୁ ମେଁନେ ସାମୁଆଁ ବାଲିରକେ, “ଏକେ ଆକେନ୍ ତୁଆ
ଅରିଆ ଉଦାର୍ ପିଙ୍ଗ୍ଟା ଲେଃଃକେ ତେସା କିମେଡିଗ୍ ଅବ୍ରାହାମ୍ନେ
ମୁଇଙ୍ଗ୍ ଉଙ୍ଗ୍ଡେ । ୧୦ ମେଃଃନେ ବଃ ଲେଃଃକେ ଆତେନ୍ ତୁର୍ରେ ରକ୍ୟା
ଡିଙ୍ଗ୍ସା ରେମୁଆଁ ଉଙ୍ଗ୍ଡେ ପାଙ୍ଗ୍ଲେକେ ।”

ଦନ୍ ସଫତିକେ ନିମାଣ୍ଡା ବାବ୍ରେ ବେପା
(ମାଡିଡ ୨୫:୧୪-୩୦)

୧୧ ରେମୁଆଁଇଁ ଆକେନ୍ ସାମୁଆଁ ସାପା ଅଁନେ ବେଲା ମେଁ
ଆର୍ମୁଇଁ ଉସା ବାସଙ୍ଗ୍କେ ମେଁ ଯିରୁସାଲାମ୍ନେ ତାଗ୍ରା ଡିଙ୍ଗ୍
ଲେଃଃଃ ଆରି ଇସପର୍ନେ ରାଇଜ୍ ଦାପ୍ରେ ଉଡ୍ରା ଡିଙ୍ଗ୍ ତାଗ୍ରେ
ମେଇଁ ମନେ ବାବେ ଡିଙ୍ଗ୍ ଆର୍ରେ । ୧୨ ଆତେନ୍ସା ମେଁ ବାସଙ୍ଗ୍କେ
“ମୁଇଙ୍ଗ୍ ମ୍ସା ପଦବିନ୍ନିଆ ଲେଃଃକେ ରେମୁଆଁ ମେଁ ନିଜେ ନସା ରାଇଜ୍
ପଦ୍ ବାନ୍ ବା ଆଡାରେ ଆଣ୍ଡେ ପାଙ୍ଗ୍କେ ଆରି ମେଁ ମ୍ସା ଦେସ୍ ଝେକେ
। ୧୩ ମେଁ ନିଜେନେ ଗୁଆ ରେମୁଆଁ ଗଡିରେଇଁକେ ଝାଚେ ମେଇଁକେ
ମୁଇଁ ମୁଇଁ ସୁନା ତାରୁ ତାଲି ବିରେ । ମେଁ ବାସଙ୍ଗ୍କେ ନେଙ୍ଗ୍ ଆଣ୍ଡେ
ଜାକ ଆକେନ୍ ତାରୁ ଏତେ ବେପାର୍ ଡିଙ୍ଗ୍ପା । ୧୪ ମାଡର୍ ମେଁଇଙ୍ଗ୍ନେ

ଦେସ୍ ଆମେଇଂକେ କୁର୍ ଡିଙ୍ଗକେ ଆରି ମେଇଙ୍ଗ୍ ମେଁଇଙ୍ଗ୍ନେ ପ୍ଲା ଦୁଡ଼ ବେଚେ ବାଃଲିରକେ ଏନ୍ ରେମୁଆଁ ଜେ ନେନେ ଆଡ଼ାଡ଼ା ଇଃସାଙ୍ଗ୍ ସାସନ୍ ଡିଙ୍ଗ୍ଏ ଆକେନ୍ ନେନେ ଇକଚା ଶୁ ।”

୧୫ ଆତାନ୍ ରେମୁଆଁ ଇଃସାଙ୍ଗ୍ ପଦ୍ ବାଚେ ନିଜର୍ ଦେସ୍ ପାଙ୍ଗକେ । ମେଁନେ ଚାକରଇଂ ଉଡ଼ି ଆରଜେ ବଆରକେ ଆତାନ୍ ମ୍ୟାଃ ନସା ମେଁ ଆମେଇଂକେ ମେଁନେ ଡାଗ୍ରା ପାଙ୍ଗ୍ ନସା ବାସଙ୍ଗକେ । ୧୬ ଆଡ଼ବା ପରତୁମ୍ ରେମୁଆଁ ପାଙ୍ଗ୍ଚେ ବାସଙ୍ଗକେ, “ମାପୁ ନାନେ ବିନାବକ୍ଲେ ସୁନା ଡାବୁରେ ନାଆଡ଼ଲା ଆରି ନେଙ୍ଗ୍ ଆଡ଼ଲା ଗୁଆକ୍ଲିଗ୍ ଲାବ୍ ଡିଙ୍ଗ୍ ମୁକେ ।” ୧୭ ମେଁ ଆମେକେ ବାସଙ୍ଗକେ, “ବାସ୍ ନିମାଣ୍ଡା ଚାକର୍ ନାନେ ଇଡୁଡ଼ା ସାମୁଆଁ ନସା ବିସ୍ବାସ୍ ଡିଙ୍ଗ୍ ନାଲେଃଗେସା ଗୁଆକ୍ଲିଗ୍ ମ୍ଲାଇନି ଆଡ଼ାଡ଼ା ଅଦିକାର୍ ଡିଙ୍ଗ୍ ।” ୧୮ ଆରି ବାରମୁଇଂଜା ପାଙ୍ଗ୍ଚେ ବାସଙ୍ଗକେ, “ମାପୁ ନାନେ ନେଙ୍ଗ୍ନେ ମାଲିକ୍ଲିଗ୍ ଡାବୁ ଲାବ୍ ଡିଙ୍ଗ୍ ମୁକେ ।” ୧୯ ମେଁ ଆମେକେ ଡିଗ୍ ବାସଙ୍ଗକେ “ନାଡିଗ୍ ମାଲିକ୍ଲିଗ୍ ମ୍ଲାଇନି ଆଡ଼ାଡ଼ା ଅଦିକାର୍ ଡିଙ୍ଗ୍ ।”

୨୦ ବାରମୁଇଂଜା ପାଙ୍ଗ୍ଚେ ବାସଙ୍ଗକେ, “ମାପୁ, କେଲା ନାନେ ସୁନା ଡାବୁ ଆକକେ ଲେଃକେ; ଆକେନ୍ ନାନେ ନେଙ୍ଗ୍ନେ ନେଙ୍ଗ୍ ଆକେନ୍କେ ଲୁଙ୍ଗିନ୍ନିଆ ଗାଗ୍ଚେ ମୁକେ; ୨୧ ଡାଗ୍ଲା ନେଙ୍ଗ୍ ଆନାକେ ମୁଚୁକେ ନା ମୁଇଂ ନିଷ୍ଟୁରୁ ରେମୁଆଁ ଆଣ୍ଡିନେ ନାବ ଆତେନ୍ ଆଡ଼ଡ଼ିଆ ତୁଂନାଡ଼ଏ ଆରି ଆଣ୍ଡିନେ ବିଗ୍ ନାବ ଆତେନ୍କେ ନାଗୁଆଏ । ୨୨ ଆମେକେ ମେଁ ବାଃଲିରକେ ଏ ଦୁସ୍ଚ ଚାକର୍ ନାନେ ସାମୁଆଁ ସାମୁଆଁରେ ନାନେ ବିଚାର୍ ଶିଂଏ । ନେଙ୍ଗ୍ ମୁଇଙ୍ଗ୍ ନିଷ୍ଟୁରୁ ରେମୁଆଁ ଆଣ୍ଡିନେ ଆବ ଶୁ ଆତେନ୍ ଆଡ଼ଡ଼ିଆ ତୁଂଡ଼ଏ ଆରି ଆଣ୍ଡିନେ ବିଗ୍ ନାବ ଆତେନ୍ ଙୁଆଃଏ ଆକେନ୍ ନାନେ ମେଁନେ ମ୍ୟା ନାଲେଃକେ ୨୩ ତେଲା ନା ନେଙ୍ଗ୍ନେ ଡାବୁକେ ମେନ୍ସା ବେଙ୍ଗିନ୍ନିଆ ନ୍ନାବକେ ଶୁ ? ତେଲା ନେଙ୍ଗ୍ ଆଣ୍ଡେକ୍ଲେ ଇଡ଼ିଙ୍ଗ୍ ସୁଦ୍ ଏତେ ଆତାନ୍ ମାବା ।”

୨୪ “ଏନ୍ ଇଡ଼ିଙ୍ଗ୍ ଇଃସାଙ୍ଗ୍ ଆଡ଼ଅରିଆ ତୁଆଁଲେଃକ୍ଲେ ରେମୁଆଁଇଂକେ ବାସଙ୍ଗକେ ମେଁବାନ୍ ସୁନା ଡାବୁ ତୁଂଝିଗଲାପା ବାରି ଆଣ୍ଡିନେ ଚାକର୍ନେ ଗୁଆଟାଆଁ ଲେଃକେ ଆମେକେ ବିଃପା ।” ୨୫ ମାଡର୍ ମେଇଂ ଆମେକେ ବାସଙ୍ଗଆରକେ, “ମାପୁ, ମେଁନେ ତ ଗୁଆ ଟାଆଁ ଲେଃକେ !” ୨୬ ନେଙ୍ଗ୍ ଆପେକେ ବାସଙ୍ଗ୍ରିଙ୍ଗକେ “ମୁଡ଼ି

ରେମୁଆଁନେ ଲେଖକେ ଆମେକେ ବିଏ ମାତର ଜାନେ ଶୁମ୍ବେଁ ନ୍ନିଆ ମେଁନେ ଲେଖକେ ଆତେନ୍ ଆଃ ମେବାନ୍ ତୁଙ୍ଗ୍ ଝେଏ । ୨୭ ✨ମାତର ଏବେ ନେଙ୍ଗ୍ନେ ସତୁଇଁ ନେଙ୍ଗ୍ ମେଁଇଙ୍ଗ୍ନେ ଲେଖାଙ୍ଗ୍ ନାଡିଙ୍ଗ୍ ତାଗ୍ରେ ଜାଣ୍ଟେଇଁ ଚାଏଁ ତିଙ୍ଗ୍ ଆରକେ । ମେଇଙ୍ଗ୍ ଆଣ୍ଟିକା ? ନେଙ୍ଗ୍ ସତୁଇଁ ଆକ୍ଅରିଆ ତୁଂପାଙ୍ଗ୍ଲା । ଆମେଇଁକେ ନେଙ୍ଗ୍ ମୁଆଃ ସାମ୍ନେ ବାଗୁଏଃ ବିଃ ।”

ଜିସୁ ଯିରୁଶାଲାମ୍ ନସା ଜିତେନେ ଝେକେ
(ମାଡିଉ ୨୧:୧-୧୧; ମାର୍କ ୧୧:୧-୧୧; ଜହନ୍ ୧୨:୧୨-୧୯)

୨୮ ଏନ୍ ସାପା ସାମୁଆଁ ବାସଙ୍ଗ୍ ଆଡାରେ ଯିରୁସାଲାମ୍ ପାକା ଝେନେ ମୁଲେକେ । ୨୯ ଆରି ଉଡିବେଲା ମେଁ ଜିତକଣ୍ଟା ତାଗ୍ରେ ବେଥ୍ପାଗୀ ଆରି ବେଥନୀ ତାଗ୍ରେ ଝେଚାଆରଗେ ଆତେନ୍ ବେଲା ମେଁ ନିଜେ ସିସ୍ଲଂବାନ୍ ମ୍ୟାୟାକେ ଆକେନ୍ ସାମୁଆଁ ବାଲିରତେ ବେବିଗେ ୩୦ “ସେନ୍ତୁଗ୍ ଆଣ୍ଟିନେ ଇନି ନାଡିଂକେ ଆଡ଼ଅରିଆ ଝେଲା । ପେଇଙ୍ଗ୍ ଇନିଅରିଆ ଗାକ୍ସେ ଦାପ୍ରେ ଆଡ଼ଅରିଆ ମୁଇଙ୍ଗ୍ ଉଂଗଦକେ ଗାଗ୍ବକ୍ସେ ପେକେଏ । ଆତେନ୍ ଗଦ ଆଡାତ୍ରା ଅଃନା ଜାଣ୍ଟେ ତିଗ୍ ଏଃଜାକ ଲାରେ ତେଃ ଆମେକେ ତୁପିଗ୍ରେ ନେଙ୍ଗ୍ ତାଗ୍ରେ ତୁଙ୍ଗ୍ପେପାଙ୍ଗ୍ଏ । ୩୧ ଆରି ଜାଣ୍ଟେ ତିଗ୍ ଆପେକେ ମେଁନସା ତୁପିଗ୍ ପେଡିଙ୍ଗ୍କେ ତାଗ୍ରେ ସାଲିଆକୁଏ ତେଲା ଦେକ୍ତରକମ୍ ପେବାଲିରଏ ତାଗ୍ରେ ଆକ୍ମେନ୍ନିଆ ମାପୁନେ ଦରକାର୍ ଲେଖକେ ।”

୩୨ ମ୍ୟାୟା ସିସ୍ଲଙ୍ଗ୍ ଆତେନ୍ ଇନି ଝେଚେ ମେଁ ଆମେଇଁକେ ତିରକମ୍ ବାସଙ୍ଗ୍ବକେ ଦେଡ଼ରକମ୍ କେକେ । ୩୩ ଆରି ସିସ୍ଲଂ ଗଦ ଉଙ୍ଗ୍ଡେକେ ତୁପିଗ୍ନେ ବେଲା ଗଦ ଉଂଡେନେ ମାଲିକ୍ ତାର୍ରେ ପାଙ୍ଗ୍କେ । ମେଇଁ ସିସ୍ଲଂକେ ସାଲିଆକୁକେ “ପେଇଁ ଗଦ ଉଂଡେକେ ମେସା ତୁପିଗ୍ ପେଡିଙ୍ଗ୍କେ ?”

୩୪ ସିସ୍ଲଙ୍ଗ୍ ବାସଙ୍ଗ୍କେ “ଆକ୍ମେଁ ଅରିଆ ମାପୁନେ ଦରକାର୍ ଲେଖକେ ।” ୩୫ ମେଇଁ ଗଦ ଉଙ୍ଗ୍ଡେକେ ଜିସୁନେ ତାଗ୍ରେ ତୁଂଝେ ଆରକେ । ଏନ୍ ଇଡିଙ୍ଗ୍ ନିଜର୍ ନିଜର୍ ପାଟାଇ ବେଚେ ଜିସୁକେ ଆଃକ ଆରକେ । ୩୬ ଆରି ମେଁ ଗଦ ଆଡାତ୍ରା କଚେ ଯିରୁସାଲାମ୍ ପାକା

✨ ୧୯:୨୭ ୧୯:୨୭ ମାଡିଉ ୨୫:୧୪-୩୦.

ଝେନେ ବେଲା ରେମୁଆଁଇଂ ଗାଲିନିୟା ନିଜର୍ ନିଜର୍ନେ ପାଟାଇ ବେପା ବିକେ ।

୩୭ ଆରି ମେଁ ଯିରୁଶାଲାମନେ ଡାଗରା ବିଃଚେ ପିଙ୍ଗାଚାନେ ବେଲା ଜିତକଣ୍ଟାନେ ଡାଗରା ଦେସ୍ ଅରିଆ ପିଙ୍ଗାଆରକେ । ଆତେନ୍ ବେଲା ଜିସୁନେ ସାପା ସିସ୍ ଦଲ୍ଲଇଂ ସାର୍ଦା ଲେଃଆରଗେ । ମେଇଙ୍ଗ୍ ମାଲେ ଝାସାରଚେ ପର୍ମେସର୍ନେ ମ୍ନିରେ ପ୍ରସଂସା ଅସ୍ମାର୍ ସାରନେ ଆରାମ୍ ତିଙ୍ଗ୍ ଆରକେ । ଆତେନ୍ସା ମେଇଂ ପର୍ମେସର୍ନେ ମ୍ନିରେ ଅସ୍ମାର୍ ସାରଆରକେ । ମେଇଂ ବାସଙ୍ଗ୍ ଆରକେ: ୩୮ “ମାପୁନେ ମ୍ନିରେ ମୁଡ଼ି ଇଃସାଙ୍ଗ୍ ପାଙ୍ଗ୍ତିଙ୍ଗ୍କେ ମେଁ ଦନ୍ୟ । କିତଙ୍ଗ୍ଜନି ସାନ୍ତି ଆରି ପର୍ମେସର୍ନେ ମଇମା ତିଙ୍ଗ୍ଲେ ।”

୩୯ ଆଡ଼ବା ରେମୁଆଁଇଂନେ ଗହଲିବାନ୍ ଉଡ଼ିରୁଆ ପାରୁସିଇଂ ଜିସୁକେ ବାସଙ୍ଗ୍ ଆରକେ “ଏ ଗୁରୁ ନାନେ ସିସ୍ଇଂକେ ଏନ୍ ସାପା ସାମୁଆଁ ମାବାଲିର୍ ନସା ଦମକ୍ ବିଃ ।”

୪୦ ମେଁ ଉତର୍ ବିକେ, “ନେଙ୍ଗ୍ ଆପେକେ ବାସଙ୍ଗ୍ଣିଙ୍ଗ୍କେ ଜଦି ନେଙ୍ଗ୍ନେ ସିସ୍ଇଂ ବୁଙ୍ଗ୍ଲେଲା ବ୍ରିଙ୍ଗ୍ ଜାକ କିରଆର୍ଏ ।”

ଜିସୁ ଯିରୁଶାଲାମ୍ ନସା ଅଁ କିକେ

୪୧ ଜିସୁ ଯିରୁଶାଲାମ୍ ଡାଗରା ପିଙ୍ଗାଚାକେ । ଜିସୁ ଯିରୁଶାଲାମ୍ ଟାଉନକେ କେଚେ ମେସା ଅଁ ଜଗ୍ଲିଗ୍କେ । ୪୨ ଯିରୁଶାଲାମ୍କେ ବାଲିରକେ “ଆନାକେ ତିରକମ୍ ସାନ୍ତି ମିଲେୟାଏ ଆତେନ୍ ଜଦି ପେଇଂ ମ୍ୟା ପେପାଲେ ! ମାତର୍ ଆତେନ୍ ପେ ମ୍ୟା ପେୟା ଶୁ । ଡାଗ୍ଲା ଆତେନ୍ ପେ ବାନ୍ ବୁଡ଼ିଚେ ଲେଃକେ । ୪୩ ନାନେ ଆଡ଼ଲା ଦେକ୍‌ରକମ୍ ବେଲା ପାଙ୍ଗ୍ତିଙ୍ଗ୍କେ, ଉଡ଼ିବେଲା କି ନାନେ ସତୁଇଂ ନାନେ ପିତୁର୍ ପାକା ଗେରେ ବିଏ । ନାନେ ବିରଦ୍ ରେମୁଆଁଇଂ ଆଣ୍ଟେଚେ ଆନାକେ ବାଗୁଏଃ ବିଃ ଆର୍ଏ । ୪୪ ମେଇଂ ଆପେକେ ଆରି ପେ ରେମୁଆଁଇଂକେ ସାପା ଦଂସ ଆଡ଼ିଙ୍ଗ୍ ବିଏ । ମୁଇଂଡିଗ୍ ବ୍ରି ଆର୍ମୁଇଂ ବ୍ରି ଆଡ଼ାଡ଼ା ମେଇଂ ଲେନ୍ସା ଆବି ଶୁ । ଦେକ୍‌ସୁଗୁଆ ବେଲା ପାଙ୍ଗ୍ତିଙ୍ଗ୍କେ । ଡାଗ୍ଲା ଆପେକେ ରକ୍ୟା ତିଙ୍ଗ୍ସା ପର୍ମେସର୍ ଉଡ଼ିବେଲା ପାଙ୍ଗ୍ଲେଗେ ଆତେନ୍ ବେଲା ପେ ସାମୁଆଁ ପେୟାକେ ଶୁ ।”

ଜିସୁ ମନ୍ଦିରନ୍ନିଆ ଝେକେ

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜହନ୍ ୨:୧୩-୨୨)

୪୫ ଜିସୁ ମନ୍ଦିର ବିତ୍ରେ ଝେକେ । ମେଁ ମନ୍ଦିରନେ ପ୍ଲେଡ଼ିଆ ନ୍ନିଆ ବିଆର୍ ସମ୍ୟାକ୍ନେ ରେମୁଆଁଇଂକେ ପାଦା ନୁଆଁ ଆଃତାରକେ । ୪୬ ଜିସୁ ବାସଙ୍ଗକେ “ଦରମ୍ ସାସ୍ତ୍ରନ୍ନିଆ ଗୁଆର୍ବକେ: ସାମୁଆଁ ନେଙ୍ଗ ତୁଆ ପାରତନା ତୁଆ ଡିଙ୍ଗ୍ସ । ମାତର୍ ପେଇଂ ଆକ୍ମେକେ ଡଙ୍ଗାରେ ବାସାନେ ତୁଆ ସୁଗୁଆ ଆଡିଙ୍ଗ୍ ପେବକେ ।”

୪୭ ଜିସୁ ସାପାଦିନା ମନ୍ଦିର ନ୍ନିଆ ରୁଦି ବିଃ ଡିଙ୍ଗ୍ଗେ । ମ୍ନା ପୁଜାରି ଦରମ୍ ସାସ୍ତ୍ରଇଂ ଆରି ଜିଉଦି ନେତାଇଂ ଜିସୁକେ ତାଡ଼୍ଡେ ବାଗୁଏଃ ବିଃନସା ଚାଏଁ ଡିଙ୍ଗ୍ ଆରକେ । ୪୮ ମାତର୍ ସାପା ରେମୁଆଁ ଜିସୁନେ ରୁଦି ମନ୍ ଦିଆନ୍ ବିଚେ ଅଁ ଡିଙ୍ଗ୍ ଆରଗେ । ଆଡେନ୍ସା ମ୍ନା ପୁଜାରି ଦରମ୍ ସାସ୍ତ୍ରଇଂ ଆରି ଜିଉଦି ନେତାଇଂ ମେଁ ଡିଙ୍ଗ୍ ଆରେ ଡାଗ୍ଟେ ମେଃଡିଗ୍ ଉପାୟ ତୁର୍ ଆୟାକେ ଶୁ ।

୨୦

ଜିସୁନେ ଅଦିକାର ବିସୟରେ ପ୍ରସ୍ନ

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ମୁଇଂଦିନା ଜିସୁ ମନ୍ଦିର ବିତ୍ରେ ଲେଃଃଗେ । ଆରି ପର୍ମେସର୍ନେ ରାଇଜ୍ ବିସୟରେ ମାପୁନେ ନିମାଣ୍ଡା ସାମୁଆଁ ବାସଙ୍ଗଡିଙ୍ଗ୍ଗେ । ମ୍ନାୟାଜକ ଦରମ୍ କରମ୍ ରେମୁଆଁଇଂ ଆରି ଜିଉଦି ନେତାଇଂ ଜିସୁକେ ପ୍ରସ୍ନ ସାଲ୍ୟାକୁ ପାଙ୍ଗ୍ଆରକେ । ୨ ମେଇଙ୍ଗ୍ ସାଲ୍ୟାକୁ ଆରକେ “ଆନେକେ ବାସଙ୍ଗ ଆଣ୍ଡିନେ ଅଦିକାରରେ ନାନେ ଆକେନ୍ ସାପା କାମ୍ ଡିଙ୍ଗ୍ନାଡିଙ୍ଗ୍ ? ଆନାକେ ଆକେନ୍ ସାପା ଅଦିକାର ଜାଣ୍ଡେ ବିକେ ?”

୩ ଜିସୁ ଉତର୍ ବିକେ “ନେଙ୍ଗ୍ ଡିଗ୍ ଆପେକେ ମୁଇଙ୍ଗ୍ ପ୍ରସ୍ନ ନ୍ସେଲ୍ୟାକୁଏ । ଆନେଙ୍ଗ୍ ବାସଙ୍ଗ୍, ୪ ଉଡିବେଲା ଜହନ୍ ରେମୁଆଁଇଂକେ ଦିକ୍ୟା ବିକେ ଆଡେନ୍ ପର୍ମେସର୍ବଦାନ୍ ପାଙ୍ଗ୍ଲେକେଲେ ରେମୁଆଁବାନ୍ ପାଙ୍ଗ୍ଲେକେ ?”

୫ ମ୍ନାୟାଜକ ଦରମ୍ କରମ୍ ଶ୍ରେ ଆରି ଜିଉଦି ନେତାଇଂ ନିଜେ ନିଜେ ବିତ୍ରେ ଝିଙ୍ଗ୍ଆ ରିଙ୍ଗ୍ଆ ଡିଙ୍ଗ୍ ଆରକେ । “ନେନେ ଜଦି ନେବାସଙ୍ଗ୍ ଜେ ଜହନ୍ନେ ତୁବନ୍ ପର୍ମେସର୍ବଦାନ୍ ପାଙ୍ଗ୍ଲେଗେ

ତେଲା ମେଁ ସାଲିଆକୁଏ ପେଇଁ ଜହନ୍‌କେ ମେଁନ୍‌ସା ବିସ୍‌ବାସ୍ ପେଡ଼ିଙ୍ଗକେ ? ^୬ ମାତର୍ ନେନେ ଜଦି ନେବାଲିରୁଏ ଜହନ୍‌ନେ ହୁବନ୍ ରେମୁଆଁବାନ୍ ପାଙ୍ଗଲେଗେ ତେଲା ସାପା ରେମୁଆଁ ନେନେ ଆଡ଼ାଡ଼ା ବି ଚୁଟେ ଆନେକେ ସର୍ତ୍ତେ ବାଗୁଏ୪ ବି୪ ଆରୁଏ । ତାଗ୍‌ଲା ମେଇଙ୍ଗ ଜହନ୍‌କେ ବାବବାଦି ତାଗ୍‌ଟେ ବିସ୍‌ବାସ୍ ଡିଙ୍ଗିଆରୁତିଂଗେ ।”
^୭ ଆତେନ୍‌ସା ମେଇଁ ବାଲିରକେ, “ନେ ନେମ୍ୟାକେ ଶୁ”

୮ ଜିସୁ ଆମେଇଁକେ ବାସଙ୍ଗକେ “ନେଙ୍ଗ ଡିଗ୍ ଆପେକେ ନାନେ ବାସଙ୍ଗ ଶୁ ଜୁଜ ନେଙ୍ଗ ଡିଗ୍ ଆଶ୍ରିନେ ଅଦିକାରରେ ଏନ୍ ସାପା କାମ୍ ଡିଙ୍ଗି ଶ୍ରିଙ୍ଗକେ ।”

**ଅଙ୍ଗୁର ଡୁଗ୍‌ଡ଼ିନ୍ନିଆ ବାଗ୍ ଚାସ୍ ଡିଙ୍ଗିଶ୍ରେନେ ଉସ୍ତା ସାମୁଆଁ
 (ମାତିଉ ୨୧:୩୩-୪୬; ମାରକ ୧୨:୧-୧୨)**

^୯ ତେନ୍ ଇଡ଼ିଁ ଜିସୁ ରେମୁଆଁଇଁକେ ଏନ୍ ଉସ୍ତା ବାଲିରକେ: ମୁଇଙ୍ଗ ରେମୁଆଁ ଉଡ଼ି ଲିଜ ଅରିଆ ଅଙ୍ଗୁର ଚାସ୍ ଡିଙ୍ଗକେ । ମେଁ ଆକେନ୍ ଲିଜକେ ସ୍ନେଶ୍ରେକେ ବାଟା ବିକେ । ତେନ୍‌ଇଡ଼ିଁ ମେଁ ଉଡ଼ି ଆକେଁ ସୁଗୁଆ ଆନ୍ତାର୍‌ଟେ ବିଦେସ୍ ଲାଗ୍‌ଡକେ । ^{୧୦} ଇଡ଼ିଙ୍ଗ ଅଙ୍ଗୁର ରୁଏନେ ବେଲା ପାଙ୍ଗକେ । ତେଲା ଆତେନ୍ ରେମୁଆଁ ମେଁନେ ମୁଇଙ୍ଗ ଗତିରେକେ ଆତେନ୍ ସ୍ନେରେ ତାଗ୍‌ରା ବେକେ ଡିରକମ୍ ଡିଗ୍ ସ୍ନେରେଇଙ୍ଗ ମେଁନେ ବାଟା ଅଙ୍ଗୁର ଗତିରେନେ ଡ୍ରି ଅରିଆ ଆସା ବିଆରୁଏ । ମାତର୍ ସ୍ନେରେଇଙ୍ଗ ଗତିରେକେ ବଗ୍‌ଟେ ସରା୪ଡ଼ି ବେଆରକେ । ^{୧୧} ତେଲା ରେମୁଆଁ ମୁଇଙ୍ଗ ଆରି ମୁଇଙ୍ଗଜା ଗତିରେକେ ବେକେ । ସ୍ନେରେଇଙ୍ଗ ଏନ୍ ରେମୁଆଁ ବଗ୍‌ଆରକେ ଆରି ମେଁ ଆଡ଼ାଡ଼ା ଅସନ୍‌ମାନ୍ ବେବଆର୍ ଡିଙ୍ଗିଆରକେ । ମେଇଙ୍ଗ ଆମେକେ ମେ୪ଡ଼ିଗ୍ ମାବିଟେ ବେବି୪ଆରକେ । ^{୧୨} ତେଲା ଲିଜ ସାକାର୍ ଆରି ମୁଇଙ୍ଗ ଗତିରେକେ ବେକେ । ସ୍ନେରେଇଙ୍ଗ ଆମେକେ ଡିଗ୍ ବୟ୍‌ଜାର୍ ଆଚିନା ଆବାନାଟେ ଲିଜ ପାଦାପାକା ଜଗ୍‌ଡିଲିଗ୍ ବିଆରକେ । ^{୧୩} ଲିଜନେ ସାକାର୍ ବାସଙ୍ଗକେ “ଏବେ ନେଙ୍ଗ ମେଁ ଶ୍ରିଙ୍ଗିଏ ? ନେଙ୍ଗ ନେଙ୍ଗନେ ନିଜର୍ ଗଡ଼େଅକେ ମେଏ । ଡିଲାଡିଗ୍ ନେଙ୍ଗ ଗଡ଼େଅକେ ସ୍ନେରେଇଙ୍ଗ ମାନେ୪ ଆରୁଏ । ^{୧୪} ସ୍ନେରେଇଁ ସାଉକାର୍ ଉଙ୍ଗଡେକେ ସାମୁଆଁଟେ ବାଲିରବାତା ଆରକେ, ‘କିମେ ତ

ଲିଜ ସାକାର ଉଦ୍ଦେଶ୍ୟ । ନେନେ ଆମେକେ ବାଗୁଏଃ ବିଃଲୀ ଲିଜ ବି ସାପା ନେନେ ତିଜ୍ଞେଏ' । ୧୫ ତେଲୀ ସ୍ଵେରେଇଂ ସାକାରନେ ଉଦ୍ଦେଶ୍ୟେକେ ତାଡ଼ତେ ବାଗୁଏଃ ବିଃ ଆରକେ ଆରି ତୁଗ୍ତି ପାଦାପାକା ଜଗ୍‌ଲ୍‌ଗ୍ ବିଆରଗେ । ଜିସୁ ଆମେଇଂକେ ସାଲ୍ୟାକୁକେ ଏବେ ଲିଜ ସାଉକାର ମେନେ ତିଜ୍ଞେଏ ? ୧୬ ମେଁ ପାଜ୍‌ତେ ଆତେନ୍ ସ୍ଵେଲେଇଂକେ ତାଡ଼ତେ ବାଗୁଏଃ ବିଃଆରେ । ତେନ୍ ଇଡ଼ିଂ ଆତେନ୍ ଲିଜକେ ଆରି ଉଡ଼ି ସ୍ଵେରେକେ ବାଟା ବିଏ ।” ରେମୁଆଁଇଂ ଆକେନ୍ ବ୍ଲାଲିର୍ ବାସଜ୍ ଆରଏ ଜେ “ଏନ୍ ସାମୁଆଁ ଅଃନା ତିଗ୍ ଆଡ଼ିଜ୍‌ଲେ ।”

୧୭ ଜିସୁ ଆମେଇଂକେ କେତେ ବାସଜ୍‌କେ “ତେଲୀ ଦରମ୍ ପୁରାନନିଆ ଏନ୍ ପଦନେ ଅରତ ମେଁନେ ତିଜ୍ଞେଏ:

ସାମୁଆଁ ମିସ୍‌ତିରିଇଂ ଆଣ୍ଡିନେ ବିକେ ମନ୍ ଆଡ଼ିଆରକେ

ଏକେ କନ୍‌ନେ ମୁଲ୍ ବି ତିଜ୍‌ଲେକେ ।

୧୮ ମୁଡ଼ି ରେମୁଆଁ ଆତେନ୍ ବି ଆଡ଼ାତ୍ରା କସ୍‌ତେ ଲଃଏ ମେଁନେ ତ୍ତି ଞ୍ଚ ପାକ୍‌ତି ଖେଏ । ମାତର୍ ଆତେନ୍ ବି ଜା ଆଡ଼ାତ୍ରା ଲଃଏ ଆତେନ୍ ଆମେକେ ବାଲି ସୁଗୁଆ ଗୁଣ୍ଡ ଆଡ଼ିଜ୍ ବିଏ ।”

୧୯ “ଦର୍ମ ସାସ୍ତି ଆରି ମ୍ନା ପୁଜାରିଇଂ ଜିସୁବାନ୍ ଏନ୍ ଉସ୍ରା ଅଁଆକେଁ । ମେଇଜ୍ ମ୍ୟା ଆରକେ ଜେ ଆକେନ୍ ଉସ୍ରା ମେଁଇଜ୍‌ନେ ବିସଏରେ ବାଲିର୍‌ବକେ । ତେସା ମେଇଜ୍ ଜିସୁକେ ସମାନ୍ ବେଲା ବନ୍ଦି ଆଡ଼ିଜ୍‌ନେ ଚାଏଁଆରକେ । ମାତର୍ ରେମୁଆଁଇଂ ମାରିୟାଃ ମେଃନେ ତିଜ୍‌ବିଆରଏ ଆତେନ୍‌ସା ମେଇଂ ବୁଟ ତିଜ୍‌ଗେ ।”

ସିସୁ ବିନେ ସାମୁଆଁରେ ପ୍ରସ୍ତନ

(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୨୦ ତେସା ମେଇଂ ସୁଜଗ୍ ତୁର୍‌ଆରକେ । ଜିସୁକେ ରୋମୀୟ ସାସନ୍ ତିଜ୍‌ଶ୍ରେ ଡାଗ୍ରା ଆସା ବିନ୍‌ସା ନିଜେକେ ଦରମ୍ ଆଃସୁଏମ୍ୟାକ୍ ଉଡ଼ିକ୍‌ଗ୍ ଗୁପ୍‌ତଜ୍‌ଗାରେକେ ମେଇଂ ବେଆରକେ । ୨୧ ଆତେନ୍ ରେମୁଆଁଇଂ ଜିସୁକେ ବାସଜ୍ ଆରକେ “ଗୁରୁ ନେନେ ମ୍ୟା ନେଲେକେ ଜେ ପେ ମେଁନେ ବାସଜ୍‌ପେଡ଼ିଂ ଆରି ବ୍ଲାଲିର୍ ବିଃ ନାଡ଼ିଜ୍‌କେ ଆତେନ୍ ସାପା ଟିକ୍ । ନାନେ ଜା ଆଡ଼ାତ୍ରା ତିଗ୍ ନାବୁଟ ଶୁ । ମାତର୍ ରେମୁଆଁଇଂନେ ଆଡ଼ାତ୍ରା ଇସ୍‌ପର୍‌ନେ ଇକ୍‌ଟା ବିସୟ୍‌ରେ ସଡ଼ ବୁଦି

ବିଃ ନାମ୍ୟାଃକେ । ୨୨ ଆନେକେ ବାସଙ୍ । କାଈସରକେ ସିସୁ ହିନେ ନିଅମ୍ ଲେଃ ଶୁ ?”

୨୩ ମାତର୍ ଜିସୁ ମୈଈଙ୍ଗନେ ଚାଲାକି ମ୍ୟାଚେ ଆମେଇଂକେ ବାସଙ୍କେ ୨୪ “ମୁଈଙ୍ଗ ରୁପା ତାରୁ ଆଃକେଲା । ଆକେନ୍ ଆଡ଼ାତ୍ରା ଜାନେ ଚିତ୍ର ଆରି ମ୍ରି ଲେଃକେ ?” ମେଇଙ୍ଗ ଉତର୍ ବିଃଆରକେ “କାଈସରନେ ।”

୨୫ ଜିସୁ ଆମେଇଂକେ ବାସଙ୍କେ “ତେଲା ଆଣ୍ଡିନେ କାଈସରନେ ଆତେନ୍ କାଈସରକେ ବିଃପା ଆଣ୍ଡିନେ ପର୍ମେସରନେ ଆତେନ୍ ପର୍ମେସରକେ ବିଃପା ।”

୨୬ ଆଡ଼ବା ମେଇଂ ଜିସୁନେ ବୁଲ୍ ସାମୁଆଁ ସା ମାୟାଚେ । ଆରି ରେମୁଆଁଇଂ ଜିସୁନେ ଏନ୍ ବୁଦି ସୁଗୁଆ ଉତର୍ ଅଚେ କାବା ଡିଙ୍ଗ୍ ଖେ ଆର୍ଗେ । ମେଇଂ ମେଃଡିଗ୍ ବାସଙ୍ ଆୟାଆକେ ଶୁ ।

ଗୁଏଚେ ତଡ଼ିଆ ବିସୟରେ ପ୍ରସନ

(ମାଡିଡ ୨୨:୨୩-୩୩; ମାର୍କ ୧୨:୧୮-୨୭)

୨୭ ତେନ୍ ଇଡିଂ ରେମୁଆଁଇଂନେ ଗୁଏଚେ ମ୍ରି ନେଲେଃକେ ତାଗଚେ ବିସବାସ୍ ଡିଙ୍ଗ୍ ଆଃମ୍ୟାଃକେ ଉଡି ସାଦୁକୀଇଂ ଜିସୁନେ ତାଗ୍ରା ପାଙ୍ଗଚେ ସାଲିଆକୁ ସାମୁଆଁକେ ୨୮ “ଗୁରୁ ମୋଶା ନେନେ ସା ଗୁଆର୍ ବଗେ ଜେ ଜଦି ମୁଇଂ ବିହେ ଡିଙ୍ଗ୍ଲେଃକେ ଇଂରେ ମୈ ଡିଗ୍ ଗୋ ଗିସିଆ ମାକେଚେ ଗୁଏ ଖେଏ ତେଲା ମୈ ବୟାଁ ଡିଲାଡିଗ୍ ଆତେନ୍ ଗୁଏକେ ବୟାଁନେ କୁନେଡେକେ ବିହେ ଡିଙ୍ଗ୍ଏ । ତେଲା ସିନା ମୈ ଆତେନ୍ ଗୁଏ ଖେକେ ବୟାଁ ନସା ଆତେନ୍ ସେଲାମ୍ସୁ ବାନ୍ ଗୋ ଗିସିଆ ବସ୍ କୁଲ୍ ଆମ୍ମା ଯାଏ । ୨୯ ମୁଇଂ ଜାଗାନ୍ନିଆ ଗୁ ବୟାଁ ଲେଃଆରକେ । ମ୍ମା ବୟାଁ ବିହେ ଡିଙ୍ଗ୍ଲେଃକେ । ମୁଇଂ ଡିଗ୍ ଗଗିସିଆ ମାକେଚେ ଗୁଏଖେକେ । ୩୦ ତେନ୍ ଇଡିଂ ଆତେନ୍ ସେଲାମ୍ସୁଃକେ ଆରି ମୁଇଂଜା ବିହେ ଡିଙ୍ଗ୍କେ । ମାତର୍ ମୈ ଡିଗ୍ ଗୁଏ ଖେକେ । ୩୧ ତେନ୍ ଇଡିଂ ବାରି ମୁଇଂଜା ବୟାଁ ଆତେନ୍ ସେଲାମ୍ସୁଃକେ ବିହେ ଡିଙ୍ଗ୍କେ ଆରି ଗୁଏ ଖେକେ । ବିନ୍ ବୟାଁଇଂନ୍ନିଆ ଡିଗ୍ ତେଡରକମ୍ ଗଚେକେ । ମେଇଂ ସାପାଚେ ଗୁଏ ଖେକେ ଆରି ଜାନେ ଡିଗ୍ ଗଗିସିଆ ଜନମ୍ ଡିଙ୍ଗ୍ ଆଲେଃକେ ଶୁ । ୩୨ ସାରାସାରି ବେଲା ଆତେନ୍ ସେଲାମ୍ସୁ ଡିଗ୍ ଗୁଏ ଖେକେ । ୩୩ ଗୁଲ୍ଲିଗ୍ ବୟାଁ ଜାକ ଆମେକେ

ବିହେ ତିଜ୍ଞ ଲେଖଗେ । ତେଲା ଉଡ଼ିବେଲା ରେମୁଆଁ ଗୁଏଚେ ଜିବନ୍ ଆବାଚେ ତଡ଼ିଆଏ ଆତେନ୍ ବେଲା ଏନ୍ ସେଲାମ୍ବୁ ଜାନେ କୁନ୍ଦୁଏଡ଼େ ତିଜ୍ଞଏ ?”

୩୪ ଜିସୁ ସାଦୁକୀଇଂକେ ବାଲିରକେ, “ସଂସାରନେ ରେମୁଆଁଇଂ ନିଜେ ନିଜେ ବିତ୍ରେ ବିହେ ତିଜ୍ଞମ୍ୟାଆରକେ, ବିହେ ତିଜ୍ଞନ୍ସା ବିଝମ୍ୟାକେ । ୩୫ ମାତର୍ ଉଡ଼ିରୁଆ ଗୁଏଚେ ଆରି ତଡ଼ିଆନ୍ସା ଚେସଟା ତିଜ୍ଞ ଆରଏ ଆରି ମେଇଂ ଏନ୍ ଜିବନ୍ ଇଡ଼ିଜ୍ଞ ତିଗ୍ ଆରି ମୁଇଂତର୍ ଜିବନ୍ ଲେଃ ଆରଏ । ଆତେନ୍ ଜିବନ୍ରେ ମେଇଂ ବିହେ ଆଡ଼ିଜ୍ଞଆର୍ ଶୁ ଚୁଲଃ ବିହେ ଆବିଆର୍ ଶୁ ? ୩୬ କିତଂନ୍ନିଆ ରେମୁଆଁଇଂ କିତଂନେ ଦୁଡ଼ଇଂ ସୁଗୁଆ ତିଜ୍ଞଆରଏ ଆରି ମେଇଜ୍ଞ ଅଝନାଡ଼ିଗ୍ ଆଗୁଏଆର୍ ଶୁ । ମେଇଜ୍ଞ ପର୍ମେସର୍ନେ ଗରିସିଆ ଡାଗ୍ଲା ଗୁଏକ୍ସେବାନ୍ ଆରି ମୁଇଜ୍ଞତର୍ ମ୍ରେ ଚେ ମେଇଂ ତଡ଼ିଆ ଆରଏ । ୩୭ ମୋଶା ନିମାଣ୍ଡା ବାବ୍ରେ ଆକେ ବଗେ ଜେ ରେମୁଆଁଇଜ୍ଞ ଗୁଏଚେ ଆର୍ମୁଇଂତର୍ ମ୍ରେ ଆରଏ । ତୁଆନେ ଲାଟା ବିସୟରେ ଗୁଆର୍ବକ୍ସେ ସାସ୍ତର୍ନିଆ ମୋଶା ମାପୁକେ ବାସବକେ, ନେ ଅକ୍ରାହାମ୍ନେ ପର୍ମେସର୍ ଇସାକ୍ନେ ପର୍ମେସର୍ ଜାକୁବ୍ନେ ପର୍ମେସର୍ ଡାଗ୍ରେ ଗୁଆର୍ ବକେ । ୩୮ ଜଦି ପର୍ମେସର୍ ବାସକ୍ବକେ ଜେ ମେଁ ମେଁଇଜ୍ଞନେ ପର୍ମେସର୍ ତେଲା ଏନ୍ ରେମୁଆଁଇଂ ସଡ଼ରେ ଆଗୁଏ ଆରକେ ଶୁ । ମେଁ ମାତର୍ ଜିବନ୍ ରେମୁଆଁଇଂନେ ପର୍ମେସର୍ । ଜାଣ୍ଡେଇଂ ପର୍ମେସର୍ନେ ରେମୁଆଁଇଂ ମେଇଂ ସାପାରେ ଜିବନ୍ ଲେଃ ଆରକେ ।”

୩୯ ଦର୍ମସାସ୍ତିଇଂ ବାସକ୍ ଆରକେ “ଗୁରୁ ନାନେ ଉତର୍ ନିମାଣ୍ଡା ଲେଃଗେ ।” ୪୦ ଜିସୁକେ ଆରି ମାଲେ ପ୍ରସନ୍ ସାଲ୍ୟାକୁନେ ଜା ତିଗ୍ ସାହାସ୍ ଆଡ଼ିଜ୍ଞଆରକେ ।

କିସଟ ମେଁନେ ଦାଉଦ୍ନେ ଉଜ୍ଡେ ?
(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ତେନଇଡ଼ିଂ ଜିସୁ ବାସକ୍କେ, “ରେମୁଆଁ ମେସା ବାଲିରଆର୍ଡ଼ିଂକେ ଜେ କିସଟ ଦାଉଦ୍ନେ ଉଜ୍ଡେ ? ୪୨ ଗୀତସଂହିତାନ୍ନିଆ ଦାଉଦ୍ ମେଁ ନିଜେ ବାଲିର ବକେ: ସାମୁଆଁ ମାପୁ ପର୍ମେସର୍ ନେଜ୍ନେ ମାପୁ କ୍ରିସ୍ଟକେ ବାସକ୍କେ:

ନେଇଁନେ ଞ୍ଚଇଁତି ପାକା ନେଇଁ ତାଗ୍ରା କଲା ।

୪୩ ନେନେ ଉଡ଼ିବେଲା ଜାକ ପେନେ ସତୁଇଁକେ ନାଁନେ ଞ୍ଚ ବୁମେ ତୁଂପାଙ୍ଗ ଜାକ ଆତେନ୍ ବେଲା ଜାକ ନେଁନେ ଞ୍ଚଇଁତି ପାକା କଲାଃଲା ।

୪୪ ଦାଉଦ୍ ମସିହକେ ନେଇଁନେ ମାପୁ ତାଗ୍ରତେ ବାସଙ୍ଗ ଡିଙ୍ଗକେ ତେଲା ମସିହ ଡିରକମ୍ ଦାଉଦ୍‌ନେ ଉଙ୍ଗତେ ଡିଙ୍ଗିୟାଏ ? ଏନ୍ ମାୟାନେ ସାମୁଆଁ ଡିରକମ୍ ସତ୍ ଡିଙ୍ଗିୟାଏ ?”

ଜିସୁ ଦରମ୍ ଗୁରୁଇଁ ବିସୟରେ ତରକ୍ ଆଡ଼ିଙ୍ଗକେ
(ମାତିଉ ୨୩:୧-୩୬; ମାର୍କ ୧୨:୩୮-୪୦)

୪୫ ସାପା ରେମୁଆଁ ଜିସୁନେ ସାମୁଆଁ ଅଁ ଆର୍ଡିଙ୍ଗେ । ଜିସୁ ସିସଇଁକେ ବାସଙ୍ଗକେ ୪୬ “ଦର୍ମ ସାସ୍ତିଇଁବାନ୍ ତରକ୍ ଲାଃଲାପା ! ହେ ପାଟାଇ ସଃତେ ଅଲେଙ୍ଗନ୍‌ସାଃ, ବାରି ସାନ୍ତାନ୍ନିଆ ସାର୍ଲ, କୁକପାର୍ ତୁଆନ୍ନିଆ ମ୍ନାଃ କୁଚ୍ ଆରି ବଜିନ୍ନିଆ ମ୍ନାଃ ଜାଗା ବଲ୍ ବାଆରଏ । ୪୭ ମେଇଁ ଗୁଏସାଙ୍ଗକ୍‌କ୍‌ଏଇଁନେ ତୁଆ ବାଜାର୍ ନାଲେତେ ତୁଂତ ମ୍ୟାକେ । ମେଇଁ ହେ ପାର୍ତନା ଡିଙ୍ଗତେ ନିଜକେ ନିମାଣ୍ଟା ଆସୁଏ ନ୍‌ସା ଚେସ୍‌ଟା ଡିଙ୍ଗ୍ ମ୍ୟା ଆରକେ । ପର୍‌ମେସର୍ ଦେଃକେନ୍ ରେମୁଆଁଇଁକେ ବୟ୍‌କାର୍ ତଣ୍ଟ ବିଏ ।”

୨୧

ଗୁଏସାଙ୍ଗକ୍‌କ୍‌ଏ ସେଲାମ୍‌ସୁନେ ସତ୍‌ରେ ଦାନ୍
(ମାର୍କ ୧୨:୪୧-୪୪)

୧ ଜିସୁ ପିତୁର୍ ପାକା କେକେ ଜେ ଉଡ଼ି ସାଉକାର୍ ରେମୁଆଁ ମନ୍ଦିର୍‌ନେ ଦାନ୍ ବିଃକ୍‌ଜେ ବୁବନେ ପିଡ଼ିନିଆ ପର୍‌ମେସର୍ ନ୍‌ସା ଦାନ୍ ବିବକେ । ୨ ଜିସୁ ମୁଇଙ୍ଗ୍ ଗରିବ୍ ଗଏସାଙ୍ଗକ୍‌କ୍‌ଏକେ କେକେ । ଆତେନ୍ ଗୁଏସାଙ୍ଗକ୍‌କ୍‌ଏ ରେମୁଆଁ ମୁଇଙ୍ଗ୍ ଦାନ୍ ବିଃକ୍‌ଜେ ତାରୁ ବୁବନେ ପିଡ଼ିନିଆ ମ୍ନାକିଲିଗ୍ କ୍‌ସ୍‌ନେ ତାରୁ ତାଲାଗକେ । ୩ ଜିସୁ ବାସଙ୍ଗକେ “ନେଇଁ ଆପେକେ ସତ୍ ବାସଙ୍ଗ୍ ଶ୍ରିଙ୍ଗ୍, ଆକେନ୍ ଗରିବ୍ ଗୁଏସାଙ୍ଗକ୍‌କ୍‌ଏ ମୁଇଙ୍ଗ୍ ଆକେନ୍ ଦନି ରେମୁଆଁଇଁକେବାନ୍ ଜାବର୍ ଅଦିକା ବିକେ । ୪ ତାଗ୍ଲା ବିନ୍‌ରେଇଁ ମେଁଇଁନେ ଦନ୍‌ନେ ଉଡ଼ି ଦାନ୍ ବିଃବକେ, ମାତର୍

ଗୁଣସାଙ୍ଗକୁ ଏ ମୁଇଁ ଗରିବ୍ ତିଜ୍ଞା ତିଗ୍ ମେଁନେ ବୁଆନ୍‌ସା ଉଡ଼ି
ଲେଖଗେ ସାପା ମେଁ ବିଷବକେ ।”

ଜିସୁ ମନ୍ଦିରନେ ଦଂସ ବିସୟରେ ବାସଙ୍ଗକେ
(ମାତିଉ ୨୪:୧-୨; ମାର୍କ ୧୩:୩-୧୩)

* ଉଡ଼ିକ୍ଲିଗ୍ ସିସ୍ ମନ୍ଦିର ବିସୟରେ ବାଲିରବାତା ତିଜ୍ଞାଆରତିଂଗେ
। ମେଇଁ ବାସଙ୍ଗକେ “ଆକେନ୍ ମୁଇଜ୍ ସୁନ୍ଦର ମନ୍ଦିର । ଆକେନ୍
ସାପାବାନ୍ ନିମାଣ୍ଡା ବ୍ରି ଏତେ ଆରେ ବକେ । କେଲା ପର୍ମେସରକେ
ତିରକମ୍ ନିମାଣ୍ଡା ନିମାଣ୍ଡା ଦାନ୍ ବିବ ଆରକେ !” ୬ ମାତର୍
ଜିସୁ ବାସଙ୍ଗକେ “ଏବେ ପେଇଁ ଆକ୍‌ଅରିଆ ମେଝନେ ସାପା
କେପେଡ଼ିଜ୍‌କେ ବେଲା ପାଙ୍ଗକେ ଉଡ଼ିବେଲା ଆକେନ୍ ସାପା ଦଂସ
ତିଜ୍ଞାଏ । ଆକେନ୍ ଦରତନିନେ ସାପା ବ୍ରି ତୁବଃ ଅରିଆ କୁଡ଼େଃରେ
ଲଃଏ । ମୁଇଁତିଗ୍ ବ୍ରି ବିନ୍‌ମୁଇଜ୍ ବ୍ରି ଆଡ଼ାତ୍ରା ଲେଃ ଆୟାଆର୍ ଶୁ”

ଦୁକ୍ ଆରି ତାଡ଼ନା
(ମାତିଉ ୨୪:୩-୧୪; ମାର୍କ ୧୩:୩-୧୩)

୭ ଉଡ଼ିକ୍ଲିଗ୍ ସିସ୍ ଜିସୁକେ ସାଲିଆକୁକେ “ଗୁରୁ ! ଆକେନ୍ ସାପା
ଗର୍ନା ଅଃନା ଗଟେଏ ? ତିରକମନେ ଚିନା ତିଜ୍ଞାନେ ସୁଗୁଆ ତିଜ୍ଞାଏ
ଜେ ଆକେନ୍ ସାପା ଗର୍ନା ଗଟେନେ ବେଲା ପାଙ୍ଗଡ଼ିଜ୍‌କେ ?”

୮ ଜିସୁ ବାସଙ୍ଗକେ “ଜାଗ୍ରତ୍ ! ତାହା ଆଡ଼ିଜ୍‌ପା । ନେଜ୍ ମ୍ରି
ସାଚେ ଗୁଲେ ରେମୁଆଁ ପାଙ୍ଗଆର୍ଏ । ମେଇଜ୍ ବାସଙ୍ଗଏ ସାମୁଆଁ
ନେଜ୍ କିସ୍‌ଟ ଆରି ସାମୁଆଁ ଟିକ୍ ବେଲା ପିଙ୍ଗଟା ଲେଃକେ । ମାତର୍
ପେଇଁ ମେଁଇଜ୍‌ନେ ସାମୁଆଁ ଦ୍ରିଗ୍‌ରେ ପ୍ଲାପ୍ଲା ଆଝେଗେପା । ୯ ପେଇଁ
ଉଡ଼ିବେଲା ଜୁଦ୍ ଆରି ରିଜ୍‌ଆଃ ତିଜ୍ଞାନେ ରେମୁଆଁଇଁନେ ପେଆଁଏ
ତେଲା ପେ ପେବୁଟ୍ ଶୁ । ଏନ୍ ସାପା ଗର୍ନା ସତେଆ ପର୍‌ତୁମ୍
ଗଟେଏ । ମାତର୍ ସଂସାର୍ ତାନେ ବେଲା ପାଙ୍ଗନେ ତଙ୍ଗାର୍ ତିଜ୍ଞାଏ
।”

୧୦ ଜିସୁ ଆମେଇଁକେ ଆରି ବାସଙ୍ଗକେ “ଦେସ୍ ଦେସ୍ ବିଡ଼େ
ରିଜ୍‌ଆଃ ଆର୍ଏ । ରାଇଜ୍ ରାଇଜ୍ ବିରଦ୍‌ରେ ରିଜ୍‌ଆଃ ଆର୍ଏ
। ୧୧ ବୁଟମେଗ୍‌ନେ ବୁମିକମ୍ ରଗ୍ ଆରି ଅସାକ୍ତିନେ ସାମୁଆଁ
ସାପା ଜାଗାନ୍ନିଆ ଗଟେଏ । ଉଡ଼ି ଜାଗାନ୍ନିଆ ମୁରଡ଼ି ତିଜ୍ଞାଏ
ରେମୁଆଁଇଁକେ ଚଙ୍ଗନେ ଆମିଲେ ଶୁ ବୟଙ୍ଗାର୍ ଗର୍ନାଇଁ ଗଟେଏ

। ରେମୁଆଁଙ୍କୁ ଆଚେତାନ୍‌ସା କିତଙ୍ଗଇନି ଅରିଆ ଗୁଲେ ପାରାନ୍ ଦାଡ଼କେକେ ସୁଗୁଆ ସାମୁଆଁ ଆନ୍‌ସା ।^{୧୨} ମାତର୍ ଆକେନ୍ ସାପା ଗର୍ନା ଗଚେନେ ସେନୁର୍ ରେମୁଆଁ ଆପେକେ ବନ୍ଦି ଆଡ଼ିଙ୍ଗଚେ ତୁଂଖେଏ ଆର୍‌ଏ ଆରି ଆପେକେ କଷ୍ଟ ବିଏ । ରେମୁଆଁଙ୍କୁ ମେଁଇଙ୍ଗନେ ପାର୍‌ତନା ତୁଆ ଅରିଆ ଆପେକେ ବିଚାର୍ ତିଙ୍ଗଏ ଆରି ଆପେକେ କଏଦ୍ ତୁଆ ଅରିଆ ବନ୍ଦି ଆଡ଼ିଙ୍ଗ ଆର୍‌ଏ । ଇଃସାଙ୍ଗ ଆରି ସାସନ୍ ତିଙ୍ଗଣ୍ଡେ ସାମନାରେ ଆପେକେ ଆଡୁଆଁଏ । ପେଇଂ ନେଙ୍ଗନେ ପ୍ଲାଃ ପାଙ୍ଗ ପେଲେକେସା ରେମୁଆଁଙ୍କୁ ପେ ଆଡ଼ାଡ଼ା ଦେକ୍ ରକମ୍ ବେବଆର୍ ଆଃସୁଏ ଆର୍‌ଏ ।^{୧୩} ମାତର୍ ଏନ୍ ଆପେକେ ନେଙ୍ଗ ବିସୟରେ ବାଲିର୍ ନ୍‌ସା ବେଲା ବିଆର୍‌ଏ ।^{୧୪} ଏପେଇଙ୍ଗ ନିଜକେ ଆଃମ୍ ନ୍‌ସା ମେଁନେ ପେବାସଙ୍‌ଏ ଆତେନ୍‌ସା ଅଃନା ଚିନ୍ତା ଆଡ଼ିଙ୍ଗପା ।^{୧୫} ନେଙ୍ଗ ଆପେକେ ଦେକ୍ ସୁଗା ବାଲିର୍ ନ୍‌ସା ଗିଆନ୍ ମ୍‌ଏ । ପେଇଂ ମେଁନେ ପେବାସଙ୍‌ଏ ପେନେ ଜା ତିଗ୍ ବିରଦ୍ ରେମୁଆଁ ଆତେନ୍ ଉତର୍ ବିଃଆୟା ଶୁ ।^{୧୬} ଦେକ୍‌ରକମ୍‌କି ପେନେ ଆବା ଇୟାଙ୍ଗ ବୟାଁ ସାଙ୍ଗ ଆରି କୁଟୁମ୍‌ଣ୍ଡେଇଂ ପେନେ ବିରଦ୍ ତିଙ୍ଗ ଆର୍‌ଏ । ମେଇଙ୍ଗ ପେନେବାନ୍ ଉଡ଼ି ରୁଆକେ ବାଗୁଏଃ ବିଃଆର୍‌ଏ ।^{୧୭} ପେଇଙ୍ଗ ନେଙ୍ଗନେ ପ୍ଲାପ୍ଲା ପାଙ୍ଗପେଲେକେସା ସାପାରେ ଆପେକେ ଗୁର୍ନା ତିଙ୍ଗଆର୍‌ଏ ।^{୧୮} ମାତର୍ ସତେଆ ଅଃକେନ୍ ବିତ୍ରେବାନ୍ ଜା ବାନ୍ ତିଗ୍ ଆପେକେ ମୁଇଙ୍ଗ ତିଙ୍ଗ ବାଆଃନେ ଉଗ୍‌ବ ନଷ୍ଟ ଆଡ଼ିଙ୍ଗ ଶୁ ।^{୧୯} ସାହାସ୍ ବାନ୍ ପେଇଂ ନିଜର୍ ନିଜର୍ ଜିବନ୍ ଆମ୍ ପେୟାଏ ।”

ଜିସୁ ଜିରୁଶାଲାମ୍ ନସ୍ତୁ ବିସୟରେ ବାସଙ୍‌କେ
(ମାତିଉ ୨୪:୧୫; ମାର୍କ ୧୩:୧୪-୧୯)

^{୨୦} ପେଇଙ୍ଗ ଯିରୁଶାଲାମ୍ ପିତୁର୍‌ପାକା ସନ୍‌ୟଇଙ୍ଗ ଗେରେଚେ ଲେଃକ୍‌କେ ପେକେଏ । ତେଲା ପେଇଂ ମ୍ୟାପେୟାଏ ଜେ ଯିରୁଶାଲାମ୍ ଦଂସ ତିଙ୍ଗନେ ବେଲା ପିଙ୍ଗା ତିଙ୍ଗକେ ।^{୨୧} ଆତେନ୍ ବେଲା ଜିଉଦାନେ ରେମୁଆଁଙ୍କୁ କଣ୍ଡା ଆଃଡ଼ାପାକା ଲେଃଆର୍‌ଏ ମେଇଂ କଣ୍ଡା ପାକା ଝିର୍ ତୁଂଖେଲେ ଜାଣ୍ଡେ ଇନି ଆର୍‌ଏ ମେଇଂ ବିନ୍ ପାକା ଝେଆର୍‌ଲେ ଆରି ଜାଣ୍ଡେଇଂ ପଲି ଇନିନ୍‌ନିଆ ଲେଃଆର୍‌ଏ ବାରି

☆ ୨୧:୧୪ ୨୧:୧୪ ଲୁକ ୧୨:୧୧,୧୨.

ଦେସନିଆ ଆଣ୍ଡେ ଆପାଙ୍ଗଲେ ।^{୨୨} ପରମେସର ଉଡ଼ିବେଲା ମେଁନେ ରେମୁଆଁଇଁକେ ଦନ୍ ବିଏ ଆତେନ୍ ବିସୟରେ ଅସେନେ ବକ୍ତାଇଁ ଗୁଲୁଏ ସାମୁଆଁ ଗୁଆର୍ ବଆରକେ । ନେଙ୍ଗ ଆପେକେ ଆତେନ୍ ବିସୟରେ ବାସଙ୍ଗ୍ରିଂ ଉଡ଼ିବେଲା ସାପା ଗର୍ନା ସତ୍ ବାବ୍ରେ ଗଟେଏ ।^{୨୩} ଆତେନ୍ ବେଲା ଗାଗ୍ଡେ ଲେଃକ୍ନେ ସେଲାମ୍ବୁ ଆରି ବିନ୍ ତାଆଁନେ ଗଡ଼େଅ ଲେଃନେ ସେଲାମ୍ବୁଇଙ୍ଗ୍ନେ ମାଲେ କଷ୍ଟ ତିଙ୍ଗ୍ । ତାଗ୍ଲା ଆତେନ୍ ଦିନାଇଁକେ ଆକେନ୍ ଦେସୁ ଆଡ଼ାତ୍ରା ମାଲେ କଷ୍ଟ ଲିଗ୍ ତୁଂପାଙ୍ଗ୍ । ଆରି ଏନ୍ ରେମୁଆଁ ଆଡ଼ାତ୍ରା ପରମେସରନେ ତଣ୍ ପାଙ୍ଗ୍ ।^{୨୪} ଉଡ଼ିରୁଆକେ ସନ୍ଧଇଙ୍ଗ୍ ବାଗୁଏ ଆରୁଏ । ବିନେ ଉଡ଼ିରେକେ ଗାଗ୍ରେ ବିନ୍ ସାପା ଦେସପାକା ବେବିଃଆରୁଏ । ଅବିସ୍ବାସି ଜିଉଦି ରେମୁଆଁଇଁନେ ମେଁଇଙ୍ଗ୍ନେ ବେଲା ମାଡାନେ ଜାକ ପବିତ୍ର ମ୍ବାଇନି ଯିରୁଶାଲାମ୍ବୁକେ ଞ୍ଚ ଆଲନେ ଦୁଲି ତିଂରେ ଲେଃଆରୁଏ ।

ରେମୁଆଁ ଉଙ୍ଗ୍ଡେ ଜାରନେ ପେକେଏ

(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

^{୨୫} ✧ ସ୍ତ୍ରୀ ଆକେ ବାରି ଚାଙ୍ଗୁଆଇଁ ତାଗ୍ରା ଇରିୟାତୁଗ୍ନେ ଚିନା ନାଏ । ସାପା ଦେସନେ ରେମୁଆଁଇଁ ନିରାସ୍ ତିଙ୍ଗ୍ଆରୁଏ ବାରି କେଣ୍ଡିଆନେ ଗର୍ଜନ୍ ବାରି ବୟାଙ୍ଗାର୍ ଲଅଡ଼ି ସାପାରେକେ ବାଃଟଏ ।^{୨୬} ସଂସାରକେ ଚାପେ ପାଙ୍ଗ୍ନେ ବିପଦକେ ଚିନ୍ତା ତିଙ୍ଗ୍ରେ ରେମୁଆଁଇଙ୍ଗ୍ ବୁଟରେ ମୁରଚା ତିଙ୍ଗ୍ଝେଆରୁଏ । କିତଙ୍ଗ୍ନିନେ ସାପା ଗୁଅ ବଦ୍ଲେ ଝେ ଆରୁଏ ।^{୨୭} ଆତେନ୍ ବେଲା ରେମୁଆଁଇଙ୍ଗ୍ ରେମୁଆଁ ଉଂଡେକେ ବପୁ ଆରି ମ୍ବା ଗୌରବ୍ ଏଡେ ତ୍ରିଗ୍ଡିଆ ଆଡ଼ାତ୍ରା ବାନ୍ ପାଙ୍ଗ୍ନେ ପେକେଏ ।^{୨୮} ଉଡ଼ିବେଲା ଆକେନ୍ ଗର୍ନା ଗଟେନେ ଆରାମ୍ ତିଙ୍ଗ୍ ଝେଏ ଆଡ଼ାତ୍ରା ତାଣ୍ଡେରେ ସାର୍ଦା ପେଡିଙ୍ଗ୍ ତାଗ୍ଲା ପେଇଁନେ ମୁଲ୍ଲିନେ ବେଲା ତାଗ୍ରା ତିଙ୍ଗ୍ଝେଡିଙ୍ଗ୍ ତାଗ୍ରେ ଆକ୍ବାନ୍ ପେମ୍ୟାଏ ।

ଲିଝା ସ୍ଥାନେ ବୁଦି

(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

✧ ୨୧:୨୫ ୨୧:୨୫ ପ୍ରକାସିତ୍ ୭:୧୨,୧୩.

୨୯ ତେନ୍‌ଇଡ଼ି ଜିସୁ ମୁଇଙ୍ଗ୍ ଉସ୍ରା ବାସଙ୍ଗକେ ଲିଖା ସ୍ଲାଃ ଆରି ବିନ୍ ସ୍ଲାଃଇଂନେ ସାମୁଆଁ ଏତେ କେଲାପା ।” ୩୦ ଲିଉଆଁ ସ୍ଲାଃନେ କେନ୍ଦା ଅରିଆ ଉଡ଼ିବେଲା ମି ଉଲିଆଃ ପଃଏ ପେଇଙ୍ଗ୍ ମ୍ୟାପେୟାଏ ଜେ ବୁନ୍‌ସେଙ୍ଗ୍ ପିଙ୍ଗ୍ରା ତିଂକେ । ୩୧ ଦେଡ଼ ରକମ୍ ନେଙ୍ଗ୍ ଆପେକେ ମୈନେ ବାସଙ୍ଗଣ୍ଡିଙ୍ଗକେ ଆତେନ୍ ସାପା ଗଟେଏ । ଏନ୍ ସାପା ଗଟ୍‌ନା ଗଟେନେ କେଲା ପେଇଂ ମ୍ୟାପେୟାଏ ଜେ ପର୍‌ମେସର୍‌ନେ ରାଇଙ୍ଗ୍ ଡାଗ୍ରା ପିଙ୍ଗ୍ରା ଝେଗେ ।

୩୨ “ନେଙ୍ଗ୍ ଆପେକେ ସଡ଼ ବାସଙ୍ଗଣ୍ଡିଂ ଏଃକେନେ ରେମୁଆଁଇଂ ଗୁଏନେ ସେନୁଗ୍ ଏନ୍ ସାପା ଗଟେଏ । ୩୩ ମଞ୍ଚପୁର୍ ଆରି କିତଙ୍ଗ୍‌ଇନି ଲପ୍ ଡିଙ୍ଗ୍‌ଏ । ମାତର୍ ନେଙ୍ଗ୍‌ନେ ସାମୁଆଁ ଅଃନାଡିଗ୍ ଲପ୍ ଆଡିଙ୍ଗ୍ ଶୁ ।”

ଜାଗ୍ରତ୍ ଡିଙ୍ଗ୍‌ରେ ଲାଃଲାପା

୩୪ “ସାବ୍‌ଦାନ୍ ଲାଲାପା ! ପେଇଙ୍ଗ୍ ସାଗ୍ରା ଉଗ୍‌ରେ ବୁସାଃରେ ନିଜେନେ ବେଲା ନଷ୍ଟ ଆରାଡିଙ୍ଗ୍‌ପା । ସାଂସାରିକ୍ ଜିନିସ୍‌ଇଂ ବିସୟରେ ଜାବର୍ ଚିନ୍ତା ଆଡିଙ୍ଗ୍‌ପା । ଆରି ପେଇଂ ତିଆର୍ ଡିଙ୍ଗ୍‌ପେଲେଃକେ ବେଲା ଉଲୁସ୍ତେ ସାରାସାରି ବେଲା ପାଙ୍ଗ୍‌ଏ । ୩୫ ମଞ୍ଚପୁର୍ ଲେଃମ୍ୟାକ୍‌ସାପା ରେମୁଆଁଇଂ ଡାଗ୍ରା ଆକେନ୍ ମୁଇଙ୍ଗ୍ ପାନ୍ ସୁଗୁଆ ପାଙ୍ଗ୍‌ଏ । ୩୬ ତେସା ସାପାବେଲା ତରକ୍‌ରେ ଲାଲାପା । ଜା ସାପା ଗଟ୍‌ନା ଗଟେନେ ଝେଡିଙ୍ଗ୍‌କେ ଆତେନ୍ ବିଡ୍ରେ ବିଚେ ଟିକ୍ ଗାଲି ଝେନ୍‌ସା ବପୁ ବାନ୍‌ସା ପାର୍‌ତନା ଡିଙ୍ଗ୍‌ପା । ପେଇଂ ଆମ୍ବାରେ ବିସ୍‌ବାସ୍‌ରେ ରେମୁଆଁ ଉଙ୍ଗ୍‌ଡେନେ ସେନୁଗ୍ ତୁଆଁ ନ୍‌ସା ପାର୍‌ତନା ଡିଙ୍ଗ୍‌ପା ।”

୩୭ ଆତେନ୍ ଦିନାଇଂ ଜିସୁ ରେମୁଆଁଇଂକେ ମନ୍ଦିର୍‌ନ୍ଦିଆ ସାମୁଆଁ ବିଡିଙ୍ଗ୍‌ଗେ । ମିଡିଗ୍ ବେଲା ମୈ ମ୍ବାଇନି ପାଦାପାକା ତାର୍‌ଝେଗେ ଆରି ପ୍ରାମିଡିଗ୍ ଜିତକଣ୍ଡା ଆଡାଡା କଟେକେ । ୩୮ ରେମୁଆଁଇଂ ମନ୍ଦିର୍‌ନ୍ଦିଆ ଝେରେ ଜିସୁନେ ବ୍ଲାଲିର୍ ଅନ୍‌ସା ସାପା ଦିନା ଞ୍ଜିର୍ ତଡିଆରେ ଝେଆର୍‌ଡିଙ୍ଗ୍‌ଗେ ।

୨୨

ଜିଉଦି ନେତାଜଙ୍କ ଜିସୁକେ ବାଗୁଏଃ ନ୍ୟା ଚାଏଁଆରକେ
(ମାତିଉ ୨୬:୧-୫; ମାର୍କ ୧୪:୧-୨; ଜହନ୍ ୧୧:୪୫-୫୩)

୧ ଖମୀର ଶୂନ୍ୟ ରୁଟି ପାଣ୍ଡୁ ଆଜା କି ଉଦାର ପାଣ୍ଡୁ ତିଗ୍ ବାସଙ୍ଗମ୍ୟାଃକେ ଆତେନ୍ ବେଲା ଡାଗରା ପିଙ୍ଗାଡ଼ିଙ୍ଗକେ । ୨ ମ୍ମା ପୁଜାରି ଆରି ଦରମ୍ ସାସ୍ତିଇଂ ରେମୁଆଁଇଂକେ ବୁଟ ଡିଙ୍ଗିଆରଗେ । ମାତର ମେଇଂ ଜିସୁକେ ତାଡ଼ତେ ବାଗୁଏଃ ନ୍ୟା ଉପାୟ୍ ତୁରଡ଼ିଙ୍ଗି ଆରଗେ ।

ଜିଉଦା ଜିସୁକେ ବିସବାସଗାଡ଼ ଡିଙ୍ଗକେ
(ମାତିଉ ୨୬:୧୪-୧୬; ମାର୍କ ୧୪:୧୦-୧୧)

୩ ଜିସୁକେ ଗମ୍ପାରକ୍ଳିଗ୍ ସିସ୍‌ଇଂବାନ୍ ମୁଇଂଜାନେ ମ୍ମି ଲେଃଗେ ଇଷ୍ଟରିୟଥ୍ ଜିଉଦାନ୍ନିଆ ସଏତାନ୍ ଗାକେ । ୪ ଆରି ଜିଉଦା ୱେତେ ମ୍ମା ପୁଜାରି ଆରି ମନ୍ଦିରନେ ସେନାପତିଇଂ ଏତେ ବାଲିରବାତା ଡିଙ୍ଗକେ । ଜିସୁକେ ମେଁଇଙ୍ଗନେ ତ୍ରିନିଆ ଆସା ବିନ୍‌ସା ଜିଉଦା ମେଇଂ ଏତେ ମୁଇଙ୍ଗ ଉପାୟ୍ ଡିଙ୍ଗକେ । ୫ ଆଡ଼ବା ପୁଜାରିଇଂ ସାର୍ଦାଡ଼ିଙ୍ଗି ଆରକେ । ଜିସୁକେ ମେଁଇଙ୍ଗନେ ତ୍ରିନିଆ ବିଃ ବିଃକେ ମେଇଂ ଜିଉଦାକେ ତାବୁ ବିଃନ୍‌ସା ବାସଙ୍ଗ ବଗେ । ୬ ଜିଉଦା ରାଜି ଡିଙ୍ଗକେ । ମେଁ ଜିସୁକେ ପୁଜାରିଇଂନେ ତ୍ରିନିଆ ଆସା ବିଃନ୍‌ସା ମୁଇଙ୍ଗ ଉପାୟ୍‌ରେ ଲେଃ ଆରଗେ । ଜିଉଦା ଇକ୍‌ଚା ଡିଙ୍ଗିଡ଼ିଙ୍ଗେ ଜେ ଉଡ଼ିବେଲା ମେଃଡ଼ିଗ୍ ରେମୁଆଁ ଆଡ଼ଅରିଆ ପାଙ୍ଗିଆଲେ ମେଁ ଆତେନ୍ ବେଲା ଏନ୍ କାମ୍ ଡିଙ୍ଗିଏ ।

ଜିସୁ ନିସ୍ତାର ପାଣ୍ଡେ ଚଙ୍ଗନେ ନ୍ୟା ତିଆର ଡିଙ୍ଗକେ
(ମାତିଉ ୨୬:୧୭-୨୫; ମାର୍କ ୧୪:୧୨-୨୧; ଜହନ୍ ୧୩:୨୧-୩୦)

୭ କମିର ଶୂନ୍ୟ ରୁଟି ପାଣ୍ଡୁ ଦିନ୍ ପିଙ୍ଗାଗେ । ଆକେନ୍ ଦିନା ଜିଉଦିଇଙ୍ଗ ଉଦାର ପାଣ୍ଡୁନ୍ନିଆ ତାଆଁ ମେଣ୍ଡାଇଂକେ ପୁଜା ବିଆରଏ । ୮ ଜିସୁ ପିତରକେ ଆରି ଜହନ୍‌କେ ବାଲିରକେ “ପେଇଂ ୱେତେ ନ୍ୟା ଚଙ୍ଗନ୍‌ସା ଉଦାର ପାଣ୍ଡୁକେ କାଦି ତିଆର ଡିଙ୍ଗପା ।”

୯ ପିତର ଆରି ଜହନ୍ ଜିସୁକେ ସାଲିଆକୁକେ “ଏନ୍ କାଦି ଆଣ୍ଡିନିଆ ନେନେ ତିଆର୍ ନେଡିଙ୍ଗ୍ ଡାଗ୍‌ଟେ ନାନେ ଇକ୍‌ଟା ଡିଙ୍ଗ୍ ନାଡିଙ୍ଗ୍‌କେ ?”

୧୦ ଜିସୁ ଆମେଇଂକେ ବାସଙ୍ଗ୍‌କେ “ଅଁପା ! ପେଇଂ ସହର୍ ବିତ୍ରେ ଝେକ୍‌କେ ଇଡିଙ୍ଗ୍ ମୁଇଙ୍ଗ୍ ରେମୁଆଁ ଲୁଇନିଆ ଶ୍ରିଆ ତୁଂଝିଗ୍‌ନେ ପେକେଏ । ପେଇଂ ମେଁ ପ୍ଲା ପେଝେଏ । ମେଁ ମୁଇଙ୍ଗ୍ ତୁଆ ବିତ୍ରେ ଗାଏ । ପେଇଂ ମେଁ ଏଡେ ପେଝେଏ । ୧୧ ପେଇଂ ତୁଆନେ ସାକାରକେ ପେସାଲ୍ୟାକୁଏ ଗୁରୁ ସାଲ୍ୟାକୁଡିଂକେ ଜେ ମେଁ ଆରି ମେଁନେ ସିସଇଂ ଉଦାର୍ ପାଣ୍ଡୁସୁନେ ବଲେ ଆଣ୍ଡିଅରିଆ ଚଙ୍ଗ୍‌ଆର୍‌ଏ ଆଡେନ୍ ଆନେକେ ଆଃସୁଏ ବିଲା । ୧୨ ତେନ୍ ଇଡିଂ ତୁଆ ସାଉକାର୍ ଆଡାତ୍ରା ମହଲାନେ ମ୍ଲାନେ ବାକ୍‌ରା ଆସୁଏ ବିଏ । ଆଡେନ୍ ବାକ୍‌ରା ନ୍ରିଆ ପେଇଂନ୍‌ସା ଆର୍ମେଟେ ବକେ । ଆଡ୍‌ଅରିଆ ପେଇଂ ଉଦାର୍ ପାଣ୍ଡୁସୁନେ କାଦି ପେରାରେଏ ।”

୧୩ ପିତର ଆରି ଜହନ୍ ଝେଆର୍‌କେ । ଜିସୁ ଡିରକମ୍ ବାସଙ୍ଗ୍‌ବଗେ ସାପା ଗଟ୍‌ନା ଦେଡ୍‌ରକମ୍ ଗଟେକେ । ମେଇଂ ଆଡ୍‌ଅରିଆ ଉଦାର୍ ପାଣ୍ଡୁସୁନେ କାଦି ଆଃରେ ଆର୍‌କେ ।

ମାପୁ ବଜି

(ମାଡିଉ ୨୭:୨୭-୩୦; ମାର୍କ ୧୪:୨୨-୨୬; ୧ କରିନ୍‌ଡିୟ ୧୧:୨୩-୨୫)

୧୪ ମେଇଂ ଉଦାର୍ ପାଣ୍ଡୁସୁନେ ବଲେ ଚଙ୍ଗ୍‌ନେ ବେଲା ଡିଙ୍ଗ୍‌ଗେ । ଜିସୁ ଆରି ସିସଇଂ ଚଙ୍ଗ୍‌ନେ କଆର୍‌କେ । ୧୫ ଜିସୁ ଆମେଇଂକେ ବାସଙ୍ଗ୍‌କେ “ନେଙ୍ଗ୍ ନେଙ୍ଗ୍‌ନେ ଗୁଏନେ ସେନୁଗ୍ ପେଇଂ ଏଡେ ଆକେନ୍ ଉଦାର୍ ପାଣ୍ଡୁସୁନେ ବଲେ ଚିଙ୍ଗ୍‌ନେସା ନେଙ୍ଗ୍ ଜାବର୍ ଇକ୍‌ଟା ଶ୍ରିଂକେ । ୧୬ ନେଙ୍ଗ୍ ଆପେକେ ବାସଙ୍ଗ୍‌ଶ୍ରିଂ ପର୍‌ମେସର୍‌ନେ ରାଇଜ୍ ନ୍ରିଆ ଏନ୍ ଅରଡ ମାନ୍‌ା ଜାକ ନେଙ୍ଗ୍ ଅଃନାଡିଗ୍ ଉଦାର୍ ପାଣ୍ଡୁସୁନେ କାଦି ନାଚଙ୍ଗ୍ ଶ୍ରିୁ”

୧୭ ତେନ୍ ଇଡିଂ ଜିସୁ ମୁଇଙ୍ଗ୍ ଗିନାନ୍‌ିଆ ଅଙ୍ଗୁର୍ ରସ୍ ତୁଂଝେକେ । ଆକେନ୍‌ସା ମେଁ ପର୍‌ମେସର୍‌କେ ଦନ୍‌ଏବାଦ୍ ବିକେ । ମେଁ ବାସଙ୍ଗ୍‌କେ, “ଆକେନ୍ ଗିନା ତୁଂଝେଲା ଆକ୍‌ଅରିଆ ଲେଃକ୍‌ ଅଙ୍ଗୁର୍ ରସ୍ ସାପାରେ ବାଟା ଉର୍‌ପା । ୧୮ ନେଙ୍ଗ୍ ଆପେକେ ବାସଙ୍ଗ୍‌ଶ୍ରିଙ୍ଗ୍‌କେ

ପରମେସର୍‌ରେ ରାଜତ୍ଵ ଆପାଙ୍କ ଜାକ ନେଙ୍କ ଆରି ଅଙ୍କୁର୍ ରସ୍ ନ୍ନାଉର୍ ଶୁ”

୧୯ ବାରି, ମେଁ ରୁଟି ସାଃରେ ଦନ୍ୟବାଦ୍ ବିଃକେ ବାରି ଆତେନ୍ ପାକ୍‌ଚିରେ ଆମେଇଂକେ ବିଃରେ ବାସଙ୍‌କେ, ପେ ଆଡ଼ଲା ବିଃବକ୍‌କେ ଆକେନ୍ ଗାଗ୍‌ଡେ ଇର୍ସ, ଆନେଂ ମନେ କ୍ଲାଗ୍‌ସାଃ ଆକେନ୍ ତିଂପା । ୨୦ ଦେଡ଼ରକମ୍ ମିଡିଗ୍ ବଜିନେ ଇଡ଼ିଙ୍ଗ୍ ଜିସୁ ଅଙ୍କୁର୍ ରସ୍‌ନେ ଗିନାକେ ସାରେ ବାସଙ୍‌କେ “ଆକେନ୍ ଅଙ୍କୁର୍ ରସ୍ ଆଡ଼ିଗ୍‌କେ ଜେ ପରମେସର୍ ମେଁନେ ରେମୁଆଁଇଂ ଏତେ ମୁଇଙ୍ଗ୍ ମିକ୍‌କେ ନିଅମ୍ ଡିଙ୍ଗ୍‌ବକେ । ନେଙ୍କ୍ ଆପେକେ ବିଃଶ୍ରିଂକ୍‌କେ ନେଙ୍କ୍ ମ୍ୟାନେ ଆକେନ୍ ମି ନିଅମ୍ ଆରାମ୍ ଡିଙ୍ଗ୍‌ଏ ।”

୨୧ ଜିସୁ ବାସଙ୍‌କେ, “ପେଇଂ ବିତ୍ରେ ମୁଇଂଜା ନେଙ୍କ୍ ଆଡ଼ାଡ଼ା ବିସ୍‌ବାସ୍ ଗାଡ଼ ଡିଙ୍ଗ୍‌ଏ । ମେଁନେ ତ୍ରି ନେଙ୍କ୍ ତ୍ରି ତାଗ୍‌ରା ଆକେନ୍ ଚିରୁଲ୍ ଆଡ଼ାଡ଼ା ଲେଃକେ । ୨୨ ପରମେସର୍ ଡିରକମ୍ ଆଃରେ ବକେ ରେମୁଆଁ ଉଙ୍‌ଡେ ଦେଡ଼ରକମ୍ ଡିଙ୍ଗ୍‌ରେ ଗୁଏଃଏ । ମାତର୍ ରେମୁଆଁ ଉଂଡେକେ ମୁଡ଼ି ରେମୁଆଁ କୁରୁସ୍ ନ୍ନିଆ ଗୁଏନ୍‌ସା ବିରଦ୍ ରେମୁଆଁଇଂନେ ତ୍ରିନିଆ ବିଃଏ ଆତେନ୍ ରେମୁଆଁ ଜାବର୍ ଡଣ୍ ଶ୍ ବାଏ ।”

୨୩ ତେନ୍ ଇଡ଼ି ସିସ୍‌ଇଂ ମେଇଂମେଇଂ ବିତ୍ରେ ବାଲିର୍‌ବାତା ଡିଙ୍ଗ୍‌ଆର୍‌କେ “ନେ ବିଡ଼ରେ ଜାଣ୍‌ଶ୍ଟେ ଜିସୁ ଆଡ଼ାଡ଼ା ଦେକ୍‌ରକମ୍ ବେବଆର୍ ଡିଙ୍ଗ୍‌ଏ ?”

ପେଇଂ ଗତିରେ ସୁଗୁଆ ଡିଙ୍ଗ୍‌ପା

୨୪ ☆ମେଇଙ୍ଗ୍‌ନେ ବିତ୍ରେବାନ୍ ସାପାବାନ୍ ଜାଣ୍‌ଶ୍ଟେ ମ୍ବା ସିସ୍‌ଇଂ ଆତେନ୍ ବିସ୍‌ୟରେ ମେଇଂନେ ବିତ୍ରେ ବାଲିର୍‌ବାତା ଡିଙ୍ଗ୍‌ନେ ଲାଗେଆର୍‌କେ । ୨୫ ଆଡ଼ବାନ୍ ମେଁ ଆମେଇଂକେ ବାସଙ୍‌କେ, ଅବିସ୍‌ବାସି ରେମୁଆଁଇଂନେ ଇଃସାଙ୍‌ଇଂ ନିଜେନେ ରେମୁଆଁ ଆଡ଼ାଡ଼ା ସାସନ୍ ଡିଙ୍ଗ୍‌ଏ ଆରି ଜାଣ୍‌ଶ୍ଟେ ମେଁଇଙ୍ଗ୍‌ନେ ଆଡ଼ାଡ଼ା ସାସନ୍ ଡିଙ୍ଗ୍‌ଆର୍‌ଏ ମେଇଂ ଦେସ୍‌ନେ କୁରୁମ୍ ତାଗ୍‌ରେ ଦାବି ଡିଙ୍ଗ୍‌ଆର୍‌ଏ । ୨୬ ☆ମାତର୍ ପେଇଂ ଦେଡ଼ରକମ୍ ଆଡ଼ିଙ୍ଗ୍‌ପା ମାତର୍ ପେଇଂ ବାନ୍ ଜାଣ୍‌ଶ୍ଟେ ମ୍ବା ମେଁ

☆ ୨୨:୨୪ ୨୨:୨୪ ମାଡିଉ ୧୮:୧; ମାର୍କ ୯:୩୪; ଲୁକ ୯:୪୭. ☆ ୨୨:୨୭ ୨୨:୨୭ ମାଡିଉ ୨୩:୧୧; ମାର୍କ ୯:୩୫. ☆ ୨୨:୨୭ ୨୨:୨୭ ମାଡିଉ ୨୦:୨୫-୨୭; ମାର୍କ ୧୦:୪୨-୪୪.

ତାଆଁ ସୁଗୁଆ ଡିଙ୍ଗଲେ । ଆରି ଜାଣ୍ଡେ ନେତା ମେଁ ସେବା ଡିଙ୍ଗଣ୍ଡେ ସୁଗୁଆ ଡିଙ୍ଗଲେ । ୨୭ ସାପାବାନ୍ ମ୍ବା ରେମୁଆଁ ଜାଣ୍ଡେ ? ଚିବୁଲ୍ ନ୍ନିଆ ଚଙ୍ଗନ୍‌ସା କଲେଃକ୍ରେ ରେମୁଆଁ ଆମେକେ ସେବା ଡିଙ୍ଗଣ୍ଡେ ରେମୁଆଁ ଚଙ୍ଗନେ କଲେଃକ୍ରେ ରେମୁଆଁ ସାପାବାନ୍ ମ୍ବା । ମାତର୍ ପେଇଂବାନ୍ ନେଙ୍ଗ୍ ମୁଇଙ୍ଗ୍ ସେବା ଡିଙ୍ଗଣ୍ଡେ ସୁଗୁଆ ନ୍ଲେକେ ।

୨୮ ମାତର୍ ପେଇଙ୍ଗ୍ ନେଙ୍ଗ୍‌ନେ ସାପା ପରିକ୍ୟାନ୍ନିଆ ନେଙ୍ଗ୍ ଏତେ ଲେଃକ୍ରେ ପାଙ୍ଗ୍ ପେଲେକେ । ୨୯ ନେଙ୍ଗ୍‌ନେ ଆବା ଆନେଙ୍ଗ୍‌କେ ଡିରକମ୍ ସାସନ୍ ଡିଙ୍ଗନେ ଅଦିକାର୍ ବିବକେ ଦେଡ଼ସୁଗୁଆ ନେଙ୍ଗ୍ ଡିଗ୍ ସାସନ୍ ଡିଙ୍ଗନ୍‌ସା ଆପେକେ ଅଦିକାର୍ ମ୍ବିଏ । ୩୦ ଡିରକମ୍ ପେଇଙ୍ଗ୍ ନେଙ୍ଗ୍‌ନେ ରାଇଜ୍ ନ୍ନିଆ ନେଙ୍ଗ୍ ଚିବୁଲ୍ ଆଡ଼ାତ୍ରା ପେଇଂ ପେଚଙ୍ଗ୍ ଉଗ୍‌ଏ । ପେଇଂ ସିଂଆସନ୍ ଆଡ଼ାତ୍ରା କଚେ ଇଣ୍ଡାୟେଲନେ ଗମ୍ବାର୍ ଜାକ କୁଲ୍‌କେ ବିଚାର୍ ପେଡିଙ୍ଗ୍‌ଏ ।

**ପିତର୍ ଜିସୁକେ ନ୍ନାମ୍ୟାକେ ଡାଗ୍‌ଚେ ବାସଙ୍ଗ୍‌କେ
(ମାଡିଉ ୨୬:୩୧-୩୫; ମାର୍କ ୧୪:୨୭-୩୧; ଜହନ୍ ୧୩:୩୬-୩୮)**

୩୧ “ଶିମୋନ୍ ! ଅ ଶିମୋନ୍ ସ୍ନେରେଇଂ ମେଁଇଙ୍ଗ୍‌ନେ ଗହମ୍‌ବାନ୍ ଗୁଡିଙ୍ଗକେ ବିନେ ଆଡିଙ୍ଗ୍‌ସା ଗ୍ରେଞ୍ଜାନିଆ ଡିରକମ୍ ଗେଞ୍ଜାଏ ଦେଡ଼ରକମ୍ ସୟତାନ୍ ଡିଗ୍ ଆପେକେ ତେରେପେତେ ଡିଙ୍ଗନ୍‌ସା ବାସା ମ୍ୟାଃଲେକେ ! ୩୨ ନେଙ୍ଗ୍ ପାର୍‌ତନା ଡିଙ୍ଗ୍‌ଣ୍ଡିଙ୍ଗ୍‌କେ ଜେ ପେନେ ବିସ୍‌ବାସ୍ ଜେଡିକି ଆଆନ୍ତାର୍‌ଗେପା ନାମଃ । ପେ ନେଙ୍ଗ୍ ଡାଗ୍ରା ଆଣ୍ଡେ ପାଙ୍ଗ୍‌ନେ ବେଲା ପେନେ ବୟ୍‌ଇଂକେ ବିସ୍‌ବାସ୍‌ରେ ଡାଗ୍ ଲେନ୍‌ସା ସାଇଜ୍ୟ ଡିଙ୍ଗ୍‌ପା ।”

୩୩ ମାତର୍ ପିତର୍ ବାସଙ୍ଗ୍‌କେ “ମାପୁ ନେଙ୍ଗ୍ ନାନେ ଏତେ ଜେଲ୍‌କାନା ଗିଗାନ୍‌ସା ଆମେଁ ନ୍ଲେକେ । ଦେକ୍‌ରକମ୍‌କି ନେଙ୍ଗ୍ ନାନେ ଏତେ ଗୁଏନ୍‌ସା ଡିଗ୍ ଆମେଁ ନ୍ଲେ କିକେ ।” ୩୪ ତେଲା ଜିସୁ ବାସଙ୍ଗ୍‌କେ “ପିତର୍ ଏ ମିଡିଗ୍ ଗିସେଙ୍ଗ୍ ସନେ ସେନ୍‌ଗ୍ ନାନେ ଆନେଙ୍ଗ୍ ନ୍ନାମ୍ୟାକେ ଡାଗ୍‌ଚେ ଞ୍ଜିତର୍ ନାବାଃଲିର୍‌ଏ ।”

ଡାବୁ ମୁନା ବାରି କାଣ୍ଡା

୩୫ ଇଡ଼ିଙ୍ଗ ଜିସୁ ସିସ୍‌ଇଂକେ ବାଲିରକେ, “ନେଙ୍ଗ ଆପେକେ ଡାରୁ, ମୁନା ଆରି ଜୁଡା ମାବିଚେ ବେମ୍‌ଗେ । ପେଇଂନେ ମେଃଡିଗ୍ ଅବାବ୍ ଲେଃଗେ ଲେଃ ?” ସିସ୍‌ଇଂ ବାସଙ୍ଗକେ “ଣ୍ଟୁ”

୩୬ ଜିସୁ ଆମେଇଂକେ ବାସଙ୍ଗକେ, “ମାତର୍ ଏବେ ଜଦି ପେଇଂନିଆ ଡାରୁ କି ମୁନା ଲେଃଏ ତେଲା ଆତେନ୍ ପେଇଂ ଏତେ ହୁଂଖେଲାପା । ଦେଡ଼ରକମ୍ ଜଲି ଡିଗ୍ ହୁଂଖେଲାପା ଜାନେ କାଣ୍ଟା ଶ୍ଟୁ ମୁମ୍ ନିଜେନେ ସାଲ୍ ସଚେ କାଣ୍ଟା ବିଆରଲେ । ୩୭ ଡାଗ୍ଲା ନେଙ୍ଗ୍ ଆପେକେ ବାସଙ୍ଗଣ୍ଟିଂକେ ସାସ୍ତର୍ ବାସଙ୍ଗଡ଼ିଙ୍ଗକେ” ଜେ “ମେଁ ଅପରାଦି ରେମୁଆଁଇଂ ଏତେ ଡଣ୍ଟ ବଗ୍ ଡିଙ୍ଗକେ । ଏନ୍ ସାସ୍ତର୍ନେ ବ୍ଲାଲିର୍ ସତେଆ ଗଚେଏ ଆକେନ୍ ନେଙ୍ଗ୍ ବିସୟରେ ଗୁଆର୍ ବଗେ ଆରି ଏନ୍ ଏବେ ଗଚେ ଡିଙ୍ଗକେ ।”

୩୮ ସିସ୍‌ଇଂ ବାସଙ୍ଗକେ କେଲା ମାପୁ ଆକ୍‌ଅରିଆ ମ୍ବାକ୍ଲିଗ୍ କାଣ୍ଟା ଲେଃଗେ ଜିସୁ ବାସଙ୍ଗକେ “ମ୍ବାକ୍ଲିଗ୍ କାଣ୍ଟା ଡିଙ୍ଗଏ ।”

**ଜିସୁ ପାର୍ତନା ଡିଙ୍ଗନ୍‌ସା ଜିତ କଣ୍ଟାନିଆ ଖେକେ
(ମାତିଡ ୨୭:୩୭-୪୭; ମାର୍କ ୧୪:୩୨-୪୨)**

୩୯ ଜିସୁ ଯିରୁଶାଲାମ୍ ମ୍ବାଇନି ବାନ୍ ଡାରଚେ ନିଜରୁ ନିଅମ୍‌ରେ ଜିତକଣ୍ଟା ଆଡାଡା ଖେକେ । ଆରି ସିସ୍‌ଇଂ ଡିଗ୍ ମେଁନେ ପ୍ଲା ଖେ ଆରକେ । ୪୦ ଆଡ଼ଅରିଆ ପାଙ୍ଗଚେ ଜିସୁ ସିସ୍‌ଇଂକେ ବାସଙ୍ଗକେ, “ପେଇଂ ଜେଡ଼ିକି ପରିକ୍ୟାନ୍ନିଆ ପେଲଃ ଆତେନ୍‌ସା ପାର୍ତନା ଡିଙ୍ଗପା ।”

୪୧ ଇଡ଼ିଙ୍ଗ ଜିସୁ ମେଇଂନେବାନ୍ ଉଲୁପ୍ ସ୍ଲ ଖେଗେ । ମେଁ ତେଙ୍ଗଚେ କଚେ ପାର୍ତନା ଡିଙ୍ଗକେ ୪୨ ଏ ମ୍ବାଃ ଆବା ଜଦି ଡିଙ୍ଗଏ ତେଲା ନାନେ ଇକ୍‌ଚା ତେଲା ଦୁକ୍ ସୁକ୍ ବେଲା ଏନ୍ ଉଗ୍‌ଡିଆଃ ମୁଡା ନେଙ୍ଗ୍‌ବାନ୍ ସ୍ଲ ଆଡିଙ୍ଗ୍ । ନେଙ୍ଗ୍‌ନେ ଇକ୍‌ଚା ଶ୍ଟୁ ମ୍ବାତର୍ ନାନେ ଇକ୍‌ଚା ପୁରନ୍ ଡିଙ୍ଗଲେ । ୪୩ ଇଡ଼ିଙ୍ଗ୍ କିତଂବାନ୍ ମୁଇଙ୍ଗ୍ ଦୁଡ୍ ଜାରଚେ ଦର୍ସନ୍ ବିକେ । ଆତେନ୍ କିତଂ ଦୁଡ୍ ଜିସୁକେ ସାଇଜ୍ୟ ଡିଙ୍ଗନ୍‌ସା ବେ ବଗେ । ୪୪ ଜିସୁ ଜାବର୍ ଦୁକ୍‌ରେ ପାର୍ତନା ଡିଙ୍ଗ୍‌ନେ ମୁଲେକେ ମେଁନେ ସାର୍ମୁଆଁବାନ୍ ମିଆଁ ଟୁପା ସୁଗୁଆ ସଲେ ଡାରଚେ ହୁବନ୍ନିଆ ଲଃକେ ।

୪୫ ଜିସୁ ପାର୍ତନା ଡିଙ୍ଗ୍ ଆଃଡାଚେ ସିସ୍‌ଇଂ ଡାଗ୍‌ରା ଆଣ୍ଟେ ଖେକେ । ଆତେନ୍ ବେଲା ମେଇଂ ସାପାରେ ହୁଲେଗ୍ ଖେଲେଃଆରଗେ

ମୈନେ ଦୁକ୍ ସିସ୍‌ଇଂକେ ଜାବର୍ ଆଲିଆ ଆଡ଼ିଙ୍ଗବଗେ । ୪୭ ଜିସୁ ଆମେଇଂକେ ବାସଙ୍ଗକେ “ପେଇଂ ମୈନ୍‌ସା ତୁଲେଗ୍ ପେଲେକେ ? ତଡ଼ିଆ ଆରି ପରିକ୍ୟାନ୍ତିଆ ଡିରକମ୍ କି ପେଲଃ ଆଡେନ୍‌ସା ଉର୍ଲେଚେ ପାର୍‌ତନା ଡିଙ୍ଗପା ।”

ଜିସୁକେ ଗିରପ୍ ଆଡ଼ିଙ୍ଗ ଆରକେ

(ମାଡ଼ିଉ ୨୭:୪୭-୫୭; ମାର୍କ ୧୪:୪୩-୫୦; ଜହନ୍ ୧୮:୩-୧୧)

୪୭ ମୈ ସାମୁଆଁ ବାଲିରନେ ବେଲା କେଲା ମୁଇଙ୍ଗ୍ ମାନ୍‌ ରେମୁଆଁ ଆଡ଼ିନ୍‌ୟା ପାଙ୍ଗ୍‌ଆରକେ । ଗମ୍‌ବାର୍‌କ୍ଲିଗ୍ ସିସ୍‌ଇଂବାନ୍ ଜିଉଦା ମିନେ ମୁଇଙ୍ଗ୍ ସିସ୍ ମୈଇଙ୍ଗ୍‌ନେ ସେନ୍‌ଗ୍ ପାଙ୍ଗ୍‌ଚେ ଜିସୁକେ ବୈନ୍ତା ନ୍‌ସା ମୈନେ ତାଗ୍ରା ଝେକେ । ୪୮ ତେସା ଜିସୁ ଆମେକେ ବାସଙ୍ଗକେ “ଏ ଜିଉଦା ବୈନ୍ତାଚେ ନାଁ କି ରେମୁଆଁ ଉଙ୍ଗ୍‌ଡେକେ ବିରଦ୍ ରେମୁଆଁଇଂନେ ହିନିଆ ଆସା ବନାଡ଼ିଙ୍ଗକେ ?”

୪୯ ଜିସୁନେ ସିସ୍‌ଇଂ ଆଡ଼ିଅରିଆ ତୁଆଁ ଲେଃଆରଗେ । ମେଃନେ ଗଟେ ଡିଙ୍ଗକେ ମେଇଂ ଆଡେନ୍ ସାପା କିକେ ଲେଃଆରଗେ ମେଇଂ ଜିସୁକେ ବାଲିରକେ “ମାପୁ ନେ ମେଃନେ କାଣ୍ଡା ନେରାତାର୍‌ଏ ?”

୫୦ ତେସା ମୁଇଙ୍ଗ୍ ସିସ୍ କାଣ୍ଡା ଆଃତାରଚେ ମ୍ଲା ପୁଜାରିନେ ଚାକରକେ ଞ୍ଜଙ୍ଗି ପାକାନେ ଛୁଗ୍‌କେ ସିତଗ୍ ବିକେ ।

୫୧ ଜିସୁ ବାସଙ୍ଗକେ “ଜାବର୍ ଡିଙ୍ଗଗେ !” ଇଡ଼ିଙ୍ଗ୍ ଜିସୁ ଆଡେନ୍ ଗଡ଼ିରେନେ ଛୁଗ୍‌କେ ଲିଗ୍‌ଚେ ନିମାଣ୍ଡା ଆଡ଼ିଙ୍ଗ ବିକେ ।

୫୨ ତେଲା ଜିସୁ ମୈନେ ବିରଦ୍‌ରେ ପାଙ୍ଗ୍ ଲେଃକ୍ଲେ ମ୍ଲା ପୁଜାରି ମନ୍‌ଦିରନେ ସେନାପଡ଼ି ଆରି ମ୍ଲାଃ ରେମୁଆଁଇଂକେ ବାସଙ୍ଗକେ, “ତଙ୍ଗାରେକେ ସାଃନେ ସୁଗୁଆ କାଣ୍ଡା ଆରି ଚେଙ୍ଗ୍ ସାଃଚେ ପେଇଂ ମେଃନ୍‌ସା ଆନେଙ୍ଗକେ ସାଃନ୍‌ସା ପାଙ୍ଗ୍ ପେଲେକେ ? ୫୩ ☆ନେଙ୍ଗ୍ କାଲାଆଃ ପେଇଂ ଏଡେ ମନ୍‌ଦିରନ୍ତିଆ କ୍ଲେଗେ ମାଡର୍ ପେଇଂ ଅଃଡେନ୍ ବେଲା ଆନେଙ୍ଗକେ ପେସାକେ ଶ୍ଟୁ ଏକ୍ଲେ ପେଇଂନେ ବେଲା ପାଙ୍ଗ୍ ଲେଃକେ ତାଗ୍ଲା ଏକ୍ଲେ ତାଂକିଗ୍‌ନେ ବେଲା ।”

ପିତର୍ ଜିସୁକେ ନ୍ଲାନ୍ୟାକେ ତାଗ୍‌ଚେ ବାସଙ୍ଗକେ

(ମାଡ଼ିଉ ୨୭:୫୭-୫୮; ୨୭:୬୯-୭୫; ମାର୍କ ୧୪:୫୩-୫୪; ୧୪:୬୭-୭୨; ଜହନ୍ ୧୮:୧୨-୧୮; ୧୮:୨୫-୨୭)

☆ ୨୨:୫୩ ୨୨:୫୩ ଲୁକ୍ ୧୯:୪୭; ୨୧:୩୭.

୫୪ ମେଇଙ୍କ ଜିସୁକେ ବନ୍ଦି ଆଡ଼ିଙ୍ଗରେ ମ୍ନା ପୁଜାରିନେ ତୁଆ ବିତ୍ତେ ହୁଂଝେ ଆରକେ । ପିତର୍ ଇକୁଡ଼ା ସ୍ନଲେଚେ ମେଈଙ୍କନେ ପ୍ଲା ଝେଡ଼ିଙ୍ଗରେ । ୫୫ ମେଇଂ ବାଜାର୍‌ନ୍ନିଆ ମଜେ ସୁଆ ଆଃଡୁଆଚେ ମୁଇଂତୁଗ୍ କ ଆରକେ । ପିତର୍ ଡିଗ୍ ମେଁ ଏତେ କକେ । ୫୬ ମୁଇଙ୍କ ଚାକର୍‌ବଏଃ ପିତର୍‌କେ ଆଡ଼ଅରିଆ କଲେଃକ୍ନେ କେକେ । ଚାକର୍‌ବଏଃ ମୁଇଙ୍କ୍ ମନ୍ ଦିଆନ୍ ବିଚେ ପିତର୍‌ନେ ସାମ୍‌ଆଁନ୍ନିଆ କେକେ । ଇଡ଼ିଙ୍ଗ୍ ମେଁ ବାସଙ୍ଗକେ “ଏନ୍ ରେମୁଆଁ ଡିଗ୍ ମେଇଂ ଏତେ ଲେଃଗେ ।”

୫୭ ମାତର୍ ପିତର୍ ବାସଙ୍ଗକେ “ଶୁ ହୁନଙ୍ଗ୍ ଆମେକେ ନ୍ନାମ୍ୟାକେ ଶୁ ।”

୫୮ ଇଡୁଡ଼ା ବେଲା ଇଡ଼ିଙ୍ଗ୍ ଆରି ମୁଇଂଜା ପିତର୍‌କେ କେଚେ ବାସଙ୍ଗକେ “ଜିସୁନେ ପ୍ଲା ଝେଡ଼ିଙ୍ଗ୍‌କ୍ନେ ରେମୁଆଁଇଂବାନ୍ ନାଡିଗ୍ ମେଈଙ୍କନେ ବାନ୍ ମୁଇଂଜା ।” ମାତର୍ ପିତର୍ ବାସଙ୍ଗକେ “ଶୁ ହୁନଙ୍ଗ୍ ଶୁ ।”

୫୯ ଇଡ଼ିଙ୍ଗ୍ ମୁଇଙ୍କ୍ ଗଣ୍ଟା ଇଡ଼ିଂ ଆର୍‌ଏ ମୁଇଂଜା ରେମୁଆଁ ଡାଗାମ୍ ବାବ୍‌ରେ ବାସଙ୍ଗକେ “ଆକେନ୍ ସଡ଼ । ଏନ୍ ରେମୁଆଁ ସତେଆ ମେଇଂ ଏତେ ଲେଃଗେ । ଡାଗ୍‌ଲା ମେଁ ତ ଗାଲିଲୀୟ ।”

୬୦ ମାତର୍ ପିତର୍ ବାସଙ୍ଗକେ “ପେ ମେଁନେ ବାସଙ୍ଗ୍ ପେଡ଼ିଙ୍ଗକେ ନେଙ୍ଗ୍ ମେଃଡିଗ୍ ବୁଜେ ନାୟା ଶୁ ।” ସମାନ୍ ଆତେନ୍ ବେଲା ଗିସେଙ୍ଗ୍ ସକେ । ୬୧ ମାପୁ ପ୍ଲେଗ୍‌ଚେ ମୁଇଙ୍କ୍ ଲୟରେ କେକେ ବାରି ପିତର୍‌କେ ମେଁନେ ବାସଙ୍ଗବକେ, ଆତାନ୍ ପିତର୍‌କେ ମେଁନେ ପଡ଼େକେ । “ଏ ମିଡିଗ୍ ଗିସେଙ୍ଗ୍ ସନେ ସେନୁଗ୍ ନା ଆନେଙ୍ଗ୍ ଙ୍ଝି ତର୍ ନ୍ନାମ୍ୟାକେ ଡାଗଚେ ନାବାସଙ୍ଗ୍ ।” ୬୨ ପିତର୍ ବାଏରେ ଝେଚେ କାକୁର୍‌ଡ଼ି ଡିଙ୍ଗରେ ଅଃକେ ।

ଜିସୁକେ ଇଙ୍ଗରେ ଆରକେ ବାରି ବଗ୍‌ନେ ସାମାଲେକେ
(ମାଡିଡ ୨୭:୨୭-୨୮; ମାରକ ୧୪:୨୫)

୬୩ ଉଡ଼ିରୁଆ ଜିସୁକେ ଉର୍ ଲେଃଆରଗେ । ମେଇଂ ଜିସୁକେ ବଗ୍ ବଗ୍‌ଚେ ପରିହାସ୍ ଡିଙ୍ଗ୍ ଆରକେ । ୬୪ ବାରି ମେଁନେ ସାମ୍‌ଆଁନ୍ନିଆ ଡାଚେ ଆମେକେ ସାଲିଆକୁ ଆରକେ । ନା ଡିଏଃ ବାବବାଦି ବକ୍ତା ବାସଙ୍ଗ୍ କେଲା ଜାଣ୍ଟେ ଆନାକେ ବଗ୍‌କେ ? ୬୫ ଆରି ମେଇଂ ଗୁଲୁଏ

ସାମୁଆଁ ମୈନେ ବିରଦ୍ରେ ବାସଙ୍ଗେ ମୈନେ ନିନ୍ଦା ଆଡ଼ିଙ୍ଗନେ ଲାଗେକେ ।

ଜିସୁକେ ମ୍ବା ବିଚାରନ୍ନିଆ ତୁଂପାଙ୍ଗଆରକେ
(ମାତିଉ ୨୬:୫୯-୬୬; ମାରକ ୧୪:୫୫-୬୪; ଜହନ୍ ୧୮:୧୯-୨୪)

୨୭ ଆରଏ ମୁଇଂଦିନା ଞ୍ଜିର୍ ଦର୍ମ ନେତା ଜିଉଦି ନେତାଙ୍ଗ ମ୍ବା ପୁଜାରିଙ୍ଗ ଆରି ଦରମ୍ ଗୁରୁଙ୍ଗ ମୁଇଂତୁଗ୍ ରିସିଙ୍ଗ ଆରକେ । ମେଇଙ୍ଗ ଜିସୁକେ ମୈଇଙ୍ଗନେ ସାପାବାନ୍ ମ୍ବା ସବା ଅରିଆ ତୁଂଖେ ଆରକେ । ମେଇଙ୍ଗ ବାସଙ୍ଗ ଆରକେ “ନାନେ ଜଦି କିସ୍ତ ତେଲା ଆନେ ସାପାରେକେ ବାସଙ୍ଗ ।” ୨୭ ମେଇଂ ବାସଙ୍ଗଆରକେ “ଆନେକେ ବାସଙ୍ଗ ନାଁ ମେଃନେ କିସ୍ତ ?” ଜିସୁ ଆମେଇଂକେ ଉତର୍ ବିକେ “ନେଙ୍ଗ ଜଦି ମ୍ବାସଙ୍ଗଏ ପେଇଂ ଆନେଙ୍ଗକେ ବିସ୍ବାସ୍ ପେଡ଼ିଙ୍ଗ ଶ୍ଟୁ । ୨୮ ଆରି ନେଙ୍ଗ ଜଦି ଆପେକେ ପ୍ରସନ୍ ନ୍ୟାଲ୍ୟାକ୍ଷଏ ତେଲା ପେଇଂ ମୈନେ ଉତର୍ ପେବି ଶ୍ଟୁ । ୨୯ ଏଃକେବାନ୍ ରେମୁଆଁ ଉଙ୍ଗଡେ ପରମେସର୍ନେ ସିଂଆସନନେ ଞ୍ଜଙ୍ଗତି ପାକା କଏ ।”

୩୦ ମେଇଂ ସାପାରେ ବାସଙ୍ଗକେ “ତେଲା ମୈନେ ପେ ପରମେସର୍ନେ ଉଙ୍ଗଡେ ?” ଜିସୁ ଆମେଇଂକେ ବାସଙ୍ଗକେ “ପେ ମୈନେ ବାସଙ୍ଗ ପେଡ଼ିଙ୍ଗ ଆଡେନ୍ଆ ।”

୩୧ ମେଇଂ ବାସଙ୍ଗ ଆରକେ “ତେଲା ନେନେ ଏବେ ସାକି ମୈନେ ଦରକାର ? ନେନେ ତ ନିଜେ ମୈନେ ସାମୁଆଃବାନ୍ ଆକେନ୍ ନେଅଁକେ ।”

୨୩

ଜିସୁକେ ପିଲାତ ଡାଗ୍ରା ତୁଂପାଙ୍ଗଆରକେ
(ମାତିଉ ୨୬:୧-୨, ୧୧-୧୪; ମାରକ ୧୫:୧-୫; ଜହନ୍ ୧୮:୨୮-୩୮)

୧ ଇଡ଼ିଙ୍ଗ କୁକପାରନେ ସାପାରେ ତଡ଼ିଆଡେ ତୁଆଁଆରକେ । ମେଇଙ୍ଗ ଜିସୁକେ ପିଲାତ ଡାଗ୍ରା ତୁଂଖେଆରକେ ୨ ମେଇଂ ଜିସୁକେ ଦସ୍ ବିଃନେ ଲାଗେକେ । ମେଇଂ ପିଲାତକେ ବାସଙ୍ଗକେ “ନେନେ ରେମୁଆଁଇଂକେ ରାଇଜ୍ ବିରଦ୍ରେ ବାସଙ୍ଗନେ ବେଲା ନେ ଆକ୍ମେକେ ସାଃନେବକେ । ମୈ ରେମୁଆଁଇଂକେ ବାସଙ୍ଗଡ଼ିଙ୍ଗକେ

ଜେ କାଇସରକେ ସିସୁ ବୁଝନ୍‌ସା ଦରକାର୍ ଶୁଣୁ । ମେଁ ନିଜକେ କିସର୍ ଆରି ଇଃସାଙ୍ଗ୍ ତାଗ୍‌ତେ ବାସଙ୍ଗ୍ ଡିଙ୍ଗ୍‌କେ ।”

୩ ପିଲାତ ଜିସୁକେ ସାଲ୍ୟାକୁକେ “ନାନେ ମେଁନେ ଜିଉଦିଇଂନେ ଇଃସାଙ୍ଗ୍ ?” ଜିସୁ ଉତର୍ ବିକେ “ନାନେ ତ ବାସଙ୍ଗ୍ ନାଡିଙ୍ଗ୍ ।”

୪ ପିଲାତ ମ୍ଲ ପୁଜାରି ଆରି ରେମୁଆଁଇଂକେ ବାଲିରକେ “ଏନ୍ ରେମୁଆଁନେ ନେଙ୍ଗ୍ ମେଃଡିଗ୍ ଦସ୍ ନାକେକେ ।”

୫ ମେଇଂ ମାତର୍ ପ୍ରେଗ୍‌ପ୍ରେଗ୍ ବାଲିରକେ “ମେଁନେ ଗିଆନ୍ ବାନ୍ ମେଁ ଜିଉଦାନେ ଅଁପାକା ମେଁ ରେମୁଆଁଇଂକେ ଆଞ୍ଜିଗ୍‌ଡିଙ୍ଗ୍‌କେ । ସାମୁଆଁ ବିଡିଙ୍ଗ୍‌କେ । ମେଁ ଆକେନ୍ ଗାଲିଲୀନ୍ନିଆ ପାକା ମୁଲେ ବକେ । ଏବେ ମେଁ ଆକ୍‌ଅରିଆ ପାଙ୍ଗ୍ ଲେଃକେ ।”

ପିଲାତ ଜିସୁକେ ହେରୋଦ ଇଃସାଙ୍ଗ୍ ତାଗ୍‌ରା ବେକେ

୬ ପିଲାତ ଏନ୍ ଅଁତେ ସାଲ୍ୟାକୁକେ ଏନ୍ ରେମୁଆଁ ମେଁନେ ଗାଲିଲୀନେ ? ୭ ପିଲାତ ମ୍ୟାକେ ଜେ ଜିସୁ ହେରୋଦନେ ଅଦିକାର୍ ଜାଗାନେ ରେମୁଆଁ । ତେସା ପିଲାତ ଜିସୁକେ ମେଁନେ ତାଗ୍‌ରା ବେବିକେ । ହେରୋଦ ଡିଗ୍ ଆଡେନ୍ ବେଲା ଜିରୁସାଲାମନ୍ନିଆ ଲେଃଗେ । ୮ ହେରୋଦ ଜିସୁକେ କେତେ ଜବର୍ ସାର୍ଦା ଡିଙ୍ଗ୍‌କେ । ହେରୋଦ ଜିସୁନେ ବିସୟରେ ସାପା ସାମୁଆଁ ଅଁ ଆଡା ବଗେ । ଅସେବାନ୍ ଜିସୁକେ କେନ୍‌ସା ମେଁ ଇକ୍‌ଗା ଡିଙ୍ଗ୍ ଲେଃଗେ । ହେରୋଦ ଜିସୁନେ ମୁଇଙ୍ଗ୍ କାବା ସୁଗୁଆ କାମ୍ ମୁଆଃ କିକେନେ ଚାଏଁ ଡିଙ୍ଗ୍‌ଗେ । ୯ ହେରୋଦ ଜିସୁକେ ଗୁଲେ ପ୍ରସନ୍ ସାଲ୍ୟାକୁକେ । ମାତର୍ ଜିସୁ ଆମେଇଂକେ ମେଃଡିଗ୍ ଉତର୍ ଆବିକେ ଶୁଣୁ । ୧୦ ବାରି ମ୍ଲ ପୁଜାରି ବାରି ଦରମ୍ ଗୁରୁଇଂ ସେନ୍‌ଗ୍ ପାଙ୍ଗ୍‌ତେ ଜିସୁନେ ବିରଦ୍‌ରେ ଗୁଲୁଏ ସାମୁଆଁରେ ନିନ୍ଦା ଡିଙ୍ଗ୍‌ଆରକେ । ୧୧ ତେନ୍ ଇଡିଂ ହେରୋଦ ଆରି ମେଁଇଙ୍ଗ୍‌ନେ ସନ୍‌ୟଇଂ ଜିସୁକେ ଇଙ୍ଗ୍‌ତେ ଆରକେ । ଆମେକେ ଇଃସାଙ୍ଗ୍‌ନେ ସକା ଆସ ଆରକେ ମେଇଙ୍ଗ୍ ଜିସୁକେ ଆଗିଆସ ଆରକେ । ତେନ୍ ଇଡିଂ ହେରୋଦ ପିଲାତ ତାଗ୍‌ରା ଜିସୁକେ ବେବିକେ । ୧୨ ଅସେବାନ୍ ପିଲାତ ଆରି ହେରୋଦ ଏତେ ପୁରାପୁରି ସବୁ ଲାଗେ ଲେଃଗେ ମାଡ୍‌ରମ୍ ଆଡେନ୍ ଦିନ୍‌ବାନ୍ ମେଁ ମ୍ୟାୟା ସାଙ୍ଗ୍ ଡିଙ୍ଗ୍‌ଖେଗେ ।

ଜିସୁକେ ଗୁଏନେ ଡଣ୍ଡ ବାନ୍‌ସା ଆଦେସ୍ ବିକେ
 (ମାତିଡ ୨୭:୧୫-୨୬; ମାର୍କ ୧୫:୬-୧୫; ଜହନ୍ ୧୮:୩୯;
 ୧୯:୧୬)

୧୩ ପିଲାତ ମ୍ନା ପୁଜାରି ଆରି ଜିଉଦି ନେତାଇଂ ଏତେ ସାପା
 ରେମୁଆଁକେ ମୁଇଂନୁଗ୍ ଝାଚେ ସେଲିଆକୁକେ । ୧୪ ପିଲାତ
 ଆମେଇଂକେ ବାଲିରକେ “ପେଇଂ ଜିସୁକେ ନେଙ୍ଗ୍‌ଅରିଆ
 ତୁଙ୍ଗ୍‌ପାଙ୍ଗ୍‌ପେବକେ । ପେ ବାସଙ୍ଗ୍ ପେଡିଙ୍ଗ୍ ଜେ ମେଁ ରେମୁଆଁ
 ଏତେ ରିଙ୍ଗ୍‌ୟା ଡିଙ୍ଗ୍‌କେ । ମାଡରମ୍ ନେଙ୍ଗ୍ ପେନେ ସାପା ରେମୁଆଁ
 ତୁଆଁଲେଃକ୍ଲେ ତାଗ୍ରା ଆମେକେ ପ୍ରସନ୍ ଖଟାରେକେ । ମେଁନ୍ନିଆ
 ମେଃଡିଗ୍ ଦସ୍ ନେବାକେ । ପେଇଂ ଜା ବାସଙ୍ଗ୍ ପେଡିଙ୍ଗ୍ ଜିସୁ ଦସି
 ଶୁ । ୧୫ ଆମେ ଆନ୍‌ତାର୍‌ଚେ ହେରୋଦ ଡିଗ୍ ମେଁନ୍ନିଆ ମେଃଡିଗ୍ ଦସ୍
 ନାବାକେ । ହେରୋଦ ନେନ୍ନିଆ ଜିସୁକେ ବେବକେ । କେଲା ଜିସୁ
 ମେଃଡିଗ୍ ବୁଲ୍ କାମ୍ ଆଡିଙ୍ଗ୍‌କେ ଶୁ । ତେସା ଆମେକେ ବାଗୁଏଃନେ
 ଟିକ୍ ଶୁ । ୧୬ ତେସା ଆମେକେ ଡଣ୍ଡ ବିଚେ ଆନ୍‌ତାର୍‌ଚେ ଝେନେ
 ଆଦେସ୍ ମ୍ସି ।” ୧୭ ପାଣ୍ଡୁସୁ ବେଲା ମେଇଂ ଆଡୁଲା ମୁଇଂଜା ବନ୍ଦିକେ
 ଆତାର୍ ବିଃନ୍‌ସା ନିଅମ୍ ଲେଃକେ ।

୧୮ ମାଡରମ୍ ସାପାରେ ଅଃଗିଆଚେ ତଡିଆ ଆରକେ “ଆମେକେ
 ବାଗୁଏ ବିଃ । ବାରବ୍‌ବା କିକେ ଆନ୍‌ତାର୍ ବିଃପା ।” ୧୯ ବାରବା
 ମ୍ନାଇନିନିଆ ଗଟେଲେଃକ୍ଲେ ମେଃଡିଗ୍ କିରମର ନ୍‌ସା ଆରି ରେମୁଆଁ
 ବାଗୁଏଃ ବଗେସାଃ ଆମେକେ କଏଦ୍ ତୁଆନିଆ ଗାଗଟେ ବ ଆର୍‌ଗେ
 ।

୨୦ ପିଲାତ ଜିସୁକେ ଆନ୍‌ତାର୍ ବିଃନ୍‌ସା ଚାଏଁଡିଙ୍ଗେ । ତେସା ଆରି
 ମୁଇଙ୍ଗ୍ ତର୍ ଆମେଇଂକେ ବାଲିରକେ ଜେ ମେଁ ଜିସୁକେ ଆନ୍‌ତାର୍
 ବିଏ । ୨୧ ମାଡରମ୍ ରେମୁଆଁଇଂ କିରଚେ ବାସଙ୍ଗ୍‌କେ “ଆମେକେ
 ବାଗୁଏ ବିଃ । ଆମେକେ କୁରୁସ୍‌ନ୍ନିଆ ଆଡେପା କୁରୁସ୍‌ନ୍ନିଆ ଆଡେପା
 ।”

୨୨ ଝିତର୍ ନ୍‌ସା ପିଲାତ ଆମେଇଂକେ ବାସଙ୍ଗ୍‌କେ “ମେଁନ୍‌ସା ମେଁ
 ମନେ ଦସ୍ କାମ୍ ଡିଙ୍ଗ୍‌ବକେ ? ମେଁ ଦସି ଶୁ । ଆମେକେ ଗୁଏନେ ସାସ୍ତି
 ବିଃନ୍‌ସା ନେଙ୍ଗ୍ ମେଃଡିଗ୍ ଦସ୍ ବାନ୍‌ଡିଙ୍ଗ୍‌କେ । ତେସା ନେନେ ଆମେ
 କିକେ ସାସ୍ତି ବିଚେ ନେଙ୍ଗ୍ ଆମେକେ ଆନ୍‌ତାର୍ ମ୍ସି ।”

୨୩ ମାତୃରମ୍ ରେମୁଆଁଙ୍କ ଝାସାରରେ ବାଲିରକେ ମୁଲେକେ । ଜେ ଜିସୁକେ କୁରୁସନ୍ନିଆ ଆଡେରେ ବାଗୁଏ ବିଃପା । ମେଁଇଙ୍କ୍‌ନେ ଦାବି ଜିଡେ ଆରକେ ୨୪ ପିଲାତ ରେମୁଆଁଙ୍କ୍‌ନେ ଇକ୍‌ତାରେ ଆଦେସ୍ ବିଆରକେ । ୨୫ ରେମୁଆଁଙ୍କ୍ ବାର୍‌ବାକେ ବନ୍ଦି କଏଦ୍ ତୁଆବାନ୍ ଆତାରନ୍‌ସା ରାଜି ତିଙ୍ଗ୍‌ଆରଡିଙ୍ଗ୍‌ଗେ । ବାର୍‌ବା ରେମୁଆଁ ବାଗୁଏବଗେ ଆରି ଝିଙ୍ଗ୍‌ଆ ରିଙ୍ଗ୍‌ଆ ତିଙ୍ଗ୍‌ତିଙ୍ଗ୍‌ଲା ଆମେକେ ଦସି ଆଡିଙ୍ଗ୍‌ରେ କଏଦ୍ ତୁଆନିଆ ବାଆରଗେ । ପିଲାତ ବାର୍‌ବାକେ ଆନ୍ତାରବିକେ । ଆରି ପିଲାତ ଜିସୁକେ ବାଗୁଏ ବିଃନ୍‌ସା ରେମୁଆଁଙ୍କ୍‌ନେ ତ୍ରିନିଆ ଅପେଃ ବିକେ ।

ଜିସୁକେ କୁରୁସନ୍ନିଆ ବାଗୁଏଃ ଆରକେ
(ମାତିଡ ୨୭:୩୨-୪୪; ମାରକ ୧୫:୨୧-୩୨; ଜହନ୍ ୧୯:୧୭-୨୭)

୨୬ ସନ୍‌ୟଇଙ୍ଗ୍ ଜିସୁକେ ବାଗୁଏଃ ନ୍‌ସା ନ୍‌ସା ତୁଂଝେଆରଗେ । ମେଇଂ ଝେନେ ବେଲା ଇନିବାନ୍ ପାଙ୍ଗ୍ ତିଙ୍ଗ୍‌କ୍ଲେ କୁରୁଣୀନେ ଶିମୋନକେ ଅବାଆରକେ । ମେଇଂ ଆମେକେ ତାଝିଂରେ ମେଁନେ ଆଡାତ୍ରା କୁରୁସ୍ ଆଡୁଙ୍ଗ୍ ଆରକେ ବାରି ଜିସୁନେ ପ୍ଲା ଝେନ୍‌ସା ଜବଡଜସ୍ତି ତିଙ୍ଗ୍‌ଆରକେ ।

୨୭ ଆରି ଜାବର୍ ରେମୁଆଁ ଗ୍ରିନିଆ ବଗ୍‌ରେ ଅଃଡିଙ୍ଗ୍‌କ୍ଲେ ସେଲାମ୍‌ସୁ ରେମୁଆଁଙ୍କ୍ ମେଁନେ ପ୍ଲା ଝେଏ ତିଙ୍ଗ୍‌ଗେ । ୨୮ ମାତୃରମ୍ ଜିସୁ ପୁଏରେଃ ଆଡେନ୍ ସେଲାମ୍‌ସୁଃ ରେମୁଆଁଙ୍କ୍‌କେ ବାସଙ୍‌କେ “ଏ ଜିରୁସାଲାମ୍‌ନେ ସେଲାମ୍‌ସୁଂ ! ନେଙ୍ଗ୍ ନ୍‌ସା ଆଅଃଗେପା । ପେଇଂ ନିଜେ ନ୍‌ସା ଆରି ନିଜେନେ ଗଡେଇଙ୍ଗ୍ ନ୍‌ସା ଅଁପା । ୨୯ ଏବେ ବେଲା ପାଙ୍ଗ୍‌ତିଙ୍ଗ୍‌କେ ଉଡିବେଲା ରେମୁଆଁଙ୍କ୍ ବାସଙ୍ଗ୍ ଆରଏ ସାମୁଆଁ ମୁଡି ସେଲାମ୍‌ସୁଂଇଙ୍ଗ୍‌ନେ ଗୋ ଗିସିଆ ଶ୍ଟୁ ମୁଡି ସେଲାମ୍‌ସୁଂଃ ଆଗାଗଡେ ଆରକେ, ମେଇଂ ଦନ୍‌ୟ । ମୁଡି ସେଲାମ୍‌ସୁଂଃନେ ଗୋ ଗିସିଆ ଜନମ୍ ଆଡିଙ୍ଗ୍‌କେ ଶ୍ଟୁ ଆରି ମେଇଂନେ ଜତନ୍ ଆଡିଙ୍ଗ୍‌କେ ଶ୍ଟୁ ମେଇଂ ଦନ୍‌ୟ । ୩୦ ତେନ୍ ଇଡିଂ ରେମୁଆଁଙ୍କ୍ କାଣ୍ଡାକେ ବାସଙ୍‌ଏ ନେନେ ଆଡାତ୍ରା ରେଃସ ଲଃ ରେମୁଆଁ ତାଆଁ କାଣ୍ଡାକେ ବାସଙ୍‌ଏ ଆନେକେ ତା ବିଃ । ୩୧ ତାଗ୍ଲା ସ୍ଲା ସୁନ୍‌ର୍ ନାକ୍ଲେ ବେଲା ଜଦି ମୁଇଙ୍ଗ୍ ଦେକ୍‌ରକମ୍ ଗଟେନେ ସାପା ଗଟେଏ ଆଡେନ୍ ନ୍‌ସୁଆର୍ ଝେଲା ମେଁନେ ଆଡିଙ୍ଗ୍ ଶ୍ଟୁ ।”

୩୨ ଜିସୁ ଏତେ ଗୁଏରେ ତଣ୍ଡ ବିଃନ୍‌ସା ଆରି ମ୍ବାୟା ତଙ୍ଗାରେକେ ଡିଗ୍ ତୁଙ୍ଗାବଆରକେ । ୩୩ ସାମୁଆଁ କପାଲ ମ୍ବିକ୍ରେ ଜାଗାନ୍ନିଆ ଜିସୁକେ ଆରି ମ୍ବାୟା ତଙ୍ଗାରେକେ ଡିଗ୍ ତୁଂଖେ ଆରକେ । ଆଡ୍‌ନିୟା ସନ୍‌ୟଇଂ ଜିସୁକେ କୁରୁସ୍ ନ୍ନିଆ ବାଗୁଏଃ ଆରକେ । ମେଇଂ ଆଡେନ୍ ତଙ୍ଗାରେ ମ୍ବାୟାବାନ୍ ମୁଇଂଜାକେ ଞ୍ଚିକ୍ତି ପାକା ବାରି ମୁଇଂଜାକେ ବେସ୍ୟାଃତି ପାକା ଆଃଡେଆକେ । ୩୪ ଜିସୁ ବାସଙ୍ଗକେ “ଏ ମ୍ବାଃ ଆବା ଜାଣ୍ଡେ ରେମୁଆଁଇଂ ଆନେଙ୍ଗ୍ ବାଗୁଏ ଆରୁଏ ତିଙ୍ଗକେ ଆମେଇଂକେ କେମା ଡିଗ୍ । ମାଡ୍‌ରମ୍ ମେଇଂ ମେନେ ତିଙ୍ଗାଆରଡିକ୍ରେ ଆଡେନ୍ ମେଇଂ ଆମ୍ୟାକେ ଶ୍ଟୁ” ସନ୍‌ୟଇଂ ଲେଟ୍‌ରିକ୍ କ୍ଲାଗ୍‌ରେ ଜିସୁନେ ସକା ବାଟା ଆରକେ । ୩୫ ରେମୁଆଁଇଂ ଆଡ୍‌ଅରିଆ ତଡିଆରେ ଜିସୁକେ କେଡିଂଆରଗେ । ଜିଉଦି ନେତାଇଙ୍ଗ୍ ଜିସୁକେ ଆଃଗ୍ୟାସ ତିଙ୍ଗାଆରଡିଂଗେ । ମେଇଙ୍ଗ୍ ବାସଙ୍ଗଡିଙ୍ଗ୍‌ଗେ “ଜଦି ମେଁ ପରମେସର୍‌ନେବାନ୍ ଜାରଲେଃଃକ୍ରେ କିସ୍‌ଟ ତେଲା ମେଁ ନିଜକେ ରକ୍ୟା ତିଙ୍ଗଲେ ।”

୩୬ ସନ୍‌ୟଇଙ୍ଗ୍ ଜିସୁ ଆଡାତ୍ରା ଆଃଗ୍ୟାସ ତିଙ୍ଗାଆରକେ ଆରି ଆମେକେ ଇଙ୍ଗ୍‌ରେ ଆରକେ । ମେଇଂ ଜିସୁ ଡାଗ୍‌ରା ପାଙ୍ଗକେ ଆରି ଆମେକେ ବୁରେଲେକ୍ରେ ରସ୍ ଆଜାରେଆରକେ । ୩୭ ସନ୍‌ୟଇଂ ବାସଙ୍ଗଆରକେ “ନାନେ ଜଦି ଜିଉଦିଇଂନେ ଇଃସାଙ୍ଗ୍ ତେଲା ନାନେ ନିଜେନେ ରକ୍ୟା ତିଙ୍ଗ ।”

୩୮ ମେଁନେ କୁରୁସ୍ ଆଡାତ୍ରା ଗୁଆର୍ ବ ଆରଗେ: “ଏ ଜିଉଦିଇଂନେ ଇଃସାଙ୍ଗ୍ ।”

୩୯ ଝେଡିଂକ୍ରେ ଦସି ମ୍ବାୟା ବିଡ୍ରେ ମୁଇଜା ଜିସୁକେ ନିନ୍‌ଆ ଆଡିଙ୍ଗ୍‌ରେ ବାଲିରରେ ଲାଗେକେ “ନାନେ ମେଁନେ କିସ୍‌ଟ ଶ୍ଟୁ? ତେଲା ନାନେ ନିଜକେ ରକ୍ୟା ତିଙ୍ଗ ଆରି ଆନେକେ ଡିଗ୍ ରକ୍ୟା ତିଙ୍ଗ ।”

୪୦ ମାଡ୍‌ରମ୍ ବିନ୍ ଦସି ମୁଇଂ ଆମେକେ ଝିଙ୍ଗ୍‌ରେ ବାସଙ୍ଗକେ “ନାନେ ମେଁନେ ପରମେସର୍‌କେ ଡିଗ୍ ନାବୁଟକେ ଶ୍ଟୁ? ନାଁ ତ ସମାନ୍ ତଣ୍ଡ ବାନାଲେଃକେ । ୪୧ ନାନେ ଆରି ନେଙ୍ଗ୍ ମ୍ବାୟା ତଙ୍ଗାରେ । ନେନେ ଦସ୍ ତିଙ୍ଗ ନେବଗେ । ତେସା ନେନେ ଜା ବାନେ ତଣ୍ଡ ନେନେ ଆଡେନ୍ ବା ନେଲେକେ । ମାଡର୍ ଏନ୍ ରେମୁଆଁ ତ ମୋଃଡିଗ୍ ଦସ୍ ଆଡିଙ୍ଗ୍‌କେ ଶ୍ଟୁ” ୪୨ ତେନ୍ ଇଡିଂ ଆଡେନ୍ ଦସି ମୁଇଙ୍ଗ୍ ଜିସୁକେ

ବାସଙ୍ଗକେ “ଜିସୁ ନାଁ ଉଡ଼ିବେଲା ଇଃସାଙ୍ଗ ବାବ୍ରେ ଆଣ୍ଡେ ପାଙ୍ଗଲା ଆଡେନ୍ ବେଲା ଆନେଙ୍ଗ ମନେ ନାଲ୍ଲଗ୍‌ଏ ।”

୪୩ ଜିସୁ ଆମେଇକେ ବାସଙ୍ଗକେ “ଅଁପା ନେଙ୍ଗ୍ ମେଁନେ ବାସଙ୍ଗଣ୍ଡିଂ ଆତାନ୍ ସଡ଼ । ଏଃକ୍‌ଆ ପେ ନେଙ୍ଗ୍ ଏଡେ କିଡ଼ ତୁଗ୍‌ଡିନିଆ ନ୍ନିଆ ପେଝେଟାଏ ।”

ଜିସୁ ଗୁଏନେ

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଜହନ୍ ୧୯:୨୮-୩୦)

୪୪ ଆଡେନ୍ ବେଲା ମୁଣ୍ଡେବେଲା ଡିଙ୍ଗ୍‌ଲେଗେ । ଆରି ସ୍ତ୍ରୀ ଆଡାରକିଗ୍‌କେ ଶୁ ମାଡ଼ରମ୍ ସ୍ତ୍ରୀ ଙ୍ଗି ଗଣ୍ଡା ଜାକ ସାପା ଏରିଆ ଡାକିଗ୍ ଡିଙ୍ଗ୍‌ଝେଗେ । ୪୫ ଆରି ମନ୍ଦିରନେ ପର୍ଦା ଆଡାଡା ବାନ୍ ବୁନ୍ଦେ ଜାକ ମ୍ପାର୍‌ବାଗ୍ ଡିଙ୍ଗ୍‌ରେ ସ୍ୟାଃ ଝେଗେ । ୪୬ ଜିସୁ କିରରେ ବାସଙ୍ଗକେ “ଅ ମ୍ପାଃ ଆବା ନେଙ୍ଗ୍ ନେଙ୍ଗ୍‌ନେ ଆମ୍ବା ଆନାକେ ବିଣ୍ଡିଂକେ । ଏନ୍ ବାସଙ୍ଗନେ ଇଡ଼ିଙ୍ଗ୍ ଜିସୁ ଗୁଏ ଝେଗେ !”

୪୭ ସେନା ନେଡା ଆଡ଼ିନ୍‌ୟା ମେଁନେ ଗଟେକେ ଆଡେନ୍ କେକେ ସିସେ ଏନ୍ ସାମୁଆଁ ବାସଙ୍ଗରେ ପର୍‌ମେସରକେ ପ୍ରସଂସା ଡିଙ୍ଗ୍‌କେ “ସଡେଆ ଏନ୍ ରେମୁଆଁ ମୁଇଙ୍ଗ୍ ନିମାଣ୍ଡା ରେମୁଆଁ ଲେଃଗେ !”

୪୮ ଗୁଲେ ରେମୁଆଁ ଆକେନ୍ ଗଟ୍‌ନା କେନ୍‌ସା ଦେସ୍‌ବାନ୍ ତାର୍ ପାଙ୍ଗଲେ ଆରଗେ । ଆକେନ୍ ସାପା କେରେ ମେଇଂ ଜାବର୍ ଦୁକ୍ ଡିଙ୍ଗ୍ ଆରକେ ଆରି ଇଡ଼ିଙ୍ଗ୍ ମେଇଙ୍ଗ୍ ଗ୍ରିନିଆ ବଗ୍ ବଗ୍‌ରେ ତୁଆ ଙ୍ଗି ଆରକେ । ୪୯ ଜିସୁନେ ମ୍ୟାଲେକ୍‌କ୍‌କ୍‌ ରେମୁଆଁଇଂ ଆରି ଆମେକେ ଗାଲିଲୀବାନ୍ ତୁର୍ ପାଙ୍ଗ୍‌ଆରଡିଙ୍ଗ୍‌କ୍‌କ୍‌ ଗୁଲେ ସେଲାମ୍‌ସୁଇଂ ଆଡ଼ଅରିଆ ଲେଃଗେ । ମେଇଂ କୁରୁସ୍‌ବାନ୍ ମ୍ଲୁତୁଆଁରେ ଆକେନ୍ ସାପା କେଆରଡିଙ୍ଗ୍ ।

୫୦ ଜିଉଦିଇଂନେ ଆରାମାତିଆନେ ମ୍ପାଇନିବାନ୍ ମୁଇଙ୍ଗ୍ ରେମୁଆଁ ଆଡ଼ଅରିଆ ଲେଃଗେ । ମେଁନେ ମ୍ପି ଯୋସେଫ୍ । ମେଁ ଦରମ୍ ଆରି ଜିଉଦି ମ୍ପା ସବାନେ ମୁଇଙ୍ଗ୍ ମ୍ପାଃ ଲେଃଗେ । ମେଁ ପର୍‌ମେସରନେ ରାଇଜ୍‌କେ ଉର୍ ଡିଙ୍ଗ୍‌ଗେ । ୫୧ ଯିହୁଦାନେ ଆରମାଥୁଆ ମ୍ପିକ୍‌କ୍‌କ୍‌ ଇନିନେ ଯୋଷେଫ୍ ଡାଗ୍‌ରେ ମୁଇଂ ରେମୁଆଁ ଲେଃଗେ । ମେଁ ମୁଇଂ ଦରମ୍ ଆରି ସନ୍‌ମାନ୍ ବ୍‌ବାଣ୍ଡେ ଲେଃଗେ ଆରି ଇସ୍‌ପର୍‌ନେ ରାଜ୍ୟ

☆ ୨୩:୪୯ ୨୩:୪୯ ଲୁକ୍ ୮:୨୩.

ପାଞ୍ଚନେକେ ଉର୍ ତିଂଗେ । ମ୍ନାଃ କୁକପାରନେ ମୁଇଂ ନେତା ଲେଃଲୀ
ଡିଗ୍, ମେଁ ମେଇଂନେ ନିସ୍ପତି ଆରି କାମ୍ ଏଃତେ ରାଜି ତିଂ ଆଲେଃଗେ
ଶ୍ଚୁ ।

ଜିସୁକେ ଗୁଡ଼ମୁନିଆ ଆତିବଆରକେ

(ମାତିଡ ୨୭:୫୭-୬୧; ମାରକ ୧୫:୪୨-୪୭; ଜହନ୍ ୧୯:୩୮-୪୨)

୫୭ ଯୋସେଫ୍ ପିଲାତ ତାଗରା ଝେତେ ଜିସୁନେ ଗାଗଡ଼େ
ସାଲ୍ୟାକେ । ୫୩ ତେସା ଯୋସେଫ୍ ଜିସୁନେ ଗାଗଡ଼େକେ କୁରୁସ୍
ଆଡାତ୍ରା ବାନ୍ ବୁନ୍ଦେ ଆଜାରକେ । ଆତେନ୍ ମୁଇଞ୍ ପାଟାଇ ଏତେ
ଆକୁଇ ବିଃକେ । ମେଁ ଜିସୁନେ ଗାଗଡ଼େକେ ତୁଂଝେତେ କଣ୍ଡାନେ
ବ୍ରି ଏତେ ଗଃବକ୍ଲେ ଅସେବାନ୍ ବେବଆର୍ ଆଃଡିଞ୍କ୍ଲେ ଗୁଡ଼ମୁନିଆ
ବଆରକେ । ୫୪ ଆତେନ୍ ଦିନ୍ ସୁକ୍ରା ଦିନ୍ ଲେଃଗେ, ପୁଣ୍ଡେନେ ଦିନା
ତାଗ୍ରା ପିଞ୍ଚା ତିଞ୍ଚାଗେ ।

୫୫ ମୁଡ଼ି ସେଲାମ୍ବୁ ରେମୁଆଁଇଂ ଜିସୁକେ ତୁରତେ ମେଇଂ ଏତେ
ଗାଲିଲୀବାନ୍ ପାଞ୍ଚଲେଗେ ମେଇଂ ଯୋସେଫ୍ନେ ପ୍ଲାପ୍ଲା ଝେଗେ ।
ମେଇଂ ଝେତେ ଗୁଡ଼ମୁ କେଆରକେ । ବିତ୍ରେ ଆଣ୍ଡିନେ ଜାଗାନ୍ନିଆ
ଗାଗଡ଼େ ବଆରକେ ଆତେନ୍ ଜାଗା ତିଗ୍ ମେଇଂ କେଆରକେ
। ୫୬ ତେନ୍ ଇଡ଼ିଂ ଆତେନ୍ ସେଲାମ୍ବୁ ରେମୁଆଁଇଂ ଜିସୁନେ
ଗାଗଡ଼େନ୍ନିଆ ଲାଗେ ବିଃନ୍ସା ବାସ୍ନାତୁ ଆର୍ମେ ନ୍ସା ଆଡ଼ବାନ୍ ତାର୍
ଝେଗେ । ଆରି ମେଇଂ ନିୟମ୍ ଇସାବରେ ପୁଣ୍ଡେନେ ଦିନା ମେଇଂ
ପୁଣ୍ଡେଆର୍କେ ।

୨୪

ଜିସୁ ଗୁଏତେ ତଡ଼ିଆନେ କବର୍

(ମାତିଡ ୨୮:୧-୧୦; ମାରକ ୧୬:୧-୮; ଜହନ୍ ୨୦:୧-୧୦)

୧ ସାନ୍ତାନେ ପରତୁମ୍ ଦିନ୍ ଝିରନ୍ତୁଗ୍ ଆତେନ୍ ସେଲାମ୍ବୁ
ରେମୁଆଁଇଞ୍ ଆଣ୍ଡିଅରିଆ ଜିସୁନେ ଗାଗଡ଼େକେ ବଆରଗେ ଆତେନ୍
ଜାଗାନ୍ନିଆ ପାଞ୍ଚଆରକେ । ମେଇଞ୍ ନିଜେ ଆରେ ବକ୍ଲେ ବାସ୍ନାତୁ
ସାଞ୍ଚେ ଆଃ ତୁଞ୍ପାଞ୍ଚ ବଆରଗେ । ୨ ଗୁଡ଼ମୁନିଆ ତାନେସା ମେଁନେ
ଗିଃଗାଃନେ ଗାଲିଅରିଆ ମୁଇଞ୍ ମ୍ନାନେ ବ୍ରି ତା ବ ଆରଗେ ।
ସେଲାମ୍ବୁ ରେମୁଆଁଇଂ କେକେ ଜେ ବ୍ରି ଗୁଣ୍ଡଲେ ଝେଲେକେ ।

୩ ତେସା ମେଇଙ୍ଗ ବିତ୍ତେ ଝେକେ । ମାତରୁ ମେଇଙ୍ଗ ଆଡ଼ଅରିଆ ମାପୁ ଜିସୁନେ ଗାଗଡ଼େକେ ଆଅବାଆକେ ଶୁ । ୪ ସେଲାମ୍ବୁୟୁଃ ରେମୁଆଁଇଙ୍ଗ ଆକେନ୍ ଗଟ୍‌ନା ବିସୟରେ ମେଃଠିଗ୍ ବୁଜେ ଆୟା ଆରକେ ଶୁ ଏନ୍ ଗଟ୍‌ନାରେ ମେଇଙ୍ଗ କାବା ଡିଙ୍ଗଝେଲେଃଆରକ୍ସେ ବେଲା ତାରକିଗକ୍ସେ ସକା ସଚେ ମ୍ବାୟା କିତଂ ଦୁଡ଼ ମେଇଂ ତାଗରା ତୁଆଁକେ । ୫ ସେଲାମ୍ବୁୟୁଃ ରେମୁଆଁଇଂ ଜାବର୍ ବୁଟ ଆରକେ । ମେଇଙ୍ଗ ମେଁଇଙ୍ଗନେ ବାଆଃ ଆବିଙ୍ଗ ଲେଃଃଗେ । ଆତେନ୍ ମ୍ବାୟା ଦୁଡ଼ ଆମେଇଂକେ ସାଲ୍ୟାକୁ ଆରକେ “ପେଇଙ୍ଗ ମୁଇଙ୍ଗ ମ୍ବାଲେଃଃକ୍ସେ ରେମୁଆଁକେ ଆକ୍‌ଅରିଆ ମେଁନ୍‌ସା ତୁରପେଡିଙ୍ଗକେ ? ଆକେନ୍ ତ ଗୁଏକ୍ସେ ରେମୁଆଁଇଂନେ ଜାଗା । ୬ ଜିସୁ ଆକ୍‌ଅରିଆ ଶୁ ମେଁ ଗୁଏଚେ ଆରି ମୁଇଙ୍ଗ ତର ଜିବନ୍ ଡିଙ୍ଗଚେ ତଡ଼ିଆଲେକେ । ମେଁ ଗାଲିଲୀଅରିଆ ଲେଃଃକ୍ସେ ବେଲା ଆପେକେ ମେଁନେ ବାସଙ୍ଗ ବକେ ଆତେନ୍ ପେଇଂନେ ମନେ ଲ୍ଲାଗ୍ କେଲାପା ? ୭ ଜିସୁ ବାସଙ୍ଗବକେ ଜେ ରେମୁଆଁ ଉଙ୍ଗଡେକେ ଦଦ୍ୟା ରେମୁଆଁଇଂନେ ତ୍ରିବାନ୍ କୁରୁସ୍‌ନ୍ନିଆ ବାଗୁଏଃ ନସା ସତେଆ ଆଃସାଃ ବିଃଆରଏ । ମାତରୁ ଆରି ଗୁଏଚେ ଜିରସି ଦିନା ଇଡିଙ୍ଗ ମ୍ବାଚେ ତଃଡିଆଏ ।”

୮ ତେନ୍ ଇଡିଂ ଜିସୁ ମେଁନେ ବାସଙ୍ଗ ବକେ ଆତେନ୍ ସାମୁଆଁ ସେଲାମ୍ବୁୟୁ ରେମୁଆଁଇଂ ଏଚେ ଆରକେ । ୯ ଆତେନ୍ ସେଲାମ୍ବୁୟୁଇଂ ରାଃଚ୍ୟା ଜାଗା ଆନ୍ତାରଚେ ଗୋମୁଇଂରୁଆ ସିସ୍ ଆରି ସାପାରେ ବିନ୍ ସାପାରେକେ ରାଃଚ୍ୟା ତାଗ୍ରା ମେଃଠନେ ଗଟେଲେକେ, ଆତେନ୍ ସାପା ମୁଇଂ ମୁଇଙ୍ଗ ଇସାବ୍ ଡିଙ୍ଗଚେ ଆମେଇଂକେ ବାସଙ୍ଗକେ । ୧୦ ଆତେନ୍ ସେଲାମ୍ବୁୟୁଇଂବାନ୍ ମଗଦଲାନି ମରିୟମ୍, ଯୋହାନା, ଜାକୁବନେ ଇୟାଙ୍ଗଡେ ମରିୟମ୍ ଆରି ବିନ୍‌ରେ ଲେଃଃଗେ । ଆକ୍ସେଇଂ ତାଗରା ଝେକେ । ସିସ୍‌ଇଂକେ ସାପା ବିସୟ ଆମ୍ୟା ବିଆରକେ । ୧୧ ମାତରୁ ବେବକ୍ସେ ସିସ୍‌ଇଂ ବାବେକେ ଜେ ଏନ୍ ସାପା ସେଲାମ୍ବୁୟୁ ରେମୁଆଁଇଂନେ ମନେ ବାବେକ୍ସେ ସାମୁଆଁ ତେସା ମେଇଂ ଅବିସ୍‌ବାସ୍ ଡିଙ୍ଗକେ । ୧୨ ମାତରୁ ପିତରୁ ତଡ଼ିଆକେ । ଏନ୍ ସାମୁଆଁ ସଡ଼ ଲେଃଃ ଶୁ ଆତେନ୍ କେନ୍‌ସା ମେଁ ଗୁଡ଼ମୁ ତାଗରା ଝିର ତୁଂଝେକେ । ମେଁ ବିତ୍ତେ କେକେ । ମାତରୁ ମେଁ କେବଲ୍ ଜିସୁ ଆଡ଼ାଡ଼ା ଆଃକୁଇ ବିବକ୍ସେ ସକା ସେକ୍‌ପୁଆଃ ଆଡ଼ ଅରିଆ କେକେ । ଜିସୁନେ ଗାଗଡ଼େ ଆଡ଼ଅରିଆ

ଆଲେକେ । ଜା ଗଟେ ଝେଲେକେ ଆଡ଼ବାନ୍ ମେଁ କାବା ଡିଙ୍ଗଟେ ନିଜେନେ ତୁଆ ଝିଗକେ ।

ମ୍ବାୟା ସିସ୍ ଇମ୍ବାୟୁ ଇନି ଝେ ଆରକେ
(ମାରକ ୧୭:୧୨-୧୩)

୧୩ ଆତେନ୍ ଦିନା ଜିସୁନେ ମ୍ବାୟା ସିସ୍ ଇମ୍ବାୟୁ ମ୍ବାନେ ଇନି ଝେଡିଙ୍ଗ ଆରଗେ । ଏନ୍ ଜାଗା ଯିରୁଶାଲାମ୍ ବାନ୍ ପ୍ରାୟ ଗୋମୁଇଁ କିଲମିଟର୍ ସୁ । ୧୪ ଜା ସାପା ଗଟେଲେକେ ମେଇଁ ଆତେନ୍ ବିସୟରେ ବାଲିରବାତା ତିଂଆରଡିଂଗେ । ୧୫ ଆତେନ୍ ସାପା ବିସୟ ମେଇଁ ବାଲିର ବାତାକେ ବେଲା ନିଜେ ଜିସୁ ମେଁଇଙ୍ଗନେ ତାଗରା ପାଙ୍ଗକେ ଆରି ମେଁ ଏତେ ଅଲେଙ୍ଗନେ ମୁଲେକେ । ୧୬ ମାତର୍ ଆତେନ୍ ମ୍ବାୟାକେ ଆତେନ୍ ବେଲା ଜିସୁକେ ମେଁ ସାମୁଆଁ ରକମ୍ ତିଗ୍ ସାମୁଆଃ ଆୟା ଆରକେ ଶୁ ୧୭ ତେନ୍ ଇଡିଂ ଜିସୁକେ ସାଲ୍ୟାକୁକେ “ପେଇଙ୍ଗ ଝେନେ ବେଲା ଜା ବିସୟରେ ବାଲିରବାତା ତିଙ୍ଗପେଡିଙ୍ଗକେ ?” ମ୍ବାୟା ଜାକ ଅଟକେ ଝେ ଆରଗେ । ମେଁଇଙ୍ଗନେ ସାମୁଆଁ ଜାବର୍ ଦୁକ୍ ନାଡିଙ୍ଗେ । ୧୮ ମେଁଇଙ୍ଗନେ ବାନ୍ କ୍ଲିୟପା ମ୍ବାକେ ରେମୁଆଁ ମୁଇଙ୍ଗ ଉତର୍ ବିକେ, “ପେ ଯିରୁଶାଲାମ୍ ନ୍ନିଆ ଲେକମ୍ୟାକେ ମୁଇଙ୍ଗ ମାତର୍ ରେମୁଆଁ ଜାଣେ କି ଜିରସି ଦିନା ବିତେ ଗଟେ ଝେଲେକେ ଗର୍ନାଇଁ ବିସୟରେ ମେଃଡିଗ୍ ଆମ୍ୟାକେ ଶୁ ୧୯”

୧୯ ଜିସୁ ଆମେଇଁକେ ସାଲ୍ୟାକୁକେ “ପେଇଙ୍ଗ ଆଣ୍ଡିନେ ଗର୍ନା ବିସୟରେ ବାସଙ୍ଗ ପେଡିଙ୍ଗ ?” ରେମୁଆଁଇଙ୍ଗ ଜିସୁକେ ବାଲିରକେ “ନାଜରିତାୟ ଜିସୁନେ ବିସୟରେ । ମେଁ ପରମେସର୍ ଆରି ରେମୁଆଁଇଁ ନ୍ସା ମୁଇଙ୍ଗ ମ୍ବାନେ ବାବବାଦି ଲେକେ । ମେଁ ଗୁଲୁଏନେ ବପୁ କାମ୍ ତିଙ୍ଗ ବଗେ ଆରି ବାସଙ୍ଗ ବଗେ । ୨୦ ମାତର୍ ନେଁନେ ମ୍ବାନେ ପୁଜାରି ଆରି ସାସନ୍ ତିଂଣ୍ଡେ ଆମେକେ ଗୁଏନେ ଡଣ୍ଡ ବିନ୍ସା ସରପେ ବିଆରଗେ ଆରି ଆମେକେ କୁରୁସ୍ନିଆ ବାଗୁଏ ଆରକେ । ୨୧ ମେଁ ଜାଣେ ଇଶ୍ରାୟେଲକେ ଆନ୍ତାର ବିଏ ତାଗଟେ ନେଇଙ୍ଗ ଆସା ତିଙ୍ଗନେବଗେ । ମାତର୍ ଆତେନ୍ ବେଲା ଆକେନ୍ ସାପା ଗର୍ନା ଗଟେ ଝେଗେ । ଆକେନ୍ ସାପା ଆନ୍ତାରଟେ ଏବେ ଜିସୁକେ ବାଗୁଏଟେ ଜିରସି ଦିନ୍ ବିତେ ଝେଗେ । ୨୨ ମାତର୍ ଏକେ ନେନେ

ଦଲ୍‌ନେ ଉଡ଼ିରୁଆ ସେଲାମ୍‌ସୁଅ ଆନେକେ ମୁଇଙ୍ଗ୍ କାବା ସୁଗୁଆ ସାମୁଆଁ ବାଲିରକେ । ଆଣ୍ଡିନେ ଗୁଡ଼ମୁନିଆ ଜିସୁନେ ଗାଗଡ଼େକେ ବ ଆରଗେ ଆତେନ୍ ଜାଗାନ୍ନିଆ ମେଇଙ୍ଗ୍ ଏଃକେ ବର୍ ଞ୍ଜିରନ୍ତୁର୍ ଝେଲେ ଆରଗେ । ୨୩ ମାତର୍ ମେଇଙ୍ଗ୍ ଆଡ଼ଅରିଆ ଜିସୁନେ ଗାଗଡ଼େକେ ଆଅବା ଆରକେ । ମେଇଙ୍ଗ୍ ଆଡ଼ଅରିଆ କିତଂ ଦୁଡ଼କେ ଦର୍ସନ୍ ଡିଙ୍ଗ୍ ବକ୍ସେ ସାମୁଆଁ ଡିଗ୍ ଆନେକେ ଆଣ୍ଡେଆରତେ ବାସଙ୍ଗକେ । କିତଂ ଦୁଡ଼ଇଂ ଆମେଇଂକେ ଜିସୁ ଜିବନ୍ ଲେଃକ୍ସେ ସାମୁଆଁ ଡିଗ୍ ବାଲିର ବଗେ । ୨୪ ତେନ୍ ଇଡ଼ିଂ ନେନେ ଦଲ୍ ବିଡ୍ରେ ବାନ୍ ଉଡ଼ିରୁଆ ଡିଗ୍ ଗୁଡ଼ମୁ ଡାଗରା ଝେକେ । ସେଲାମ୍‌ସୁ ରେମୁଆଁଇଂ ବାଲିର ସାମୁଆଁରେ ଗୁଡ଼ମୁ ଡିଗ୍ ମେଲା ଲେଃକେ ମେଇଙ୍ଗ୍ ବିଡ୍ରେ କେକେ ମାତର୍ ମେଇଙ୍ଗ୍ ଜିସୁକେ ଆଡ଼ଅରିଆ ଆଃଅଁ ବଆରକେ ଶୁ”

୨୫ ତେନ୍ ଇଡ଼ିଂ ଜିସୁ ଆତେନ୍ ମ୍ଲାୟାକେ ବାସଙ୍ଗକେ “ପେଇଂ ଉଡ଼ି ବକୁଆ । ବାବବାଦିଇଂ ଜା ସାପା ବାସଙ୍ଗବଗେ ଆତେନ୍ ସଡ଼କେ ବିସ୍‌ବାସ୍ ଡିଙ୍ଗ୍‌ପା ପେଇଂ ଉଡ଼ି ଅବିସ୍‌ବାସି । ୨୬ ଆକେନ୍ ସାପା ଦୁକ୍ ବାକ୍ସେ ଇଡ଼ିଂ ମେଁନେ ଗୌରବନ୍ନିଆ ଗିଃଗାଃନେ ମେଃନେ ମସୀହାନ୍ ଦରକାର ଲେଃକେ ? ୨୭ ତେନ୍ ଇଡ଼ିଂ ଜିସୁ ସାସ୍‌ରକ୍‌ନ୍ନିଆ ମେଁନେ ବିସ୍‌ୟରେ ମେଃନେ ସାପା ଗୁଆର୍ ବ ଆରକେ ଆତେନ୍‌ଇଂ ସାପା ମୁଇଂ ମୁଇଂ ଆଡ଼ିଙ୍ଗ୍‌ରେ ବୁଜେନେ ଲାଗେକେ । ଜିସୁ ମୋଗାନେ ପୁସ୍‌ତକ୍‌ବାନ୍ ମୁଲେତେ ବିନ୍ ବାବବାଦିଇଂ ଜାକ ସାପାରେ ମେଁନେ ବିସ୍‌ୟରେ ମେଃନେ ସାପା ବାଲିର ବଗେ ଆତେନ୍ ସାପା ବୁଜେ ବିକେ ।”

୨୮ ଆଣ୍ଡିନେ ଇନି ମେଇଂ ଝେନେ ଲେଃକେ ମେଇଙ୍ଗ୍ ଆତେନ୍ ଇନି ଡାଗରା ଝେଟାଆରକେ । ଜିସୁ ମେଇଂ ଏତେ ଦେକ୍‌ରକମ୍ ବେବଆର୍ ଡିଙ୍ଗ୍‌କେ ପକ୍‌ରୁଡ଼ରେ ଡିରକମ୍ ମେଁନେ ସେନ୍ତୁର୍ ଝେନେ ସୁଗୁଆ ବଡ଼ିଙ୍ଗକେ । ୨୯ ମାତର୍ ମେଇଂ ଜାବର୍ ଇକ୍‌ଟାରେ ଜିସୁକେ ବିକ୍ୟା ସାଲିଆ ଆରକେ “ନେନେ ଏତେ ଲେଃକେ । ସ୍ତ୍ରୀ ଡିଙ୍ଗ୍‌ଡିଙ୍ଗକେ ଦିନ୍ ଇର୍ଷ୍ ଡାନେ ବେଲା ଡିଂଝେଡ଼ିଂକେ ।” ତେସା ଜିସୁ ମେଇଂ ଏତେ ଲେନେସା ଡୁଆ ବିଡ୍ରେ ଝେକେ । ୩୦ ଜିସୁ ମେଁ ଏତେ ଚଙ୍ଗନ୍‌ସା କକେ । ମେଁ ତ୍ରିନିଆ ରୁଟି ସାକେ । ମେଁ ରୁଟି ଆଡ଼ଲା ଦନ୍‌ସବାଦ୍ ବିକେ ଆରି ରୁଟିକେ ଚିକ୍‌ଚି ଚିକ୍‌ଚିତେ ଆମେଇଂକେ ବିକେ । ୩୧ ଆତେନ୍

ବେଲା ଆତେନ୍ ମ୍ବାୟାନେ ମ୍ମୁଆଃ ରଃଝେକେ ଆରି ମେଇଁ ଜିସୁକେ ସାମୁଆଁ ଆରକେ । ମାତର୍ ଜିସୁ ମେଇଈନେ ସାମନାବାନ୍ଆ ମାୟା ଡିଙ୍ଗ୍ଝେକେ । ୩୨ ତେନ୍ ଇଡ଼ିଂ ମେଇଁ ମେଇଁମେଇଁ ବିଡ୍ରେ ବାଲିରବାତା ଡିଙ୍ଗ୍ଝାରକେ, “ଉଡ଼ିବେଲା ଜିସୁ ନେନେ ଏତେ ଗାଲିନିୟା ବାଲିରବାତା ତିଂଡିଙ୍ଗ୍ଝେ ଆରି ସାସ୍ତୁରନେ ସଂସାରନେ ନିମାଣ୍ଡା ଅର୍ତ ଆବୁଜେ ଡିଙ୍ଗ୍ଝେ ଆତେନ୍ ବେଲା ନେନେ ମନ୍ ବିଡ୍ରେ ସୁଆ ତୁଆଚେ ତଡ଼ିଆକେ ସୁଗୁଆ ମନେ ଡିଙ୍ଗ୍ ଡିଙ୍ଗ୍ଆଡ଼ିଙ୍ଗ୍ ?”

୩୩ ତେନ୍ ଇଡ଼ିଂ ମେଇଈ ତଡ଼ିଆ ଆରକେ ଆରି ଯିରୁଶାଲାମ୍ ପାକା ଆଣ୍ଡେ ଝେକେ । ଯିରୁଶାଲାମ୍ନିଆ ମେଇଈ ଜିସୁନେ ଗୋମୁଇଁ ରୁଆ ସିସ୍ଝକେ ଆରି ବିନ୍ ସିସ୍ଝକେ ମୁଇଁନୁଗ୍ ରିସିଙ୍ଗ୍ ଲେଃନେ କେକେ । ୩୪ ସିସ୍ଝକେ ଆରି ବିନ୍ ସିସ୍ଝକେ ବାସଙ୍ଗ୍ଡିଙ୍ଗ୍ଝେ “ପକ୍ତରେ ମାପୁ ରୁଏଚେ ତଡ଼ିଆ ଲେଃକେ । ମେଁ ଶିମୋନକେ ଆଃସୁଏ ବକେ ।”

୩୫ ତେନ୍ ଇଡ଼ିଂ ଏନ୍ ମ୍ବାୟା ରେମୁଆଁ ଗାଲିନିୟା ଜା ସାପା ଗଟେ ଲେଃଗେ ଆତେନ୍ ସାପା ମେଁ ସେନୁଗ୍ ବାସଙ୍ଗ୍ଝେ ମୁଲେକେ । ମେଇଁ ବାସଙ୍ଗ୍ଆରକେ, ଜିସୁ ରୁଟି ବୁଟନେ ବେଲା ମେଇଁ ଡିରକମ୍ ଜିସୁକେ ସାମୁଆଁ ଯାଆରକେ ।

ଜିସୁ ନିଜର୍ ସିସ୍ଝକେ ଦର୍ସନ୍ ବିକେ

(ମାଡ଼ିଉ ୨୮:୧୬-୨୦; ମାର୍କ ୧୬:୧୪-୧୮; ଜହନ୍ ୨୦:୧୯-୨୩; ପ୍ରେରିଡ୍ ୧:୬-୮)

୩୬ ଏନ୍ ମ୍ବାୟା ଏନ୍ ସାପା ସାମୁଆଁକେ ବାସଙ୍ଗ୍ଝେ ବେଲା ନିଜେ ଜିସୁ ସିସ୍ଝକେ ମଜେ ତୁଆଁ ଲେଃଗେ । ଜିସୁ ଆମେଇଁକେ ବାସଙ୍ଗ୍ଝେ “ପେଇଁ ଆଡ଼ାଡ଼ା ସାନ୍ତି ଡିଙ୍ଗ୍ଲେ ।”

୩୭ ଆଡ଼ବାନ୍ ସିସ୍ଝକେ ଇରିଆତୁଗ୍ ଝେଆରଗେ । ମେଇଁ ବୁଟଆରକେ । ମେଇଈ ବାବେଆରକେ ଜେ ମେଇଁ ମୁଇଈ ସେଆଁରେ କେଆରଡ଼ିଙ୍ଗ୍ । ୩୮ ମାତର୍ ଜିସୁ ବାସଙ୍ଗ୍ଝେ “ପେଇଁ ମେଁନ୍ସା ତାୟା ଡିଙ୍ଗ୍ଝେ ଲଃପେଲେ ? ଜା କେପେଡ଼ିଙ୍ଗ୍ ଆଡ଼ବା ମେଁନ୍ସା ସନ୍ଦେଅ ଡିଙ୍ଗ୍ଝେପେଡ଼ିଙ୍ଗ୍ ? ୩୯ ନେଙ୍ଗ୍ ତ୍ରିନିଆ କେଲା । ନେଙ୍ଗ୍ ଅନିଆ କେଲା । ଏନ୍ ନେଙ୍ଗ୍ ! ଆନେଙ୍ଗ୍ ଲିଗ୍ ପେଇଁ କେଲାପା ଜେ ନେଙ୍ଗ୍ନେ ଏନ୍ ଜିବନ୍ନେ ଗାଗ୍ଡେ । ପେଇଈ ଆନେଙ୍ଗ୍କେ

ଡିରକମ୍ କେପେଡ଼ିଙ୍ଗ୍ ମୁଇଙ୍ଗ୍ ବୁଡ଼ନେ ଚିଲି ଆରି ଖିୟା ଦେଡ଼ ରକମ୍ ଗାଗଡ଼େ ଆଡେନ୍ ଶୁଅ”

୪୦ ଜିସୁ ଆମେଇଂକେ ଏନ୍ ସାମୁଆଁ ବାଲିର୍ ମେଁନେ ତ୍ରି ଆରି ଖିନେ ଚିନା ସାପା ଆସୁଏକେ । ୪୧ ସିସ୍ଇଂ ବକୁଆ ଡିଙ୍ଗ୍‌ଝେଗେ । ମେଇଂ ଜିସୁନେ ଗାଗଡ଼େକେ କେତେ ଜାବର୍ ସାଦା ଡିଙ୍ଗ୍‌ଆରଗେ । ତେଲାଡିଗ୍ ମେଇଂ ଜା କେଆରକେ ଆଡେନ୍ ଅବିସ୍‌ବାସ୍ ଡିଂଆରକେ । ଜିସୁ ଆମେଇଂକେ ବାସଙ୍ଗକେ “ପେଇଙ୍ଗ୍ ଡାଗରା ମେଠଡିଗ୍ ଚଙ୍ଗ୍‌ନେ କାଦି ଲେଃକେ କି ?” ୪୨ ମେଇଂ ଜିସୁକେ ହୁଏକ୍ଲେ ଆଡ଼ ବିକେ । ୪୩ ସିସ୍ଇଂ କିକେନେ ବେଲା ଜିସୁ ଆଡ଼ ହୁଏକ୍ଲେ ଚଙ୍ଗକେ ।

୪୪ ବାରି ମୋଶା ଆରି ସରଡେ ବାବବାଦିଙ୍ଗ୍‌ନେବାନ୍ ଆରାମ୍ ଡିଂରେ ସାପା ସାସ୍ତୁରନେ ବିସ୍‌ୟରେ ବୁଜେ ବିକେ । ମେଁନେ ବିସ୍‌ୟରେ ଜା ସାପା ଗୁଆର୍ ବକେ ଜିସୁ ଆମେଇଂକେ ସାପା ବୁଜେ ବିକେ ।

୪୫ ତେନ୍‌ଇଡ଼ିଂ ଜିସୁ ସିସ୍ଇଂକେ ସାପା ଦରମ୍ ସାସ୍ତୁରନେ ସାମୁଆଁ ବୁଜେ ଯାଆରଏ ଆଡେନ୍‌ସା ମେଁଇଙ୍ଗ୍‌ନେ ବୁଦି ସୁଗୁଆ କାପାଟ୍ ରଃବିକେ । ୪୬ ଜିସୁ ଆମେଇଂକେ ବାସଙ୍ଗକେ “କିସ୍‌ଟକେ ବାଗୁଏଃ ବିଆରଏ ଆରି ଗୁଏକ୍ଲେ ଜିରସି ଦିନା ଇଡ଼ିଙ୍ଗ୍ ଆରି ମେଁ ଜିବନ୍ ଡିଙ୍ଗ୍‌ରେ ଡଡ଼ିଆନେ ସାମୁଆଁ ଗୁଆର୍ ବକେ । ୪୭ ଆରି ଯୀରୁଶାଲାମ୍‌ବାନ୍ ଆରାମ୍ ଡିଙ୍ଗ୍‌ରେ ସାପା ଜାଡି ଡାଗ୍ରା ମେଁନେ ମ୍ଲି ସାଚେ ପାପ୍‌ବାନ୍ ଉଦାର୍ ବାନ୍‌ସା ମନ୍‌କେ ଆଃବକ୍ଲେ ନ୍‌ସା ମାପୁନେ ସାମୁଆଁ ବାଲିର୍ ଅଲେଙ୍ଗ୍ ଆରଏ । ୪୮ ପେଇଂ ଏନ୍ ସାପା ବିସ୍‌ୟରେ ସାକି ପେଲେ । ୪୯ ଅପା ନେଙ୍ଗ୍‌ନେ ଆବା ଆପେକେ ମେଁନେ ବିଃନ୍‌ସା ପାରମାନ୍ ଡିଂବକେ, ସାପା ଗଟେକ୍ଲେ ଗଟ୍‌ନାଇଂ ମନେ ଆଜ୍ଜାଗ୍ ବିଃନ୍‌ସା ବିଃକେ, ନେଙ୍ଗ୍ ଆଡେନ୍ ପେନ୍ନିଆ ମେଏ । ମାଡର୍ କିଡ଼ଂବାନ୍ ଆଡେନ୍ ବପୁ ଆପାଙ୍ଗ୍ ଜାକ ଆକେନ୍ ଇନିନ୍ନିଆ ପେ ଉର୍‌ଚେ ଲାଃଲାପା ।”

ଜିସୁ କିଡ଼ଂଇନିନ୍ନିଆ ଆଣ୍ଡେ ଝେକେ

(ମାରକ ୧୬:୧୯-୨୦; ପ୍ରେରିଡ଼ ୧:୯-୧୧)

୫୦ ✨ଜିସୁ ମେଁନେ ସିସ୍ଇଂକେ ଯିରୁଶାଲାମ୍‌ବାନ୍ ବେଅନାନ୍ନିଆ ଝେନେ ଗାଲି ଜାକ ଆଃଅଲେଙ୍ଗ୍ ହୁଙ୍ଗ୍‌ଝେକେ । ଜିସୁ ମେଁନେ ତ୍ରି

ଚକେଚେ ସିସ୍ତଂକେ ଆସିର୍ବାଦ୍ ବିକେ । ୫୧ ଜିସୁ ଆମେଇଂକେ ଆସିର୍ବାଦ୍ ବିଝନେ ବେଲା ମେଁ ସିସ୍ତଂନେ ଡାଗ୍ରାବାନ୍ ବିନେ ଡିଙ୍ଗ୍‌ଝେଗେ ଆରି ଆମେକେ କିତଂ ହୁଂଝେକେ । ୫୨ ସିସ୍ତଂ ଆଡ଼ଅରିଆ ଆମେକେ ପୁଜା ଡିଙ୍ଗ୍‌ଆରକେ ଆରି ମେଇଂ ଜାବର୍ ସାର୍ଦାରେ ଯିରୁଶାଲାମନ୍ନିଆ ଆଣ୍ଡେ ଝେଗେ । ୫୩ ମେଇଂ କାଲାଆଃ ମନ୍ଦିର୍ନିଆ ଲେଃଚେ ପରମେସର୍ନେ ପ୍ରସଂସା ଡିଙ୍ଗ୍‌ଆରକେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c